

ANALECTA ALGOLOGICA.

OBSERVATIONES DE SPECIEBUS ALGARUM MINUS COGNITIS

EARUMQUE DISPOSITIONE.

AUCTORE J. G. AGARDH.

CONTINUATIO I.



LUNDÆ 1894.

FORMIS BERLINGIANIS.

Analecta Algologica.

Observationes de Speciebus Algarum minus cognitis earumque dispositione.

Auctore

J. G. AGARDII.

Continuatio I.

De Dictyoteis

curae posteriores.

Satis inter Algologos constat Thuretium statuisse familiam illam Dictyotearum, qualem olim instituerat Greville, et quoad characteres et quoad limites omnino esse reformandam: expulsis nimirum Cutleria, Asperococco aliisque, quæ una cum multis aliis Familiam quandam Phaeosporarum constituerent, ipsam Dictyotearum familiam ad pauciora quædam Genera esse restringendam urgebat. Hanc dispositionem adhuc in recentissimo opere sequi videtur Bornet. Phæosporeas propagari Sporidiis mobilibus, Dictyoteas autem (his destitutas) esse dignoscendas Antheridiis, fructibus duplicis generis et Sporis magnis immobilibus, Thuretium assumisse quoque constat. Familias his characteribus creatas ita postea agnovit Reinke, propriis observationibus fultus, ut formas plures, quas Dictyoteis retulerat Greville, ad propriam quandam Cutleriacearum familiam pertinentes statuerit. Sporidia in his vidit mobilia et hæc duplices quidem generis: alia majora demum germinantia, alia minora, quæ ex observationibus esse foecundantia facilius assumerentur. Sporidia, hoc modo diversa, in partibus invicem paulisper diversis evoluta observavit. Ex altera parte organa Dictyoteis propriis characteristica haud paucis observationibus illustravit.

Inter Genera, quondam ad Dictyoteas relata, differentias in partibus fructificationis adesse, vix quispiam hodie denegaret. Quæritur vero — deficientibus in longe plurimis Generibus observationibus, quibus dueentibus de functionibus organorum certius statuere liceat, — quoniam modo interpretanda sint organa in diversis Generibus observata; queritur an in omnibus Generibus, quae diversis Familiis admunerationt, ita convenientia organa, ut characteribus allatis probe dignoscantur Familiae. Si præcipuum characterem distinctionis in eo positum putares, quod in Cutleriaceis sporidia motu prædicta, in Dictyoteis sporas magnas immobiles generari statuerunt, animadvertere placet jam hodie cognitas esse observationes, quibus concludere liceat Sporidia motu prædicta quoque in Dictyoteis obvenire. Ita statuerunt fratres Crouan, se in Halyseri vidisse Sporidia, motu prædicta, erumpentia ex organis, quae Sporas sic dictas singulas constituere plurimi assumserunt. Si vero statueretur ipsam formam externam partium, in quibus evoluta fierent organa, diversis familiis characteristicam esse, fructus nempe in Cutleriaceis obvenire siliquæformes, in Dictyoteis vero induere formam, quam Sporis privam saepe judicarunt, animadvertere placet me in Taonia obervassem organa siliquæformia, ita simillima iis in Cutleriaceis observatis, ut icones collatas diversorum Generum vix invicem dignoscere licet. Si quispiam diceret in siliquis Cutleriacearum Sporidia mobilia contineri, nondum autem compertum esse cujusnam generis organa in siliquis Taoniæ continerentur, hoc sane concedere offerteret. Si vero ubique ex analogia judicamus, nescio quidem quare hoc loco non idem concessum videretur. Si quis denique, characterem inter Dictyoteas et Cutleriaceas diagnosticum quærens, statueret in ipso situ organorum fructificationis differentiam adesse; organa nimurum in Dictyoteis obvenire plus minus frondi immersa, saepe soros superficiales formantia, in Cutleriaceis vero organa fructifera generari in caespitulis filorum articulatorum supra frondem emersis, monere placet me obervassem in novo quodam Genere, quod hoc loco nomine *Microzoniac* descripsi, ejusmodi caespitulos supra paginam emersos, in quibus organa fructifera, sporas quoad formam aemulantia, obvenire vidi. Sive igitur *situm* organorum fructificationis, aut in soris frondem immediate obtegentibus, aut in caespitulis supra frondem emersis — sive *formam* organorum fructificationis, quæ aut utrieulos obovatos adparenter indivisos, aut siliquas articulato-areolatas referunt — sive denique *contentum* horum organorum, quem aut in sporidia mobilia, aut in sporas plures aut pauciores mutatum fieri observarunt, comparanti mihi nulli adparuerunt characteres fructificationis, quibus ex

una parte familiam quandam Cutleriacearum, ex altera familiam Dictyotearum dignoscere liceret. Genera, quae singulis his familiis pertinentia statuerunt, ita me judice invicem proxima nectuntur, ut Genera unius familie alia cum illis, alia cum his alterius familie proxima viderentur.

Si vero characteribus allatis insistere non liceat, queritur utrum aliis inventis characteribus dignoscerentur familie allatae, an novas forsitan creare opporteret familias, aliis limitibus circumscriptas; aut denique Genera omnia ita invicem affinia considerentur ut unicam familiam constituerent. Nulla facta Generum in diversas familias dispositione, patet polymorphiam quandam organorum fructificationis intra eandem familiam assumendam esse, quam comparatis aliis Fucoidearum familiis admodum insolitam putares, si non omnino inauditam diceres. Satis quidem constat Thuretium docuisse fructus in ipsis Generibus, quae ad suas Dictyoteas adnumeravit, esse duplicis generis, alias nempe esse sexuales, alios vero essexuales. Nullis vero experimentis hoc probatum fuisse scio. Potius forsitan dicere liceret eum raptum analogia, quam inter Floridearum spherosporas atque organa quadridivisa Dictyotae adesse putaverat, haec organa essexualia judicasse. Missis igitur aliis characteribus, quos ex positione organorum in diversis Generibus Dictyotearum deducere lieuisset, ea organa identica judicavit, quae divisione quaternaria congruentia eredit. Sporas igitur sic dictas singulas Dictyotae analogas habuerunt cum sporis in soros conjunctis Padinae et Halyseridis; quae omnia organa quadridivisa statuerunt. Praeter differentias, quae in dispositione earundem partium offerrent Genera, quae proxima considerarentur, patet de ipso charactere divisionis, quo niteretur differentia, alias esse aliorum observationes. Sporas in soro Dictyotae, quas indivisas statuerunt, jam antea quadridivisas observaverat Harvey, qui et icona data divisionem, modo peculiari factam indicaverat¹⁾; ejusmodi vero observationem, nulla præoccupatione theoriae factam, vix prætermittere liceat.

¹⁾ In icona a Harvey in *Phycol. Brit.* data *Dictyotæ dichotomæ* tum sporas singulas, quas signo dubii adposito indivisas dixit, tum sporas depinxit in sorum collectas elongato-ovatas, quarum divisionem quaternarium propria figura illustravit. Contentum nempe Sporæ elongatæ tum transversali divisione in 3 partes divisum, nempe unam basalem, alteramque terminalem, (utrasque singulas sporas constituentes); tum inter utrasque has intermedium partem directione longitudinali in geminas partes collaterales divisam pinxit. Si ita subdivisum non observaverit, nescio sane qua ducente analogia ita exposuerit. Inter Florideas nullum scio ejusmodi divisionis exemplum. Hodie autem mihi cognitum habeo, inter Fuaceas existere exempla hujusmodi divisionis sporarum.

In aliis organis, in quibus singulas Sporas in Halyseri contineri statuerunt, ipse contentum in globulos minutos plurimos divisum observavi; et Celeb:i Crouan ex iisdem organis sporidia motu praedita se erumpentia vidiisse statuerunt. In nonnullis organis Padinæ, quæ eum iis in Soro induciato identica credidit Reinke, contentum non quadridivisum, sed integrum ex apice utriuli emissum observavit. Si ex iis, quæ ipse vidi, judicare licet, non ægre conjicerem nonnulla organa, quorum contentum indivisum statuerunt, nimium juvenilia observata fuisse; et hoc modo fieri posse putarem nonnulla organa, quæ quoad naturam et functiones diversa statuerunt, ita adparuisse, quia sub diversis evolutionis stadiis observata fuerint.

Adeundi mihi opera Systematica recentissima¹⁾ adparuit dispositionem a Thuret et Reinke propositam adhue in his retineri, missis omnino observationibus, ex quibus sequi videretur characteribus allatis Ordines receptos distinguere non licere. Alios invenire characteres, quibus Dictyoteæ et Cutleriaceæ, limitibus indicatis distinctæ, dignoscerentur, mihi non licuisse confiteor. Restat, igitur, ut mihi videtur, inquirere an aliis ductis limitibus plures aut pauciores dignoscerentur familiae, in quibus singulis characteres plus minus mutati adesse viderentur.

Quicumque animo non præoccupato familias Algarum olivacearum comparaverit, ei vix non adpareat, Ectocarpæas, Chordarieas, Sporochnoideas, Laminarieas, jamjam receptas, invicem multo magis distinctas videri limitibus, quam Genera illa disrupta, quæcumque sint, quibus ordinem Dictyotearum creavit Greville. Sit ut novis factis observationibus, unum vel alterum Genus aliter disponendum esse adpareret, tamen in istis omnibus Typos diversos agnoscere hodie egomet vix dubitarem. Ejusmodi Typum proprium quoque in Dictyoteis Grevillei lubenter assumerem. Si quoque inter eas Dictyoteas, quibus familiam Dictyotearum condere voluerunt recentiores, et ea Genera, quæ una cum Cutleria ad Phæozooporeas suas retulit Thuret, variae adsint diversitates, omnia tamen hæc Genera invicem affinitate ita juneta putarem ut in omnibus membra unius ejusdemque familiae recognoscere maluissem.

Mihi ita Dictyoteas Grevillei ordinem — ne dicam Seriem — naturalem constituere consideranti, plures ejusdem Subordines — quas stadia evolutionis

¹⁾ Hauek duos ordines *Dictyotaccas* & *Phæozoospores* assumisit. Dictyotaceis *Dictyota*, *Tuonia*, *Padina* et *Dictyopteris* adnumerantur. Ad Phæozooporeas familias usque 10 ad numeravit, ad quas omnes reliquæ Alge olivaceæ (exceptis Fucaceis) referuntur. A Dictyotaceis, quæ Fucaceis proximæ disponuntur, Cutleriaceas longissime remotas dispositit.

diversa indicare putarem — instituendos esse lubenter assumerem; utrum vero sectionibus his characteres a me allati sufficiant, an aliis insistere opporteat, id ex observationibus mihi cognitis hodie vix dijudicatur. Quod attinet Genera, quae una cum Cutleria ad Phaeosporeas suas retulit Thuret, de quibus hodie scribere non in animo est, mihi non liquet utrum omnia ad Subordinem quendam Cutleriacearum referantur, an plures ejusmodi subordines inter has distinguere opporteret.

Ad ipsas Dictyoteas Thuretii 8 Genera relata et sequenti ordine a Bornet enumerata vidi: *Dictyota*, *Stoechospermum*, *Taonia*, *Spatoglossum*, *Lobospira*, *Zonaria*, *Padina*, *Dictyopteris* (*Etud. Phycol. p. 55*) Forsan credere liceat emm haec Genera ita affinia judicasse, ut ipso ordine nulla indicia Systematicæ eujusdam dispositionis eum dare voluisse assumeretur; mihi vero hodie haud paucas formas novas aut parum cognitas comparanti, adparuit inter haec Genera quoque obvenire differentias vix minoris momenti quam eae, quibus Cutleriaceas a Dictyoteis hodie distinguere liceat. Ut igitur formis his novis tum characteres, quibus dignoscantur, tum locum in systemate, quo proprie disponantur indicare liceret, mihi, jam tertia vice de Dictyoteis scribenti, opus fuit et revisionem quandam Specierum in nonnullis Generibus suscipere, et ipsos characteres Generum novo examini subjicere; et ex characteribus hoc modo inventis opinionem quandam deducere de affinitate et dispositione Generum. Quod hac revisione didie, id in singulis infra allatis afferre conatus sum. Iam vero hoc loco pauca præmonienda afferre placet, ut intelligatur quomodo affinitates Generum inter se et subdivisiones familie conceperim.

Sequentes familias aut subordines lubenter hodie assumerem:

I ZONARIEÆ. Frondes aut in inferiore sua parte saepè prostratae et in superiore adscendentibus, aut totæ erectiusculæ complanatae, ambitu totius et diversarum partium plus minus conspicue flabellatis, rhythmice increcentes, lineis innovationis zonas concentricas separantibus. Cellulæ frondem constituentes sunt e regione positæ, series verticales inter paginas formantes, corticales in strias flabellatim radiantes longitudinaliter conjunctæ. In fronde, lineis innovationis saepè magis distantibus plus minus evidenter zonata, cryptostomata non adsunt propria, nec secus lineas innovationis paranemata formantur. Partes fructificationis in vicinia linearum innovationis evolutæ, tum maculas minores a superficie prominulas rotundato-oblogas aëmulantes — soros nimirum constituentes aut nudos, aut indusio tectos, utriculis fertilibus obovatis aut invicem

dense juxtapositis aut intermixtis paraphysibus clavato-filiformibus articulatis — tum antheridiis et zoosporangiis in eodem individuo evolutis constitutæ.

Genera sequentia his adnumeranda videntur:

† Fronde pleiostromatica:

* *Striis cellularum corticalium flabellatum radiantibus geminatis, geminis corticalibus singulas interiorum longitudinaliter obtegmentibus.*

Utriculis Sori nudis, paraphysibus nullis 1. GYMNOSORUS.

Soris indusio demum subelevato tectis, pa-

raphysibus utriculos stipantibus 2. ZONARIA.

** *Striis cellularum corticalium flabellatum radiantibus invicem aequa distantibus, singulis corticalibus singulas interiorum longitudinaliter obtegmentibus.*

3. HOMEOSTRICHUS.

†† Fronde distromatica

Cellulis corticalibus utriusque pagine invicem contiguis et e regione positis (interioribus nullis) 4. CHLANIDOTE.

Si jure Cutleriaceæ a Dictyoteis recentiorum dignoscerentur, quod applansu omnium factum videtur, et Cutleriaceis tum Cutleriam, tum Aglaozoniam et Zanardiniam pertinere jure statuerunt, Zonarieas (ante alias Dictyoteas) Cutleriaceis proximas dicerem. Characteres, quibus invicem dignoscerentur, tum in structura frondis, quæ in Cutleriaceis componitur cellulis alio modo, quasi magis irregulariter, dispositis, tum in partibus fructificationis, quæ cujuscumque sint formæ forsitan Sporidia motu prædicta generant. Sporidia vero in Cutleriaceis contineri videntur tum in utriculis supra paginam emergentibus verticalibus, tum in organis siliquæformibus articulatis et subpolysiphoneis (zoo-sporangiis); his saepe in cæspitulis, supra frondem provenientibus, filis articulatis plus minus ramosis constitutis.

Iis, qui urgerent familiam Cutleriacearum a Dictyoteis recentiorum esse magis absolute distinctam, animadvertere placet sporidia mobilia intra sporas sic dictas singulas in Halyseri generata a Fratribus Crouan observata fuisse; et contentum ejusdem organi in partes minutæ plurimas divisum memetipsum quoque vidisse. Si quis statuerit ipsum formam zoosporangiorum Cutleriaceis characteristicam esse, monere placet organa siliquæformia simillima in Taonia a me observata fuisse; atque his similia et forsitan analogæ quoque in aliis Padinearum Generibus adesse, id observationes plures infra allatas indicare putarem. Si denique cuidam videretur cæspitulos filorum fructiferos supra paginam emersos Cutleriaceis characterem præbere, quo dignoscerentur a Dictyoteis recentiorum, animadvertere placet me vidisse consimilem dispositionem in Specie olim ad Zonariam relata, quam vero hodie typum novi Generis *Microzonia* sistere credidi.

Si vero missis ejusmodi characteribus, forsan majoris momenti, Subordinem quendam Cutleriacearum inter Dictyoteas instituere placuerit, hanc dicerem ea continere Genera, a quibus proxime ad Zonarieas adscendere videntur haec Dictyotearum Genera.

II PADINEÆ. Frondes aut in inferiore sua parte prostratae, in superiore adscendentes, aut totæ erectiuseulae complanatae, ambitu totius et diversarum partium plus minus conspicie flabellatis, rhythmice increcentes, lineis innovationis zonas concentricas, saepe evidentiores, separantibus. Cellulae frondem constituentes ad normam distinctam invicem dispositæ, corticales in strias flabellatim radiantes longitudinaliter conjunctæ. In fronde, ita conspicue zonata, cryptostomata non adsunt; at secus lineas innovationis tum paranemata filiformia et articulata, tum organa fructificationis generantur, soros nunc sparsos et rotundatos, nunc in zonas concentricas conjunctos, nudos aut indusio tectos, aut paranematibus stipatos, formantia.

Genera sequentia his adnumeranda videntur:

- * *Cellulis corticalibus una cum interioribus e regione positis, series verticales, quasi per paria conjunctus, inter paginas formantibus.*

4. MICROZONIA.

- ** *Cellulis corticalibus subternatim longitudinaliter excurrentibus, ternis corticalibus singulis interiorum antepositis.*

5. STYPOPODIUM.

- *** *Cellulis corticalibus omnibus invicem æque distantibus, una cum interioribus series verticales subregularis inter paginas formantibus.*

6. LOBOPHORA.

7. TAONIA.

8. PADINA.

Quoad crescendi modum et structuram frondis Padineæ Zonarieis proximæ viderentur. Frondes flabellatim expansæ et rhythmice increcentes, zonis concentricis adhuc evidentioribus constituuntur. Lineæ innovationis quasi propriis functionibus induuntur, paranemata propriae indolis generantes, aut (uno tempore) sterilia, aut partes fructiferas bracteantia, et ipsa in organa indolis peculiaris transmutata.

Pluribus observationibus constare putarem organa fructificationis in Padineis adesse varii generis. Praeter organa, quæ in operibus recentiorum iis tribuuntur — quorum alia esexualia statuerunt, nomine tetrasporarum saepe designata, alia sexualia — oogonia et antheridia dicta — obveniunt organa et dispositione sibi propria et peculiaris structura certins dignoscenda, quæ me judice in hodierna dispositione systematica Generum prætermittere non licet.

In *Padina* haec organa prima vice a C. Agardh observata putarem, in Sp. Algarnm I p. 125 his verbis memorata: "ad fructum etiam pertinere videntur apiculi curvati fere

vermiculares nigri frondi adpressi." Eadem puto organa dein a Decaisne memorata (*Pl. de l'Arabie* p. 139), qui vero eadem (magis matura, me judice) ut filamenta clavæformia descriptis. In observationibus infra datis de Genere *Pudinæ* indicavi hæc organa non in pagina Sporis fertili, sed in aversa provenire, iisque esse structuram sibi propriam, quam cum organis siliquaformibus, quæ zoosporangia denominarunt, potissimum convenire. *Species Algarum* scribenti mihi eadem quoad naturam dubia adparuerunt, et signis dubii adpositis eadem nomine Antheridiorum designavi, et sporidia in iis contineri conjecei.

In *Taonia* præter zonas fructiferas, jamdudum cognitas, quoque utriculos — sporas forma sua æmulantes — obvenire per frondem sparsos, satis constat. Si hæc organa jure cum iis comparantur, quæ in aliis Generibus tetrasporas et oogonia nominarunt; si quoque constat antheridia sic dicta obvenire in iisdem individuis, in quibus sori fructiferi generantur; mihi quidem non liquet quasnam functiones attribuere restat organis siliquaformibus, quæ in eodem individuo una cum sporis sic dictis singulis generata vidi, si in his Zoosporangia agnoscere negarent. Hæc zoosporangiis, in Cutleriaceis obvenientibus, ita sunt quoad formam et structuram similia, ut hæc organa Taoniæ ab iis Zanardiniæ vix dignoscere liceret.

Præsentia horum organorum in *Taonia* et *Padina* concludere ausus sum, non licere, nisi invita natura, Cutleriaceas familiam considerare ab aliis Dictyoteis omnino distinctam.

III. SPATOGLOSSEÆ. Frondes erectiusculæ complanatae et elongatae furcato-decompositæ, segmentis ambitu definitis, linearibus aut oblongis, frondem expansione subflabellatam, lineis innovationis nusquam zonatam, formantibus. Cellulæ frondem constituentes *medianæ* secus longitudinem frondis excurrentes, nunc costam evidentem formantes: *intermediae* a regione mediana areuatim extrorsum deflexæ; *terminales* numerosæ flabellatim riantes. In fronde, ita contigue expansa, organa cryptostomatibus comparanda, per frondem sparsa saepè generantur. Organæ fructificationis triplicis generis adesse, eademque saepè in diversis Individuis obvenire, vix hodie dubium videretur; nimirum 1:o *Cellulae fertiles singulæ*, initio inter cellulas corticales quasi decumbentes, dein supra paginas emergentes nude et obovatae, quas sporas indivisas fovere olim statuerunt, denique vero maturas fovere sporidia motu prædicta assumere licet¹). 2:o *Sporæ* (sic dictæ) in soros variae formæ (nunc rotundatos, nunc secus longitudinem segmentorum elongatos, nunc fasciatos) demum nudos collectæ, in quibus sporas 4 contineri docuerunt²). 3:o *Antheridia* in soros ambitu definitos, supra superficiem emersos collecta, demum

¹) In *Dictyopteri* et *Spatoglosso* cellulas fertiles singulas continere sporas indivisas statuit Bornet (*Etud. phyc.* p. 55). Ipse vero in *Halyseri* cellulas fertiles singulas rite maturas continere observavi globulos plurimos rotundatos; et Fratres Crouan ex iisdem organis sporidia motu prædicta erumpentia se vidisse statuerunt.

²) Cfr. Bornet *Etud. phyc.* p. 56.

prismata verticalia densissime juxta-posita et mutua pressione angulata, pluribus articulis superpositis constituta efficientia.

His referto Genera: 9 *Spatoglossum*; 10 *Stoechospermum*; 11 *Halyseris*.

IV. DICTYOTÆ, Frondes in his increscent medeante cellula singula terminali; bifurcatione hujus cellulæ segmenta oriuntur dichotoma, (si quoque sub evolutione nunc alternantia adpareant) fere semper linearia, frondem expansione subflabellatam, lineis innovationis nusquam zonatam formantia. Si organa ad sint cryptostomatibus comparanda, haec velut organa fructificationis per frondes sparsa obveniant. Cellulae frondem constituentes, secus longitudinem frondis excurrentes, terminales initialem versus cellulam convergentes. Organum fructificationis triplicis generis adesse, eademque saepe in diversis Individuis obvenire, vix dubium hodie videretur; nimirum 1:o *Cellulæ fertiles singulæ*, supra paginas demum emergentes nudæ, obovatae, quas ob contentum in 4 partes divisum tetrasporas nominavit Thuret¹⁾, quasque esexuales esse statuit. 2:o *Sporæ* in soros rotundatos, ambitu definitos, per frondem sparsos, supra paginam emersos et membrana sublevata obtectos (sæpe pustulæformes) conjunctæ, quas indivisas permanere statuit Thuret, et organa foeminea constituerè docuit²⁾. 3:o *Antheridia*, qualia juniora primus indicavit Thuret, rite autem matuscentia descripsit Reinke, in soros rotundatos ambitu definitos, supra superficiem emersos et membrana sublevata obtectos (sæpe pustulæformes) collecta, demum prismata verticalia densissime juxtaposita et mutua pressione angulata, pluribus articulis superpositis constituta.

His referto Genera: 12. *Dictyota*; 13. *Pachydictyon*; 14. *Dilophus*; 15. *Glossophora*; 16. *Lobospira*.

I. *Gymnosorus. Gen. nov.*

Frons plana, saepe a parte inferiore prostrata adscendens, plus minus multifida et rhythmice increscens, sparsim subzonata, segmentis terminalibus flabellata; cellulæ corticalibus a facie strias longitudinales geminatim juxtapositæ flabellatim radiantes formantibus, interioribus pleiostromaticis e

¹⁾ In *Dictyota furcellata* me vidisse organa, sporis sie dictis singulis ut putarem identica, in quibus contentum in globulos minores divisum observavi, quos demum sporidia motu prædicta constitnere, forsitan quispiam assumeret; hoc loco meminisse placet.

²⁾ Sporas has modo peculiari quadridivisas a Harvey depictas fuisse jam supra monui.

regione positis, extinis geminas corticales sustinentibus. Sori supra paginam (superiorem) prominuli, rotundati aut oblongi, subzonatim dispositi nudi, cellulis fertilibus obovatis intra perisporium hyalinum sporas (?) sub-octonas generantibus. (*Tab. I fig. 1—2*).

Quoad structuram frondis species hujus Generis a Zonariis propriis vix recedunt, nisi intimas cellulas paulisper diversas, proprium stratum formantes judicare placeat. Intimas nimurum cellulas, sectione transversali observatas, proxime exterioribus aequa latas vidi, at contentu saepe paulisper diversas et verticali directione (paginas versus) nunc usque duplo altiores. Una cum his cellulis intimis cellulae intermediae pleiostromatiae et eandem latitudinem servantes, sunt omnes e regione positae. Ante extimas harum singulas geminae cellulae corticales normaliter antepositae generantur.

In fronde flabellata *Zonaria variegata* soros in zonas concentricas dispositos pinxit Martius; me quoque tendentiam ad ejusmodi dispositionem observasse, animadvertere placeat; soros autem minores vidi, et zonas ut mihi adparuit minus regulares formantes. Mihi autem paucissima specimina inter plurima, quae ex diversis locis natalibus habui, rite fructifera adfuise confiteor. Soros vidi revera multo minores et in una specie ambitu magis rotundatos, in altera oblongos et secus longitudinem frondis elongatos, utrosque nudos, nullis nec indusii nec paranematum reliquiis. In soro adhuc juvenili *Z. variegata* vidi cellulas fertiles in seriebus cellularum corticalium immixtas et quasi decumbentes, atque sua forma a cellulis sterilibus vix nisi contentu obscuriore diversas. At ab hae positione (decumbente) dein surgentes, rupto ni fallor pariete cellulae generantis, erectiuseulae emergunt paulo adultiores sporae, sic dictae. Haec sporae adhuc juniores sunt linear-oblongae et adscendentia, sensim vero fiunt verticaliter erectae et rite obovatae, pedicello evidentiore suffultae; sectione transversali frondis facta adparuit unica cellulam ex geminis juxtaposisis sporam generare, altera sterili — et hoc modo spatiū sufficiens oriri sporis evolutis, ambitu transversali demum cellularum corticales geminas aequantibus. Organa haec omnino matura demum intra perisporium probe hyalinum globulos majores plures, invicem evidenter secedentes, continere observavi; septem ejusmodi globulos evidentes numeravi, 8:as autem esse, conjicerem. His globulis nomen sporae reservandum putarem. Sporis demum emissis, perisporia (sporangiorum membranas?) numerosa collapsa vidi, paranemata autem propria nulla. Membranae cellularum generantium reliquias obsolescentes quoque observare eredidi, indusia vero propria nulla. Quae ita

observavi omnia Z. variegata spectant. In *Z. nigrescente* sorum nimium maturum (ut mihi adparuit) tantum observare contigit: in hoc nee reliquias indusii, nec paranemata vidi, sed sporangia nuda et conformia; snaudente vero habitu et structura frondis quoque soros congruere facilius conjicerem. Quod attinet ipsam formam sori, hanc vidi seens longitudinem frondis magis elongatam, oblongam; in superficie subnitente frondis maculam nitore destitutam referentem.

Comparanti mihi structuram sori supra descriptam, cum ea quam Zonariae speciebus typicis characteristicam putavi — in quibus indusia in soro juniore elevato adhuc plus minus persistunt, et hoc demum dejecto paranemata proprii indolis proveniunt sporas sic dictas stipantia —; et perpendenti mihi quoque sporas mutato quasi ordine et numero a cellulis corticalibus provenire, vix dubium adparuit his differentiis Genericos typos diversos indicari¹⁾. Si assumere liceret in Zonariis, ut in multis aliis Dictyoteis, organa fructifera generari duplicis generis, forsan crediderit quispiam differentias inter Zonarias et Gymnosoros a me observatas in hunc finem interpretandos esse. Contra ejusmodi interpretationem vero animadvertere liceret in nulla specie earum, quae ad Zonarias proprias retuli, duplicis generis fructus hucusque observatos fuisse, quamquam numerosa specimina fructifera harum in herbariis adesse constat.

Species sequentes ad Gymnosorum referendas esse putavi:

1. G. VARIEGATUS (*Dictyota variegata* Lam. *Ess. tab. V fig. 7.* *Zonaria variegata* Mert. in Mart. *Icon. Crypt. tab. II fig. 2.* J. Ag. *Bidr. Alg. Syst. I p. 46 & II p. 119.* *Stylopodium fissum* Kütz. *Tab. phyc. vol. IX tab. 64.* *Stylopodium laciniatum* ibm.)

Specimina plurima, quae ex littoribus diversis oceani atlantici provenientia vidi, non minus diversis nunc insignita, ad eandem speciem pertinere vix dubito. Alia specimina ex Oceano Indico — ex Ceylona aliisque locis — fronde magis evoluta insignia, magis dubia mihi adparuerunt. Adsunt formae *Z. lobatae* minores, quae cum *Z. variegata* commutata fuisse, facilius conjicerem.

- 2? G. COLLARIS *Zonar. collaris* C. Ag. (cfr. *J. Ag. Bidr. Alg. Syst. II p. 129 in not.*) *Kütz. Tab. phyc. Vol. IX tab. 76.*

Species mihi tantum unico specimine Herbarii C. Ag. cognita, crassitie insigni dignoscenda; mihi adhuc nimium dubia.

¹⁾ Bornet (*Etud. phyc. p. 57*) jam indicavit soros Zonariae variegatae & Zonariae lobatae differre ab iis aliarum specierum Zonariae defectu paranematum.

3. G. NIGRESCENS (*Zon. nigrescens Sond.*); *J. Ag. Bidr. Alg. Syst I p. 46.*
Spatogl. nigrescens Kütz. Tab. Phyc. vol. IX tab. 49.

Quamquam plurima hujus vidi specimina, plantam bene fructiferam observare, mihi nondum contigisse doleo. Nec ab alio fructus illustratos fuisse scio. Sori in unico specimine parce fructifero quod observavi, secus longitudinem frondis elongati oblongi, maculam obscuriorem in fronde sterili paulisper nitente referunt.

II. Zonaria.

Satis constat Dictyoteas plurimas recentiorum olim duobus Generibus (*Dictyota* & *Padina*) comprehensas fuisse; haec vero Genera, utpote characteribus allatis vix dignoseenda, a C. Agardh in unicum Genus *Zonariae* coniuncta fuisse. Greville dein Genera priora restituens, sub nomine *Zonariae* nullam speciem retinuit, utrique vero Generi species plures dubias adjunxit. Contra limites Generum a Grevilleo ductos, primus, ni fallor, observationes quasdam afferre ausus sum, statuens characteres *Padinae* datos paucis revera — et tantum *P. pavoniae* proximis speciebus convenire (*Linnæa Bd. 15. 4 hst. p. 444*). In *Zonaria variegata*, *Z. flava*, *Z. interrupta* zonas concentricas (si quidem adsint) longe diversæ naturæ videri, quam in *Padinae* veris speciebus; et soros ipsos in his speciebus esse per frondem sparsos. Structuram quoque esse diversam dixi; cellulas nempe superficiales in *Padina* ut in *Dictyota* esse æqualiter undique adproximatas et indivisas; in *Z. flava* vero et afnibus cellulas superficiales in 4 cellulas evidenter divisas, et partes illas quaternas invicem summopere adproximatas a cellulis vicinarum serierum discretas adparere, unde frons in his ultimis speciebus evidentius radiatim quam concentrica zonata observatur. Speciebus hac structura instructis Genus *Zonariae* refinendum putavi. His fere characteribus Genus *Zonariae* a plurimis adoptatum fuisse constat.

Species, quæ Genus *Zonariae* ita reformatum constituerent, habitu quoque proprio sat congruentes adparuerunt; hinc habitu ducente species haud paucas novas ad Genus *Zonariae* referre vix dubitarunt; quamquam fructus in multis adhuc ignoti permanserunt et minores, quæ adfuerunt structuræ diversitatem, aut non observatae aut minoris momenti consideratae fuerunt. Mihi igitur Species *Zonariae* Generis iterum examinanti adparuit plures diversos Typos intra limites *Zonariae* admissos fuisse, quos probe distinguere eo potius e re esse

putavi, quum dubitare licet an omnes invicem revera ita affines sint, ut nova iis indicata Genera invicem proxima disponantur¹⁾.

Ad Genus proprium Zonariæ sequentes species refero:

* *Frondibus a parte inferiore decumbente et radicante adscendentibus (cellulis corticalibus strias geminatas flabelliformiter radiantes omnesque conformes formantibus).*

1. ZON. DIESINGIANA J. A. Sp. Alg. p. 109.

Postquam in *Bidr. Alg. Syst. II* p. 46 dubia quædam attuli de diversitate hujus speciei & *Zon. variegatae*, specimina numerosa et fructifera comparare licuit, quibus patet species has esse invicem sat diversas, et me judice ad diversa Genera pertinentes. *Z. Diesingianam* vidi multo magis subdivisam, longitudine 2–3 pollicarem; soros vidi bene evolutos rotundatos, iufra margines segmentorum adultiorum, a quibus segmenta nova prolificantia generantur, saepe adproximatos, constantes tnu cellulis fertilibus (*Sporis?*) obovatis, in pedicellum angustiorem attenuatis, tum intermixtis paranematibus, inferne cylindraceis, superne paucis articulis oblongis superatis; reliquias indusii subdissoluti quoque videre credidi.

** *Frondibus erectis inferne costatis, ala conspicue tenuiore sursum marginatis, segmentis superioribus totis ecostatis (cellulis corticalibus strias geminatas flabelliformiter radiantes omnesque conformes formantibus).*

2. ZON. CRENATA J. Ag. *Bidr. Alg. Syst. II* p. 48.

Costa nulla segmenta superiora percurrit, sed striæ in toto segmento terminali flabellatim excurrunt conformes. Qua nota ad *Z. flavam* accedit.

3. ZON. FLAVA (Clem.) J. Ag. *Bidr. Alg. Syst. II* p. 49.

*** *Frondibus erectis sat conspicue et fere usque ad segmenta suprema costatis, ala parum tenuiore marginatis, costa cellulis longitudinaliter seriatis striata, marginibus cellulis extrorsum arcuatim deflexis radiatis.*

4. ZON. INTERRUPTA (Lamour Ess.) J. Ag. *Bidr. Alg. Syst. II* p. 47.

Costa evidens usque ad segmenta penultima continuari videtur; extra hauc regionem costalem sori rotundato-oblongi utrinque disponuntur sparsi, media sori parte obscuriore; peripherica, ni fallor, præcipue paranematibus occupata. Nunc vidi eundem sororum una parte quasi vernice obducta constare sporis et paranematibus una cum indusio quasi conglutinata.

¹⁾ Nescio quibus principiis ductus, Kützing nomen Padinæ rejecit et Padinis aliorum nomen Zonariæ retinuit. Zonariis igitur nostris nomina nova *Stylopodium* et *Phycopteris* proposuit. Inter Stylopodia tum Taonias, tum Zonarias enumeravit; et inter Phycopterides species structura quoque diversas introduxit. Certos Generum characteres et limites ei defuisse patet. Genera, quæ hodie proposui, et quoad characteres et quoad limites a Kützingianis diversa.

natis; altera parte quasi puberula constare paranematibus usque duplo longioribus quam cellule fertiles eximie pyriformes; contentum harum intra perisporium hyalimum in plures partes divisum oliservare credidi, at divisionis modum percipere nequivi.

5. ZON. TURNERIANA *J. Ag. Bidr. Alg. Syst. II p. 48.*

Hanc speciem Novae Hollandiae ab anteriore Capensi sat distinctam esse, non dubito. Costa in utraque fere eodem modo frondem percurrit. Sori in regione extra hanc generantur, nunc fere usque ad costam adscendunt. Soros *Z. Turnerianæ* vidi in pagina convexiuscula laciniarum elevatos, juniores indusio peculiari instructos; intra hoc indusium cellulas corticales obovatas et in stratum quasi conjunctas. Singula harum elongantur in formam obovatam, ejus stipes tenuior inter cellulas corticales immersus permanet, superiore parte libera eminente. His cellulis emergentibus indusium sublatum fieri conjecti, paranematibus nondum evolutis. Alios soros vidi paranematibus instructos, quales a Harvey in Phyc. australi depinguntur. Hinc mihi lubenter persuadeam paranemata esse posterius generata; et defectum horum organorum in Speciebus Zonariae genuinis ab astate et evolutionis stadio explicari; soros esse in Zonariis diversi generis, nempe alios paranematibus instructos, alios his deficientibus sporis sic dictis tantum constitutos, utrosque indusio tectos, hodie assumere dubitarem.

Ipsum Genus Zonariae speciebus supra allatis inter hodie cognitas limitandum putarem. *Z. variegata* et species huic proximæ, structura frondis sat congruentes quidem viderentur; at soros in *Z. variegata* ejusque affinibus nullo indusio tectos, nec cellulas fertiles paranematibus bracteatas observavi, quare hoc loco Genus proprium Gymnosori his creavi. Aliae species Zonariae et structura frondis et indole fructificationis adhuc magis diversa mihi adparuerunt — propria Genera indicate, quibus characteres et limites infra adumbrare conabor.

III. Homoeostrichus. *Gen. nov.*

Frons plana, decumbens aut erecta, integriuscula aut multifida, superne plus minus conspicue flabellata; cellulis superficialibus a facie strias longitudinales invicem æque approximatæ flabellatim radiantes formantibus; corticalibus una cum interioribus, forma et magnitudine vix diversis, omnibusque invicem e regione positis, frondem pleiostromaticam constituentibus. *Smi* supra paginam prominuli, saepe secus longitudinem radiantes, cellulis fertilibus obovatis et paranematibus verticalibus sublavatis, articulatis et invicem liberis constituti.

Specimina Specierum, quas huic Generi adnumero, sunt substantia quasi dura insignia. Si sectione transversali frons observatur, contexta adparet cellularum seriebus inter paginas pluribus et saepe numerosis (6 saepe nume-

ravi) omnibus rite superpositis, nulla faeta quoad formam et dimensiones inter cortieales et interiores cellulas distinctione; omnes cellulæ fere quadratae adparent, lineas subrectas tum verticales inter paginas, tum horizontales inter margines, formantes, omnesque aequæ distantes — dum in Zonariæ speciebus propriis cellulæ cortieales geminæ singulis interioribus antepositæ generantur; qua diversitate structurae Genera a me indicata facilius dignoscantur. In Zonariis propriis indusium adest, sorum juvenilem obtegens; hoc sublato paranemata incurvata et obtusa eminent. In Homeostricho nusquam soros indusio tectos observavi; at adparatum paranematum magis evolutum putarem, et singula fila acuminata vidi.

Species sequentes Generi novo adnumerandas censeo:

* *Frondis inferioris decumbentis segmentis superioribus adsecendentibus, et (in his) nulla fere facta distinctione inter utramque paginam.*

1. H. MULTIFIDUS (*Padina multifida* Harv. *Zonaria multifida* J. Ag. Sp. Alg. p. 109. J. Ag. Bidr. Alg. Syst. I p. 46. *Phycopteris Harveyana* Kütz. Tab. phyc. vol. IX tab. 66.

Fide specimenum, quæ a Harvey data habui, frondem inferne decumbentem putarem, strato infimo paulisper diverso; superne vero adsecendentem cellularum seriebus numerosis contextam, cellulis cortiealibus nusquam in strias geminatas conjunctis.

** *Fronde erectiuscula, stipites validos stuposus demum formante.*

2. H. SINCLAIRII (*Zon. Sinclairii* Hook & Harv.); Harv. *Phyc. austr.* tab. XLIX. *Phycopteris Sinclairii* Kütz. tab. *Phyc. vol. IX tab. 68.*

Nescio an jure assumerem unam paginam esse paulisper convexam, alteramque conca- vam. In specimine fructifero vidi fruetus in pagina paulisper convexa provenientes.

Sectione facta transversali cellulas cortieales aequæ latas vidi ae interiores; omnesque invicem e regione positas esse, saepe series sex inter paginas formantes. Fila stupæ longe adsecendentis cellulas cortieales erassitie aequantia. Sporas globoso-obovatas stipite suo brevi quoque cellulas cortieales crassitie aequantes; superiore sua parte multo crassiores — dum in Zonariæ speciebus propriis ex singulis cellulis geminatarum non tantum cellulam fer- tilem, sed etiam stipitem paranematis attenuatum provenire observavi; qua dispositione pa- tere putarem quoque in formatione fruetus Genera proprio modo differre.

3. H. STUPOSUS (*Z. Stuposa* R. Br. mscr.) J. Ag. Sp. p. 110 et Bidr. Alg. Syst. I p. 50. *Phycopteris microloba* Kütz. Tab. phyc. vol. IX tab. 69.

Sectione transversali frondis vidi cellulas inter paginas esse 6-stromaties, nunc autem nonnullas mediae frondis tantum gerere 4 cellulas verticaliter superpositas. Forsan credere licet cellulas margini proximas prius subdivisas fieri quam interiores, quod in Dilophis saepe obvenire, adnotavi. Plantam, quam nomine Phyeopt. stuposæ delineavit Kützing, vix ad nostram referre auderem, quum suadente structura hanc potius ad Zonarias proprias referendam putares. Quæ vero nomine Phye. microlobæ l. e. delineata fuit, ea ita eum

planta, quam juniorem II. Stuposum judicavi, convenit, ut utramque formam ad eandem speciem referre ausus sim. Frondem in hac 4-stromaticam me observasse, dicere fas est.

4. II. CANALICULATUS *Zonar. canaliculata J. Ag. Bidr. Alg. Syst. I p. 49.*

Quoqne in hac Specie cellulas 6-plici strato dispositas, omnesque, corticales et interiores, aequa magnas (sectione transversali) et e regione positas, me observasse, animadverte placet. A supra allatis Speciebus Generis hanc facilius distictam puto.

IV. *Chlanidophora Gen. nov.*

Frons multifida decomposita, segmentis terminalibus planis flabellatim dilatatis inferne subcostatis, laciniis lateralibus acuminatis saepe in cellulam terminalem desinentibus; cellulis exterioribus a facie rectangularibus aequa approximatis, utriusque paginæ (sectione transversali) invicem contiguis et e regione positis, frondem distromaticam formantibus (cellulis interioribus nullis). Cellulae fertiles supra paginam emergentes singulæ sparsæ obovato-globosæ; Antheridia in iisdem individuis obvenientia, soros oblongo-lineares supra paginam prominulos, secus longitudinem segmenti riantes formantia, duplii serie cellulas demum quaternatas gerentia. (*Tab. I fig. 3—5.*)

Genus, typo *Zon. microphylla* propositum, admodum distinctum putarem; habitu et dispositione partium, nimirum stupa admodum evoluta, et præcipue segmentis terminalibus flabellatim dilatatis, ima basi costatis, superne laciniis lateralibus instructis, Zonariam potissimum indicantibus; cæterum vero tota structura frondis, et partium fructificationis — quales has hodie cognitas habemus — ita diversum videretur, ut fere dubitare liceret an affinitates proximas inter Zonarias proprias querere opparteret. Dum enim in Zonariis propriis stratum corticale quasi sui juris — cellulis geminatim approximatis constitutum — characteristicum judicavi; in Homeosticho vero frons adest pleiostromatica; segmenta in *Clanidophora* vidi distromatica, cellulis unius generis contexta, deficientibus quasi cellulis interioribus, quæ in aliis Generibus cellulas exteriore utriusque paginæ conjungere videntur. In parte inferiore frondis admodum decompositæ caules formantur teretiœculi, stupa ramos quoque superiores scandente tomentosi, filis nempe decurrentibus plurimis dense obtecti. His caulis transverse sectis partem interiorem, ipsam axilem, vidi complanatam cellulis duplii serie a margine ad marginem produeta contextam, cellulis utriusque paginæ invicem contiguis et e regione positis. Allatis his structuræ differentiis Genus proprium satis indicatum putarem; accedit vero quod partes fructificationis ejusdem ita ab iis, quas in aliis Zonariarum formis hodieum

cognovimus, abludentes videantur, ut Generi novo novas affinitates adtribuendas esse facilius quis conjiceret. Vidi nimurum, in segmentis superioribus frondis, supra paginas sparsa et omnino emersa corpuseula globosa singula, sporis sic dictis singulis Dictyotae ita similia, ut si in Specie quadam Dictyotae eadem observaverim ne minimum quidem dubium de eorum congruentia cum sporis aliarum specierum fuisse. Cinguntur membrana demum pellucida, intra quam contentum obscuriorum, quasi in nodos plures conglobatum observare eredidi. Utrum autem ex contentu plures partes majores aut minores demum formarentur, an iste in sporidia mobilia demum solveretur, id mihi hodie omnino incertum manet.

In eadem fronde et saepe in segmentis vicinis vidi alia organa, transmutatione cellularum paginam constituentium sine dubio orta, obseuriori contentu facilius distineta. Iuniora horum nunc fere singula, nunc pauca juxta posita, supra frondis paginam ita intumescentia ut dimidia sua parte fere emersa diccerem, oblonga et cellulis sterilibus fere duplo crassiora, in partes numerosas transversaliter et longitudinaliter ordinatas subdivisa. Ulterius evoluta vidi, pluribus cellulis juxtapositis eodem modo transformatis, eadem in soros minutos conjuncta; at ita evoluta, lineas minutis plures, secus longitudinem segmenti seriatas, et dense juxtapositas constituentia. Quo adultiora eo evidentius eadem in partes numerosas subdivisa; et has partes (in singulis cellulis constitutibus) quasi duas series longitudinales formantes, in quibus demum minores partes sat conspicue quaternatae obveniunt. In his organis antheridia, qualia in pluribus Generibus Dictyotearum observata fuerunt, agnoscere non dubitavi.

Ex iis, quae ita observavi, mihi vix dubium adparuit Zonariam microphyllam Harveyi ita ab aliis Zonariis characteribus differre, ut eam typum proprii Generis constituere viꝝ quispiam dubitaret. Si vero in omnibus illis, quibus habitus proprius induitur, evidentissima est congruentia inter Z. microphyllam et alias plures Zonariae species, at nihilominus et in structura et in fructificationis partibus differentiae adsunt, nonne ex his concludere liceat affinitates minus ex notis habitualibus, quam ex congruentia structurae et fructificationis esse dijudicandas.

Quae vero si ita sint, queritur an revera Zonariis proximum sit novum Genus, hodie a me propositum. Qualia hodie Dictyotearum Genera mihi cognita habeo, nullum revera scio, cum quo Clanidophora structura et characteribus a partibus fructificationis desuntis conveniret, quam cum Taonia, ejus frondes multifidae quoque apice sunt flabellatae; nec structura ita abludent ut non in

eadem sectione familie patiantur. Sporas sic dictas singulas emersas in hoc Genere quoque obvenire, certum mibi videtur; et antheridia non admodum dissimilia quoque in hoc Genere adesse, assumserunt. Si vero ex altera parte characteres magis habituales Zonariis veris Genus novum vindicare viderentur, suppositioni forsan locus est, praeter organa hodie cognita diversorum Generum, alia nondum detecta obvenire, et Chlaniophoram offerre ea organa, quae in aliis Generibus detegenda restarent.

Unicam hucusque Zonariae speciem ad novum Genus pertinere scio:

1. CIL. MICROPHYLLA (*Zonaria microphylla* Harv. *Phyc. austr. tab. 195. Phycopteris microphylla* Kütz. *Tab. phyc. vol. IX tab. 69*).

V. Microzonaria Gen. nov.

Frons plana plus minus multifida, inferne prostrata, laciinis terminalibus adscendentibus subflabellatis; cellulis frondem formantibus pleiostromaticis, corticalibus et interioribus magnitudine et forma vix diversis, seriebus verticalibus quasi per paria conjunctis, omnibus e regione positis. Sori in laciinis adscendentibus supra paginam inferiorem emergentes, fasciculis paranematum constituti, paranematibus monosiphoneis articulatis decomposito-ramosis, aliis decumbentibus, aliis erectiuseulis, cellulas fertiles ad ramos subsessiles, obovato-globosas, intra perisporium (hyalinum et indivisum) contentum granulosum foventes, generantibus. (*Tab I fig. 6*).

Minuta illa et prostrata *Zonaria velutina* Harv. Genus sui juris constituere, examen accuratius vix dubie docebit. Habitu Padinam multifidam Harv. potissimum refert, at structura frondis in utraque admodum diversa. Dum frons verticaliter seeta in *Zon. multifida* est pleiostromatica, et seriebus cellularum omnibus consimilibus et invicem aequi distantibus est contexta; sunt in *Zon. velutina* series cellularum verticales quasi per paria conjunctae; dum in speciebus Zonariae Generis, quale hoc hodie limitandum judicavi, cellulæ corticales geminatae singulis seriebus cellularum interiorum antepositæ obveniant; sunt in *Zon. velutina* quoque cellulæ interiores per paria dispositæ, et haec paria cum corticalibus, conformia et e regione posita generantur. Praeter hanc structuræ differentiam partes fructificationis omnino diversas quoque vidi. Dum stupa nigrescens et ampla in segmentorum partibus inferioribus et angustioribus adest, soros fructiferos in segmentis supremis inferiorem paginam occupantes vidi. Constant sori filis monosiphoneis articulatis et dense ramosis,

quasi in cæspitulos minutos conjunctis; alii rami, quasi supra paginam decumbentes, vage flexuosi et dense ramosi; alii erectiusculi simpliciores et paucioribus articulis plerumque constantes; alii denique transmutari videntur in organa obovato-globosa, ad articulos filorum fere sessilia, intra perisporium hyalinum congeriem granulosam foventia; hunc contentum nunc quasi in duas partes collaterales subdivisum observare credidi, quam vero divisionem parum distinctam et forsan fortuito obvenientem lubenter concederem.

Addere placet me, præter specimina Harveyana, alia comparasse. In sp. Harveyano, a facie observato, cellulæ corticales geminatim junctæ rectangulares et suo diametro 2-plo-3-plo longiores mihi adparuerunt. Quoque in his adparatum filorum superficialium adesse putavi; at dispositionem non æque conspicuam vidi. In iconе Kützingiana structuram non bene redditam putarem.

Patet structuram Zonariae velutinæ, qualem ipse eam vidi, cum nulla alia Zonariae Generis specie bene convenire; eam tamen magis congruentem esse cum Zonariis quam cum speciebus Cutleriæ. Si contra partes fructificationis, quales has vidi, comparantur, saltem analogiam quandam in dispositione partium potius inter Cutleriaceas quam inter Zonarieas facilis quis inveniret. Si, ut recentioribus quibusdam placuerit, Cutleriaceas a Dictyoteis dignoscere oppoteret, suadente præsentia sporidiorum mobilium in illis, defectu autem horum in Dictyoteis, patet affinitatem proximam Microzoniae non dijudicare licere, ignota adhuc natura organorum, quæ supra describere conatus sum. Ex adspectu potius sporidia quam sporas in illis generari conjicerem; perpendenti vero mihi sporidia mobilia quoque in Generibus Dictyotearum observata fuisse, adparuit vix huic characteri illam vim adtribuendam esse, quam postularunt alii. Me autem, analogiam illam in dispositione partium fructificationis indicantem, neutrum fugit ipsam formam partium in Cutleriaceis esse diversam, utpote cellulæ fertiles in Cutleriaceis siliquas articulato-areolatas referre, organa autem in Microzonia, a me observata, sporas sic dietas, in Dictyoteis plurimis obvenientes, emulari viderentur. Nescio anne, his omnibus rite perpensis, affinitates proxime Microzoniae nec inter Zonarieas, nec inter Cutleriaceas quærerentur, sed Genus novum in vicinia Taoniae esset disponendum.

Species unica, hodie mihi cognita, est:

1. MICROZONIA VELUTINA (*Zonaria velutina* Harv. Fl. nov. Zel.; J. Ag. Bidr. Alg. Syst. I. p. 50, *Spatoglossum velutinum* Kütz. Tab. phyc. vol. IX tab. 51).

Animadvertere placet in iconē Kützingiana structuram aliter indicatam fuisse, quam ipse eam observavi. An plures species, habitu similes, ad oras Novae Zelandiae revera adessent, forsitan quispiam dubitaret?

VI. *Stylopodium.*

Genus, quod olim sub hoc nomine creavit Kützing, expulsis plurimis speciebus, quae me judice ad diversa Genera pertinent, et ad formas, quae *Zonariae lobatae* proximae sunt, reductum, hodie adoptandum putarem. Iam ex iconē a Harvey data patet soros *Zon. lobatae* formas assumere, quae in aliis *Zonariis* vix obveniant. Specimina fructifera hujus speciei demum videre mihi contigit, ex quibus, me judice, patet soros non tantum quoad situm et formam, sed etiam, suadente partium structura, magis cum *Taonia* et *Padina* convenire, quam cum *Zonariae* speciebus propriis. In *Z. lobata* nimirum eadem lineæ concentricæ adsunt, quae in allatis Generibus cum evolutione partium fructificationis nectuntur; sed etiam ipsos soros, et supra et infra has lineas, zonas concentricas formare vidi; si quoque sori — in nostris forsitan nimum maturi — sint quasi compositi minoribus, qui interjectis spatiis minoribus sterilibus, tamen sat conspicue in zonas concentricas coeunt. Sporas singulas obovatas vidi, et proxime, ut putarem, convenientes cum iis *Padinae*. Ob frondem ipsam, initio ut putarem decumbentem, marginibus adseendentibus, demum vero erectiusculam, soros unam paginam (superiorem) tantum occupantes putarem. In juniore linea innovationis, hanc vidi a sterili parte conspicue mutatam; cellulae ejusdem videntur sat conspicue quasi turbatae, nec lineis angustis cellularum corticalium quam maxime regulariter striatae; loco harum cellularum vidi cellulas multo breviores fere rotundatas et proprio quodam modo in cæspitulos minutissimos quasi excrescentes. His cæspitulis demum antheridia aut saltem paranemata formari conjicerem. In soris adultioribus aut senilibus totum hunc adparatum inter soros geminatos deficere vidi. Sectione facta observare eredi parane mata, longe articulata, una cum cellulis minutis mixta obvenire; in ipso soro vero sporas pyriformes ima basi inter cellulas corticales steriles esse immersas.

Sectione facta transversali vidi cellulas interiores frondis corticalibus conspicue maiores (in segmento a me observato duas series formantes), cellulis utriusque seriei nunc rite antepositas, nunc minus regulariter, et parietibus sape flexuosis distinctas; corticales cellulas vero ita angustas, ut singulis in-

terioribus antepositæ obveniant usque 4 corticales. Hinc explicatur frondem a facie observatam striatam adparere, striis 3—4 adproximatis simplicibus, quasi striam compositam formantibus, eodem modo quo in Zonariis propriis saepe striæ geminæ simplices in striam quasi compositam junctæ; paribus ita linea pellucida paulisper latiore distinetis. Ipsæ cellulæ corticales a facie visæ rectangulares adparent, suo diametro nunc 2-plo-, nunc 4-plo longiores.

Ob frondem a facie observatam, quasi striis modo dicto compositis instruetam, hanc speciem inter Zonarias olim enumeravi. Hodie suadentibus fructibus Genus proprium huie instituere vix dubitavi, quod Padinae et Taoniae proximum puto. Generi ita constituto, nomen Stypopodii retinere malui. Quod olim sub hoc nomine creavit Kützing, tum species a me hodie ad Genus referatas complectebatur, tum alias in Vol. IX Tabul. Phyc. depictas, at in ieonibus sub diversis nominibus militantes. In prolegomenis ad Vol. datis, genus suum aliter circumscripsit, quibusnam vero characteribus distingueretur, nihil dixit. Inter species hoc ultimo loco Generi adnumeratas, unam esse speciem Dilophi, 2:as ad Taonium, unam ad Spatoglossum referendas putavi. Nonnullis forsan reliquis idem nomen reservare liceat.

Quenam aliae species huic Generi pertineant, mibi quidem hodie adhuc incertum videtur. *Spatoglossum Versicolor* Kütz. l. c. tab. 49, ab ipso (*Præf. pag. VII*) ad Stypodium dicitur; et hoc congenericum lubenter crederem. *Stypp. Guineense*, *St. Solierii*, *St. flarum*, *St. attenuatum* ad alia Genera certius referenda putavi. Quod attinet *St. fuliginosum*, nullum specimen authenticum plantæ a Martio collectæ me observasse doleo. Plantam autem, quoad habitum subsimilem, a Salzman ad Bahiam collectam, examinavi, quam a *Zonaria lobata* adultiore vix distinctam putarem. In *Styp. fuliginoso*, a Kützing depicto, sat diversa obvenit structura. *Zonaria multipartita* Suhr, quam ad Spatoglossum refutlit Kützing, mihi quoad affinitates omnino dubia manet. Nescio anne una pagina ab altera differret; substantiae quid inest, quod Cutleriam suaderet. Specimina, quæ vidi, omnia sterilia mihi adparuerunt.

VII. **Lobophora** *Gen. nov.*

Frons plana ecostata, flabellata, integriuseula, lobis conformibus a pagina superne prolificantibus decomposita, et superpositis sublamellata, concentrica zonata, margine erectiuseulo, contexta cellulis pleiostromaticis, series verticales inter paginas formantibus, corticalibus invicem æque distantibus.

Sporæ . . . Sori secus lineas innovationis dispositi, transversaliter oblongi, invicem disjuncti, quasi zonam interruptam et minus regularē formantes, in paranematibus articulatis monosiphonēis organa clavato-siliquæformia, breviter articulata (*sporidiifera?*) generantes. (*Tab. I fig. 7—8*).

Plantam magis obiter visam, ob colorem obscurum et ambitum flabellatum, nec non suadente structura a facie observata, formam quandam juniorē et hinc magis teneram *Zonariæ nigrescentis* forsan quispiam conjiceret; at accuratius inspectam evidenter diversam putavi; quin immo speciem proprii Generis, magis ad Padinas accendentis, facilius suspicarer, si quoque characteres Generis ex paucis speciminiis a me observatis rite indicare hodie mihi non liceat; sequentia observavi:

Frons flabellata erectiuscula, lobis a pagina prolificantibus late sessilibus et suo ordine flabelliformibus decomposita, demum quasi superpositis lobis numerosis — sape ab eadem zona emergentibus laminosa. Lobi singuli a primaria fronde lata basi emergentes et cellularum seriebus suis quasi in primariam frondem decurrentes; omnes rhythmice increcentes lineis innovationis concentricis notati. In his lineis innovationis observare licet, inter series longitudinales numerosas flabellatum ad marginem frondis excurrentes, nonnullas series sparsas, quæ in singulam cellulam non continuatam desinunt. Circa has cellulas singulas abrupte desinentes, series vicinæ elongatae convergentes excurrunt, quasi viam ulterioris prolongationis interjectis claudentes. Apices serierum ita desinentium fiunt sensim quasi lanceolatae; et ex his apicibus novæ cellulæ utrinque circumcircum radiantes proveniunt, novum ordinem serierum flabellatum radiantium generantes. Nascuntur hoc modo proliferationes novæ ab ipsa pagina media pullulantes, fere dicere quasi in *Zanardinia collaris* nova lamina eucullata emergit. Quia in eadem fere zona numerosa ejusmodi proliferationes generantur, et singulae flabellatum expanduntur, frondes demum adparent lamellosæ proliferationum marginibus superimpositis.

A facie observatae series cellularum fere æque distantes et singulæ adparent, si quoque sparsim, ubi ab una serie geminæ formantur, cellula corticallis quedam initio geminata videretur. Cellulae corticales juniores (et nuper formatae) elongatae et rectangulares fiunt; adultiores sensim transversaliter divisa et dilatatae, nume fere quadratice adpareant.

Qualem structuram *Zonariæ collaris* a Kützing depictam videoas, talem transversali sectione structuram in nostra observavi. Cellulae minirum series

æque latae inter utramque paginam verticales efficiunt; a cellulis vero ita verticaliter superpositis intimæ (mediae) sunt exterioribus duplo et fere triplo crassiores. Utroque latere harum vidi tres series cellularum exteriorum, quarum extimæ nunc divisionem inchoantem indicant.

Sectione longitudinali frondis vidi cellulas intimas ab origine 2-plo-triplo longiores quam his proxime exteriores; et extimas (suis proxime) interioribus duplo breviores. In intimis cellulis contentum admodum obscurum observavi, et hunc quasi collapsum, nunc in tres partes longitudinales, baeuliformes subdivisum, quarum medianam obscuriorem sistere contentum ipsius cellulæ mediae, geminas autem exteriores ad novam seriem cellularum exteriorum pertinentes; cellulam medianam hoc modo sensim subdivisam fieri et series verticales cellularum intermedianarum hoc modo oriri, forsitan conjicere licet.

Lineæ innovationis, non admodum conspicuae, præcipue formari putarem desinentibus in zona quasi eadem pluribus seriebus cellularum longitudinalium, qualiter hoc supra describere conatus sum. In proxima vicinia ejusmodi lineaæ subconcentricæ vidi tum paranemata articulata libera, qualia fere Taoniae, tum soros oblongos, non striete in eadem linea concentrica dispositos, transversaliter longiores et spatiis sterilibus intercedentibus interruptos, supra paginam emersos et quasi elevato margine cinctos; a facie observati sori mihi adparuerunt quasi corpusculis rotundatis intra marginem impleti; at partibus sori acu derasis has constare vidi corpusculis siliquæformibus, transverse zonatis, zonis brevissimis contentum granulosum, ut mihi adparuit, foventibus; ejusmodi zonas circiter 8 numeravi; zonas divisione longitudinali areolatas non vidi. Siliquas juniores obovatas, adultiores magis oblongas observavi, paranematibus incurvatis cinctas, et ramis horum insidentes.

Species unica hodie mihi cognita:

1. *LOBOPHORA NIGRESCENS J. Ag. mscr.*

Hab ad oras novæ Hollandiae australis, mihi a J. Br. Wilson sub n:o 15 B. ex Dromana Bay missa.

De affinitate proxima hujus plantæ certius quid statnere vix auderem. Ex habitu plantæ exsiccatæ, velut suadente structura eam potissimum cum Zonariis convenire, facilius quis crederet. Ex partibus vero fructificationis mihi hodieum cognitis, eam potius in vicinia Taoniae aut Padinae disponondam esse conjicerem. Una cum planta supra descripta, sub n:o 15 B designata, aliam recepi sub n:o 15 A, colore *glaucescente* distinguendam, quæ utrum ejusdem speciei sit forma junior, an forsitan diversa species, mihi saltem non liquet.

VII. **Taonia** (*Tab. I fig. 9—10*).

Quamquam Species, huius Generi typica, et diutius cognita et saepius descripta fuerit, eam tamen quoad omnes suas partes ita cognitam esse, ut de characteribus et affinitate Generis nulla restarent dubia, assumere dubitavi. Satis revera constat alios *Algologos* *Dictyotæ*, alios *Padinæ* eam proximam diu considerasse. Mihi autem typum proprii Generis eam constituenti, hoc inter *Stoechospermum* et *Cutleriam* disponendum ab initio adparuisse; postea *Taoniæ* Padinæ adproximandam eredidi. Genera vero *Dictyotearum* novis studiis ulterius illustrata fuisse novimus, quibus ducentibus Cutleriaceas a Dictyoteaceis omnino distinctos judicarunt recentiores *Algologi*; et characteribus summi momenti has familias diversas esse quoque assumerunt. Ex iis, quæ hueusque de partibus fructificationis *Taoniæ* cognovimus, eam *Dictyoteis* recentiorum pertinere, nemini, quantum scio, hueusque dubium adparuit. Confidendum vero videtur iis quoque, qui speciali studio has plantas illustrare suscepserunt, organa quaedam latuisse, quæ in affinitate Generum dijudicanda summi momenti existimare consueverunt. Hinc quæ ipse de organis fructificationis observare contigerit, ea paucis hoc loco adumbrare conabor.

Sunt inter Dictyoteaceas formæ haud paucæ, in quibus — saepè quoque oculo nudo — observantur lineæ paulo obscuriores, transversaliter frondem transeuntes, nunc plus minus interruptæ. Has lineas residuis partium delapsarum fructificationis haud formari, jam ex eo colligere liceat, quod in segmentis supremis nuper evolutis, velut in planta juvenili easdem observare liceat. In *Dictyota* et Generibus huius proximis easdem obvenire non vidi. Nec easdem in omnibus individuis ejusdem plantæ obvenire aequè evolutas, habentias assumerem. In *Taonia* has lineas saepè admodum conspicuas esse satis constat.

Si ejusmodi lineam in supremis segmentis et nuper formatis a facie observaveris, hanc oriri facile putas mutatione quadam cellularum longitudinalium, quæ vero vario modo in diversis Generibus perficiatur. In *Taonia* has cellulas longitudinales — quæ in fronde admodum juvenili obveniunt tenerrimæ, omnesque juxtapositæ et radiantes — fere eadem distantia infra peripheriam flabelli subdivisas vidi in cellulas breviores, suo diametro parum longiores, et endochromate obscurius vidente faretas; harum series paucas (saepè 2—3 longitudinaliter superpositas) initialem quandam lineam, a margine ad marginem ductam, constituere putarem. A cellulis primariis, ita formatis,

novæ generantur, quæ magis verticaliter supra paginam productæ, et apice prominulo rotundatae adpareant. Ulterius excrescentes paulo postea easdem mutatas vidi in corpuseula obovata, supra basem attenuatam in articulos brevissimos disciformes (4—6 putarem) subdivisa, apice truncato. in *T. atomaria* hæc organa nuda vidi; in *T. australasiae* intermixta videre credidi filis quibusdam tenuissimis, in quibus articulos longiores dignoseere lieuit. Corpuseula hæc obovata, articulorum contentu magis griseo instructa, organa proprii geris constituere putavi. Eadem nondum transmutata nomine paranematum (ad interim) designavi; alia, transmutata, corpuseula sistunt siliquæformia, cum Zoosporangiis sic dictis forsitan comparanda.

Dum frons sensim adcerescit, ad lineas innovationis inferiores utrinque formantur sori transversales cellularum fertilium Taoniae, omnibus notissimi. Soros fertiles fusecentes tum deorsum, tum sursum sensim augeri latitudine putarem, ipsa linea media, qua separantur superiores et inferiores partes sori, dilutiore colore dignoscenda. In linea hac media cellulas quasdam minores observavit Reinke, quibus functiones antheridiorum attribuendas esse suspicatus est. Mihi has a facie observanti eadem magis rotundatae obvenerunt; contentu suo magis griseo insignes, antheridia Taoniae easdem constituere lubentius assumerem. Comparanti vero soros antheridiorum Dictyotæ, cellulae antheridiorum Taoniae haud in soros conjunctæ adpareant. Utrum transformatione quadam organorum, quæ nomine paranematum mox supra adumbravi, oriatur, an utraque constituant organa diversa et sui juris, mihi non liquet. Lubenter eadem organa, at diversis evolutionis stadiis posita, in illis agnoscere; nunc nimirum eadem videre credidi magis elongata et articulis numerosioribus instructa, saepè superne incurvata et in cæspitulos collecta, inferne articulos breves et contentum griseum servantia, nunc breviora obovata, in cæspitulos conjuncta, articulis fere disciformibus constituta.

Paranemata, quæ in Soris transversalibus rite evolutis semper adesse finxi, quoque in soris multo minoribus, quos in intervallis inter zonas transversales adesse constat, me vidisse, addere placet; at in his paranemata vidi et pauciora et breviora quam in soris transversalibus.

Cellulas fertiles, quas tetrasporarum nomine designarunt recentiores, initio inter cellulas corticales cylindraceas et elongatas adparere, ipsas elongatas et forma a sterilibus cellulis vix nisi contentu obscuriore diversas, animadvertere placet. Nune quoque sub hoc studio ejusmodi cellulam observare licet diafragmate transversali in duas superpositas divisam; mihi autem adparuisse

cellulas fertiles, — quæ ita adparenter initio constituant ipsas strati corticalis cellulas, — demum esse obtectas membrana, in qua parietes strati corticalis adhuc dignoseere putavi. Hinc parietem exteriorem magis magisque extensum fieri, cogente spora interiore, sensim verticaliter erectiuseula, et denique ruptum circa sporam emersam obvenire, lubenter assumorem.

Satis constat Lamourouxium duas species distinxisse, quarum unam *D. zonatum*, alteram *D. ciliatum* denominavit; has vero unam eandemque speciem constituere, omnes Algologos posteriores assunxisse. Lamourouxium diversitatem quandam in dispositione partium fructificationis in speciebus allatis assunxisse, patet; algologos vero sequentes hanc diversitatem floccii aestimasse, observantes soros minutos rotundatos sæpe adesse in intervallis, quibus separantur sori transversales Taoniae atomariae. Mihi hodie has plantas examinanti adparuit partes fructificationes non tantum aliter dispositas in iisdem obvenire, sed me judice quoque esse diversi generis. Hinc plantam, quam Lamourouxianam speciem (*D. ciliatum*) neglectam sistere putavi, accuratius examinare placuit.

Sectione facta transversali frondis superioris medium laminam paulo crassiorem vidi quam partes marginales. In haec media parte cellulas interiores vidi dupli serie dispositas, corticalibus monostromaticis obtectas. Cellulas interiores subquadraticas et in utraque serie antepositas, nunc una aut altera paulo latiore; easdem adparere corticalibus circiter duplo maiores, geminas nempe corticales esse singulis interioribus antepositas; cellulas fertiles rite emersas interioribus cellulis circiter 4-plo ampliores mihi adparuisse. A facie cellulas fertiles vidi sine ordine conspicuo per totam paginam sparsas, matucentes fere sphæricas, intra membranam hyalinam nucleum obscurum foventes; in hoc divisionis enjusdam indicia observare non contigit. Quæ videbentur minus matura, ea quasi cellulis directione tangentis compressis et sensim obsolecentibus obtectæ mihi adparuerunt. His, ut putarem, demum perruptis, sporam emersam membrana contigua hyalina cinetam vidi.

His omnibus satis patere putare hanc plantam, structura frondis et adspectu sporæ singulæ vix ullo respectu a Taonia distare. Eam et præsentia sporarum, quæ emersa et obovata atque ut mihi adparuit (adhuc) indivisa per superficiem sparsa obveniunt, et suadente structura frondis a Cutleria evidenter distinctam esse, animadvertere placeat. In eodem vero Individuo alia observavi organa, quæ mihi multo magis Cutleriam quam Dietyotam indicare videntur. Praeter organa mox descripta minirum observavi organa diversi generis, nunc

in lineas transversales, at multo minus evidentes quam quae in T. Atomaria obveniant, conjuncta, nunc in soros minutos collecta, a superficie frondis emergentia, quae pro aetate aut evolutionis gradu invicem diversa adpareant.

Ubi lineæ, supra descriptæ, transversales anfractuosæ minus conspicuæ adsunt, vidi quasi fasciculos paranematum, quos ab illis supra descriptis vix diversos putarem: sunt fila brevi-articulata, incurva, in caespites minutos collecta. Nulla organa alia inter haec paranemata dignoscere licuit. In parte vero paulo inferiore ejusdem segmenti, ubi lineam transversalem magis conspicuam dignoscere credidi, fila secus hanc lineam quasi transversaliter serpentia observare credidi, quæ monosiphonea et articulata articulis circiter diametro duplo longioribus quasi primaria dicerem, ex quibus alia fila magis verticalia exeunt, simplieiuscula et suo ordine articulata. Quibusdam locis, ubi haec fila magis multiplicata et varia directione excurrentia deprehendi, fila verticalia vario modo mutata observavi: *nunc* nimirum simplicia et singula, a superficie frondis quasi immediate exeuntia, infimo articulo paulisper deorsum dilatato, velut articulis proxime sequentibus cylindraceis, longitudine diametrum æquantibus aut fere brevioribus; dein sequentibus articulis elongatis, diametro plures longioribus cylindraceis; *nunc* fila mox fiunt ramosa, cæspitulos minutissimos formantia; *nunc* fila alia proveniunt simplicia, basi paulisper dilatata ex fronde emergentia, supra paucos infimos articulos (2—3) breviores, diametro vix longiores, in siliquam multo crassiorem, aut ovalem, aut obovatam aut clavatam, fructus Cutleriae ita referentem, ut icones a Reinke hujus datas ad nostram plantam illustrandam fere confeetas facile dieeres. Maturum hunc fruetum suo diametro 2plo-3plo longiorem vidi, contentu suo obscure fuscescente aut fere castaneo facilius conspicuum; articulos ejusdem brevissimos superpositos transversales 5—8 numeravi, et has divisionibus secus longitudinem factis in partes extrorsum quadraticas subdivisos. Nunc siliquas consimiles in filis mox memoratis, magis elongatis et in cæspitulos minutos collectis, mediante brevi pedicello ad fila adfixas vidi.

Si quis statueret plantam a me observatam, quam cum *D. ciliata* Lamour. identicam eredidi, esse speciem Cutleriae, monere placet nee structuram frondis esse Cutleriae, nec sporas singulas, uberrime per frondem sparsas, ejusmodi explicationem sinere, utpote sporas ejusmodi in Cutleria nondum detectas scio. Si quis assumeret fila illa repentina et in cæspitulos collecta, in quibus has siliquas, Diptyoteis abnormes, observaverim, esse plantam sui generis parasiticam, meminisse placet totam ejusmodi plantam summam offerre similitudinem.

nem cum adparatu fructifero Cutleriae, quem tamen plantam esse propriam in Cutleria parasiticam vix quispiam hodie assumeret. Si denique, rem abnormem explicaturus, quispiam assumere voluerit esse duas plantas diversas, quas diversis nominibus jam designaverat Lamouroux, quarum unam esse *Taonia atomaria* suis fructibus notissimis instructam, alteramque *Dictyotam ciliatam* Lamou., tum sporis singulis, quales in Dictyoteis habemus, tum siliquis, quales Cutleriaceis characteristicas assumserunt instructam; nescio sane an dubia hoc modo explicarentur. Haberemus hoc modo speciem sui juris — aut potius Genus proprium — cuius partes fructificationis aliae Dictyoteam suaderent, aliae Cutleriaceam. Si nimicum observationibus hueusque factis fides habenda esset, in Cutleriaceis sporae, quales in Dictyoteis adsunt, nullae obvenirent; fructus autem siliquiformes in illis adessent duplicis generis, quique suo modo evoluti; utriusque sporidia mobilia generantes, at haec sporidia duplicis generis. Dictyoteae autem sporis immobilibus, quae quoque duplicis generis essent, quæque suo modo evolutæ. Ab utrisque vero Taonia ita diversa videretur (si nimicum hinc quoque *D. ciliata* Lam. adnumeraretur) ut tum sporas offerret Dictyotearum, tum organa siliquiformia, quoad structuram simillima iis, in quibus sporidia mobilia fovent Cutleriaceæ.

Animadvertere placet consimilem quandam polymorphiant organorum fructificationis jam antea observatam fuisse in *Zanardinia collaris*, quam suadente structura frondis et crescendi modo Zonariis quibusdam proximam esse supponeres; in qua quoque sori adsunt iis Zonarie admodum similes, quorum vero in utriculis cylindraceo-ovatis sporidia mobilia (observante Reinke) generantur; eandem vero in diversis individuis quoque generare soros, in quibus organa sexnalia formantur; utraque haec siliquiformia, transversaliter articulata et articulis brevissimis longitudinaliter in partes divisis instructa; utraque haec corpuscula mobilia ciliisque instructa generantia, mascula autem minuta, foeminea multo majora. Quo quidem exemplo satis patere videretur quam diversa obveniant organa fructificationis in iis, quibus olim Dictyotearum familiam constare voluerunt.

De natura organorum, quæ ita quoque quoad functiones admodum diversæ in Dictyoteis (sens. lat.) adesse videntur, nihil certius statuere licere, nisi proprie ad id institutis observationibus de natura organorum, quæ in diversis fructificationis partibus contineantur, certiores facti fuerimus, id satis patere putarem. His vero concessis quæritur, anne ex ipsa structura par-

tium, in quibus contineantur organa, quid de natura et fructificationis indole concludere liceret.

Organa a me in Taonia observata, quæ mihi quidem admodum anomala inter Dictyoteas hodiernas adparuerunt, neque modificationem sistere sporarum, quæ zonas fructiferas Taoniae jamdudum cognitas constituunt, neque cum sporis Taoniae singulis per frondem sparsis comparanda esse, facilius patet. Si inter Dictyoteas proprias organa quædam adessent cum illis comparanda, haec in Padinis obvenientia putarem, in quibus organa siliquæformia, cylindraceo-clavata et articulis brevissimis instrueta, quæ olim sub nomine autheridii memorata fuerunt, quandam analogiam cum organis dictis Taoniae offerre viderentur. Adsumt vero in Taonia alia organa, quæ cum organis dictis Padinae melius convenire videntur; nec igitur cum his organa siliquæformia Taoniae comparanda esse, patet. Mihi vero haec organa inter Dictyoteas hodiernas quasi anomala, cum zoosporangiis sic dictis Cutleriacearum comparanti, tanta adparuit congruentia, ut organa utriusque analoga considerare vix dubitarem.

Characteribus a structura frondis desumptis præcipue fidens, plures species Taoniae adesse putarem, quas vero hodie rite distinguere vix liceat, nisi comparatis pluribus speciminiibus nonnullarum. Sequentes autem jam hodie enumerare liceat:

1. TAONIA ATOMARIA.

Satis constat hanc plantam esse adspectu admodum variam; et in *Bidr. Alg. Syst. II* p. 114 jam monui plures Species a Kütziegio depictas vix nisi formas unius ejusdemque speciei considerandas esse. Aliæ ex his (*Dictyota denticulata* Kütz. tab. 28 et *Stylopod. atomaria* Kütz. tab. 61) juniores formas plantæ sistunt; alias (*Stylop. flavum* Kütz. tab. 62 et *Styp. attenuatum* Kütz. tab. 63) plantas seniles puto, quæ præterea alio modo dissectæ pendere puto. Inter plantas ita distinctas forsitan potissimum diversam dicere eam, quam nomine *Stylop. flavum* distinctam voluit, cuius specimina ex pluribus locis Galloprovinciæ habui, quæ præter angustiorem frondem quoque substantia firmiore et stupa admodum evoluta, quoque segmenta inferiora scandente, sat insignis adpareat. A facie hanc vidi dense striatam, cellulæ corticalibus elongatis, suo diametro circiter 4-plo longioribus, aliis lineas simplices, aliis subdivisas formantibus. Intra margines hujus frondis incrassatae vidi sporas sparsas et plerumque distantes, nunc plures adproximatas fere seriatas diceres; in media vero fronde nullas observavi. His suadentibus lubenter assumere sporas mediae frondis jam evacuatas fuisse; hoc modo forsitan quoque testantibus frondem esse senilem. Sectione facta transversali vidi cellulariæ series intimas geminas constare cellulæ paulisper oblongis, cum paginibus parallelis, at parum distinctis a cellulæ corticalibus magis quadraticis aut directione paginas versus paulisper longioribus. Omnes autem series

sunt invicem parum dissimiles, et faciliter diceres omnium cellulas verticaliter superpositas obvenire. Sparsim quoque 5–6 ejusmodi series cellularum superpositas vidi; divisione, ni fallor, facta cellularum corticalium: at cellulæ nova ita ortæ contentu suo cellulas interiores magis referunt. Margines frondis laeæ, cicatricatos et paulisper excrescentes, cellulis laxius dispositis et magis rotundatis constare vidi.

2. TAONIA LENNEBACKERÆ *Farlow in Farlow Anderson et Eaton Alg. versic.*
Am. bor. n:o 160.

Hab. in oceano pacifico ad oras Californiae (Mrs. Bingham!)

Specimina pauca, quæ hujus vidi, differre videntur forma frondium admodum angusta et elongata, nunc nimis ultra pedalia longitudine, segmentis plurimis ima basi vix lineam latitudine superantibus, dein sensim at lentissimo gradu dilatatis; in media parte circiter latitudinem pollicarem attingentibus, laciniis supremis iterum lentissime attenuatis et saepe acuminatis; nunc medianam partem frondis quasi rimis longitudinalibus in segmenta solutis, quæ vero adhuc superne cohaerentia vidi, suprema segmenta saepe angustissima et longe acuminata. Frondes ejusmodi plurimas, basi simpliciusculas et stuposas, callo radicali instructas, in cæspitem conjunctas habui. Lamina frondis juvenilis superior tenera videtur et olivacea; adultior in nostris nigrescens. A facie inspecta tota frons densissime striata adparet, striis cellularum corticalium lineas longitudinales, rectiusculas et dense juxta-positiones formantibus. Cellulae corticales rectangulares suo diametro 1 $\frac{1}{2}$ –3 plo longiores, parietibus tenuioribus dense juxtapositæ. Sectione transversali vidi cellulas interiores subrotundatas, 4-plie serie superpositas; geminas nimirum intimas series cellulis paulo majoribus constitutas; his vero proximas constare cellulis duplo minoribus (geminis ex his singulis interiorum antepositis corticales denique cellulas, extimis interiorum duplo minores, et endochromate colorato dignoscendas. In fronde fertili series cellularum marginales 10–12 steriles observavi; tota area interiore cellulas fertiles sparsas generante. Cellule fertiles a corticalibus aliis forma sua magis oblonga dignoscendæ, nunc ita dense, ut fere seriatim dispositæ viderentur. Sectione transversali cellulas vidi fertiles sua basi inter alias corticales immersas, superiore parte magis inflata supra paginam emergente.

Speciem sui juris in hac agnoscere non dubitavi, suadente loco natali habitu peculiari, et cellulis corticalibus brevioribus quam in aliis Speciebus Generis.

Quum nulla mihi adfuerunt specimen authentica *Stylopodii fuliginosi*, nescio an hanc speciem ad T. Lennebacheræ proximam considerare oppoteret.

3. TAONIA AUSTRALASICA *J. Ag. mscr.* fronde juvenili tenuissima eximie cuneato-flabelliformi, a peripheria introrsum directione radiorum sensim quasi fissa, segmentis in adultiore et elongata sensim magis oblongo-cuneatis et in latus coactis subpinmatim dispositis, nunc quoque a margine proliferis, tota eximie fenestrata, areis inter trabeculas crassas et admodum conspicuas rectangularibus, suo diametro circiter sesqui-longioribus.

Spatoglossum australasicum Kütz. *Tab. Phyc. vol. IX tab. 48?*

Hab ad oras australes Novæ Hollandiae: I. Br. Wilson!

Est hæc quidem species sui juris et facile distincta, formam Taoniæ atomariæ suo modo paulisper diverso repetens. Sub forma maxime juvenili, longitudine pollicem circiter equante, frons est tenerrima, eximie cuneata et integerrima, in callum radicalem stuposum attenuata et filis confervoides decurrentibus conjuncta, margine peripherico rotundato et lateralibus subrectis limitata. In fronde 3-4 pollicari eadem adhuc conspiciatur forma, at frons lineis concentricis pluribus plus minus conspicuus notata, et a peripheria introrsum directione radiorum in segmenta erectiuscula fissa adparet. Frondem adultam demum vidi 6-pollicarem, a callo radicali stuposo surgentem inferne firmiorem at membranaceam dicerem, superne magis teneram; supra cuneatam basem in segmenta non admodum numerosa abeuntem, singulis segmentis inferne paulo angustioribus sensim dilatatis, latitudinem nunc 1—2 pollicarem attingentibus, saepe truncato-obtusis et in nova segmenta tendentibus, nunc quoque a marginibus, quos externa vi forsan lœsos putares, proliferationes minores emittentibus. Segmenta majora lateralia, quæ ita formantur, fiunt sensim mediis magis increscentibus quasi in latus deflexa, et hoc modo paulisper pinnatim disposita adpareant, terminalibus adhuc magis subpalmatim approximatis. Colorem plantæ ex viridi flavescentem dicerem.

Flabella cuneata terminalia plantæ junioris, margine rotundato integerrimo terminata, constituta cellulis quasi intra periphericum marginem apice truncato desinentibus, in fila elongata adparenter parallela, at revera in flabello radiorum directione excurrentia, parietibus adhuc tenuissimis juxtaposita, conjunctis; fila hæc elongata alia excurrunt simplicia, alia distantiis diversis intra marginem fiunt divisa, sua multiplicatione ita formam cuneatam flabelli generantia. Cellulae singulæ, quibus fila constituuntur, sunt adhuc juniores suo diametro circiter 3plo—4plo longiores; sensim vero hæc subdividuntur magis magisque et oritur areolatio frondis fenestrata quam maxime insignis, qua hæc species ab aliis speciebus Taoniæ primo intuitu dignoscatur. Totam adultiorem plantam usque ad inferiorem partem vidi in areolas minutas rectangulares subdivisam, parietibus crassissimis, quasi fibris contortis constitutis, areolas separantibus. Sectione facta transversali vidi frondem contextam cellulis triplici—4-plici serie dispositis, parietibus separantibus quasi fibrosis; ipsos margines nunc paulisper incrassatos observare credidi et hos 4 seriebus cellularum contextos, mediis cellulis paulo majoribus; medianam paginam nunc conspicue tenuiorem tantum 3-bus seriebus cellularum constitutam observare credidi.

In speciminibus nostris vidi sporas singulas sparsas globosas et extra paginam prominulas; in nonnullis nucleus 4 partibus sat evidenter divisum observare credidi.

Utrum in aliis speciminibus nonnullis Australasicis, frondibus inde a basi dichotomo-multifidis — formas quasdam Taoniae atomariae fere referentibus — speciem propriam agnoscere, an tantum formam abludentem alterius speciei, dubitavi; ad Taoniam atomariem hanc interea retuli, quamquam structura corticalium diversam observare credidi.

VIII. Padina (*Tab. I fig. 11.*)

Genus Padinæ, jam ab Adansonio creatum et characteribus instructum, quibus illud adhuc hodie inter affinia dignoscatur, si quid aliud, inter Al-

gologos quoad omnes numeros cognitum putares. Comparanti vero mihi tunc ea, quae ipse vidi, tum observationes aliorum, nonnulla dubia mihi adparuisse confiteor. Ut quoque de affinitate aliorum Generum certius judicatur, pauca de partibus fructificationis Padinae hoc loco addere placuit.

Statuit Reinke inter Padinas alia esse individua, quae neutra aut esexualia consideravit, alia organis sexualibus instructa. De planta esexuali, quam unicam observationes antecedentium Algologerum spectasse dixit, sequentia docuit. Soros, secus lineas concentricas et sursum et deorsum expansos, initio cuticula communi esse obtectos; cuticula vero dein dilacerata, sporangia aut magis obovata, aut magis globosa, emersa et per plures series disposita eminere. Sporas 4 his contineri, quare eadem Tetrasporangia nominavit. In quibusdam individuis Sporangia obvenire, quorum ex apice pertuso unicam sporam emissam fuisse, quam quoque germinantem vidit. Ejusmodi vero individua esse rariora, et nulla tetrasporangia in his adfuisse memoravit.

De individuis, quae organis sexualibus instructa assumptis, sequentia habet: Organa mascula et foeminea non in diversis individuis — ut in Dictyota norma videretur — sed utraque in eodem individuo generari. Quoque in his lineas concentricas obvenire, et utroque horum latere — sursum et deorsum — zonas fertiles evolutas fieri; paranematibus sensim dejectis cellulas corticales in cellulas fertiles transmutari. Oogonia esse numerosiora et densius disposita, contentu suo obscuriore quoque faciliter distineta. A Tetrasporangiis oogonia magnitudine minore esse diversa. Inter zonas concentricas quoque cæspitulos eorum minores obvenire.

Inter has zonas oogoniorum, easque quasi permeantes delineavit lineas longitudinales, cellulis reetangularibus constitutas, quae in antheridia converuntur. Haec quoad formam et divisionis modum cum iis Dictyotæ convenire viderentur; quoad icones vero paucis cellulis verticaliter superpositis constituta putares, nec modo Dictyotæ in Soros densos arete conjuneta.

Sporas oogoniorum a facie oblongas, epidermide crassiuscula cinctas, supra paginam parum elevatas videri; epidermide rupta, spora rotundato-oblonga fit libera et undarum motu sensim dispergitur.

Mihi cum his comparanti ea, quae ipse observavi, nonnulla sunt quae aliter vidi, alia quae mihi dubia adparuerunt. Sequentia a me observata afferre liceat.

Si unam pagiam¹⁾, quæ sub evolutione frondis eucullatae est interior et quam versus involvuntur margines incurvati, *interiorum* adpellare liceat, alteramque, quam versus tendunt lineæ concentricæ ciliorum, *exteriorum*; soros puto individuorum sexualium, quales in *Tab. IV fig. 4* a Reinke eximie depictos, in pagina exteriore generari et sub juniore stadio zonas anfractuosas, in ziezac, quod dixerunt, supra et infra lineas innovationis productas, demum prominulas fieri. Cellulas harum fertiles, directione et forma parum a cellulis corticalibus sterilibus initio abludentes, et inter alias cellulas frondis quasi decumbentes, at obscuro suo contentu facilius distinctas, sensim fieri in exteriore pagina frondis prominulas, nullo indusio tectas, nec filis quibusdam bracteantibus suffultas putavi. Soros hos nunc zonas continguas a margine ad marginem continuatas, nunc soros minores, spatiis minutis separatos, formantes vidi. Antheridia in his spatiis, qualia longitudinaliter decurrentia pinxit Reinke, nulla ipse observavi.

Mihi autem nullo modo certum adparuit evolutionis stadium ita descriptum revera sporas maturas sistere. Comparavi nimirum aliud specimen, in quo nulla indusii exterioris vestigia detegere mihi licuit, sporas autem vidi eximie prominulas, sere globosas, densissime juxtapositæ, juga concentrica, conspicue elevata, supra frondem formantes. Facilius conjicerem organa hujus speciminis sistere stadium maturum eorum organorum, quæ in specimine mox supra descripto nondum aut parum supra paginam eminentia vidi. Nescio an assumere liceret fuisse ejusmodi plantam, in qua Reinke tetrasporangia, at unica spora instructa, agnoscere voluit.

In individuis, quæ esexualia aut neutra nominavit Reinke, vidi soros concentricos transversales intra indusium disruptum offerre sporas pyriformes ad-

¹⁾ Certum mihi videtur in *Padina* unam paginam ab altera quoad functiones, vix autem quoad structuram ipsius frondis adultioris, invicem differre; satis quoque hodie constare putarem, unam esse suo margine supremo incurvatam, alteram vero esse zonis concentricis ciliorum instructam. Si frondem juniores secus longitudinem eucullatum involutam esse recte statuitur (*Icon. Harv. in Phyc. Br.*), unam igitur paginam esse interiorem, alteramque exteriorem, faciliter dijudicari videretur utrum sit pagina interior aut exterior, quæ margine supremo incurvata obvenit. De hac re vix certas notiones dederunt recentiores. Qui antea fuerunt auctores Algologorum de hac re nihil dixerunt, aut sëpe perverso modo de partibus diversis statuerunt. Mihi, hodie tantum ex speciminibus exsiccatis judicanti, adparuit esse paginam interiorem, cuius margines introrsum involuti sunt; exterioreaque paginam esse ciliis instructam. In hac exteriore pagina organa obvenire puto, quæ olim antheridia, ciliis initio mixta, dixerunt; in pagina vero interiori tum sporas plantæ neutrae, tum „oogonia” quæ matura putavi, generari.

modum magnas et perisporio quasi laxiore et demum hyalino instructas; omnesque soros, his organis constantes, eandem paginam frondis occupantes. In eodem vero lobo his instructo, at in aversa pagina, in spatio inter duas zonas sporarum circiter intermedio, observavi lineam angustiorem concentricam, quam majori augmento observatam constare vidi corpuseulis minutis, nullo indusio tectis et invicem liberis, cylindraceo-clavatis aut obovatis. Hæc corpuseula sporis evidenter multo minora, nec membrana horum laxius ambiente instructa; a latere observata mihi adparuerunt breviter articulata, articulatione autem ob contentum obscuriorum minus conspicua; quæ horum verticaliter posita observavi, ea monstrare videbantur contentum magis irregulariter in partes subdivisum. Hæc organa, in Speciebus Algarum a me descripta, ibidem, signis dubii adpositis, nomine Antheridiorum designata fuerunt; sporidia in iis contineri suspicatus sum. Animadvertere placet hæc organa semper, ni fallor, obvenire in ea pagina frondis, in qua (adhuc juniore) concentricæ series ciliorum generari constat. Mihi quoque contigit observare juniora horum stadia, in quibus eadem corpuseula cum paraneumatibus mixta obvenientia vidi. Eadem quoque organa fuisse, quæ in Harvey Phye. Brit. depicta fuerunt, vix dubium mihi quidem videretur.

Si ex iis, quæ hueusque observata fuerunt, conclusiones quasdam de affinitatibus Generum dicere licet, equidem conjicerem *Padinam*, *Taoniæ* et *Stylopodium* esse invicem proxima affinitate juneta, et quoad organa fructificationis potissimum convenire. In omnibus partes fructificationis nonnullæ in diversis individuis separantur; utrum alia individua nentra persistunt, alia organis sexualibus prædicta, ut hoc a recentioribus indicatum fuerit, ægre revera, nisi proprie ad id institutis observationibus dijudicatur. Quod attinet organa, quæ a Reinke antheridia judicantur, hæc quidem mihi non ita cognita, ut de his judicium quoddam ferre auderem. Organæ, quæ ipse olim una cum C. Agardh et Decaisne antheridia sistere putavi, hæc in Padina et Taonia ita invicem similia adparuerunt, ut de horum identitate vix dubitarem. Cujusnam naturæ sint, hodie quidem non liquet. Si ex forma et structura horum organorum judicium quoddam ferre licet, meminisse placet eadem cum organis in Cutleriaceis nonnullis potissimum convenire; his igitur suadentibus, sporidia mobilia in iis contineri, facilius quis crederet. Ipsa organa, plus minus siliquæformia, ita zoosporangia Dictyotearum constituere, facilius forsitan quis crederet. In Cutleriaceis haec organa duplicis generis adesse constat, observante Reinke. An in Taonia idem obtineret?

IX. Spatoglossum. (Kütz. mut. limit.). J. Ag. Bidr. Alg. Syst. II p. 111.

Iam antea rationes attuli eur Genus olim a Kützingio creatum assumere negavi, eo sensu et iis conservatis limitibus, quibus novum Genus circumscriptum voluerit. Species Kützingiani Generis, quibus proprium Genus conservandum putavi, paucas quasdam l. c. enumeravi, quarum vere unam, comparatis speciminibus cum Kützingiana melius ut speravi congruentibus, excludendam censeo, adjectis vero aliis, quibus Genus ampliatum hodie proposui. In Spatoglosso series cellularum supremæ margines versus flabellatum radiantes excurrunt. Quod vero attinet organa fructificationis confiteor me nescire utrum cum iis Dictyotæ sint congruentia, an plus minus diversa. Organæ similia iis, quæ sporas singulas in Dictyota olim nominarunt, in plurimis speciebus Spatoglossi equidem vidi supra totam aream interiore frondis sparsa; de aliis vero organis propriis observationibus nihil didici¹⁾.

1. *Fronde, a faeie inspecta, conspiciue areolata, areolarum seriebus longitudinalibus in disco longitudinaliter excurrentibus parallelis, dein extrorsum margines versus radiantibus; zonis areolarum transversalibus admodum conspicuis areuatis, sursum convexis, inferiore sua parte deorsum decurrentibus lineas marginales formantibus.*

1. SP. CORNIGERUM (*J. Ag. mscr.*) frondium laciniis principalibus subpalmatisectis, superioribus dichotomis linearibus, infra bifurcationes dilatatis, segmentis supremis sape extrorsum integriusculis, interiore latere supra sinum rotundatum lacinulas minores sensim excrescentes gerentibus.

Hab. ad oras australes Novæ Hollandiæ (New Sth. Wales Rev. Collie!)

Unicum hujus tantum vidi specimen, quod *Sp. variabili* proximum judicavi, suadente structura frondis cum hac specie potissimum conveniente, at ramificationis norma peculiariter fit habitu sat diversum. In utraque specie segmenta principalia fere palmatim disposita; dum vero in *Sp. variabili* segmenta media, quasi magis incrementa, gerunt exteriora sensim subpinnatim disposita, et fiunt eodem modo ulterius subdivisa; contra, in specie Australasia, segmenta secundaria sursum cuneatim dilatata, quasi in gemina brachia supra sinum patentem fiunt dichotoma, uno margine nudiuscula, altero (sæpe interiore) in lacinulas novas breviores properante. Structuram frondis talem vidi, qualem huic Generis sectioni

¹⁾ In *Annal. des Sciene. Nat. Botan. IV. Scr. 1856 Tom. V p. 216* Derbes antheridia in *Sp. Solierii* descripsit et iconem illustravit. Ab aliis auctoribus nullas observationes, structuram partium fructificationis illustrantes, mihi cognitas habeo.

supra describere molitus sum. Venæ crassiusculæ, quasi fibris contortis contextæ, areolas subhexagonas aut fere quadraticas includunt, Majori augmentatione frons observata monstrat cellulas corticales fere quadraticas; marginibus vero proximæ fiunt angustiores et longiores. Ipsi margines a facie observati limitati viderentur cellulis longitudinaliter seriatis, media sua parte prominatis, seriem tangentialem fere moniliformem mentientibus.

2. SP. VARIABILE *Fig. et De Notar. Alg. Mar. Ross. fig. IV. Zonard. pl. mar. rub. p. 38. J. Ag. Bidr. Alg. Syst. II p. 113.*

Sp. lubricum Fig. et De Not. l. c. fig. I. Kütz. tab. phyc. vol. IX tab. 48.

Ante alias omnes hæc species monstrat areolas in zonas transversales arcuatas, sursum prominulas in medio disco, margines versus deorsum decurrentes et inferne quasi series marginales formantes; et præcipue in phyllis minoribus hanc dispositionem conspicuam vidi. Cellulæ corticales subquadraticæ, paucæ suo diametro sesquilogiores; secus margines haec longiores et angustiores adparent, suo diametro 2plo—3plo longiores. Ipsos margines putares cellulis longitudinaliter seriatis, media sua parte prominulis contextos. Sporas singulas rotundatas, per totum interiorem discum densius sparsas vidi. Extra marginales cellulas, mox descriptas, sape vidi protuberantias rotundato-hemisphaericas, quas nunc germinatim adproximatas facilius crederes a diversis paginibus emergentes. Hæc protuberantiae cinguntur suis cellulis corticalibus circumcirca radiantibus.

3. SP. ASPERUM (*J. Ag. mscr.*) frondium laciniis demum subpinnatim dispositis, in formam lanceolatam tendentibus, basi apiceque attenuatis, marginibus et nunc quoque pagina denticulis minutis asperis, sporis singulis per totam paginam densissime sparsis.

Hab ad oras Ceylonæ (Fergus. Alg. Ceyl. sub. n:o 54 in nostr. coll.)

Specimina habui numerosa, alia cæspites minores, 3—5 pollicares constituentia, alia, quæ laciniæ videntur majores, sensim excrescentes, fere 6—8 pollicaria, et pollicem circiter lata, modo crescendi cum Sp. Solierii potissimum comparanda at aspera et crassiore fronde facilius distincta. A facie observata monstrat dispositionem areolataam specierum antecedentium, at zonas transversales minus regulares vidi, quasi lineis magis anfractuosis indicatas. Sectione transversali vidi interiores cellulas pluriseriatas, at in nostris ita collapsas ut de dispositione accenratius dicere non licuerit. Marginales cellulas in ima parte frondis 5—6, directione radii elongatas oblongas, ipsum marginem obtusum formantes observare credidi. Planta exsiccata obscura et aspera, fere dices Rissoellæ, madefacta colorem saturatius brunneum assumisit.

Inter Algas Ceylonenses, a G. Murray enumeratas, nullam vidi, quam cum nostra identicam assumere anderem; nisi forsitan *Tuonia Schroederi*, ibidem p. 35 memorata, nostram spectaret.

4. SP. MACRODONTUM *J. Ag. Bidr. Alg. Syst. II p. 113.*

Hab. ad Port Denison, Novæ Hollandiæ superioris; unicum specimen hujus tantum vidi.

Ad descriptionem l. c. datam vix aliquid hodie addere haberem. Tantum moneam structuram mihi adparuisse præcipue cum antecedentibus convenire, quamquam ab his admodum habitu diversa. Suadente habitu potissimum convenire dices cum forma, quam sub nomine D. Schroederi icone illustravit Areschoug. Structura autem hujus valde diversa; utpote, frons a facie inspecta, quasi striis longitudinalibus flexuosis striata adparet. Frons vero in Sp. macrodonto, a facie inspecta, sat conspicue areolata adparet, areolis zonas transversales arcuatim adscendentibus formantibus. Zonas tamen has paulo minus evidentes vidi quam in Sp. variabili. Series longitudinales in disco sat conspicue et parallelae excurrunt, exteriore arcuatim margines versus radiantes. Cellulæ corticales omnes fere quadraticæ adparent aut suo diametro parum longiores.

II Fronde a facie inspecta areolata, areolarum seribus longitudinalibus in disco longitudinaliter excurrentibus parallelis, dein lineis cellularum corticalium extrorsum margines versus radiantibus, continuatis; zonis areolarum transversalibus rix conspicuis.

5. SP. SOLIERII *Chauv. J. Ag. Sp. p. 103. Kütz. Tab. Phyc. vol. IX tab. 46.*

Frons hujus quidem areolata in partibus adultioribus; in juvenilibus vix aliæ areolæ conspiciantur quam quæ cellulæ corticalibus formantur. Parietes harum quoque tenuiores videntur, et ipsæ cellulæ, chromatophoris farctæ, obscurius discernantur quam in plurimis aliis. Cellulæ corticales in media laciniarum parte plurimæ quadraticæ adparent; marginibus vicinæ parum diversæ. Ipsos margines occupant cellulæ oblongæ, media sua parte prominulae, hoc modo frondem quasi margine monilifero cingentes. — Zona transversales arcuatæ, quibus dignoscere putavi species antecedentis sectionis, in D. Solierii vix conspiciantur.

6. SP. GRANDIFOLIUM *J. Ag. mscr. frondis parcus diehotomæ foliis supra stipitem attenuatum lanceolatis subintegerrimis, indivisis aut superne unum vel alterum lobum subalterne separantibus, apicibus attenuatis obtusis, cellulis fertilibus per totam superficiem densius sparsis.*

Hab ad oras Novæ Hollandiæ australis: ad Port Phillip Heads J. Br. Wilson.

Hæc est species Generis inter cognitas facile maxima, foliis nunc ultra pedalibus et bis pollicem latis, nunc vero, ubi magis decompositam stipitibus densius dichotomis vidi, foliis 4-6 pollices longis, et latitudine vix pollicem æquantibus, at forma convenientibus

instructa. Folia minora aut indivisa vidi, aut lobo minori instructa; majora inferne iudivisa, supra medium partem lobis sub alternantibus paucis 3–4 instructa; lobi supra sinum rotundatum erectiusculi, adultiores 3–4 pollicares, supremi circiter pollicares in apicem obtusum attenuati. Sectione transversali vidi frondem pluribus seriebus cellularum superpositis contextam, interioris strati cellulis mediis majoribus, exterioribus minoribus; corticalibus endochromate coloratis. A facie frondem cum Sp. Solierii potissimum comparandam putarem. Areolæ fere quadrangulares adsunt, at hæ vix in zonas arcuatas conjunctæ, quales in prima sectione Generis sat evidentes vidi. Areolæ vero mediæ frondis in series longitudinaliter excurrentes parallelas dispositæ, quarum laterales arcuatim margines versus excurrunt; et marginales adsunt quoque longitudinaliter excurrentes, at in spatiis, ubi series arcuatae numerosæ a longitudinali directione margines versus excurrunt, sæpe adsunt quasi macule rhombeæ, in quibus areolas alternantes facilius quis diceret. Ubi longitudinaliter excurrunt series, areolæ interiores velut cellulæ corticales quadratice adparent, marginales vero rectangulares. Adsunt præterea puncta illa obscuriora, que in lamina Dictyotarum sæpe sparsa obveniunt. Hæc magis evoluta nunc maculas, seriebus longitudinalibus et transversalibus seriatis constitutas, efficere vidi; nunc cellulas istas seriatas, in fila fere clavata, brevia, articulis rotundatis subdivisa evoluta observavi. Sporas singulas per totam superficiem sparsas vidi.

Quoad formam exteriorem hæc species *Dictyotam latifoliam* magis quam species alias *Spatoglosi* refert; exstat quoque alia species *Dictyotæ* (*D. atomaria* *Hauk*) cujus folia quoad formam nostram speciem non parum referunt; at hæc folia marginibus ciliatis instructa vidi; in *D. atomaria* præterea cellulam terminalem *Dictyotæ* evidentem vidi, et sporas collectas in oases fertiles, spatiis sterilibus sejunctos. In *Sp. grandifolio* cellulas apicales radiantes observare credidi.

III *Fronde a facie inspecta vix conspicue zonata; tota area frondis interiore striata, striis cellularum corticalium lineas flexuosas formantibus, interioribus et marginalibus secus longitudinem frondis excurrentibus, intra-marginali spatio quasi areolas rhombeas formantibus.*

7. SP. SCHROEDERI (*Mert. mscr.*) frondis membranaceæ dichotomo-subpalmatifidae segmentis majoribus elongatis linearibus, margine sensim apiculis minutis acuminatis distanter serrato aut foliolis sensim excrescentibus prolifero, foliis prolificantibus supra pedicellum angustissimum sublinearis, sensim dichotomis et obtusis, margine initio integerrimis.

Ulva Schroederi *Mert.* in *Mart. Icon. pl. crypt. Tab. II fig. 3.* *Taonia?*

Schroederi *J. Ag.* *Sp. I p. 102.* (partim).

Spatoglossum Schroederi *J. Ag.* *Bidr. Alg. Syst. II p. 113.* (partim).

Hab. ad littora Americae calidioris a Brasilia ad Floridam.

Sp. Schroederi *Mert.* dignoscatur fronde tenuiore, ab initio dichotoma, quin immo aliquando segmentis adproximatis subpalmata, et insuper novis segmentis a margine frondis

pullulantibus, basi admodum contractis, irregulariter, ut adpareat, decomposita. A margine præterea proveniunt dentes minuti acuminati, qui ad speciem dignoscendam plerumque eximie conferant. Segmenta principalia nunc ultra pollicem lata vidi, sœpius angustiora et fere linearia dicerem, nisi segmenta a margine prolificantia basi eximie attenuata inferne cuneata obvenirent. Ubi segmenta in novas dichotomias exerescere tendunt, hæc ab initio sub forma dentis obtusi obveniunt. Segmenta juniora patentia et margine inarmato instructa. Stupa radicalis adest in stipite evidentius incrasato. Structuram talem vidi, quam le pro supra huic sectioni characteristicam indicare conatus sum.

Sub nomiue *Sp. Schroederi* duas species confusas fuisse mihi fere certum videtur; prima a Mertens descripta et iconibus a Martio datis illustrata, multo magis membranacea et apicalis minutis dignoscenda; altera ab Areschougio et Kützingio depicta, firmiore et grosse deutata.

S. SP. ARESCOUGII (*J. Ag. mscr.*) frondis crassiusculæ dichotomo-subpalmatifidæ segmentis sensim subpinnatim dispositis lanceolatis acuminatis distanter grosse et obtusius dentatis, nunc inter dentes paueos apicalis sparsissimis obsitis, foliis junioribus supra pedicellum attenuatum lanceolatis subfalcatis.

Dict. Schroederi Aresch. Icon. Phyc. tab. IX. Sp. Schroederi Kütz. tab. phyc. vol. IX tab. 51.

Hab. in oceano atlantico ad oras Indiae occidentalis (V. Cruz Liebmann!) ad Pernambuco (Hb. Areschoung!).

Hæc mihi videtur planta paulo firmior quam primitus a Mertensio descripta *Ulva Schroederi*; colore quoque magis ex fulvo fuscescens, dum primaria junior magis ex fusco-nigrescens. Structuram in utraque specie vix diversam vidi. Dentes grossi zonas arcuatas superpositas monstrant. Ubi dentes desunt, margines formantur cellulis tangentialibus, media parte prominulis, quasi moniliformibus.

Plantam, huic ni fallor proximam, ex insula Mauritii mihi misit Mellvill; ob locum natalem diversum hanc omnino identicam considerare dubitavi.

X. *Stoechospermum Kütz.*

Inde a tempore, quo hoc Genus instituerat Kützing, ab omnibus agnotum videtur; de fructibus autem et proxima affinitate Generis alios aliter judicasse, patet. Hoc respectu nonnulla observanda putarem:

Cellulas interiores, pluribus seriebus superpositas, non stricte e regione positas esse, icones datae docent. Stratum corticale monostromaticum constat in media et axili parte frondis cellulis in strias elongatas, secus longitudinem frondis excurrentes, conjunctis; eadem infra apices segmentorum, paulisper

divergentes, radiantes excurrent; media pars segmentorum seriebus cellularum areuatim margines versus excurrentibus est obiecta; et in haec regione partes fructificationis generantur. Per frondem sparsos, aut distanter seriatos obvenire fasciculos, filis elongatis articulatis monosiphoniis constitutos, animadvertere placeat. Hos cryptostomatibus Fueacearum analogos assumere vix dubitarem.

Organia fructificationis in *St. marginato* sequentia observavi: In specimine juniore soros duplicis formae nunc observavi; nimirum alios minores, ambitu rotundatos, spatiis sterilibus majoribus sejunetos: alios majores, secus margines elongatos, fere lineares dicendos, paulo intra utrumque marginem dispositos, demum validos soros formantes. Soros hos elongatos non nisi aetate a rotundatis diversos esse, et revera pluribus rotundatis confluentibus oriri, mihi non dubium adparuit. Soros, saltem ab initio, in unica tantum pagina evolutos fieri, observare credidi.

In soris rotundatis, a facie observatis, vidi centralem quandam regionem, colore albescente facilius distinctam, organis minoribus cuiusdam generis sat evidenter constitutam; ex qua regione soros juveniles, quasi radiantes, sensim magis expansos fieri facile putares. Si nimirum eodem modo observantur sori majores, inter sporas sic dictas horum quoque observare licet ejusmodi maculas albescentes. Et praesentia plurium harum intra emndem sorum majorem concludere ausus sum soros majores, demum confluentibus pluribus minoribus, sensim magis expansis, revera oriri.

Si sectione transversali observatur sorus, constare videtur sporis (sic dicitis) obovatis, perisporio hyalino cinctis, nunc dense juxta positis, nunc interspersis paraphysibus, inferne filiformibus, superne in apicem clavato-globosum expansis. Paraphyses has articulatas non vidi. A facie inter paraphyses et sporas vix liecat distinguere; Soro vero transversaliter secto, modo dicto constitutum observavi.

Centralem illam regionem ex griseo-albescenatem esse paraphysibus totum constitutum facilius forsitan quis crederet; sensim nimirum in exteriore sori parte evolutis sporis, partes periphericas formari, forsitan suspicaretur. Ut vero mibi contigerit, sectione transversali facta, centralem dictam regionem albescensem cum exteriore comparare, vidi centralem regionem constare cellulis verticalibus, 3plo-4plo brevioribus quam iis sorum proprium formantibus; et cellulas regionis mediae omnes ita aequi longas et invicem consimiles ut de diversitate utriusque partis vix dubitandum mihi adparuit. Majori augmento

adhibito observavi totam centralem regionem dictam constare organis, intra membranam latiusculam (hinc albescensem) contentum magis fuscescentem foventibus; contentum hunc in globulos minutos rotundatos divisum videre credidi. Ipsa organa nulla articulatione divisa, nec seriale quādam dispositionem ipsius contentus observare contigit: mutua pressione eadem angulata putavi; omnibus perpensis organa proprii ejusdem generis in his agnoscere vix dubitarem. Lubentius suspicarer haec organa sistere *antheridia Generis*, forsitan nostris nondum rite evoluta.

In forma, quam ut speciem propriam, nomine *St. maculati* descripsi, alias fructificationis partes dignoscere putavi. Dum in *St. marginato* unam paginam praeципue fertilem putarem, organa quae in *St. maculato* vidi utramque paginam fere aequa occupantia observavi; et quamquam in maculas numerosas, invicem distinctas et ambitu variantes disposita, tamen in dispositione macularum, in parte frondis fertili, ordinem quendam in ziezae ut dicunt hic et illuc productam agnoscere licuit haud absimilem ei, quem soro Taoniæ atomariae in iconе tribuit Reinke. Tamen maculas in *Stoechospermo maculato* paulisper magis invicem distinctas dicerem, nec in zonas contiguas rite confluentes. Maculae istae a facie observatae, adhuc ut putarem juniores, vix nisi contentu suo obscuriore a cellulis corticalibus diversæ mihi adparuerunt. Adultiores fiunt magis prominulæ, obovato-rotundatae. Cujus naturæ sint haec organa difficilius hodie dicitur. Sunt forsitan qui crederent soros in diversis speciebus *Stoechospermi* sub diversa forma obvenire posse, velut in diversis *Halyseridis* speciebus sori alias formas induuntur. Contra ejusmodi explicationem forsitan quispiam moneret utramque paginam fieri soriferam in una specie, unam vero tantum in altera; porro organa ista, in medio soro albescens, quae in una Specie uberiori producta essent, in altera deficiencia mihi adparuerunt.

Animadvertere placet organa proprii ejusdem generis in eodem *Stoechospermo maculato* a Kützing (*Tab. Phyc. vol. IX tab. 41*) depicta fuisse. Quoad adspectum haec organa potissimum convenientia putarem cum pusulis istis, in Speciebus Dictyotæ frequenter obvenientibus. Utrum in his antheridia inchoantia, an organa omnino diversa agnoscere opporteat, id hodie vix dijudicatur.

Si de affinitate Generis ex iis, quae hucusque observata fuerunt, conjecturam quādam proferre opporteret, confiteor affinitatem proximam *Halyserin* versus tendere, mihi adparuisse. Ex paraphysibus, quae adsunt in soro *Stoechospermi*, affinitatem proximam cum *Zonariis* augurari vix auderem.

XI. Halyseris.

Fere inde ab eo tempore, quo Genera Algarum dignoscere inceperunt, *Halyseris* ut Genus sui juris, præsentia costa ab aliis Dictyoteis distinctum considerarunt. Quum hodie aliud Genus inter Dictyoteas costa instructum cognovimus, quod cum *Halyseri* proxime congruere neutiquam judicarunt, oritur, ut mihi videtur, quaestio cuinam aut quibusnam aliis Generibus *Halyseris* proxime affinem considerare opporteat. A Generibus Dictyotæ proximis *Halyseris* differre defectu cellulæ terminalis et ab hæc pendente evolutione cellularum primigenitarum, satis constat. In *Halyseri* revera sunt cellulæ supremæ extrorsum divergentes, et series longitudinales cellularum a costali regione quasi radiantes excurrunt. In fronde ejusdem evoluta, fere 3 regiones dignoscere liceat ab ipsa dispositione cellularum indicatas: nempe *costalem* obtectam cellulæ corticalibus rectangularibus, angustis et suo diametro plures longioribus — fere strias longitudinales formantibus —; *intermedium* in qua cellulæ corticales breviores et latiores lineas arcuatas a media regione extrorsum radiantes efficiunt; et *marginalem* denique constitutam cellulæ secus lineam tangentiam marginis elongatis; patet vero in ea regione, in qua cellulæ extrorsum radiantes et marginales propriæ obviae fiunt, dispositionem quodam modo turbatam incanto facilius adparere. Si eum haec dispositione cellularum comparatur structura *Spatoglossi*, vix aliter hanc differre videoas quam costa minus definita.

Ipsa structura interiore examinata, quoque patere putarem vix aliam esse inter *Spatoglossum* et *Halyseris* differentiam structuræ quam eam, quæ a formatione ipsius costæ oriatur; hæc vero, quamquam eximie conspicua in *Halyseri*, tamen quoad ortum non admodum diversa videatur ab illa, quæ in formis olim ad Dictyotam relatis obveniant, in quibus cellulæ interiores dividuntur parietibus cum paginibus parallelis. Sunt vero in *Halyseri* tantum cellulæ mediae frondis pauciores, quæ ita mutatae costam ambitu magis definitam constituant.

Antea quam in plurimis aliis Generibus polymorphia quædam organorum fructificationis in *Halyseri* cognita videtur. Iam apud Greville probe distinguitur inter individua sporas singulas generantia et alia, soris instructa. Præterea quoque memorata videoas Individua, quorum frondes quasi cicatricibus flexuosis, lineas limitaneas chartæ geographicæ mentientibus instruetæ adparent. Quin immo animadvertis in superficie adesse poros minutos, a quibus

fasciculi filorum exeunt; quales in Fueis adesse constat. Soros et sporas sparsas in diversis individuis obvenire, expressis verbis quoque dicitur. Quæ quidem omnia nituntur observationibus sub longa serie annorum a D:na Griffiths factis; et de quibus ipsa in seedulis speciminum quoque mentionem fuit.

Quod attinet adspectum et dispositionem organorum diversorum, vix aliquid contra ea, quæ ita docuit Greville, animadvertisendum habuerunt posteri. Quum vero de contentu et functionibus organorum alias opiniones professi sunt nonnulli, pauca ulterius de diversis organis hoc loco addere placet.

Ut in pluribus aliis Dietyotearum Generibus cellulæ fertiles certas regiones frondis occupant, ita etiam in Halyseri cellulas fertiles in regione illa intermedia supra descripta saepius provenire mihi adparuit. In hæc vero regione, et nulla facta inter utramque paginam differentia, at in aliis Individuis organa diversi generis generari omnia addere voluisse, nisi in paucis quibusdam Individuis organa vidisse fere supra ipsam costam provenientia, lineam angustam fructiferam ita formantia. Organa ibidem provenientia magnitudine et adspectu sporas in soros collectas potissimum æmulari dicem; at in nostris nimium collapsa, quam ut certius quid de eorum natura statuere auderem. In Individuis hæc organa generantibus nulla alia in lamina frondis provenientia vidi; ipsa specimina plantam juniorem indicantia mihi adparuerunt. Dubitavi anne in his antheridia a Johnson observata agnoscerem.

In speciminibus nonnullis soriferis præter soros utrinque secus costam dispositos, ambitu magis longitudinales, aliquando obvenire quasi exteriorem seriem, soris minoribus et magis rotundatis constantem, quam a D:na Griffiths jam observatam fuisse testantur seedulae speciminum ab illa inscriptæ. Mihi has examinanti adparuit soros utriusque seriei constare organis adspectu vix invicem diversis; et utrosque in utraque pagina generari¹⁾.

¹⁾ Satis inter Algologos constat specimina II. Polypodioidis adspectu saepe obvenire admodum dissimilia. Segmenta non tantum latitudine diversa, ita ut juniora 2—3 lineas lata et integerrima, dum in planta adultiore et senili 4—6 lineas lata obveniant, et in lacinias, a margine costam versus oblique productas, saepe plurimas fissa. Si assumere licet laminam sensim a costali regione ex crescere latiorem, et diversitatem latitudinis ab aetate pendere, et ortum laciniarum ipsa cogente directione cellularum radiantium facilius explicari videretur. Forsan quispiam crederet consimili quodam modo explicari diversitates in situ organorum, quibus sori constituuntur. Prima nimirum initia sori supra costam inchoari; soros vero dein in proxima vicinia costæ rite evolutos fieri; ulterius dein

Sporas singulas in superficie sparsas, quales in iconibus a Greville et Harvey depictas videas, in ipsis speciminiibus a D:na Griffiths datis quoque observavi. Plurimas harum oblongas vidi, et inter alias cellulas corticales extrorsum radientes quasi decumbentes, nec forma ab his ab initio diversas, at contentu obseuriore, nusquam signa divisionis eujusdam præbente, facilius distinetas. Præter has autem cellulas, quas omnes nondum rite evolutas putarem, vidi organa pauciora inter cellulas decumbentes sparsa, verticaliter supra paginas emergentia et demum omnino emersa, quæ a facie observata fere globosa mihi adparuerunt, intra membranam pellueidam contentum obseuriorem foventia. Contentum evidentissime vidi in globulos minutos numerosissimos rite limitatos divisum. Ubicumque haec organa emergentia et globosa accuratius observaverim, contentum eodem modo in particulas numerosas, ambitu definitas, at ut mihi adparuit multo conspicuo ordine juxtapositas divisum vidi. Perpendenti mihi haec organa obvenire sparsa inter cellulas alias obseuro contentu faretas, at adhuc inter cellulas steriles quasi decumbentes, in quibus quoque diversa evolutionis stadia, si quoque parum conspicua, dignoscere putavi, vix dubium adparuit utraque sistere diversa evolutionis stadia unius ejusdemque organi. Eadem denique organa sub evolutionis stadio omnino maturo a cel. Crouan observata fuisse, extra omnem dubitationis aleam positum putarem. Nimirum illi jamdudum ex apice rupta sporidia ovoidea et motu prædicta erumpentia observarunt¹⁾.

Quod denique attinet individua, graphicis illis lineis flexuosis instructa, animadvertere placet ipsam frondem in his esse sparsim incrassatam, et lineas istas nunc unam supra alteram continuari, quod facilius explicari putares, si assumere licet lineas indicare limites (cicatrices) partium delapsarum, quarum aliae generantur novæ, aliis prius evolutis jam delapsis. In ejusmodi in-

exercente lamina primum natos soros, margines versus productos fieri, novis soris juxta costam formati.

¹⁾ In *Flor. Finist. Tab. 29 fig. 6* ipsa sporangia depicta videas, quæ mihi fere adparuerunt, si quoque organa iis contenta (Sporidia) magis evidenter invicem distincta, fere globosa observaverim. In diss. propr. de Dictyoteis (*Soc. Bot. de Fr. II n. 7 p. 444*) de sporangiis sparsis in Halyseri sequentia habent: "Nous avons examiné au microscope ces sporanges qui sont ronds ou ovés, ceints par une membrane hyaline fortement accusée, et nous avons vu les sporidies qu'ils contenaient sortir par le sommet du sporange et se dissemener sur le porte-objet du microscope; elles sont ovoïdes presque rondes et jouissent du mouvement inhérent à toutes les Sporidies".

dividuis et plerumque in proxima vicinia costae observavi soros proprie cu-jusdam indolis, minutos et ambitu rotundatos, quos an autheridia inchoantia Auct. sisterent dubitavi.

XII. Dictyota.

Hodie quidem satis constat cellulam terminalem, cuius bifurcatione segmentorum paria in Dictyota et Generibus huic proximis generantur, quoque in inferiore sua parte iteratis subdivisionibus transversalibus sensim creare zonas cellularum, quibus superpositis longitudinaliter increscit tota frons. Has zonas subdivisionibus longitudinalibus, paginas versus verticalibus subdivisas fieri in cellulas juxtapositas, quae pro diversitate specierum aut pauciores aut plures inter margines generantur, articulos polysiphoneos, at planos, suo modo annulantes, id quoque omnibus horum Generum speciebus normale putarem. Si his additur cellulas, hoc modo creatas, duplices esse generis, alias *interiores*, semper, ni fallor, exterioribus maiores, alias *corticales*, endochroma coloratum foventes, facilius forsan quis erederet indolem structurae et evolutionis normam sat claram indicatam fuisse.

Cuicunque autem partes supremas in segmentis ultimis Dictyotae cuiusdam cum adultioribus partibus comparanti, vix non primo intuitu adpareat insignes esse in structura harum partium differentias. Dum in supremis et juvenilibus partibus cellulæ, quæ conspiciantur omnes, summa et quidem mira regularitate tum longitudinaliter seriatae, tum per zonas transversales, quarum supremæ arcuatae et cellulam versus terminalem convergentes, inferiores vero sensim sensimque fiunt magis rite transversales, disponantur (*Dict. crenulata*), longe alia videtur cellularum dispositio in partibus inferioribus et adultioribus. Neque interiores cellulas maiores, neque corticales minutæ rite zonatim dispositas dices. Parietibus nimirum tum cellularum interiorum translucentibus, tum corticalium simul conspicuis quasi duplex videretur reticulatio in adultiore frondis parte a facie observata; et frondem sub hoc evolutionis stadio facile dices tessellatam, areis aliis majoribus saepe magis quadraticis, aliis minoribus saepe rectangularibus. Sunt Species, et hæ ni fallor sunt plurimæ, in quibus ista areolatio tessellata serius evanescit, ita ut frons senilis in his, a facie observata, quasi striata adparet cellulis rectangularibus angustis, in lineas secus longitudinalem frondis excurrentes conjunctis. Si quoque in areis quadraticis majoribus cellulas interiores per zonas regulares dispositas; et in

striis angustioribus cellulas corticales recognoscere crederes, inquirendum tamen mihi videtur quo modo, quam ob causam et quem in finem cellulae aliter dispositae adpareant in partibus atate diversis. Patet, ut mihi videtur, dispositionem in partibus adultioribus conspicuam dislocatione quadam cellularum, certum ad finem perducta, tantum explicari posse.

Patet quoque, ut mihi quidem videretur, characteres Specierum, si quidem structuræ quibusdam diversitatibus niterentur, parum certos obvenire debere, nisi diversitates structurae, quæ ab evolutionis stadio plus minus perdueto pendeant, probe dignoseantur af iis, quæ certis speciebus privæ videantur. Quod vero ut intelligatur pauca præmonenda mihi videntur de singulis stratis eorumque evolutione, qualem hanc percipere credidi.

Primam originem interioris strati observare putavi in cellula, ut mihi adparuit, naviculari, membrana mollissima et endochromate pellucido facilius distineta a cellulis corticalibus circumcirea eingentibus, quæ et parietibus firmioribus et endochromate obseuro sat diversæ mihi obvenerunt. Hanc cellulam adhuc indivisam observare eredidi in eadem zona (infra cellulam terminalem) cujus cellulae corticales parietibus longitudinalibus jam fuerunt subdivisæ. Si igitur haec cellula non tantum situ et consistentia membranæ atque endochromate alio, sed etiam divisionis ordine a corticalibus diversa esset, sequi putarem stratum interius jam a prima origine ab exteriore strato diversum generari. Neque igitur dispositionem cellularum unius strati a dispositione cellularum alterius pendere, libentius assumerem.

Cellulas interiores primigenitas mox subdivisas fieri parietibus paginas versus verticalibus, certius constat. Oritur hoc modo transversalis series cellularum juxtapositarum, quæ pro diversitate specierum aut plures aut pauiores formantur, et omnes consimiles, marginalibus exceptis, quæ margines versus convexiuseula obveniant. Cellulas interiores, hoc modo in fronde plana formatas, semper monostromaticas vidi in omnibus speciebus, quas Dictyotæ genuinas credidi. Sunt vero haud paucae species, alio respectu Dictyotæ speciebus simillimæ, quas cellulis interioribus iterum subdivisis, parietibus cum paginis parallelis, diversas ad Genus proprium *Dilophi* retuli.

Cellulas interiores, quæ in zona superiore generantur, ab initio superpositas esse singulis cellulis inferioris zone, et cellulas hoc modo disjunctas fieri septo saepius rite transversali assumendum putavi. Hinc comparanti series longitudinales, quales in apice furcato a geminis segmentis ultimis in unicam penultimam deorsum continuantur, adpareat series longitudinales cellularum in-

feriorum esse duplo numerosiores in segmento inferiore quam in superiore. Satis vero constat multas esse Dictyotæ species, quarum frondes lineares eandem latitudinem servant per majorem suam partem. Hinc assumere fas est series longitudinalis cellularum cum aetate sensim augeri. Revera quoque sparsim observare licet cellulam unius zone non unico septo transversali, sed geminis in angulum productis desinere, et in proxima zona duabus cellulis continuari.

Cellulae vero interiores, quæ modo dicto formatæ in fronde plana generantur monostromaticæ, et ab initio ejusdem sunt longitudinalis, in pannis tantum Speciebus articulatum adspectum diutius servant. Ita in speciebus non nullis angustioribus, quæ segmentis terminalibus magis acuminatis dignoscantur (*D. furcellata*, *D. fasciola*), articuli in segmentis supremis sat conspicui permanent. Quoque in nonnullis speciebus, quæ segmenta terminalia obtusiora generant, et quarum zone supremæ arcuatae et sursum convergentes adparent cellulam versus terminalem, fiunt inferiores zone sensim rite transversales et quoque in adultiore fronde recognoscantur facilius, si quoque sparsim paulisper irregulares obveniant (*D. crenulata*). Sunt aliae species, in quibus septa transversalia, zonas diversas separantia, lineas arcuatas ab utroque margine mediam versus partem frondis adsecentes refererunt (*D. radicans*); sunt denique aliae in quibus zonatam quandam dispositionem cellularum interiorum agnoscere licet, si quoque linæ, quibus indicantur septa transversalia, magis anfractuosæ et sparsim quoque abruptæ adpareant. Restant denique forsitan plurimæ species, in quibus frons potius alterne tesselata quam zonata videatur, arcis nempe quadratis aut rectangularibus non e regione positis, sed cum proxime vicinis sœpe alternantibus, in quibus hoc modo dispositio cellularum interiorum a primaria dispositionis norma sat ab ludere videretur.

Quantumcumque vero varia adpareat dispositio cellularum interiorum in diversis speciebus — et quidem quoque in iisdem speciebus si sub diversis evolutionis stadiis observantur — sunt tamen in ipsa illa irregularitate non nulla, quæ certam evolutionis rationem mihi prodere videntur. Meminisse placet plurimas eas formas, quibus proprium Genus Zonariæ olim creavit C. Agardh, in eo convenire quod frondes habent complanatas et quasi per zonas superpositas inerecentes; frondes vero carum ambitu plus minus flabelliformes in aliis permanere integriuseulas (*Padina*), in aliis vero obvenire vario modo longitudinaliter subdivisas. Zonas igitur in nonnullis per totam latitudinem frondis continuari, in aliis vero quasi disruptas in diversis segmentis esse

querendas. In Padina et latioribus Zonariis exigua tantum conspiciatur tendentia majoris incrementi longitudinalis in parte media frondis contiguae quam in lateralibus partibus; nonne vero suspicari licet aliam fore rationem in fronde dichotomo-flabellata Dictyotarum, quarum frondes medias, invicem separatas, non iis vinculis exhibitas putares, quibus in fronde non divisa partes omnes cohiberi viderentur? Quamquam igitur in longe plurimis Dictyota species segmenta ab initio generantur per paria invicem simillima, et in fronde flabellatum expansa sere fastigiata adpareant; tamen species quoque sunt haud paucæ, quæ validiore et quasi magis properante evolutione in segmentis mediis frondes generant, quas pinnatifidas dixerunt, et has aliquando quin immo canescentes, ramosque angustiores et quasi alternos sustinentes.

Quæ vero si ita sint, nonne suspicari licet eandem tendentiam, quam in diversis segmentis ejusdem frondis detegere liceat, quoque obvenire in partibus diversis ejusdem segmenti: medias nimirum partes magis aut citius increscere quam marginales, non aequis passibus insequentes? sunt revera in iis, quæ in evolutione frondis Dictyotarum observare credidi, haud paucæ, quæ probare mihi videntur totam frondem subire mutationes continuas, quas modo dicto explicandas putarem. Ordinem igitur, quem in primaria dispositione cellularium interiorum describere conatus sum, sensim fieri disruptum a praecociore et quasi validiore evolutione cellularum, quæ medianam frondem longitudinalem constituant, assumere vix dubitavi. Patet, ut mihi videtur, elongationem citius peractam harum cellularum fieri non posse sine dislocatione quadam aliarum cellularum, quæ stratum interius constituant. Et si cellulae interiores ubicumque tegantur cellulis corticalibus, eluet quoque in dispositione cellularum corticalium mutationes perfici debere, quas adhuc magis conspicuas et suo modo proprio perductas putarem.

Stratum corticale ubicumque et sub quoque evolutionis stadio cellulas interiores obtegens in Speciebus Dictyotæ adesse contextum cellulis angustioribus et directione frondis longitudinali ut plurimum elongatis, satis quidem constat. Hoc stratum corticale monostromatiuum permanere in omnibus genuinis speciebus Generis hodie assumendum putavi. Hinc *D. paniculata* et ejus speciebus affinibus, alio modo corticatis, proprium Genus, *Pachydictyon*, hodie creavi. Utpote interioribus cellulis multo minores, cellulae corticales plures singulis cellulis interioribus superpositæ semper obveniunt. Ex his aliae ipsum lumen cellulae interioris obtengunt, aliae septis antepositæ sunt intraque pagina frondis planæ. Ipsos margines frondis cingunt aliae, densius

ut adpareat dispositæ et alium adspectum præbentes, utpote in fronde a facie observata nullis cellulis interioribus translucentibus superpositæ. Hoc strato marginali margines integros contineri in speciebus longe plurimis, ipsamque formam segmentorum servari, lubenter crederem. In speciebus, quarum segmenta sinu magis patente divergunt, strata marginalia, quasi a geminis segmentis decurrentia, separata vidi linea paulisper anfractuosa, ab interiore ad intimum sinum excurrente¹⁾.

Ab initio cellulæ corticales sat elongatæ adpareant, et sub certo quodam evolutionis stadio longitudinem cellularum interiorum saepe æquantes. Si vero contigerit tenuem laminam strati corticalis a facie observare, aut frondem juvenilem in speciebus, tenuiore fronde instructis, accuratius examinare, adpareat singulas cellulas elongatas subdivisas fuisse in cellulas plures breviores, lumen totum primariae cellulae occupantes. Hinc in segmento transversali frondis cellulæ corticales omnes, quamquam modo dicto subdivisæ, tamen indivisæ adpareant.

Comparanti icones plurimas datas facilis quidem videretur cellulas corticales semper rectangulares obvenire et omnes esse directione frondis longitudinali elongatas. Quales autem ita sæpius adpareant, tales easdem haud semper obvenire mihi certum videtur. Si enim in nonnullis speciebus hauc formam et directionem ut plurimum servare viderentur, sunt aliæ in quibus breviores et fere quadraticæ manent, aliæ in quibus sub antecedente evolutionis stadio non tantum alias formas et directiones mutatas assumere adpareant, si quoque in ejusmodi speciebus formam rectangularē in fronde adultriore et senili recuperare tendunt.

¹⁾ Stratum marginale, quod in plurimis speciebus ad margines cohibendos aptissimum putavi, in nonnullis speciebus Dilophi proprio modo mutatum in his descripsi. Sunt quoque species nonnullæ Dictyotæ, in quibus margines ciliati aut dentati adsunt; in his vero stratum marginale intra cilia continuatum putares, ipsis ciliis quasi novum structuræ ordinem inchoantibus. Nimirum in apice supremo *D. cremlatæ* zonæ supremæ eximie convergentes adparent; et cellulæ extime (marginales) cujusque zonæ evidenter serius formantur quam eæ, quæ medianam zonam constituant; ita ut zonas juveniles cornua novæ lunæ referre facilius diceres. Alternis vicibus nunc unius lateris, nunc alterius cornu incurvatum cellulam terminalem frondis tangit et ultimo suo apice ex parte hujus formatum fere crederes. Ex parte ita ablata novum focum initialem nasci fere suspicarer, cujus ope zone novæ infra apicem denticuli formantur, eodem modo quo zonæ ipsius frondis infra cellulam terminalem. Cilia hoc modo articulata fiunt proprio suo ordine.

Iam ex his quae supra attuli de dispositione cellularum interiorum cum ætate (plus minus, aut alio modo in diversis speciebus) mutata, de earum continuata multiplicatione, in partibus adultioribus conspicua, et de diversitate, quæ in evolutione harum cellularum magis aut citius peracta in fronde media quam in marginalibus partibus, concludere licet cellulas corticales, quibus cellulæ interiores ubicumque obiectæ permaneant, subire mutationes, forsitan minus multiplices et varias, si quoque difficilis determinantur et ab omnibus, ni fallor, de *Dictyota scriptoribus* silentio prætermittuntur. Quomodo ipse has mutationes fieri conceperim, paucis adumbrare conabor.

Cellulas corticales ab initio divisione quadam cellularum interiorum generari, quod quandoquidem indicatum vidi, equidem vix assumere auderem, si quoque ab initio geminæ cellulae corticales singulis interioribus sæpe antepositæ obveniant. Iam transversali facta sectione frondis adpareat cellulas corticales alias lumen cellularum interiorum obtegere, alias autem ipsis septis earum longitudinalibus esse antepositas. In fronde a facie inspecta quoque observare licet non tantum longitudinalibus septis sed etiam transversalibus septis cellulas corticales antepositas obvenire, si nimur frondes sub certo evolutionis stadio et præcipue in certis quibusdam speciebus (*D. radicans*) observantur. Nec ea est forma cellularum interiorum, quæ margini proximæ generantur, ut harum divisione cellulas corticales, iisdem superpositas, ortas putares. Animadvertendum præterea videtur mihi adparuisse cellulas corticales in apice increscente frondis natas et firmioribus suis parietibus jam instructas obvenire, antea quam cellulam primariam interiorum, tenuissimo suo pariete vix definitam, observaverim. Revera putarem, ut supra jam monui, cellulas utriusque strati jam ab initio generari fere distinctas; et si unum stratum altero prius natum dicere licet, potius corticale stratum prius ortum putarem. Qnoque alio respectu inter *Dictyoteas* nonnulla sunt, quibus indicari conjicerem stratum exterius frondis primigenium considerandum esse.

Si in fronde a facie observata non tantum *lumina* cellularum interiorum obteguntur cellulis corticalibus, sed ipsa quoque angustiora spatia, quibus parietes ipsi cellularum interiorum indicantur, aliis cellulis corticalibus obiecta permanent, patet cellulas corticales septis superpositas alium adspectum offerre debere, quam illas alias, quibus lumina cellularum interiorum teguntur. Originantur hoc modo quasi areæ magis pellucidae, quæ invicem separantur limitibus obscurioribus. Lineas has obscuriores, quibus limites cellularum interiorum indicantur, *venas* nominavi; ipsas autem areas, lumina cellularum inter-

riorum indicantes *intervenia* dixi. Pro diversitate specierum venas nunc magis, nunc minus conspicuas esse, et *intervenia* nunc majora nunc minora, et quoad suam formam quoque in diversis speciebus diversa obvenire, assumendum putavi. Species in quibus areolatio frondis, ob diversitatem venarum et *interveniorum* magis conspicuam, adest et diutius permanet, *fenestratas* dixi; alias vero, in quibus areolatio ista minus distineta adparet aut citius obsolescit — parietibus nimirum cellularum interiorum vix translucentibus ob cellulas corticales magis evolutas et endochromate obscuriore faretas, quae sub hoc stadio lineas contiguas et parallelas constituere videntur — *striatas* nominavi. Revera agnoscere putavi alias species hoc respectu adparere non parum diversas; diversitates autem, in plauta a facie observata conspicuas, pendere tum a dispositionis modo et evolutionis ordine cellularum interiorum; tum ab evolutione, oculis aut serius peracta aut demum finita cellularum corticalium, quibus frons semper obtecta permaneat.

Præter differentias, quæ ab ipsa positione cellularum corticalium aut ante *lumina* aut ante *septa* cellularum interiorum deducantur, quoque aliam formam in ipsis cellulis corticalibus venarum, aliam in cellulis *interveniorum* sæpe obvenire mihi adparuit. Sunt saltem species (*D. Bartayresiana*, *D. linearis*, *D. dichotoma*), in quibus cellulas venarum observavi sæpius longiores, tenuiores et cylindraceam formam luctuosi servantes, dum in iisdem specibus cellulas *interveniorum* sæpe breviores et latiores, quin immo aliquando fere cubico-angulatas observavi. Quoque observare credidi cellulas venarum initio singulas, nunc divisione longitudinali subdivisas fuisse, et geminas haec divisione peracta adhuc tenuiores quasi tortas adparuisse. Nescio an suspicari licet cellulas ita formatas singulas per se ex crescere magis elongatas, prout cellulae interiores longitudine exercentes, aliæ fiunt longiores, aliis posterius elongatis adhuc brevioribus.

Cellulas strati interioris, quæ ejusdem sunt zonæ, sensim fieri latiores et novas sibi conformes creare, frondemque hoc modo assumere latitudinem singularis speciebus propriam, jam supra monui. Præcipue in speciebus mox memoratis sat conspicuum mihi adparuit esse *interveniorum* cellulas, quæ in zonis dilatatis præcipue mutantur. Cellulas corticales *interveniorum* nuper formatas videre credidi primum subcubico-angulatas, dein singulas fieri elongatas et plus minus rectangulares, demum ab aliis corticalibus vix dignoscendas.

Ipsum mechanismum quod attinet, quo adjuvante plurimæ istæ in forma et dispositione cellularum mutationes sub evolutione frondis perficiantur, hunc tum in incremento cellularum, tum in earum divisione ita facta, ut a partibus obtineantur formæ, quibus opus erit in singulis locis. Iam supra monui de cellulis strati interioris me observasse unam cellulam seriei ejusdam longitudinalis septis duobus transversalibus oblique positis esse uno apice terminatam, et ab hac cellula, quasi initiali, geminas series longitudinales inchoari. Eodem modo saepius videre licet seriem longitudinalem cellularum corticalium geminis continuari; nimurum cellulam quandam latiorem, saepè fere quadraticam, quasi initialem fieri geminis seriebus, quarum cellulae magis rectangulares singulae dimidiam latitudinem cellulae quadraticæ aequarent aut parum superarent. Series geminas ita formatas tum longitudine tum latitudine suarum cellularum sensim inerescere, et vicinis conformes evadere, nec dubium mihi adparuit. Animadvertere placet me observasse ejusmodi divisionem et sursum et deorsum continuatam fuisse ab una aut paucis quibusdam cellulis mediis indivisis. Quod, me judice, indicare videretur series novas haud formatas fuisse ad modum ramorum, qui quasi a fronde primaria ad genicula sejuneti exerescerent.

Difficilius forsitan intelligatur quomodo supra septa transversalia formantur istæ trabeculae, quæ quasi anastomosibus venas longitudinales conjungunt. Sunt quidem haec in multis speciebus parum conspicuae, at in aliis sub certo evolutionis stadio ita conspicuae, ut de earum praesentia dubitare vix licet. Ita in forma, quam *D. radicantem* adultiorem sistere consideravi, vidi cellulas corticales rectangulares in vicinia septorum transversalium (quibus zonæ diversæ cellularum interiorum separantur) et quoad formam et quoad directionem non parum mutatas, diceres plexum irregularem¹⁾ formantes²⁾, ejus prima initia observare credidi in cellula quadam breviori, a cellulis corticalibus supra septa transversalia obviis seposita; hanc ab initio suo diametro breviorem, dein fieri directione septi transversalis paulisper dilatatam, et intata directione divisionis in novas cellulas corticales abenitem.

Si jure statuerim mutationes has omnes cellularum tum interiorum tum corticalium pendere a præcociore quadam aut validiore evolutione earum cel-

¹⁾ Analogiam quandam inter hunc plexum irregularem et lineas concentricæ in quibusdam aliis Genecibus magis cognitas adesse, assumere vix dubitarem. Ejusmodi plexum quoque in vicinia pustule antheridiorum quandoquidem observare credidi.

lularum, quæ medias partes frondium et segmentorum constituant, sequi putares has mutationes quoque demum desistere debere, restituta sensim quasi harmonia evolutionis inter partes diversas. Stadia igitur evolutionis, hanc ob causam orta, transitoria esse in longe plurimis speciebus libenter assumerem, si quoque in diversis speciebus mutationes nunc fiunt magis evidentes, nunc obsoletiores conspiciantur. Cum hae explicatione quoque bene congruere forsan adpareat cellulas corticales demum fieri omnes subsimiles, a facie rectangulares, quasi series longas secus longitudinem frondis excurrentes. Obscuriore quoque endochromate instructæ, nec monstrant diversitates, quæ in diversis speciebus antea fuerunt plus minus conspicue.

Si vero stadia sunt evolutionis ab omnibus forsan percurrentia, tamen hoc diverso modo in diversis speciebus fieri posse, patet. Comparanti plures species evidentius diversas (*D. fasciola*, *D. furcellata*, *D. Bartayresiana*, *D. radicans*) certum mihi adparuit ex ejusmodi diversitatibus structuræ characteres deducere licere, quibus species saepe melius dignoscantur quam characteribus ex habitu deductis¹⁾.

Ad cellulas corticales proprias, quoconque modo hæ sub evolutione frondis transmutentur, haud adnumerandas puto maculas illas, in superficie frondium saepe conspicuas, rotundatas aut saepe secundum longitudinem frondis paulisper oblongas, quæ cellulæ minutis quadratico-rotundatis longitudinales et transversales series, ambitu quasi definitas formantibus, constituuntur. Cellulæ in his maculis non minus sua forma æque lata ac longa, quam dispositione sua a cellulæ corticalibus propriis facile dignoscantur. Ad ipsam fabricam frondis sterilis perficiendam, has cellulas nihil conferre putarem. Ubiunque vero formantur, eas certum in finem creatas fuisse, mihi quidem haud dubium videtur. In plurimis, ne dieam in omnibus speciebus, maculas istas observavi, saepius (ni fallor) in regione frondis, quoad limites plus minus definita, quæ in speciebus diversis organa propagationis generat.

¹⁾ Sub nomine *D. dichotomæ* saltem 4 species evidenter diversas et ex locis natalibus invicem remotis provenientes enumeratas vidi. Quæ a me olim descripta fuit *D. repens*, quamquam structura frondis a *D. fasciola* evidenter diversa, tamen adhuc apud recentiores varietas consideratur hujus ultimæ speciei. Hodie, quum mihi lieuerit 14 species Generis Dilophi describere, patere speravi eam modificationem structuræ, quam in *D. repente* indicaveram, revera indicare typum proprium, et sistere characterem, quo Genera propria optimo jure dignoscantur.

Ab initio, et ubicumque haec maculae adsint juniores, cellulas earum intra limites intervenii ortas, et a cellulis intervenii transmutatas putarem. In eodem vero specimine, cuius in juniore parte maculae ita limitatae obveniunt, alias saepe observare licet maculas congruentes, deinceps vero saepe multo maiores et spatium occupantes, quod cellulas interiores plures æquaret. Maculas has maiores aetate magis proiectas putavi. Easdem cum aetate quoque supra frondem elevatas fieri, mihi adparuit; et sub hoc evolutionis stadio pustulam translucentem easdem referre facilius diceres. Ita constituta, organa sistunt quæ sub nomine "vesicles" jamdudum ab Algologis Angliæ descripta fuerunt. Perpensis omnibus, que de his observare mihi licuit, lubenter assumerem pustulas hoc modo formatas tantum constitnere stadia juniora, sub quibus organa quoad functiones forsan diversa, sensim præparantur.

Pustulas seuiles demum fieri multo maiores, et aliquando ita magnas obvenire ut oculo fere nudo distinguantur, satis constat. Easdem sub hoc stadio in ipso (suo) disco late apertas esse, marginem vero pustulæ quasi circumambiente vallo, supra frondem elevato et truncato constitutum esse, æque cognitum est. Cellulas hujus valli cum cellulis superficie frondis ab initio contiguas fuisse, postea autem aliis partibus ab interiore urgentibus sublevatas et demum quasi reflexas fuisse, et faciliter conjicere licet, et quoque observationibus probatum novimus. Pustulas ejusmodi seniles admodum magnas in pluribus speciebus Generis observavi; nescio vero an assumere licet easdem in diversis speciebus quoad magnitudinem differre; lubenter assumerem easdem obvenire diversas prout organa diversi generis in iisdem evoluta fuisse. Una cum pustulis vacuis in *D. pardali*, alias vidi, quas rite maturas lubenter dicerem, in quibus fila articulata, ima basi fuscescentia, apice temuora ab interiore pustula provenientia observavi. Haec fila a strato cellularum minorum, imam partem pustule occupante, provenientia videre credidi. Comparanti ea, quæ de pustulis in diversis speciebus adnotavi, mihi adparuit haec organa sat conspicuam offerre analogiam cum cryptostomatibus sic dietis Fu-
cacearum. (Cfr. de his *J. Agardh Spec. Sarg. austr. p. 15*). Præter *Fucaceas* et *Dictyoteas*, nullas alias Algas mihi cognitas habeo, in quibus organa his similia detecta scio¹⁾. Præsentia horum organorum affinitatem utriusque familie comprobatam fuisse, lubenter assumerem.

¹⁾ A recentioribus de *Dictyota scriptoribus* haec organa obiter tantum memorantur. Harvey in *Ner bor. Amer.* eadem in duabus speciebus depinxit, quasi excavationes apertæ

Quod attinet ipsa organa fructificationis, satis constat haec observationibus recentiorum et iconibus pulcherimis ita illustrata fuisse, ut nec de structura, nec de significatione diversorum organorum dubia quædam hodie restarent. Cum his comparanti mihi observationes a D:na Griffiths olim factas, de quibus in speciminibus distributis ipsa mentionem fecit, et quibus fultus R. K. Greville organa fructificationis Dictyotarum quoque descripsit, haec quidem in plurimis cum recentioribus congruentes adparuerunt. Attamen animadvertere placet has observationes quodam respectu differre; quod jam ex modo, quo memorantur organa diversa, facilius patet. Organum nimirum diversa sequenti modo describuntur.

- 1:o. "Capsules single, prominent when ripe (*Griff. in specim.*); "On some plants ovate solitary scattered blackish seeds" (*Grev. Alg. Brit.*) = *Tetrasporæ Thuret.*
- 2:o. "Specimens covered with minute transparent vesicles, prominent on both sides, which do not contain seeds" (*Griffith in spec.*) — On other specimens are numerous minute vesicles on both sides of the frond, similar I presume to those alluded to in Engl. Botan. They do not appear to be at all connected with the fructification, though when in a young state the seeds sometimes happen to be included by them." (*Greville l. c.*) = *Antheridia. Thuret.*
- 3:o. "At first vesicles scattered over the frond, which in time are filled with groupes of capsules (the latter mode very rare)" *Griff. in spec.* On other (plants) seeds collected into little dense scattered roundish clusters" *Grevill. l. c.* = *Sporæ in soros collectæ Thuretii.*

Animadvertere placet Thuretium docuisse haec organa omnia a cellulis corticalibus transmutata oriri. Greville vero expressis verbis statuit organa denum emersa obvenire, ruptura facta membranae exterioris¹). Si quis crederet Grevilleum cum membrana exteriore erupta tantum enticulam quandam totius frondis intellectam voluisse, animadvertere placet, ejusmodi explicatio-

esent, post delapsum sori persistentes. Thuret et Reinke, si illos rite interpretatus sum, eadem semper antheridiis prægnantia assumserunt. Veteres Algologi Angliae pustulas quidem majori sollertia descripserunt modo a me infra mox memorato.

¹) Both kinds of seeds bursting through the epidermis and becoming at length prominent *Alg. Brit.* p. 58) de *Dictyota dichotoma*, et p. 57 de *Dictyota* Genere: The seeds in most cases are produced beneath the epidermis through which they burst and become prominent *Alg. Brit.* p. 46 *De Dictyoteis.*

nem non bene congruere cum verbis a D:na Griffiths adhibitis. Eam enim considerasse pustulas ut organa proprii generis, in utraque pagina obvenientes et prominulas, in quibus aut sporae nullae (antheridia) aut sporae in diversis individuis) demum generarentur, satis patet. Grevilleum quoque statuisse sporas singulas, frondis membrana rupta demum emersas obvenire, hoc loco quoque meminisse placet. In ipsis observationibus ita diversitatem adesse patet; et hanc diversitatem cuiusdam momenti considerandam putavi, utpote ex ipso modo, quo formantur organa, argumenta forsitan deducere liceat, quibus adjuvantibus de affinitate Dictyotearum certius judicatur. Operæ igitur premium mihi visum est novis factis observationibus dijudicare, utrum organa fructifera Dictyotæ generarentur clausa, an ab initio nuda. Quod igitur propriis observationibus didici, paucis adumbrare conabor.

Antheridia, ubi eadem adhuc juniora vidi (in *D. ocellata*), oculo quoque inarmato maculas minutas, paulisper obscuriores referentia mili adparuerunt. Magnitudine paulisper aucta, eadem vidi quoad formam ovalia, 3—4 series collaterales cellularum interiorum latitudine aequantia, plurima quasi simplicia, nunc geminis (aut quoque pluribus?) approximatis evidenter confluentibus constituta; alia, quæ juniora putavi, minora; alia multo majora, quæ adultiora censeo; omnia vero pustulas, in utraque pagina frondis provenientes et supra paginam emersas referentia. Pustulas majores vidi vallo supra frondem evidenter emerso cinctas, fertilem discum contextum ipsis cellulis antheridii, quadraticis aut 5—6 angulis, supra cellulas basales verticaliter surgentibus, demum quasi pluribus articulis superpositis constitutis, prismata angulata referentibus; ipsa corpuscula interiora eodem modo prismata minora constitnere, in quibus ipsa corpuscula verticaliter et horizontaliter seriata videbantur; quæ omnia qualiter a Reinke descripta fuerunt quam evidentissime observavi. Cellulas fertiles antheridii transmutatione aut evolutione cellularum corticalium frondis oriri certius concludere ausus sum, quum inter ipsas fertiles cellulas antheridii nonnullas vidi magis elongatas, quas extra antheridium cellulis percurrentis venæ paulo longioribus quasi continuatas observavi. Transversa quoque facta sectione cellulas basales a Thuret memoratas observare credidi, si quoque easdem minus regulares vidi. Supra istas cellulas basales cellulas fertiles antheridii verticaliter elongatas prismaticas, et quasi superpositis tesseris compositas, hoc modo quoque vidi. Antheridia, quæ (supra) adhuc juniora statui, pauciora tantum observavi, at quoque horum structuram sat evidenter observare contigit. In pustula, adultioribus saltem duplo minori, vallum circum-ambientem

supra paginam parum emersum vidi, ipsum discum autem pellicula adhuc persistente, cellulis nimirum quadraticis rotundatis, longitudinaliter et transversaliter seriatis contexta, obtectum. Cellulas pelliculae quasi invicem minus firmiter conjunctas videre finxi; easdemque contentu suo, in media parte cellulæ quasi collapso, a cellulis fertilibus antheridii facillime distinctas. Comparanti mihi dein in antheridio paulo adultiore ipsum vallum circumjectum, hoc constare cellulis inæqualiter plus minus supra discum porrectis (una cellula supra vicinam saepe eminente) adparuit; et hoc modo rupturæ indicia quoque in hoc agnoscere putavi. Cellulas istas limitaneas valli vidi conformes et contentu suo quasi collapso congruentes cum iis, quas in pellicula persistente — operculum antheridii quasi formante — mox descripsi.

Specimen soris instructum (*D. dichotomæ*) accuratius a facie insipienti mihi adparuit sorum neutiquam nudum, aut tantum cuticula homogenea translucente obtectum esse, qualem a recentioribus depictum vidi; sed pellicula quasi propria, supra congeriem sporarum magis nigrescentem paulisper flavescente esse inclusum¹⁾). Lente magis augente adhibito, observavi pelliculam quoad maximam partem contextam esse cellulis istis quadratico-rotundatis, transversaliter et longitudinaliter seriatis, quas ubicumque membranam exteriorem pustularum conficere putavi. Sed præter cellulas dictas quoque alias vidi, magis elongatas, quibus venas formatas supra dixerim. Ipsum sorum, sporis pyriformibus quoquoversum radiantibus constitutum, spatium occupare vidi, quod plures cellulas interiores aequaret; pelliculam obtegentem pari passu quoque expansam fuisse, facilius assumeretur; et sorum hoc modo cellulis diversæ formæ ab initio obtectum fuisse, nullis dubiis vacare mihi adparuit. Ipsam pelliculam, excrecentibus magis magisque sporis, sensim magis expansam et tenuiorem fieri, eamque hoc modo demum forsitan oblitterari, credere licet; ruptam vero aut distractam eandem observare mihi non contigit. Ipsas sporas esse ab initio densissime juxtapositas, quales saepius depictas, quoque vidi; demum vero in soro pauciores, invicem magis liberas, et sensim longiores fieri quandoquidem observare putavi. Soros, quales in *D. dichotoma* obveniunt, in paucissimis tantum observavi. Ubi diverso modo quodam aberrantes observare credidi, hoc infra speciem aberrantem adnotavi.

¹⁾ In Harv. Manual p. 32 sequentia verba D:næ Griffiths citantur: "As far as I can judge the clusters of seeds are always formed under a transparent vesicle, which disappears when the seeds, originating within the substance of the frond rise above the surface".

Ex iis, quæ ipse observavi, comparatis quoque iis quæ jamdudum statuerunt D:na Griffiths et R. K. Greville deducendum putavi ea organa Dictyotarum, quæ sexualia considerare videntur recentiores, ab initio intra frondem generari obtecta, eadem vero denum fieri aperta; et analogiam in ipso evolutionis modo, quo formantur hæc organa, quoque existere, satis patet. Iuniora igitur *antheridia* obvenire sub forma pustulæ, supra paginam elevatae, et esse pellicula propriæ structuræ obtecta; pellicula denum fere operculi ad instar circumœircia rupta, discum fieri apertum, et ipsa organa inclusa rite matura structuram offerre, quam ex iconibus a Reinke datis eximie illustratam novimus. Soros vero sporarum intra pelliculam, supra frondem plus minus elevatam, quoque generari obtectos, dein vero cellulas obtegentes fieri minus conspicuas et denum forsitan cogente ipsa sori expansione quasi oblitteratas.

Porro concludere ausus sum pustulas eas, quas nomine "vesicles" quondam designarunt Algologi Angliae, non esse organa proprii ejusdem generis, sed potius designare evolutionis stadia antecedentia, sub quibus organa diversi generis externe plus minus consimilia adpareant. Ut inter Fucaceas obveniunt *scaphidia*, quæ, si in nonnullis hermaphrodita, in aliis aut *mascula*, aut foeminea generantur, ita quoque pustulas Dictyotæ alias *masculas*, alias *foeminas* libenter dicerem. Ut vero scaphidia Fucacearum facilius putares ad typum Cryptostomatatum, qualia hæc organa multis Fucaceis characteristicæ videntur, ita quoque organa sexualia Dictyotarum sub juniore evolutionis studio referre dicerem pustulas, quoque in alium finem creatas.

Adsumt nimirum, ut jam supra monui, in fronde Dictyotarum maculæ rotundatae aut oblongæ, cellulis minutis quadratico-rotundatis contextæ, quæ quodam respectu cum pustulis fructiferis comparandæ videntur. Has maculas, in pagina Dictyotarum admodum frequentes, saepè non ulterius evolutas fieri, libentius assumerem; easdem autem aliis locis indicare initia aliorum organorum, nullis dubiis vacare putavi. Mihi quidem adparuit esse has cellulas quæ subdiviseæ, facta divisione cum paginibus parallela, sensim excrescere incipiunt, pustulam sic dictam formature. Ex geminis aut ternis superpositis cellulis, superficiales sensim constituere pelliculam sublevatam, inferiores autem alio modo transmutari, prout aut ad soros, aut ad antheridia, aut ad fasciculos pilorum¹⁾ formandos conducere, iisdem opporteret.

¹⁾ De fasciculis pilorum, qui nunc certis locis provenientes, nunc fere sparsi sine certo ordine, nunc ab organis fructiferis separati, nunc hos quasi fulcientes mihi adparuerunt,

Quum igitur statuit Thuret esse c^ollulas corticales, quae certo modo transmutatæ in organa fertilia convertuntur; et quoque ex iconibus datis sequi videretur cellulas corticales, ita transmutandas, primum fieri sectione transversali in duas partes divisas, quarum inferiorem sterilem, superiorem vero fertilem depinxit; mihi quidem hoc ita tantum verum adparuit, ut divisione transversali cellulæ corticales in tres partes abeant, quarum medium fertilem, supremam vero ad pelliculam obtegentem formandam adhiberi ¹⁾.

Quod denique attinet sporas sic dictas singulas, lubenter confiteor ipsam primam originem harum mihi admodum dubiam adparuisse. Ex iis, quæ ipse vidi, haec organa multo frequentiora quam alia organa propagationi inservientia concludere vellem. Maturescentia et sua membrana pellucida cincta, sape fere sphaerica, nunc basi attenuata, eadem supra frondem conspicue emersa esse, vix quispiam denegaret. Sed de ipsa origine et evolutionis modo quoque de his dissentientes video opiniones Algologorum. Satis constat Thuretum docuisse has sporas a cellulis corticalibus transformatas fieri, quod quoque iconibus pulcherrimis demonstratum putares. Inest vero in his ipsis iconibus aliquid mihi obscurum; inter prima evolutionis stadia depicta et sporas evolutionis omnia stadia intermedia desunt, quæ ad evolutionem intelligendam conferrent. Meminisse quoque placet Grevilleum statuisse sporas has singulas epidermidem perrumpere ("They at length burst through the epidermis, enveloped in their pellucid cases.") Quum de aliis organis propagationis loquuntur Algologi Angliæ expressis verbis dixerunt hæc organa cum pustulis in eadem fronde obvenire. Quamquam vero pustulae, vel saltim maculae istæ, cellulis seriatis constitutæ, una cum sporis sic dictis singulis in eadem fronde obveniant, neque D:nam Griffiths, neque Grevilleum de pustulis, in his speciminiibus præsentibus, mentionem fecisse, mihi quidem animadvertendum adparuit. Forsan quispiam suspicaretur, eos indicare voluisse nullam esse inter haec organa nexus, sporas nimirum singulas intra pustulas hanc generari, sed modo quodam alio. Quin immo forsitan conjicere liceret eos verbis citatis dicere voluisse sporas singulas in interiore frondis strato generari, denique

paucissimas observationes adnotavi. Fasciculos juniores pilorum nunc initio quasi conglutinatos, nunc pellicula tenuissima obiectos esse, et hanc pelliculam superne quasi laceram observare credidi.

¹⁾ Fragmentum speciminis bene fructiferi a charta solvere tentanti mihi aliquando evenit ut plures pustule, ab ipsa planta separatae, chartæ adhaerentes permanerunt. Pustulae ita solutæ circumcirea cellulis quasi gelatinosis cinctæ mihi adparuerunt.

vero epidermide perrupta externe prominulas fieri. Evidem confiteor mihi, stadia evolutionis maturitatem antecedentia comparanti, opinionem Grevillei ita interpretatam haud absonam adparuisse. Denique vero contigit totam evolutionis seriem in eodem specimine ita evidentem observare, ut mihi nulla de ea restarent dubia. Revera in *Dilopho Wilsoni* stadia evolutionis inde a cellula corticali, ambitu rectangulari et a proxime vicinis vix diversa, usque ad sporam bene evolutam sat evidentia observare credidi. Prima stadia omnino conformia cum iis, quae in *D. dichotoma* a Thuret (*Etud. phyc. tab. XXIX. fig. 10*) quam nitidissime exposita fuerunt. Me judice vero non est ipsa haec cellula corticalis, quae denique in sporam mutatur; sed intra cellulam corticalem novam cellulam generari puto, cuius forma magis oblonga intra cellulam corticalem magis angulato-rectangularē jam dignoscatur. Ut haec cellula nova sensim grandescit et magis magisque supra frondem prominula fit, demum quoque parietem cellulæ corticalis rumpit, et laceras partes hujus paulo postea quoque observare credidi. Quum ita libera eminet spora juvenilis, fit sensim quasi pluribus partibus seorsim prominulis composita (primarias partes geminas ad apices cellulæ adhuc decumbentis oblongæ sepositas, dein medium partem contraria directione quasi effluentem observare credidi); partes ita diversis directionibus secedentes potius expansiones paulisper divergentes, quam cellulas proprias lubenter dixisset; at sub stadio paulo posteriore mihi adparuit membranam sporæ magis magisque conspicuam gerere signa compositionis eiusdam, quasi cellulis oblitteratis, directione tangentis circumambientibus, fuisse compositam; denique vero, sub conformatione magis magisque perducta ipsius sporæ, membranam cingentem omnino contiguum et pellucidam adparere, satis constat. Mutationes formæ ipsius sporæ et compositionem membranae adparentem in multis speciebus observare credidi. Sporæ maturaæ membranam nunc vidi inferne attenuatam et a fronde solutam, forsitan expansione cellularum proximarum expulsam. Nunc, at rarissime, vidi spatia vacua et adhuc hiantia in seriebus cellularum corticalium indicare cellulas que modo dicto sporis prægnantes fuerunt.

Ex iis, quae ipse observare credidi de evolutione organorum, quas sporas singulas denominarunt, forsitan conjicere lieeret haec organa minus simplicia considerari debere, quam matura demum viderentur. Stadiis nimirum intermediis, quae observare credidi, indicari forsitan putares sporas adparenter simplices transformatione quadam partis magis composite oriri. Sub ejusmodi suppositione meminisse placeat in quibusdam speciebus obvenire alia organa

magis composita et sua structura frondem Dictyotae referentia at magnitudine maximopere reducta, meros dieeres pumiliones. Hæc obvenire numerosissima in iisdem individuis, in quibus sporas singulas quoque plurimas evolutas observavi; et utraque organa in his omnino promiscue mixta supra frondem emergentia videre licet. Ejusmodi specimina eodem tempore vivipara et sporifera, in quibusdam speciebus omnino normalia mihi adparuerunt; dum in plurimis speciebus organa propagationis diversa in diversis individuis semper obvenire statuerunt. Si assumere liceret sporas sic dictas singulas esse propagula transmutata, neque abnorme videretur utraque organa in iisdem individuis obvenire; nec prorsus aliena viderentur stadia illa intermedia, quæ sub evolutione percurrere viderentur sporæ hoc modo transmutatae.

Ut hoc modo sporæ singulæ propagula viderentur proprii cuiusdam generis, ita quoque pluribus aliis modis individua Dictyotearum multiplicari animadvertere placet. Sunt revera species haud paucæ, in quibus præcipue ab inferiore fronde proveniunt partes adventitiæ?, quæ plerumque magis filiformes et sectione transversali structuram sibi propriam monstantes, Stolones aliarum plantarum quasi referentes, a quibus sensim elongatis cæspites frondium novi generari videntur. Prima indicia harum indicavi, *Dictyotam repente*m olim describens. Eadem eximie evoluta in specie, quam iisdem suadentibus D. radicans denominavit Harvey; sed præterea haud paucas alias species stoloniferas vidi, quoque in diversis Generibus Dictyotearum a me eratis. Species his stolonibus radicantes defectu stupæ radicalis a multis aliis Dictyotearum formis diversas esse observare credidi¹⁾.

¹⁾ Hoc loco præterea animadvertere forsan opportet partes adventitias alias quoque obvenire, quæ si ad nova individua formanda non conferant, tamen ad frondes quasi extra ordinem amplificandas in certis speciebus easdem oriri, facilius diceres. Dum propagula, de quibus mox supra dixi, una cum sporis singulis a fronde adultiore pullulare videntur, sunt aliæ species, in quibus quasi gemmas adventitias, nunc ab ipso margine, nunc a pagina frondis admodum juvenilis generatas vidi. Quales has mihi cognitas habeo, easdem oriri putarem modo, quo consimiles in *D. dichotoma* descriptsit Reinke. Cum ciliis, de quibus supra mentionem feci, has nullo modo comparandas puto; dum enim ciliæ et dentes in proxima vicinia ipsius foci evolutionis inchoari videntur, et ab hoc remotæ citius excrescere desinunt; gemmæ contra adventitiæ et a margine et a pagina jam formata oriuntur et excrescere pergunt, nunc frondem quasi pinnis ornatam (*D. patens*) monstrantes. nunc ramiculis lateralibus vase præditam (*Dict. repens*).

Quod denique attinet ipsum contentum eorum organorum, quæ propagationi inservientia docuerunt, me propriis observationibus panceissima didicisse confiteor. Constat Thuretum docuisse sporas sic dictas singulas demum in 4 partes fieri divisas, quare has partes tetrasporas nominavit, et suadentibus his organis, ut videtur, affinitatem Dictyotearum cum Florideis quoque proclamavit. Hanc de affinitate opinionem quoque nonnullorum applausu receptam fuisse, cognitum est. Mihi ipsi aliter de hac affinitate judicanti minus quidem referre adparuit, quibusnam argumentis probaretur doctrina. Attamen monere placet ipsum divisionis modum, quem icones datae in Dictyoteis indicant, quemque aliquando *cruciatum* dictum vidi, non eodem prorsus modo perfici, quo in Florideis semper perfectum observavi¹⁾). Nescio porro quare hanc divisionem sporæ magis probaret affinitatem cum Florideis quam cum Fucaceis, in quibus sporæ quadrigemina quoque aliquando generantur.

Quousque numerum quaternarium sporarum speciebus plurimis normalem assumere liceat equidem nescio. In una saltem specie (*D. furcellata*) observavi sporas singulas, quas dixerunt, maturas esse latiore membrana cinctas et demum continere partes multo numerosiores (16—20); utrum vero haec partes jam primaria divisione generarentur, an iterata divisione quaternaria ita numerosa obvenirent, observare mihi non contigit.

Nec de contentu sporarum, quæ intra soros Dictyotarum generantur, omnia dubia sublata fuisse, dicere auderem. Statuit quidem Thuret easdem indivisas separari; sibi autem non contigisse eadem germinantia observare. Nec observationes quasdam proprias haec de re afferendas habeo; meminisse autem placet iconem a Harvey in Phycologia Britannica datam, monstrare sporam obovatam modo omnino peculiari subdivisam, cui nec antea nec postea simile observatum scio. Hodie autem mihi cognitum habeo existere Fucaceas, in quibus spora modo prorsus consimili dividuntur. Nec illas video rationes, quare sporam divisam delineaverit Harvey, nisi illam hoc peculiari modo divisam revera observaverit; nec ejusmodi congruentiam in divisionis modo sporarum omnino fortuitam considerandam esse putarem.

¹⁾ Dum in Florideis sphaerospora cruciatim divisa primum in duo hemisphaeria subdivisa fit, quorum singula directione lineæ meridianæ dein dividuntur; in Dictyoteis contra, fide iconum omnes partes separarentur divisionibus a polo ad polum continuatis. Hinc alio quoque modo partes dispositæ adparent; geminae nimis raro partes quasi externe adparent, aliis duabus partibus quasi interioribus (fide iconum!).

Species Dictyotæ sequenti modo hodie disponere conatus sum¹⁾.

SUB-GENUS I. PLATYDICTYON cellulis fertilibus per totam aream interiorem frondis sine ordine conspicuo densius sparsis.

TRIBUS I. D. NIGRICANTÆ.

- 1. D. Vittarioides.
- 2. D. latifolia.
- 3. D. nigricans.

TRIBUS II. D. DICHTOMÆ.

- * *Species subregulariter dichotomæ.*
- 4. D. Bartayresiana.
- 5. D. apiculata.
- 6. D. dichotoma.
- 7. D. patens.

TRIBUS III. D. OCCELLATÆ.

- 9. E. ocellata.

** *Species subpinnatifidæ.*

- 8. D. pardalis.

SUB-GENUS II PLEIADOPHORA cellulis fertilibus quasi in oases, per totam aream interiorem sinc ordine conspicuo sparsos, collectis, inter oases fertiles spatia majora sterilia linquentibus.

TRIBUS IV. D. NÆVOSÆ.

- 10. D. Diemensis.
- 11. D. Nævosa.
- 12. D. polypodioides.
- 13. D. atomaria.

TRIBUS V (?) D. DENTATÆ.

- * *Species vix conspicue caulescentes.*
- 14. D. Mertensii.
- ** *Species subcaulescentes.*
- 15. D. dentata.
- 16. D. Brongniartii.

TRIBUS VI. D. CRENULATÆ.

- * *Sp. margine integrinuseulo.*
- 17. D. Sandvicencis.
- ** *Sp. margine segmentorum armato.*
- 18. D. spinulosa.
- 19. D. crenulata.
- 20. D. Binghamiæ.

SUB-GENUS III. STRIGOCARPUS cellulis fertilibus conjunctis in soros, fere lineas parallelas, totam aream interiorem longitudinaliter percurrentes, formantes, lineis initio areas subregulariter interruptas formantibus, seris irregulariter disruptis, interspersis sape cellulis fertilibus singulis.

¹⁾ Animadvertere placet partes fructificationis in permultis speciebus nondum ita cognitas esse, ut de affinitate specierum certius statuere liceat. Dum innescant, dispositionem supra datam præmittere ausus sum.

TRIBUS VII. D. LIGULATÆ.

* *Fronde subregulariter dichotoma.*

21. D. ligulata

** *Segmentis frondium mediis magis productis, exteriora breviora et quasi in rachide alternantia gerentibus.*

22. D. fenestrata.

23. D. pinnatifida.

24. D. radicans.

25. D. liturata.

TRIBUS VIII. D. CILIATÆ.

26. D. ciliata.

27. D. robusta.

SUB-GENUS IV. NEUROCARPUS cellulæ fertilibus sparsis in mediana pagina quasi lineam longitudinalem fructiferam formantibus.

TRIBUS IX. D. LINEARIS.

28. D. linearis.

29. D. divaricata.

TRIBUS X. D. FASCIOLÆ.

* *Fronde subregulariter dichotoma.*

30. D. fasciola.

** *Segmentis frondium mediis magis productis, exteriora breviora et quasi in rachide alternantia gerentibus.*

TRIBUS XI. D. FURCELLATÆ.

* *Fronde subregulariter dichotoma.*

33. D. bifurca.

31. D. cervicornis.

32. D. acutiloba.

** *Segmentis frondium mediis magis productis subpinnatifidis.*

34. D. alternifida.

*** *Fronde inferne evanescente, ramos laterales furcatos sustinente.*

35. D. furellata.

SUB-GENUS I. PLATYDICTYON cellulæ fertilibus per totam arcum interiorem frondis, sine ordine conspicuo sparsis.

TRIBUS I. D. NIGRICANTIS. *Species majores, aut parce subdivisæ aut iteratis dichotomis decompositæ, stipite quasi proprio suffultæ, et inferne stolonibus filiformibus radicantes, superne plerunque riviparae, in partibus junioribus fenestratæ; in adultioribus scens longitudinalem dense striatæ, striarum cellulæ rectangularibus, omnibus subsimilibus, cellulæ fertilibus per totam arcum interiorem densissimæ sparsis.*

* *Species parcius dichotomæ, segmentis paucis at majoribus et elongatis, linearibus lanceolatis.*

1. D. VITTARIOIDES (*J. Ag. mscr.*) fronde supra stipitem cuneatum et stolonibus filiformibus radicantem praelonga, angusta, linearis-lanceolata, utrinque fere aequaliter attenuata, paucis bifurcationibus subdivisa, demum a tota superficie vivipara, segmentis erectiusculis obtuse acuminatis, adultioribus longitudinaliter dense striatis, cellulis corticalibus rectangularibus, omnibus subsimilibus, suo diametro 2plo—3plo longioribus.

Hab. ad oras australes Novæ Hollandiæ (*J. Br. Wilson!*)

Species ipsa sua forma faciliter distincta; Frondes vidi pedales et ultra, sub tota sua longitudine ter quaterve tantum divisæ, 3—4 lineas latæ, infra bifurcationes paulisper cuneatim dilatatae, usqne latitudinem 6-linearum attingentes, ceterum fere lineares; singula segmenta longitudine nunc 6-pollicari, terminalia adultiora acuminata, juniora velut proliferationes acumine obtusiore praedita; infima longius deorsum attenuata in stipitem evidenter, a quo inferne exeunt stolones, aut si mavis radiculæ, quales in sua D. radicante depinxit Harvey. Sectione transversali facta structuram vidi Dictyotæ. A facie totam adultiorem plantam vidi longitudinaliter dense striatam, cellulis corticalibus rectangularibus suo diametro 2plo—3plo longioribus, venarum et interveniorum vix diversis. In adultioribus a tota superficie pullulant proliferationes densæ — modo D. nigrantis, at in nostra multo majores. In ejusmodi proliferationibus cellulam terminalem Dictyotæ me vidisse, forsitan addere opportet.

2. D. LATIFOLIA *J. Ag. mscr.* fronde supra stipitem cuneatum et stolonibus filiformibus radicantem ambitu sub-ovata aut late cuneata, paucis bifurcationibus subdivisa, demum a tota superficie vivipara, segmentis ambitu lanceolatis acuminato-obtusis, supra sinus parum patentes erectiusculis, adultioribus adhuc sat conspicue fenestratis, cellulis corticalibus rectangularibus elongatis strias subflexuosas formantibus.

Hab. ad oras Novæ Hollandiæ australis (*Wilson!*); ex Israeliten bay mis. F. de Mueller!

Frons hujus brevior at latior quam antecedentis, vix pedalis longitudine segmentis vero saepe pollicem latis, infra bifurcationem nunc bis pollicem aequantibus, quoad formam magis lanceolatis (quam linearibus). Ceterum modo crescendi cum antecedente convenire videtur; its frons inferior attenuata in stipitem angustum cuneatum, a quo stolones filiformes deorsum porrectæ emittuntur. In fronde circiter pedali, vix ultra 3—4 bifurcationes adsunt; segmenta longitudine pluripollicaria, ambitu sublanceolata, supra axillas parum patentes erectiuscula; terminalia nunc longius, nunc abruptius in apicem obtusiusculum attenuata. Specimina quoque adultiora structuram fenestratam adhuc sat conspicuum monstrant; stratum corticale offert adspectum magis irregulariter striatum quam in antecedente: Cellulas fertiles singulas emergentes per totam superficiem dense sparsas vidi; nunc autem has cum propagulis plurimis, saepius a pagina quasi vivipara, nunc a margine provenientibus, mixtas.

Iujus specimina diu habui minus bene præparata, quare speciem propriam his proponere dubitavi. Hodie speciem puto admodum distinctam, quam suadente habitu inter species hoc loco proximas positas, quasi intermedium forsitan considerare licet, non obstante structura, quæ forsitan potius aliam Generis Tribum suaderet.

** *Species iteratis bifurcationibus decomposito-dichotomæ.*

3. D. NIGRICANS *J. Ag. Bidr. Aly. Syst. II p. 94.*

D. nigricans, quæ inter species mibi cognitas longe maxima Generis videtur, iis pertinet speciebus, quarum frondes juniores eximie fenestratae adparent, adultiores vero sunt striatae cellulis corticalibus rectangularibus, venarum diametro circiter duplo longioribus, interveniorum magis quadraticis, omnibus vero in strias longitudinales conjunctis.

Quæ nomine D. Kunthii a Harvey inter Algas Australiæ recepta fuit species, mibi quidem din dubia adparuit. In Synopsi phyc. austral. hanc speciem ex duobus locis diversis provenientem memoravit. Forsitan assumere licet ea specimina, quæ sub n:o 73 A & B ab eo distributa fuerunt, ex locis in synopsi memoratis provenire. Mibi hodie haec examinanti adparuit ea, quæ sub n:o 73 B. ex King Georges Sound habui, aut ad D. nigricantem aut ad D. latifoliam esse referenda: propagulis a fronde provenientibus cum his speciebus convenient. Utrum vero ad unam aut alteram ex his speciebus pertineant, ex unico specimine manco, quod vidi, dijudicare non audeam. Alterum in collectione Harveyana sub n:o 73 A ex Fremantle distributum specimen est mibi nimium juvenile quam ut certum judicium de hoc proferre auderem. Structura convenit eum planta, quam ex Nova Zelandia *Glossophoram Harveyi* dixi, et ad genus *Glossophora* certius pertinet. Dum vero in *Gloss Harveyi* radix eximie fibrosa adest, planta australasica a Harvey distributa, desinit in nodum radicalem indivisum at eximie stuposum. Segmenta plantæ australasicae sunt fere duplo latiora, quam eadem in speciminiis Novæ Zelandiæ vidi. Si licet his obstantibus tamen ad eandem speciem pertineat, patet hanc sub juniore evolutionis studio ab adultiore planta non parum differre.

TRIBUS II D. DICHTOMÆ. *Species subregulariter dichotomæ, nunc subpinnatifidæ, callo radicali rix stuposo affixæ, fronde tenui membranacea diutius conspicue fenestrata insignes, venarum nempe cellulis longioribus interrenia cellulis brevioribus contexta cingentibus, cellulis fertilibus per totam aream interiorem densius sparsis.*

* *Species subregulariter dichotomæ, segmentis terminalibus junioribus apiculatis.*

4. D. BARTAYRESIANA *Lamour. J. Ag. Bidr. Aly. Syst. II p. 97. Harvey. Ner. Bor. Americ. Tab. VIII. D. cuspilata Kütz. Tab. phyc. vol. IX tab. 20.*

Hanc speciem in omnibus oceanis calidioribus obvenire congererem. Specimina ex India occidentali, quæ primitus descripta fuerunt, sunt paulo minora, lineam aut sesquilineam lata, apiculis junioribus in exsiccata planta contractis et nigrescentibus plerumque dignoscenda. Frondes sunt conspicue fenestratae: cellulas interveniorum vidi breves, quadratico-

angulatas, vix suo diametro sesquilongiores. In venis cellulæ corticales tenuiores et hinc longiores, nunc suo diametro usque 3plo longiores. Specimina ex Cape Flattery Novæ Hollandiæ tropicæ gerunt segmenta fere bis lineam lata; media forsitan paulisper magis evoluta at vix diversa; segmenta juvenilia æque apiculata; adultiora nunc obtusa. Inter specimina ex Ceylona sub n:o 23 collectionis Fergusonianæ distributa, forsitan duæ species mixtæ, quarum unam ad *D. Bartayresianum* referendam putarem.

Ob apiculos segmentorum juvenilium *D. Bartayresianam* ad *D. dentatam* approximandam esse olim suspicatus sum; hodie structura frondis mihi melius cognita, alias ejusdem esse affinitates assumsi, suadente præcipue *D. apiculata*, quæ transitum parat ad *D. dichotomam*.

5. *D. APICULATA J. Ag. mscr.* frondis decomposito-dichotomæ segmentis linearibus, inferioribus admixtis latis lateralia conspicue angustiora sustinentibus, apicibus patentibus, juvenilibus apiculatis, adultioribus plurimis sensim obtusis, cellulis fertilibus supra totam aream interiorem dense sparsis-

D. dichotoma Harv. *Alg. austr. exs. n:o 70* (partim).

Hab. ad oras australes Novæ Hollandiæ.

Ilæc plurimas species rite dichotomas magnitudine superans, his vero plurimis quoque tenuior. Specimina habui pedalia et ultra, inferioribus segmentis usque 6 lineas latis, superioribus sensim angustioribus, supremis circiter latitudine *D. dichotomam* æquibus. In speciminiis eximie characteristicis segmenta terminalia fere omnia in apiculos geminos patentes excurrunt, quæ hoc modo affinitatem cum *D. Bartayresiana* proximam indicare videntur; in aliis apiculi quidem adsunt at magis ætate proiecti et nunc longiores; in plurimis denique segmenta nonnulla (media) apicibus obtusis instrueta, paucis (magis lateralibus) acuminatis. In specimine, quod a Harvey in *Alg. Austr.* nomine *D. dichotomæ* distributum habui, apices plurimi obtusi videntur, paucissimis acuminatis. Evolutionis differentias ex his diversitatibus indicari putavi. Frondem tenuiorem quam in plurimis aliis vidi et eximie fenestratam, hoc quoque charactere ad *D. Bartayresianam* accendentem. Interveniorum cellulas longiores quam in *D. Bartayresiana* vidi, suo diametro circiter sesquilongiores; breviores vero quam in *D. dichotoma*, quas sno diametro plures longiores observavi. Trabeculas tum longitudinales, tum transversales venarum quasi cellulis tenuioribus contortis compositas dicerem. Cellulas fructiferas per totam aream interiorem dense sparsas vidi.

** *Species subregulariter dichotomæ, segmentis terminalibus (latioribus aut angustis) obtusis.*

6. *D. DICHOTOMA J. Ag. Bidr. Alg. Syst. II p. 92.*

De hac specie ad ea referto, quæ l. c. dixi. Hodie tantum addere placet: Frondem (cum aliis speciebus comparatam) esse admodum tenuem et membranaceam at eximie fenestratam. Venæ et longitudinales et transversales quasi cellulis tenuioribus et quoad dia-

metrum suum longioribus quasi invicem contortis constitutæ. Intervenia vero cellulæ, magis rite rectangularibus et latioribus formantur. His interveniòrum cellulæ, suo diametro 2plo—4plo longioribus a D. Bartayresiana dignoscatur.

In *D. implexa* apices soepe angustos obvenire constat; attamen vix cum apiculis *D. Bartayresiana* hi convenient; in nonnullis sunt erectiusculi in aliis patentes, quin immo aliquando subdivarieati. Nescio vero quousque ejusmodi differentiae ad diversas formas dignoscendas valeaut.

7. D. PATENS *J. Ag. Bidr. Alg. Syst. II p. 93.*

De hac specie vix aliquid novi hodie addere potuerim. Specimen rite fructiferum non vidi. Fenestratam, at cellulæ corticalibus magis obtectam specimena indicare videntur.

*** *Species subpinnatifidæ, segmentis nimirum mediis evolutis, quasi rachidem inter laterales alternantes subflexuosa formantibus.*

S. D. PARDALIS *Kütz. Tab. phycol. vol. IX tab. 39. J. Ag. Bidr. Alg. Syst. II p. 100.*

Ex unico loco natali hanc tantum habui. Rachidibus inter segmenta alternantia flexuosis, a basi sursum longe attenuatis, jam dignoscatur. A facie observata fenestrata adparet, cellulæ corticalibus rectangularibus suo diametro 2plo—3plo longioribus constituta. Venarum cellulæ parum diverse, nisi tenuiores. Cellulas fertiles per totam aream interiorem densius sparsas vidi in partibus latioribus frondis; in segmentis vero angustioribus tantum lineam medianam angustiorem occupantes. Cellulas fertiles nunc fasciculo filorum articulatorum bracteatas observavi.

TRIBUS III D. OCELLATÆ *Species dichotomo-decompositæ, inferne evidentius stuposæ, firmiore frondis textura instructæ, in partibus junioribus fenestratæ, in adultioribus secus longitudinem dense striatæ, corticalibus cellulæ rectangularibus, omnibus subsimilibus, cellulæ fertilibus per totam aream interiorem dense dispositis.*

9. D. OCELLATA *J. Ag. miscr.* fronde supra stipitem cuneatum stuposum dichotomo-decomposita, crassiuscula et firmiore, segmentis linearibus, principalibus inferne attenuatis cuneatis, supremis obtusiusculis, junioribus fenestratis, adultioribus secus longitudinem dense striatis, corticalibus cellulæ rectangularibus, omnibus subsimilibus, suo diametro duplo-triplo longioribus.

Hab. ad oras Novæ Zelandiæ et Tasmaniae.

Hanc esse speciem, quam nomine *D. dichotoma* in operibus de Algis Novæ Zelandiæ enumerarunt, non ægre suspicarer. Primo intuitu a majore quadam *D. dichotoma* non almodum diversa revera videretur. Accuratus vero eam examinanti, pluribus ejusdam

momenti characteribus distineta adpareat. Dum enim stupa in *D. dichotoma* et ejus proximis specibus vix adest, haec admodum conspicua in *D. ocellata*, stipitem inferiorem scandens, mihi adparuit. Planta junior, quae magis membranacea adhuc manet, nec admodum differt adspectu ab aliis speciebus rite dichotomis majoribus; segmenta ejusdem vidi usque 3—4 lineas lata; superiora angustiora et nunc paulisper acuminata; in adultiore planta segmenta saepius angustiora adparent at incrassata et sat firma, atque in his segmenta principalia, basi angustiora quasi stipitata adparent; ita formam repetentia quam in juniore planta stipites primarii induunt. His exterioris formae differentiis accedunt aliae, ex structura frondis deductae. Frondes nimirum juniores rite fenestratae adparent, adultiores vero, cellulis corticalibus obtectae, opacae et dense striatae obveniunt, cellulis striarum invicem parum diversis, rectangularibus aut subquadraticis, diametro suo saepius $2\frac{1}{2}$ —3 plo longioribus. Cellulas fertiles per totam medianam partem frondis dense sparsas vidi.

Prima specimina, quae hujus vidi, juniora et membranacea, antheridiis evidentioribus instructa, nomine *D. ocellata*, jamdudum designavi. Postea ex diversis locis natalibus plantam adultiorem habui. Quamquam hanc inter Algas Novæ Zelandiæ nomine *D. dichotoma* enumeratam fuisse suspicor, tamen me nulla specimina hoc nomine inscripta coram habuisse confiteor. Ob frondem demum crassiusculam striatam, et stupam radicalem sat conspiciam propriam Tribum huic speciei creare malui, quam alias vitiare, introducta specie male iis pertinente.

SUB GENUS II PLEIADOPHORA *cellulis fertilibus quasi in oases per totam aream interiorem sine ordine conspicuo sparsos collectis, inter oases fertiles spatia majora sterilia linquentibus.*

TNIBUS IV. *D. Nævosa* Species majores subregulariter dichotomæ, juveniles tenuiores et fenestratoe, adultiores secus longitudinem striatoe, striarum cellulis elongatis rectangularibus, omnibus subsimilibus, cellulis fructiferis areas maculaformes, quasi soros oblongos in fronde pluri-seriatos constituentis, occupantibus.

10. *D. DIEMENSIS* Sond. mscr.; Kütz. Tab. phycal. vol. IX tab. 31; J. Ag. Bidr. Aly. Syst. II p. 97; *D. nævosa* Harv. Phyc. austr. tab. 186 (non Suhr)

Cellulæ strati interioris numerosis seriebus dispositæ, et magnitudine plantæ comparata minutæ, a superficie subquadraticæ aut rectangularares adparent, suo diametro vix ultra sesquiongiore. Zonæ transversales, quæ septis transversalibus cellularum interiorum oriuntur, anfractus illexuosos efficiunt. Cellulæ corticales venarum parum diversæ ab illis interveniiorum, at forsitan paulo longiores. Marginales cellulæ, quas in plurimis vidi quasi circa marginem tortas, in hac specie vidi magis lateraliter excurrentes. Cellulæ fructiferæ in areis elongato-oblongis, ambitu quasi definitis, proveniunt; quasi oases hoc modo formantes spatiis sterilibus cinctos. In his areis fructiferis nunc sporas sic dictas singulas, at aggregatas, nunc soros (at juniores) in diversis individuis observavi. Characteres, quibus hæc species a sequente dignoscatur, jam indicavit Harvey, et ipse l. c. ulterius exposui. Hodie tantum addere placet me fragmenta quædam senilia vidisse, quæ quoad firmitatem frondis *D. nævosa* fere æquant.

11. D. NÆVOSA *Suhr. Aly. Eckl. no 8 fig. 4.* Kütz. *Tub. phyc. IX tab. 31.*
J. Ag. Bidr. Aly. Syst. II p. 96. *D. polycarpa* Kütz. *l. c. tab. 31,* et
D. grandis Kütz. *l. c. tab. 32.*

Quod de structura antecedentis speciei dixi, id quoque de hac valere putavi. Ob evolutionem magis magisque perductam cellularum corticalium in media fronde, facies fenestrata frondis magis obsolescit, in frondem striatam abiens. Melius quam in plurimis aliis in hac specie vidi mutationes formæ, et divisiones cellularum directione nunc transversali, nunc longitudinali perductas, prout aut in unam aut alteram divisionem æbeat. Demum, prævalente evolutione longitudinali, cellulæ corticales omnes coeunt in strias elongatas, quibus adultior aut magis senilis frons obtecta adpareat.

12. D. POLYPODIOIDES Lamour.

Hujus a Lamouroux jamdudum depictæ speciei specimen nondum vidi.

13. D. ATOMARIA Hauck in *Atti del Mus. Civ. di Stor. Nat. di Trieste.* Vol. VII 1884 cum icone!

Hab. ad oras Indiae Malabaricæ.

Species videtur inter majores Generis, habitu et magnitudine forsitan potissimum D. nigrantem referens, at me judice diversa, et iam ciliis marginalibus a plurimis dignoscenda. Ex specimine a me observato cellulæ fertiles adparent in maculis minutis, per superficiem sparsis dispositæ, spatiis sterilibus oases fertiles, ambitu certo vix limitatos, separantibus. Totam frondem adultiore striatam vidi cellulis corticalibus rectangularibus, suo diametro duplo aut subtriplo longioribus, parietibus tenuioribus pellucidis iuvicem separatis. strias elongatas formantibus; in fronde paulo adultiore area cellularum interiorum fere quadratae, parum translucentes mihi adparcerunt. Cilia a basi latiore acuminata, vix conspicue articulata dicerem; sed extra strias frondis marginales quasi generatae, cellulas corticales gerunt secus suam longitudinem in strias conjunctas. Cellulam terminalem Dictyotæ me observasse, addere placet.

TRIBUS V. (?) D. DENTATE *Species stupra sere destituta, adparenter pinnatifida, nimirum segmentis frondis dichotomæ mediis sensim magis productis lateralia quasi in rachide alterna sustinentibus, nunc in nonnullis sut conspicue evanescentibus;* juniores conspicue fenestratae, adultiores secus longitudinem striatae, striarum cellulis rectangularibus omnibus subsimilibus; cellulis fructiferis. . . .

* *Species vir conspicue evanescentes, segmentis principalibus a lateralibus parum diversis.*

14. D. MERTENSI (*Ulva Mertensii Mart. Fl. Crypt. Brasil. Tab. 1.*) *D. Mertensii* Kütz. *Tub. Phyc. vol. IX tab. 36.* *D. Brongniartii* var. *Auctor.*

Hujus speciei diu nulla specimina habui; denique plura, ex diversis locis sub nomine D. Brongniartii missa comparanti mihi, speciem jamdudum descriptam recognoscere con-

tigit. Me judice est planta a D. Brongniartii sat diversa, multo minus quam hæc caulescens, caule ab aliis segmentis vix diverso, nisi quod hæc alternantia sustinet. D. Brongniartii vera est multo major et latior; caules principales sunt duplo latiores quam rami alternantes, nec ita inter ramos flexuosi ut in D. Mertensii. Specimina cum iconе Martiana potissimum congruentia, quæ ex Ins. Guadeloupe sub nomine D. Brongniartii mili missa fuerunt, monstrant fenestratam faciem jam in iconе indicatam, et substantia magis membranacea cum originali *Ulva Mertensii* congruentia putavi. In his vero rachides principales apicibus admodum obtusis instructas vidi, dum segmenta lateralia apices acuminatos 2—3 fidos saepe gerentia observavi. Ex diagnosi, quam Kützing sue D. subdentatae (*Tab. phyc. tab. 33*) tribuit, simile quid in hac forma obvenire putas. Praeter haec specimina magis membranacea, alia substantia firmiore instructa et fuscescentia, in quibus structura fenestrata minus conspicatur. Eadem plantam in his agnoscere putavi, atestate magis provectam.

Denique plantam vidi ex Swan River Novæ Hollandiæ, ramificationis norma cum allatis convenientem, at magis elongatam et decompositam, fere pedalē longitudine, structura vero ita diversam ut ad eandem speciem eam referre dubitarem. Totam enim opacam vidi, fenestrata structura inquam transnrente, et dense striatam cellulis corticalibus suo diametro circiter 3plo longioribus, et omnibus fere conformibus. Specimina vero adhuc paucissima vidi, quæ nomine *D. filicinae* interea designavi.

** *Species magis conspicue caulescentes, nempe segmentis principalibus firmioribus et structura citius transmutata a lateralibus evidentius diversis.*

15. D. DENTATA *Lamour. J. Ag. Bidr. Alg. Syst. II p. 96. Kütz. Tab. phycol. vol. IV tab. 35.*

Hanc quoque ex oceano atlantico orientali ad Ins. Thomé lectam (ex Herb. Hort. Bot. Coimbr.) habni.

16. D. BRONGNIARTII *C. Ag., J. Ag. l. c. p. 98. Kütz. tab. phyc. l. c. tab. 35.*

Sub nomine hujus species plures designatas vidi. Quæ primitus sub nomine descripta fuit dignoscatur tum magnitudine, plurimas alias species Generis superante, tum segmentis principalibus eximie caulescentibus, quæ non tantum segmenta minora probe alternantia sustinent, sed quoque latitudine saepe duplo majore a lateralibus differunt. Dum segmenta lateralia sua substantia saepe eximie membranacea insignia sint, caules mox crassiusculi et firmiores adpareant; adultiores sunt opaci, cellulis corticalibus mox densioribus obducti, superficie tota quasi dense striata. Partes juniores a facie inspectæ sunt translucentes et sat conspicue fenestratae.

TRIBUS VI. D. CRENULATÆ *Species stupa radicali instructæ plus minus evidenter pinnatifidæ, nimirum segmentis frondis dichotomæ mediis sensim magis productis, laterales quasi in rachide alternas sustinentibus; juniores fenestratæ, adultiores opace secus longitudinem dense striatæ, cellulis corticalibus rectangularibus omnibus subsimilibus, soris fructiferis eximie prominulis per totam aream interiorum sparsis.*

* *Marginibus segmentorum integriusculis.*

17. D. SANDVICENSIS *J. Ag. Bidr. Alg. Syst.* p. 99; *an Sonder et Kütz. Tab. phyc. vol. IX tab. 30?*

** *Marginibus segmentorum plus minus conspicue armatis.*

18. D. SPINULOSA *Harr., J. Ag. l. c. p. 97.* *Kütz. tab. phyc. vol. IX tab 26.*

19. D. CRENULATA *J. Ag. Bidr. Alg. Syst. p. 99.* *D. Bartayresiana β. denticulata Kütz. Tab. phyc. vol. IX tab. 16.*

20. D. BINGHAMÆ *J. Ag. mscr.* elata, supra stipitem cuneatum stuposum pinnatifida, caulescens segmentis mediis et principalibus latioribus inter segmenta lateralia probœ alternantia paulisper flexuosis, segmentis junioribus supra basem conspicue attenuatam obovato-lingulatis infra apicem obtusum nunc dente uno vel altero obtuso instructis, adultioribus decompositis supra basem saepe denticulo acuto incurvo marginali armatis

D. Knuthii Parlow Anderson et Eaton Alg. Am. Bor. s. n. 93. (non C. Ag.)

Hab. in oceano pacifico superiore ad S:ta Barbara Californiae lectam mili misit D:na Bingham.

Hæc est species nobilissima, plurimas alias Generis magnitudine partium superans. Frondes vidi ultra pedales longitudine, caule et segmentis principalibus lineas 4 latitudine superantibus. Tota planta, velut segmenta singula a basi attenuata sensim fiunt latiora; ita infima pars frondis in stipitem cuneatum abit, stupa admodum conspicua instructum. Paulo superius margines tum plantæ inferioris tum segmentorum principalium armati obveniunt uno aut altero apiculo incurvo; nunc horum loco proliferationes minutissimæ pullulantes adsunt. Segmenta lateralia 4—6 pollices longa, distantiis circiter pollicaribus alterne excurrentia et compositionis eandem normam offerentia, at revera paucis segmentis constituta. Quæ sunt ultimi ordinis longitudinem attingunt saepe sesquipollicarem; sunt hæc initio fere linearia, obtusa aut saepius obovato-lingulata apice obtusa, infra apicem nunc dente uno aut altero obtuso alternante instructa. Segmenta plurima supra basem jam sessquilineam lata, superne 3-lineas et quod superat sequantia.

Partes juniores eximie fenestratas dicere licet, fenestræ minutis, trabeulis transversalibus et longitudinalibus fere æque latis. In partibus adultioribus superficies magis opaca longitudinaliter striata adparet, cellulæ corticalibus rectangularibus, diametro suo 2plo—3plo longioribus. A superficie eminent protuberantiae fere globosæ, quæ a cellulæ fructiferis initio minutis longitudinaliter et transversaliter seriatis ortæ videntur. Soros ex his demum formatos cum iis in D. crenulata observatis congruentes putarem.

Initio hanc speciem suadente habitu ad D. Brongniartii potissimum accedere putavi; pluribus autem ejusdem characteribus consideratis D. crenulata proximam conjicerem. Ille suadent stipes eximie stuposus et armatura segmentorum. Fructus quoque a me in D.

Binghamiæ observati cum iis D. crenulatae potissimum congruere videntur. Faciem fenestratam citius in tenuiore D. Brongniartii obsolescere quam in firmiore D. Binghamiæ; frondem vero hujus fenestrarum admodum minutis pro magnitudine plantæ sat firmam fieri patet. In partibus adultioribus utraque planta fere æque striata adpareat. Addere placet me cellulam terminalem Dictyotæ in hac specie observasse.

Ad hanc speciem mihi videntur pertinere specimenia ex California provenientia, quæ in coll. Alg. Amer. Bor. distributa fuerunt, nomine D. Kunthii Ag. inscripta. Specimina hæc paulo juniora mihi adparuerunt quam ea, quæ supra descripsi; nec in illis apiculus marginales observavi. A vera D. Kunthii non solum habitu, sed etiam structura diversa mihi adparuerunt. Cellulas corticales monostromaticas vidi, nec in stratum cellulæ pluriseriatis contextum evolutas. A facie frons eximie fenestrata adparet in D. Binghamiæ, cellulæ corticalibus rectangularibus suo diametro saltem 2plo longioribus. In vera D. Kunthii frons fenestrata vix translucet; et cellulæ corticales omnes subsimiles fere quadratice adparent.

SUB-GENUS III STRIGOCARPUS *cellulis fertilibus per totam aream interiorem in soros, fere lineas longitudinales parallelas formantes, collectis; lineis fertilibus initio areas subregulariter interruptas occupantibus, serius irregulariter disruptis, interspersis saepè cellulæ fertilibus singulis.*

Tribus VII. D. LIGULATAE. *Species saepè stolonibus filiformibus radicantes, dichothomo-decompositæ, aut segmentis mediis magis elongatis subpinnatifidæ; fronde crassiuscula conspicue fenestrata, cellulæ venarum et interveniorum plus minus diversis, septis transversalibus saepè in senili adhuc conspicuis lineas unifaciatas sursum arenatas inter margines formantibus.*

* *Fronde sat regulariter dichotoma subfastigiata.*

21. *D. LIGULATA* Kütz. *Tab. Phyc. vol. IX tab. 18. J. Ag. Bidr. Alg. Syst. II p. 95.*

Dum species aliae hujus Tribus saepè ita decompositæ, ut frondes earum subpinnatifidas quandoquidem dixerunt, specimenia D. ligulatae, quæ vidi, sunt omnia sat probe dichotoma. Ea vero est in dispositione fructuum congruentia inter *D. zonata* et *D. ligulata*, ut de affinitate harum specierum dubitare vix liceat. Structuram frondis in *D. ligulata* eximie fenestratam vidi.

** *Segmentis frondium mediis magis elongatis, segmenta exteriora breviora, et quasi in rachide alternantia gerentibus, cæterum invicem vix conspicue diversis.*

22. *D. FENESTRATA* J. Ag. mscr. fronde anguste linearis, tenaci, decomposito-dichotoma, mox segmentis mediis magis productis, segmenta exteriora quasi in rachide alternantia gerentibus, simibus patentibus, apicibus obtusis, cellulæ venarum et interveniorum sat conspicue diversis, cellulæ fructiferis. . .

Hab. ad oras australes Novæ Hollandiae (J. Brac. Wilson!)

Hæc ramificationis norma ad D. pinnatifidam accedens, offert frondem angustiorem, formas D. linearis parum latitudine superantem; at substantia firmiore et tenaci instructa. A facie adspecta est eximie fenestrata. Cellulae interiores translucentes, rectangulares adparent suo diametro 2plo—3plo longiores. Cellulas fructiferas rite evolutas me nondum observavisse, dicere fas est.

23. D. PINNATIFIDA Kütz. *Tab. phyc. vol. IX tab. 39.*

Postquam in *Bidr. Alg. Syst. II* p. 100 de hac specie mentionem feci, specimina habui ex Florida, quæ ab Australicis a me ad hanc speciem relatis diversa puto. Nenitrinæ specimina bene fructifera vidi.

24. D. RADICANS Harv. *Phyc. austr tab. 119.*

Specimina, quæ hodie ad hanc speciem refero, indicare viderentur speciem esse quoad adspectum, formam segmentorum, et substantiam admodum variam, Harvey, qui nonnullas formas sibi cognitas habuisse videtur, præcipuum characterem speciei a radiculis filiformibus, ab inferiore parte frondis descendantibus, deduxisse videtur. Hoc charactere quoque convenient formæ, quas hodie ad speciem Harveyanam refero. Sed hæc organa in pluribus speciebus certe diversis quoque obvenire, dicere fast est, si quoque in plurimis multo minus conspicua. Fila hæc radicantia, quæ cum stolonibus plantarum superiorum forsan comparanda videntur, a segmentis inferioribus, nunc a margine, nunc ex ipsa pagina provenientia, quin immo aliquando quoque a segmentis superioribus exeuntia vidi, saepè sunt pollicaria longitudine, et setam crassitie aequantia, demum dura teretiuscula, sectione transversali intra corticale stratum submonostromaticum cellulas interiores plures et pluriseriatas monstrantia. Forsan credere licet partes a planta matre sejunctas, demum his aduentibus organis adfixas fieri, novas plantas ita generaturas.

Specimen a Harvey depictum, quod plantam juvenilem sistere putarem, colore et substantia ab aliis speciebus parum ab ludere videretur. At plantas vidi multo firmiores quam in plurimis aliis speciebus, quas ad eandem speciem referre vix dubitavi. Segmenta in his vidi quasi transverse zonata, zonis a margine ad marginem demum lineas arcuatas formantia. Hæ lineæ indicant septa transversalia, quibus separantur cellulæ strati interioris; et increcente magis segmentorum parte media, lineas sursum arcuatim prominulas fieri finxi. Parietes præterea cellularum, qui iteratis divisionibus magis magisque augentur, simul crassitie increscere videntur et demum admodum conspicui fiunt, ita ut senilis a facie observata demum admodum conspicue fenestrata adpareat. Hoc modo planta senilis firmior et tenuior adpareat quam in plurimis aliis speciebus.

Quoque quoad formam segmentorum differentias adesse putarem, quibus duas species diversas indicari facilis forsan quis crederet. In forma a Harvey picta segmenta et sursum et deorsum attenuata ad formam lanceolatam tendentia viderentur; ubi latiora (in media sua parte) lineam parum superantia latitudine. Alia specimina gerunt segmenta latiora (2 lineas lata) ambitu fere linearia et magis obtusa. Hoc modo fere differunt formæ, quas olim species diversas putavi, supposita insuper diversa dispositione cellularum fertilium.

In specie nimirum, quam propriam *D. radicantem Harveyi* sistere putavi, cellulas fruetiferas modo fere *D. dichotomae* dispositas per totam superficiem dense sparsas ob rationes allatas supposui. In alia vero, quam nomine *D. zonatae* descripsi, cellulas fructiferas in areis fere quadraticis mediae frondis dispositas vidi; spatiis sterilibus areas fertiles separantibus. Quum vero hodie differentias allatas in dispositione fructuum ab aetate frondis pendere, conjicere liceat, utrasque formas ad unam eandemque speciem referre placuit; nimirum:

- a.* *D. RADICANS* *Harr. l. c.* segmentis utrinque attenuatis, sublanceolato-linearibus.
- b.* *D. ZONATA* *J. Ag. l. e. Bidr. Alg. Syst. II p. 96* segmentis magis linearibus, terminalibus obtusis.

In una forma, quam ad *D. radicans* Harr. retuli, specimina senilia nonnulla vidi, in quibus antheridia adfuisse videntur, at non ita conservata ut de earum structura certius quid statuere auderem; plures ejusmodi soros in eadem area fertili obvenisse, et areas fertiles sterilibus separatas fuisse ex reliquiis, quae vidi, concludere ausus sum. In forma, quam; ad *D. zonatam* retuli, positionem cellularum fertilium a me descriptam observavi.

25. *D. LITURATA* *J. Ag. Sp. Alg. et Bidr. Alg. Syst. II p. 97.* *D. liturata* et *D. Pappeana* *Kütz. Tab. phyc. vol. IX tab. 38.*

In opusculo citato hanc speciem ad Tribum *D. Nævose* retuli, indicata vero differentia, quam in dispositione cellularum fertilium jam eo tempore mihi cognitam habui. Illo die tum suadente diversitate formæ macularum fertilium, tum comparata structura frondis quæ multo evidenter fenestrata adparet quam in speciebus Nævosis, speciem ad *D. radicantem* potius approximandam esse, mihi adparuit.

TRIBUS VIII. *D. CILIATA* *Species stupa radicali sensim instructæ, dichotomo-decompositæ et subfastigiatae, nunc ciliis marginalibus instructæ, fronde crassiuscula fenestrata at mox opaca et longitudinaliter dense striata, striarum cellulis rectangularibus omnibus subsimilibus.*

26. *D. CILIATA* *J. Ag. Sp. p. 93 et Bidr. Alg. Syst. II p. 94.*

De hac specie ad ea referto, que l. c. jam dixi. Si ab Auctoribus rite limitata esset, haec species in omnibus maribus calidioribus obvenire videretur.

In planta Indiæ occidentalis, quam primam descripsi, frons sat regulariter dichotoma obvenit; stupa frondem inferiorem scandente, velut ciliis marginalibus a multis speciebus jam dignoscatur. Illo die addere placet frondem adultiorem a facie observatam obvenire opacam et quasi striatam, cellulis corticalibus nimirum in lineas rectas, longitudinales conjunctis totam superficiem dense obtegentibus. Cellulae corticales venarum et interveniorum vix invicem diversæ, nisi in venis paulo longiores (suo diametro 2plo—3plo longiores — in interveniis æquales aut sesquialongiores) et rectangulares, in interveniis nunc fere quadraticæ. Cellulas fructiferas nunc in disco sparsas vidi, nunc fere in soros collectas, at soros fere in plures lineas longitudinaliter seriatos intra marginem sterilem. Hac dispositione cellularum fertilium *D. ciliata* ad *D. lingulatam* et *D. zonatam* accedere vi-

deretur. Haec vero species frondium facie admodum conspicue fenestrata diversas puto. Specimina, quae ex India occidentali habui, alia sunt angustiora (*D. ciliolata Kütz.*), alia latiora.

Specimina ex Ceylona saepe majora et latiora obveniunt.

Quae sub nomine *D. ciliolæ* ex Nova Hollandia a Harvey distributa fuit, mihi convenire videtur, nisi forsitan magis gelatinosa. Quo respectu forsitan nec differt forma a Harvey sub n:o 70 a *Alg. Austr. exs.* distributa, at nomine *D. dichotomæ* inscripta. Haec nimurum quoad habitum facile videretur forma illa notissima: *D. implexa*. Planta haec Harveyana minor mihi adparuit quam *D. ciliolata*, dichotomo-decomposita fastigiata, et fere ad quodque segmentum torta, apicibus patentibus, breviter acuminatis. Quamquam hanc juniores plantam crederes, tamen tota longitudinaliter striata cellulis corticalibus rectangularibus. Ille eam potius ad *D. ciliolata* quam ad *D. dichotomam* accedere putarem. Cum planta dieta Harveyana (*Alg. Austr. exs. n:o 70 a*) specimina quedam ex Insula Norfolk ab Is. Robinson lecta, congruentia putarem. Dum vero specim. Harveyanum juvenile mihi adparuit, specimina ex Ins Norfolk senilia. Revera tota planta est eximie cæpitosa dichotoma et fastigiata, segmentis vix lineam latis et per totam longitudinem spiraliter tortis. Quia ad quamque torsionem frons fit contracta, interstitia vero latiora manent, tota frons moniliformis adpareat. In segmentis inferioribus, a marginibus insuper proveniunt cilia sat elongata, juniores quasi articulata, adultiora structuram dense striatam ipsius frondis monstrantia. Segmenta infima stupa altius scandente obtecta vidi; nostra specimina sterilia. Addere placet me structuram Dictyotæ in nostra observasse; exstat vero species Dilophi (*D. moniliformis*) eadem fere conformatio frondis, at structura frondis cum speciebus Dilophi conveniens.

27? *D. ROBUSTA* (*J. Ag. mscr.*) fronde in stipitem cuneatum (in nostris non stuposum) attenuata, sursum paucis bifurcationibus dichotoma, segmentis obovato-linearibus obtusissimis aut truncatis, supra axillam rotundatam patentibus, longitudine segmentorum latitudinem corundem vix ter superante, tota cellulis corticalibus dense striata.

Hab. ad oras australes Novæ Hollandiae, sub n:o 19 mihi a J. Br. Wilson! missa.

Species ab omnibus aliis facilis dignoscenda, habitu proprio robusto. Specimina, quae vidi, sunt obscure brunnea, membranacea at rigidiuscula, chartæ parum adhaerentia. Ex adparatu radicali incrassato frondes excurrent vix 3-pollicares longitudine, segmentis vero 4—6 lineas latitudine æquantibus Inferne frons in stipitem conspicuum cuneatim attenuata, stupa (saltem in nostris) nulla stipitem scandente. Paucis (3—5) bifurcationibus frondes fiunt dichotomæ, segmentis majoribus prope basem paulo angustioribus, dein sub-linearibus at infra bifurcationem dilatatis; segmentis novis supra axillam inferne patentibus, dein subincurvato-adproximatis, terminalibus obtusissimis, simplicibus nempe rotundato apice, aliis ad novam divisionem proris truncatis aut subemarginatis.

Ex habitu affinitatem cum Dilopho opaco aut cum Glossophoræ specie facilis conjicerem, at sectione transversali structuram Dictyotæ vidi, cellulas nimurum interiores unica serie inter margines dispositas indivisas, atque corticales monostomaticas. Quamquam

omnibus aliis fere firmior, basem incrassatam stuposam non gerit. Plantam nostram jni niorem puto; hinc plantam forsitan serius stuposam fieri, et magis decompositam, non ægre conjicerem. Seus margines paulo obsoletius fenestrata; at per totam aream interiore adparet opaca et longitudinaliter striata; striae constituuntur cellulis omnibus subconformibus, plurimis subcubicis, venarum et interveniorum vix conspicue diversis, nisi venarum paulo longiores diceres. In eadem serie longitudinali cellulas alias indivisas et quadraticas, aliis secus longitudinem divisis, novas series inchoantibus; patet cellulas ita divisas angustiores esse, magis rectangulares et suo diametro longiores.

Ignitis fructibus proxima affinitas dubia manet. Quoad structuram frondis speciem ad D. ciliatam accedere putarem. Comparata fronde admodum robusta, ad Tribum D. Nigrigantis eam pertinere, forsitan quis assumeret; at nusquam vivipara, et quamquam specimenia juniora, frons jam opaca et striata adparet; quod aliam affinitatem indicare mihi adparnit.

SUB GENUS IV NEUROCARPUS (*Schousb.*) *Cellulis fertilibus singulis sparsis aut hinc inde adproximatis, lineam fertilem in media fronde secus longitudinem segmentorum continuatam formantibus.*

TNIEUS IX. D. LINEARIS *Species anguste lineares apicibus segmentorum obtusiusculis patentibus aut divaricatis, in partibus junioribus evidenter fenestratae, in adultioribus plus minus opacæ longitudinaliter striatae, cellulis corticalibus angustis rectangularibus, omnibus subsimilibus.*

28. D. LINEARIS C. Ag.; J. Ag. *Bidr. Alg. Syst. p. 101.* *D. linearis* & *D. angustissima* Kütz. *Tab. phyc. vol. IX tab. 21.*

Frondis cellulæ interiores in juniore plauta eximie translucentes, magnæ et rectangulares adparent, suo diametro 3plo-4plo longiores, et earum series longitudinales 5—6 inter margines numeravi. Cellulae corticales supra parietes harum longiores adparent, et suo diametro sæpe triplo longiores. Quæ inter has adsunt, intervenia formantes, sunt conspicue breviores, nunc fere quadraticæ aut suo diametro parum longiores. In planta adul tiore cellulæ corticales excrescentes fiunt longiores, et plurimæ consimiles, strias longitudinales formantes. Cellulas fertiles supra medianam lineam segmentorum provenientes vidi.

Ut hujus speciei duas formas l. e. memeravi, in eodem loco natali a me lectas, unam angustissimam, alteram plus duplo latiorem, ita quoque ex Ceylona duas formas habui eodem modo diversas; unam tenuissimam, quam sub n:o 129 Coll. Fergus. distributam habui; alteram latiorem sub n:o 52 Coll. Fergus; quam cum Harveyana sub n:o 57 identicam putavi. Apices segmentorum sunt in hac breviores fere emarginato-truncatae. Ut raque forma a D. lineari differre videtur fronde magis opaca, superficie striata, cellulis corticalibus rectangularibus, dense juxtapositis — in interveniis angustis tamen magis quadraticis. Latiorem formam sub nomine *D. ceylanica* a Kützing depictam fuisse assumsi.

An ad D. linearem pertineant: *D. fibrosa* Kütz. tab. 15, et *D. divaricata* Kütz. tab. 23 mihi dubitandum videtur. Ita fere quoque de *D. aquata* Kütz. Tab. 20 & 21 judicavi.

29. D. DIVARICATA J. Ag. *Bidr. l. c. p. 101.* *D. acutiloba* Kütz. (*non* J. Ag.) *Tab. phyc. vol. IX tab. 29.*

Hanc in omnibus oceanis obvenire suspicor. Inferne saepe obvenit intricata et torta, superne nunc prolongata et crebre dichotoma; dignoscatur saepius segmentis ultimis a basi latiore subito attenuatis et divergentibus. Adultior a facie inspecta dense striata adparet, cellulis rectangularibus lineas elongatas formantibus, modo fere dices *D. fasciolæ*. A paginibus saepe pullulare videntur appendiculae, quæ sensim exercentes saepe ramificationem magis irregularem reddunt. Specimina ex India occidentali habui numerosa. E mari rubro provenientia vix distineta putarem; specimina plura comparavi, quæ cum planta a De Notaris mihi data congruere videntur. Hanc sistere *D. Notarisii* Kütz *Tab. Phyc. vol. IX tab. 25* assumsi, Apiebus paulo obtusioribus vix distat planta ex Mauritio.

TRIBUS X *D. FASCIOLÆ* *Species anguste lineares apicibus segmentorum acuminatis instructæ, in partibus junioribus quasi articulatæ, nempe cellulis interioribus fere æque longis instructæ, dein vero cellulis interioribus magis exercentibus cellulus interiores in vicinis scribus longitudinalibus alternantes monstrantibus; in adultioribus partibus plus minus opacæ et longitudinaliter striatæ cellulis corticalibus angustis rectangularibus, omnibus subsimilibus.*

* *Fronde subregulariter dichotoma, a basi sursum longe attenuata, apicibus erectiusculis acutis.*

30. D. FASCIOLA Roth. *J. Ag. Bidr. Aly. Syst. p. 103.*

Facilius quam plurimæ Species aliae Generis hæc dignoscatur, si nimirum justis limitibus circumscripta fuerit. Ut vero l. c. monui plures adsunt formaæ, de quibus forsitan adhuc dubia adsint.

** *Segmentis frondium mediis magis productis, segmenta exteriora breviora et quasi in rachide alternantia gerentibus.*

31. D. CERVICORNIS Kütz. *Tab. phyc. vol. LX tab. 24.* *J. Ag. Bidr. Aly. Syst. l. c. p. 104.* *D. fasciola* Harv. *Ner. Bor. amer. tab. VIII. B. (vide spec.)*

Ad *D. fasciolam* certe proxime accedit, et si specimina minus characteristica examinantur, formam ejusdem ludentem facilis quis crediderit. Quoad structuram quoque cum *D. fasciola* convenit. Cellulas venarum et interveniorum rectangularis vidi; interveniorum forsitan paulisper latiores. Fructus quoque consimiles observavi.

32. D. ACUTILoba J. Ag. *Sp. Aly. p. 91.*

Nostra specimina ex Insul. Sandwich reportata fuerunt; specimina ex mari Chinensi provenientia in *Tab. 29* depinxit Kützing, que eo judice eandem speciem constituerent. Modo *D. fasciolæ* cellulas interiores in superioribus partibus fere æque longas ob-

servavi; in planta juniore venas cellulis tenuioribus et intervenia cellulis latioribus rectangularibus constitutas vidi. In planta adultiore frondem quasi longitudinaliter striatam; cellulas nimirum corticales omnes subconformes et diametro suo plures longiores observavi. Apices dentiformes et acuminatos. Cellulas fertiles modo D. fasciolæ dispositas jamdudum descripti. Nec in hoc, nec in antecedente segmenta media caulescentia dicerem, utpote a lateralibus vix nisi situ diversa.

TRIBUS XI D. FURCELLATÆ. *Species anguste lineares apieibus segmentorum acuminatis insignes, in partibus junioribus teneræ, (exsiccatione quasi irregulariter collabentes, venis nimirum sub prominulis, interveniis collabentibus); in partibus adulterioribus longitudinaliter striatæ, cellulæ corticalibus angustis rectangularibus, venarum et interveniorum parum dirersis.*

* *Fronde sat regulariter dichotoma subfastigiata.*

33. D. BIFURCA J. Ag. mser. fronde cæspitosa estuposa tenera (exsiccatione collabente) subregulariter dichotoma et saepe proliferationibus a disco aut a margine emergentibus decomposita, sinibus patentibus, segmentis anguste linearibus margine integerrimis, terminalibus geminis supra axillam patentem sensim incurvis et acuminatis, in suprema parte vix conspicue articulatis, adultioribus dense striatis, cellulæ corticalibus rectangularibus suo diametro plures longioribus.

Hab. ad oras Novæ Hollandiæ tum tropicæ (Port Denison, a Kilner lecta) tum australis (Port Phillip: Wilson). Sp. a Ferd. de Mueller mihi missa.

Specimina numerosa indicare videntur frondem esse 5—6 pollicarem, at admodum angustum, latitudine vix lineam superantem, superioribus partibus latitudine inferiores fere aequantibus. Tota frons saepius sat regulariter dichotomo-decomposita, nunc insuper proliferationibus aut a pagina media aut intra marginem exeuntibus foliolosa. Segmenta suprema gemina invicem similia, rite evoluta fiunt supra axillam patentem convergentia subfalcata et acuminata; adhuc juniora et breviora et magis obtusa adpareant; in superiori parte horum segmentorum cellulæ interiores translucentes articulos minus conspicuos referunt; infra apices vero cellulæ interiores elongatae in seriebus vicinis alternantes adpareant, præcipue in seriebus medianam paginam occupantibus fiunt admodum elongatae. In partibus junioribus venæ longitudinales et septa transversalia quasi prominula ab interveniis collapsis sat diversa, frondi superficiem tribuant inæqualem, quasi paginae essent aliis locis inflatae, aliis depresso. Cellulæ corticales, demum magis conspicuae, sunt rectangularares et suo diametro longiores demum totam superficiem quasi striatam reddunt. Cellulæ fertiles in mediana parte paginarum provenientes, quasi lineam longitudinalem fertilem referunt.

Inter species magis cognitas potissimum ad D. fasciolam accedere forsan censeatur. At planta est huic multo tenerior, et quoad structuram potius ad D. furcellatam accedens. D. furcellata vero est magis caulescens et gerit ramos fere in fasciculos laterales et alter-

nantes collectos. *D. bifurca* est magis regulariter dichotomo-decomposita. In *D. fasciola* sunt segmenta terminalia magis elongata (subulata) et striata, atque longius deorsum et magis conspicue articulata. In *D. bifurca* sunt gemini ramuli introrsum incurvi et fere falcati, parum conspicue articulati. In ipso sinu cellulæ corticales pluriseriatæ, ab utroque ramo obviae, linea media subflexuosa separantur — ut hoc in formis *D. linearis* vicinis sœpe obtineat.

** *Segmentis frondium mediis sensim magis productis subpinnatifidis, exterioribus et junioris frondis dichotomis.*

34. *D. ALTERNIFIDA* J. Ag. mscr. fronde caespitosa estuposa tenera et exsiccatione collabente, juniore sat regulariter dichotoma, adultiore segmentis mediis subpinnatifidis, sinubus patentibus, segmentis anguste linearibus margine integerrimis, terminalibus brevioribus patentibus a basi latiore acuminatis subobtusis, adultioribus dense striatis, cellulæ corticalibus rectangularibus suo diametro 2plo—3plo longioribus.

Hab. ad oras Novæ Hollandiæ tum australis, tum tropicæ; mihi a F. de Mueller et J. Br. Wilson missa.

Quoad structuram hæc species potissimum cum antecedente convenire videtur, eique ni fallor affinitate proxima. Juvenilis nimirum admodum tenera, et septis sparsim quasi nodose prominulis, aliis partibus collabentibus insignis, adultior firmior, opaca et quasi striata, seriebus densis longitudinalibus cellularum corticalium admodum conspicuis instruta. Cellulæ hæ rectangulares sunt suo diametro 2—3plo longiores. Frondes juniores ita regulariter dichotomæ ut specimen nomine "D. dichotomæ verae" inscriptum habuerim. Sensim vero segmenta principalia excrescent in rachides flexuosas, segmenta alia breviora alternantia gerentes. Sub hoc stadio specimina *D. pinnatifida* haud male referunt; et ignota mihi adhuc vera *D. pinnatifida*, plantam australasicam ad illam retuli. Vera *D. pinnatifida* et quoad substantiam frondis subcarnosam et quoad structuram fenestratam ad aliam Tribum pertinens, hodie mihi sat diversa adparet. Praeterea *D. alternifidam* inter *D. bifurcam* et *D. furcellatam* quoad ramificationis characteres fere intermedia, ab utraque recedit tum hac ramificationis norma tum latitudine frondis — sesquilineam saltem æquante. Cellularis fertiles medianam lineam paulo latiorem occupare quam in aliis observare credidi. Cæterum vero specimina vario modo diversa obveniant: pro stadio evolutionis, aut magis rite dichotoma aut subpinnatifida; nunc nuda, nunc proliferationibus a disco emergentibus dense obsita (var. *foliolosa*); nunc secus medianam frondem nulla, at foliolis a margine forsan paulisper incrassato provenientibus (var. *prolifera*). Hanc ultimam formam tantum juvenilem et tenerrimam me vidisse, dixisse placet.

*** *Fronde inferne cantescente, eaule anguste linearis ramos laterales conspicue tenuiores sustinente, apicibus furcatis sœpe tennissimis, patentibus aut erectinsculis.*

35. *D. FURCELLATA* C. Ag., J. Ag. Sp. p. 90. *D. furcellata* partim J. Ag. *Bidr. Alg. Syst.* p. 102. (ne*c* Harv., ne*c* Kütz.)

Species jam ab initio parum intellecta, utpote ad specimen manuum descripta, dein cum aliis et quidem omnino diversis confusa, revera hodie dum ab Algologis vix cognita. Quae primum a C. Agardh descripta fuit planta est species Dictyotæ, structuram frondis in hoc Genere normalem offerens, nimirum duplice strato, corticali monostromatico contexta. Quae dein a Harvey sub nomine *D. furcellata* in icona pulcherrima illustrata fuit, eam structura a primaria differre et Harvey et sequentes omnes ignorarunt. Speciem primus descriptam igitur hoc loco nomine *D. furcellata* C. Ag. retineo; Harveyanam vero speciem, structura cum *D. paniculata* convenientem, hoc loco nomine *Pachydictyon furcellatum* descriptam videas.

In caule *D. furcellatae* (C. Ag.) transverse secto structuram normalem Generis Dictyotæ vidi: cellulæ interiores magnæ, unica serie a margine ad marginem juxtapositæ obtenguntur cellulis multo minoribus strati corticalis. nullis omnino interjacentibus cellulis strati eiusdem intermedii. In fronde ejusdem juniore et superiore, at fertili, a facie observata cellulæ strati interioris vidi diverso modo collapsas, septis tum longitudinalibus tum transversalibus sparsim fere nodose prominulis, longitudinalibus mediae frondis saepe rugas elongatas formantibus, ad quas cellulæ fertiles affixas facilius diceres. Cellulae corticales sub hoc evolutionis stadio minus conspicuae, at rectangulares adsunt; in forma, quam senilem *D. furcellatam* sistere putavi, cellulæ interiores parum translucentes obtenguntur seriebus densis cellularum corticalium, quæ in his omnes rectangulares adparent et seriebus longis superpositæ strias secus longitudinem frondis decurrentes referunt. Hac suadente structura speciem *D. fasciolæ* vicinam putavi

Eam vero differentiam ramificationis inter *D. fasciolam* et *D. furcellatam* adesse puto, quam in multis aliis speciebus affinibus hodie assumsi: nimirum in *D. furcellata* sensim evolvitur caulis proprius elongatus, ad quem rami breviores lateraliter adfixi adparent. Plantam exsiccatam hoc modo bene evolutam, facilius quis ad *D. paniculatum* referre forsan decipiatur. Junior vero planta, velut rami a parte inferiore arrepti, toti dichotomi adparent, qualem *D. furcellatam* descripsit C. Agardh et ipse in speciebus Algarum speciebus nondum rite evolutis deceptus. Specimina vero paulo magis evoluta caulem inferiorem jam indicant, si quoque ex his ramificationis normam propriam adhuc ægrius discernere liceat. Demum specimina habui admodum characteristicæ, ramificationis norma peculiariter magis fere *D. paniculatam* referente. Cellulas fertiles secus medianam partem frondis sparsas, quasi in lineas plures seriatas vidi.

XIII. *Pachydictyon J. Ag. Gen. nov.*

Frons ecostata, bifurcatione cellulæ terminalis repetitive dichotoma, segmentis flabellato-subfastigiatis, saepe pinnatim dispositis, decomposita, demum subtriplici strato cellularum contexta: *strato interiore* cellulæ majoribus, per unicam seriem a margine ad marginem dispositis, zonas interiores formantibus; *intermedio* cellulæ minoribus rotundato-angulatis demum pluri-seriatis; *corticali* cellulæ monostromaticis, secus longitudinem frondis seriatis, supremis in cellulam terminalem convergentibus, constante.

De Dictyoteis olim scribens (*Bidr. Alg. Syst. II Afd.*) indicavi differentias structuræ, quæ inter species, ad Genus Dictyotæ antea relatas, intercederent; et his ducentibus tum Genera *Dilophi* et *Glossophoræ* nova proposui, tum sectionem propriam *D. paniculatae* institui. Dum fere in hac minima specie typum quodammodo abludentem mihi cognitam haberem, novum Genus huic condere dubitavi; hodie vero, quum eandem structuram in aliis bene distinctis speciebus observaverim, novum Genus his condere, vix haesitavi. Inter Genera proxima Pachydictyon, quoad structuram frondis, cum *Glossophora* potissimum convenit.

In Pachydictyo, ut in speciebus Dictyotæ typicis, stratum interius componitur cellulæ paulo majoribus, unicam seriem a margine ad marginem formantibus, sub æque longis, ita ut frons junior, translucente luce observata, articulata et quasi polysiphonea adpareat. Ut in speciebus typicis Dictyotæ stratum corticale monostromaticum in Pachydictyo quoque adest, cellulæ prismatico-cylindraceis in fila elongata conjunctis constitutum; et hæ cellulæ corticales, interioribus omni respectu minores, quasi reticulo proprio exteriore articulos interiores cingunt. At inter hæc strata, intermedium proprium stratum in Pachydictyo sensim evolvitur; in juniore fronde hoc parum conspicuum, in adultiore sape alia strata crassitie aequat aut immo superat; sectione facta transversali frondis cellulæ ejusdem videre licet demum pluriseriatas, corticalibus rite antepositas, et magnitudine has aquantes, at quasi vacuas, nimirum contentu colorato cellularum corticalium carentes. De prima origine hujus strati dubia quedam mihi adfuerunt. Num prima initia ejusdem dignoscere credidi in cellulæ minutis, quas in axilla inter geminas cellulæ interioris strati quandoquidem observare putavi; aliis autem locis corticales cellulæ vidi verticaliter elongatas, et transversaliter dein divisas, interioribus partibus stratum intermedium sensim formantibus. In frondis parte ima *Pachyd. minoris* magis incrassata et fere teretiuseula hoc præcipue mihi evidentissimum adparuit. Cellulæ novæ ita formatae quoque magnitudine cum cellulæ corticalibus convenient, et his revera anteposita videantur ubicumque segmentum feliciter ductum observare liceat.

Froudium partes inferiores, increscente magis magisque strato hoc intermedio, sunt hoc modo sensim incrassatae, et saepe caulescentes adparent, ramos quasi magis pinnatum dispositos sustinentes. Frondes a facie observatae plerumque admodum opaca, quasi lineis elongatis cellularum corticalium striatae.

In segmento longitudinali frondis cellulas interioris strati, exterioribus ampliores, semper facilis dignoscere mihi lieuit, si quoque breviores, et exterioribus, undique prementibus plus minus corrugatae saepe obveniant. Cellulas strati intermedii et eorticale, utpote tenuiores magis elongatas habenter dices.

Utrum fructificationis indole Genera, quae Dictyotae proxima sunt, omnino invicem convenient, an quodam respectu diversa sint, mihi quidem adhuc latet. Cellulas fructiferas in *P. paniculato* observavi sphaericas, supra medianam paginam emergentes, plerumque paucas approximatas; nescio an assumere audearem has fasciculo filorum involuerant ab initio cinetas fuisse; saepe nimurum in vicinia sporarum vidi fila magis elongata at apicibus deperditis quasi senilia; nunc sporiferis cellulis nondum evolutis fila vidi breviora incurva et breviter articulata, qualia a Harvey in *Phyc. aust. tab. XXXVIII* depicta exhibentur. Nunc in ejusmodi fasciculo cellulam rotundatam observavi, quae vero quid sit nescio.

Sequentes species hodie Pachydictyo adnumerandas credidi:

1. PACHYDICT. FIRCELLATUM *Hare. phyc. aust. tab. XXXVIII.* (non Ag.)
Dicot. furcellata J. Ag. (partim) in *Bidr. Aly. Syst. II Afil. p. 102.*

Hab. ad oras occidentales et australes Novæ Hollandiæ.

Duas species sub nomine *Dicot. furcellatae* confusas fuisse, hodie assumere cogor, comparatis structuræ differentiis, que adsunt inter specimina, eodem nomine descripta. In una, que primariam *D. furcellatum* (C. Ag.) sistit, structuram agnovi, quam plurimis speciebus Dictyotae normalē hodie censeo: cellulae nimurum interiores monostromatice cellulis corticalibus quoque unicam seriem formantibus obtenguntur. In altera que est species a Harvey descripta, inter haec strata sensim cum ætate formantur cellule intermediae, quæ denique stratum sat conspicuum efficiunt. Species Harveyana hoc modo structuram offert quam Pachydictyo characteristicam supra describere conatus sum. Quoque quoad habitum species istae oculo adsueto diverse adpareant: rami nimurum, qui in utraque forma plus minus pinuatim disponuntur, sunt in *D. furcellata* C. Ag. basi saepe longius nudii, superne crebrius furcati ramellis acuminatis patentibus quidem, at vix proprie divaricatis. In *D. furcellata* *Harveyi* rami in caule demum firmiore sunt magis horizontaliter egredientes, ramulis patentissimis, ultimis divergentibus. Si vero haec habituales notæ minus conspiciantur, species evidentius structura differunt. Hinc quoque in planta exsiccata caules in Pachydictyo saepe sentiuntur durusculi (cultro dissecti); in Dictyota molliores

Species, quas rite distinguere hodie conatus sum, a plurimis antea confusas fuisse, patet. Specimen a C. Agardh descriptum admodum pauperum Harvey qui in planta a se inventa speciem Agardhianam recognoscere creditit, sua D. furcellatae dedit iconem, habitum eximie illustrantem. Sed prater Agardhianam speciem diversam quoque aliam, quam ipse *D. angustum* antea denominaverat, cum sua identicam consideravit. Mihi specimen ab ipso Harveyo nomine *D. angustae* designatum comparanti, hanc potius congruere

adparuit cum forma, quam nomine Dilophi Gunniani descripsi. Ipse de speciebus Dictyotearum scribens (*Bidr. Alg. Syst. l. c. p. 102*), duas formas adesse monui, at differentiis structuræ adhuc ignotis, uec mihi licuit inter formas rite distinguere. Kützing, qui specimen Harveyanum examinavit, hujus structuram quoque exposuit (*Tab. phyc. vol. IX tab. 24*). Me hanc structuram in Dict. furcellata non vidiisse, jam eo tempore monui.

Duas formas Pachyd. furcellati coram habeo. Una minor, 3—6 pollicaris caule primario tenuiore, at duro et in exsiccata filiformi. Haec a Harvey et Kützing depicta. Altera 8 pollicaris et ultra, caule crassitie majoris *P. paniculatae*. Haec præcipue ad *P. paniculatum* accedit, at colore latiore et præcipue ramulis divaricatis diversa. Ramulos ultimos, a facie observatos, saepius vidi articulatos, translucentibus nimirum cellulis strati interioris sub æque longis; articuli hoc modo formati longitudine sua diametrum frondis circiter aequaliter. Cellulas corticales medianæ frondis siepe obscuriores (utpote prius maturescentes) vidi, costam medium quasi mentientes.

2. PACHYD. MINUS (*D. minor* Sonder *Alg. Preiss. p. 154. J. Ag. Bidr. Alg. Syst. p. 194.*

Hab. ad oras australes Novaë Hollandiae.

Haec revera est species admodum distincta, structura frondis cum aliis speciebus Pachydictyi conveniens; specimina circiter 3pollicaria vidi, segmentis pro magnitudine plantæ latioribus, lineam tamen vix aequalibus, sub-carnosa, at elastica et faciliter reviviscentia. Sub microscopio tota fenestrata adparet, lineis admodum anfractuosis zonas sursum convexiusculas separantibus. Cellulae corticales elongatae suo diametro circiter 3plo longiores. Cæterum ad ea refero, que l. c. de hac specie dixi.

3. PACHYDICT. PANICULATUM *Dict. paniculata Auct. J. Ag. Bidr. Alg. Syst. p. 106.*

Hujus plures esse formas, alias segmentis terminalibus obtusis, plurimas segmentis ultimis acuminatis. Quoque quasdam ramificationis differentias adesse vidi; at has differentias vix species diversas indicare putavi.

XIV. *Dilophus* *J. Ag. Bidr. Alg. Syst. II p. 84.*

De Dictyoteis olim scribens, Genus Dilophi proposui iis speciebus Dictyotae Generis, in quibus cellulæ interiores subdividuntur parietibus, qui sunt cum utraque pagina frondis paralleli; ita ut cellulæ interiores aut 2:as aut 4:ernas series, inter utramque paginam superpositas, efficiunt. Cellulæ strati interioris hoc modo in his sunt minores, et sectione facta transversali frondis fere quadratice adparent, nunc angulis paulisper rotundatis instructæ, et omnes invicem utraque directione e regione positæ. Generis, his characteribus

instituti, species sex jam eo tempore mihi cognitas habui. Postea haud paucæ aliae mihi immotuerunt, inter quas nonnullas, propria modificatione structuræ, novum Generis typum indicantes putavi. Dum nimirum in plurimis antea cognitis speciebus fuerunt cellulæ interiores medianæ frondis, quæ novis factis divisionibus pluriseriatae obvenerunt; postea aliae mihi immotuerunt species, quarum cellulæ medianæ frondis aut indivisa, aut parcus divisæ permaneant, certæ vero aliæ quædam, marginibus vicinae, subdividuntur, quasi vallum marginale, in utraque pagina prominulum, nunc nudo fere oculo conspicuum, formantes. Sectione facta transversali frondis, hoc modo adpareat ambitum segmenti in *nonnullis* adparere ovalem, mediana parte frondis incrassata, margines versus sensim attenuata; in *aliis* vero intra-marginalem lineam esse incrassatam, mediana parte tenuiore, fronde quasi utrinque canalicularata. Inter species margine incrassato frondis instructas nonnullæ sunt (*D. marginatus*), in quibus differentia inter margines et paginañ interiore admodum abrupta conspiciatur: ut vero hoc in unica specie rite observatum fuerit, facilius eundem typum recognoscere liceat in aliis, quarum margines incrassati magis pendentim attenuantur paginam versus medianam.

Cellulas interiores, quæ divisionibus longitudinalibus modo supra descripto subdividuntur, non pari passu breviores fieri, sectione facta longitudinali frondis mihi conspicuum fuit. Zonæ igitur transversales, quæ in fronde a facie observata Dictyotæ ejusdam plerumque conspiciantur, eadem quoque in speciebus Dilophi permanent, si quoque in fronde obscuriore difficiliter transluceant. Dum vero zonæ in Dictyota constituantur monostromatica serie cellularium juxtapositarum, a margine ad marginem extensa; zonæ in Dilophis formantur cellulis quoque alia directione — a pagina ad paginam — quasi polysiphoneis. Cellulas longitudinales, divisione ita ortas, fere prismaticas vidi, suo diametro plures (circiter 4plo) longiores; nunc unum aut alterum ex his transversali divisione in 2:as partes divisas observare credidi. Zonas novas hoc modo demum oriri forsitan conjicere liceat.

Quod attinet partes fructificationis vix certius quid de his statuere audirem. Species plurimæ, recentius detectæ, tantum paucioribus speciminibus huensque mihi immotuerunt; et specimina, quæ habui, nec omnia fructifera; nec partes fructificationis diversas in eadem specie observare mihi configisse facilis intelligatur. Ex iis, quæ observavi, lalentius conjicerem organa fructifera in Dilophis ab iis vix differre, quæ in speciebus Dictyotæ immotuerunt. Pustulas supra paginam prominulas in pluribus revera vidi; et sporas intra

has generatas nunc pauciores, nunc numerosiores observavi; in una specie (*D. foliosa*) has fere globosas vidi, at stipite brevi evidenter adfixas. In pluribus sporas sic dictas singulas, et evolutionem harum in una specie (*D. Wilsoni*) evidentiorem quam in ulla alia Dictyotea sequi mihi lieuit. Cellulas fertiles rarius tantum lineam angustiorem medianae frondis occupantes, saepius easdem supra totam medium frondem densius sparsas obvenire dicerem.

Sequenti modo species hodie cognitas disponendas credidi:

SECTIO I *Ancipites frondibus secus medianam paginam incrassatis, margines versus plus minus conspicue attenuatis, sectione transversali ambitum ovalem monstrantibus; cellulis strati interioris in mediana pagina plures series (saepè 4) formantibus, marginibus proximæ per series paviores (nunc per unicam) dispositis.*

* *Frondibus linearibus dichotomis, aut magis vase furcatis.*

a) *Cellulis fructiferis lineam angustiorem medianæ frondis occupantibus.*

1. DIL. REPENS J. Ag. Alg. med. p. 38. Bidr. Alg. Syst. II p. 106. Kütz. Tab. phyc. IX tab. 9. *D. cyprius* Grun. mser. Dict. simplex Kütz. l. c. tab. 9.

Hab. in mari mediterraneo et nigro, ad littora Galloprovinciae! et Nicaeæ! ad Cyprum! ad littus Tauriæ!

Hujus speciei — a *D. fasciola* sine dubio distinctissimæ plures formas mihi hodie cognitas habeo et has a diversis littoribus maris mediterranei et nigri. Praeter primariam, evidenter juniores, quam cæspites minutos, sureculis decumbentibus invicem conjunctos, agmina densa in limite maris formaentes descripsi, quoque adultiores, a diversis locis natilibus comparavi. Plantam adultiorem vidi quoad habitum vix a *D. fasciola* distinguendam basi paulo latiore linearem subregulariter dichotomam (*Diloph. cyprius* Grun.) apicibus longe attenuatis: nunc inferne magis incrassatam et magis irregulariter ramosam, saepè proliferationibus fere teretiusculis instructam (quales "*D. dichotoma*" formas quasdam depinxit Reinke). Ejusmodi formas magis irregulariter ramosas, ramellisque filiformibus intricatas, a fulcro arreptas, in situ tranquillo ad ins. St. Marguerite olim legi. A facie plantæ adparet longitudinaliter striata, cellulis corticalibus rectangularibus suo diametro 2plo 4plo longioribus. Minori augmento observata monstrat cellulas interiores quasi in articulos aut zonas transversales conjunctas; in proliferationibus teretiusculis articuli hi admodum conspicui adparent, dimetro circiter æquales. Sectione facta transversali structura a *Dictyota fasciola* speciem diversam evidentissime monstrat: cellulae vimirum interiores sunt in media parte frondis septo cum paginibus parallelo subdivise, duplificem, nunc forsitan 4-plicem seriem formantes; margini autem proxime saepè indivisa simplicem seriem formantes. Sectione facta longitudinali adparet cellulas easdem interiores nullo septo transversali subdivisas fuisse, sed sua longitudine æquare zonas in superficie conspicias; sunt hoc modo 4 cellulas corticales longitudine circiter æquantes. Frondes a facie inspectæ admodum

obscure adparent, striis longitudinalibus cellularum corticalium notatae, et transversim zonatae, zonis diametro frondis circiter duplo — quadruplo brevioribus — in fronde complanata. Cellulae corticales aliae latiores et breviores, suo diametro circiter aequales, aliæ (divisione longitudinali facta) angustiores, longiores adparent.

Ut plurimum — in planta juniore — cellulas interiores mediae frondis duplum seriem formantes vidi; nunc vero — in adultiore planta in segmentis fere teretiusculis cellulas interiores 3—4 series inter paginas formantes observavi. Haec differentiam etatis putavi. In iis, quarum cellulæ mediae frondis per 4 series dispositæ sunt, vidi cellulas margini proximas duplum seriem formantes. His structuræ characteribus certum puto speciem esse a *D. fasciola* diversam et una cum haud paucis speciebus aliis, eodem modo a typicis speciebus *Dictyotæ* diversis, ad Genus proprium *Dilophi* referendas.

2. *Dil. GUNNIANUS* (*J. Ag. Bidr. Alg. Syst. p. 106.*) fronde basi stuposa anguste linearis decomposito-dichotoma, sinibus patentibus, segmentis terminalibus subdivergentibus attenuatis obtusiusculis, cellulis interioribus frondis mediae per 4 series, margini vicinis per duas series dispositis corticalibus plurimis subquadraticis diametro aequalibus, aliis sesquilon-gioribus.

Hab. ad Tasmaniam et oras australes Novæ Hollandiæ.

Iujus tantum pauca specimenia habui. Hæc inferne magis distanter dichotoma, superne iteratis bifurcationibus magis decomposita, et saepè proliferationibus decompositis obsita, segmentis terminalibus brevibus obtusiusculis patentibus aut saepè subdivaricatis. Cellulas interiores mediae frondis 4 series, margini proximas 2 series formantes plerumque vidi. Cellulas corticales vidi admodum breves, suo diametro aequales aut vix sesquilogiores. Specimina, quæ eoram habui, colore castaneo, in exsiccata fere nigrescente, insignia.

3. *D. FASCICULATUS* (*J. Ag. mscr.*) fronde basi stuposa, anguste linearis decomposito-dichotoma, ramis principalibus quasi fasciculos distinctos eodem modo decompositos formantibus, sinibus patentibus, segmentis saepè sparsim tortis, terminalibus patentibus subacuminatis, cellulis interioribus plurimis per 4 series dispositis, corticalibus rectangularibus suo diametro 2plo—4plo longioribus, cellulis fructiferis lineam longitudinalem angustiorum frondis mediae occupantibus.

Hab. ad oras australes Nova Hollandiæ & Tasmaniae.

Hanc antecedenti proximam puto, tum diversitate quadam ramificationis, tum cellulis corticalibus conspicue longioribus dignoscendam. Rami nimirum majores quasi per se fasciculos distinctos efficiunt, longitudine paulisper inaequales, et singulas horum partes eodem modo decompositas. Frondes vidi nunc dimidiam lineam, nunc lineam, latas; angustiores saepè una aut altera torsione adparent in axissecata quasi sparsim contractæ. Segmenta in-

feriora pollicem circiter distantia, superiora duplo breviora, omnia adparent tenuiora et saepe sat attenuata. In speciminiibus, quae coram habui, cellulae corticales elongatae adparent, rectangulares et suo diametro 2plo—4plo longiores. Color frondis fuscescens; et substantia membranacea; qualem in juniore planta suspicari liceret. Nostra tamen fructifera, cellulis fructiferis lineam longitudinalem angustiorem mediae frondis occupantibus. — Has vero *nunc* pustulis, supra frondem elevatis, oblongis, sporas obovatas plurimas (usque 30 numeravi); *nunc* proliferationibus constitutas observavi.

b) *Cellulis fructiferis totam medianam frondem, linea marginali excepta, occupantibus.*

2. DIL. TÆNIEFORMIS *J. Ag. mscr.* fronde supra stipitem teretiuseculum stupsum complanata, anguste linearis, decomposito-dichotoma, segmentis supra axillas patentes erectiusculis, per totam longitudinem aequi lati, terminalibus attenuatis obtusiuseculis, cellulis interioribus quadruplicem seriem inter paginas formantibus, corticalibus plurimis subquadraticis, aliis parum longioribus, fructiferis secus totam medianam frondem dispositis.

Hab ad oras australes (Port Phillip) et occidentales (Champion bay) Novæ Hollandiæ (F. de Mueller!).

Hæc ita quoad habitum *D. fastigiata* (*Harr. Phyc. austr. tab. LXXX*), refert, ut specimina utrinque diu in Herbario sub eodem nomine servata habuerim. Detecta vero differentia, quæ inter species Dilophi *ancipes* et *marginatas* intercedit, statim mihi adparuit *D. Tænieformem* esse speciem bene distinctam. In haud paucis speciminiibus, quæ coram habui, stipes adest quasi proprius, teretiuseculus, lineas paucas aut fere pollicem longus, stupa fuscescente obductus, ejus ex apice quoquoversam exent frondes haud paucæ, quæ ab ima basi plane, lineares, lineam circiter latæ, bifurcationibus fuit decompositæ (inter supremas et infimas bifurcationes 5—6 numeravi, segmentorum indivisa parte 1—3 pollices longa). Supra axillas patentes segmenta magis erectiuscula, nunc supra axillam paulisper incurvata vidi; terminalia attenuata obtusiusecula. Frondes a facie observatae admodum obscuræ et striatæ adparent, cellulis corticalibus plurimis fere quadraticis, aliis paulo longioribus, rubenter dixisse longiores esse venarum, breviores interveniorum at inter utrasque ejusmodi distinctionem urgere vix auderem. In nonnullis fragmentis pustulas vidi supra paginam elevatas, non tantum secus lineam longitudinalem dispositas, sed supra totam medianam frondem sparsas — linea tantum marginali excepta. Soros hos rotundatos, evidentiore membrana cinctos, sporas 4—6—8 obovatas continentes, vidi (in fronde a facie observata); sectione factæ transversali apices sporarum prominulos, sinu inter singulas conspicuo, perisporio quasi lamelloso; nunc quoque exterioris membrane laceras partes, observare credidi.

3. DIL. OPACUS (*J. Ag. Bidr. Alg. Syst. p. 107*), fronde supra stipitem teretiuseculum complanata, sursum longius stipposa, latiuscula decomposito-

dichotoma, segmentis supra axillas patentes patulis, sua longitudine inter bifurcationes proximas latitudinem circiter ter superante, terminalibus obtusissimis truncatis, cellulis interioribus quadruplicem seriem inter paginas formantibus, corticalibus subangulato-rectangularibus diametro sesquilongoribus, fructiferis. . . .

Hab. ad oras magis australes Novæ Hollandie Port. Phillip (F. de Mueller! Wilson!) Israeliten-bay (Miss Brooks!)

Specimina, quæ I. c. descripsi, comparatis aliis, quæ postea habui, senilia mihi adparuerunt, ideoque ramificatione magis irregularia; juniora magis regulariter et dense dichotoma, bis lineam saltim lata, longitudine segmentorum inter bifurcationes proximas latitudinem ipsorum bis aut ter superante. Segmenta terminalia obtusissima, apice rotundato aut fere truncato. Frons tota sepe latior quam longa, stupa sursum longius scandente inferne tomentosa, infimo segmento paulo angustiore stipitem formante. Tota frons, minori angimento observata, arcolata adparet, areolis sub-rectangularibus, diametro circiter sesquilongoribus. Zonaram lineæ transversales at aufractuose quoque in fronde juniore parum conspicuae. Cellulae corticales sub-angulatae rectangulares, diametro suo circiter sesquiloniores. Sectione transversali evidentissime vidi frondem in media sua parte paulo crassiorem quam in parte marginibus proxima; in adultiore cellulas interiores 4 series inter paginas dispositas, margini proximas vero tantum 2:as series ab initio, demum vero has quoque 4 series offerentes. Cellulas fructiferas bene evolutas non vidi; inchoantes quasdam videre credidi, et has ita per superficiem sparsas, ut demum totum discum fructiferm fieri, facilius suspicarer.

** *Frondis dichotomæ segmentis lateralibus brevioribus, quasi in rachide alterne pinnatifida et caudescente dispositis.*

6. D. GUINEENSIS (*Kütz.*) frondis dichotomæ segmentis lateralibus brevioribus, quasi in rachide alterne pinnatifida et caudescente dispositis, anguste linearibus et eodem modo decompositis, apicibus acuminati, cellulis interioribus frondis medianæ sapius duplice seriem, margini proximi simplicem formantibus, corticalibus rectangularibus suo diametro fere 2plo longioribus, fructiferis medianæ frondis partem majorem occupantibus.

Spatoglossum Guineense Kütz. Tab. phyc. vol. IX tab. 46. 1? *Dilophus Guineensis J. Ag.* *Bidr. Alg. Syst.* II. p. 108.

Hab. in mari Indiae occidentalis.

Ilæc est species minor, 3—4 pollicaris, segmentis latioribus semilineam latitudine parum superantibus, ultimis fere setaceis. Frons eximie videtur cæspitosa, radiculis filiformibus emissis radicans, stupa vix conspicua. Sectione facta transversali, vidi cellulas interiores

plurimas frondis medianae duplii serie dispositas, margini vicinas vero simplici serie, nullas 4-plici, ut eas pinxit Kützing in infima parte. In partibus junioribus observare licet zonas transversales lineis anfractuosis distinctas, ita breves ut 6–7 zonas diametrum frondis sua longitudine æquantes dicerem; in adultiore fronde vix conspiciantur, sed tota striata adpareat cellulis corticalibus suo diametro 2plo–1plo longioribus. Aliando margines leviter contracti mihi adparuerunt at obsolete; distantiis diametrum frondis superantibus. In superficie frondis pustulas supra paginam elevatas, intra membranam laxiorem sporas paucas ut adparuit has foventes, alias vacuas, pellicula desperdita tantum excavatione in superficie indicatas. Cellulas fructiferas per majorem aream interiorem frondis obvenire vidi.

7. DIL. WILSONI *J. Ag. msc.*, frondis dichotomæ segmentis lateralibus brevioribus quasi in rachide alterne pinnatifida et caulescente dispositis, linearibus et eodem modo decompositis, apicibus acuminatis, cellulis interioribus frondis medianæ quadruplicem seriem, margini proximis pauciores series formantibus, corticalibus rectangularibus suo diametro $1\frac{1}{2}$ –3plo longioribus, fructiferis medianæ frondis partem majorem occupantibus.

Hab. ad oras australes Novæ Hollandie; a J. Br. Wilsson ad Port Phillip Heads lecta!

Inter species generis mihi cognitas haec fere maxima, circiter longitudine pedalis, rachidibus majoribus fere 3 lineas latitudine æquibus. Cæterum ad eas Generis species pertinens, in quibus segmenta principalia caulescentia adparent, et minora quasi in rachide alternantia sustinunt; lateralibus et supremis fere pinnatifidis, sensimque attenuatis, ultimis omnibus acuminatis. Segmento transversaliter secto adpareat cellulas interiores per 4 series inter paginas esse dispositas in media parte, frondis extimis paucioribus series formantibus. A facie conspectam frondem vidi dense striatam, striis medianæ frondis latioribus marginalibus conspicue tenuioribus, his in segmentis ultimis acuminatis fere totum apicem obtectentibus. Cellulæ corticales $1\frac{1}{2}$ –3plo, aut 2plo–4plo suo diametro longiores mihi adparuerunt. In fructifera totam interiorem partem frondis fertilis vidi, tum sporis sic dietis singulis abunde instructam tum pustulas nonnullas sporis intermixtas observavi, at has apertas et vallo circumducto sat conspicuas. Sporas singulas a cellula corticali elongata sat conspicue transformatas observare putavi. Cellula fertilis initio decumbens et nullo respectu, ut mihi adparuit, ab aliis corticalibus distincta fit sensim magis oblonga, apicibus obsecurioribus quasi in cellulas(?) separatis; media parte, deinde magis proximula, sensim in partes conglobatas plures, ut mihi adparuit abenente. Magis periphericas ex his partibus sensim obsolescere et in perisporium hyalimum abire luctentius assumerem Perisporium denique a cellulis contiguis separari putarem; utpote pluribus locis in serie cellularum corticalium vacuum adesse vidi, cryptam hiantem oblongam referens. Quo vero modo ipsæ spora separantur mihi quidem observare non contigit.

Secundum II MARGINATE frondibus margine incrassato in utraque pagina prominulo cinctis,
cellulis strati interioris in ipsa pagina unicam aut geminas series formantibus,
in margini vero per series duplo numerosiores dispositis.

* Cellulis interioribus in media fronde s^epe indivisis unicam seriem, marginalibus 2—i
series formantibus.

S. DIL. ANGUSTUS (*J. Ag. msc.*) fronde basi stuposa, anguste linearis, decomposito-dichotoma, simibus patentibus, segmentis terminalibus conformibus rotundato-obtusis, cellulis interioribus medianae frondis indivisis, aut margini vicinis per duas series, ipsum marginem formantibus per 4 series dispositis, fructiferis. . . .

Hab. ad oras Novae Hollandiae australes; J. Br. Wilson!)

Est haec species duplo circiter angustior quam *D. fastiatus*, semilineam latitudine parum superans, et 3—4 pollicaris longitudine, ramificatione decomposito-dichotoma et segmentorum forma linearis conveniens, ita ut formam juniorem hujus forsan considerare licet. Attamen stupa sat conspicua frondem adultiore esse forsan suadeat. Inter bifurcationes proximas segmenta semipollicem aequant longitudine, nunc paulo longiora, terminalia conformia, apice rotundato-obtusa. A facie observata frons fenestrata adparet venis conspicuis intervenia separantibus. Areae interiores rectangulares diametro suo sesquiduplo longiores; que margini sunt proximae fere in zonas coniunctae, lineis tamen anfractuosis zonas separantibus. In mediana parte frondis aree magis alternantes. Cellulas interiores in mediana parte frondis plurimas indivisas vidi, panca deinde (que 4—5 a margine sunt distantes) in duas series divisas, ipsum marginem formantes per 4 series dispositas vidi.

9. DIL. MARGINATUS *J. Ag. msc.* fronde cæspitosa radiculis emissis radiante, linearis decomposito-dichotoma, segmentis supra sinus angustiores erectiuseulis, terminalibus conformibus rotundato-obtusis, adultioribus quasi rugis transversalibus in areas quadraticas subdivisis, cellulis interioribus medianae frondis indivisis aut margini vicinis per duas series, ipsum marginem formantibus per 4 series dispositis, cellulis fructiferis areas quadraticas occupantibus.

Hab. ad oras australes Novae Hollandiae; ex Port Phillip mihi a F.
de Mueller missa; nunc *Mytilis adhaerens* radicibus, in limite maris
obveniens conjicieatur.

Hæc crescendi modo *D.* repente, segmentorum forma *D. fastigiatum* refert, margine admodum conspicuo ante omnes alias insignis. Cæspites revera constituntur frondibus numerosis, atque ut videtur admodum diversis, aliis latitudine *D. fastigiatum* aequalibus aliis multo angustioribus, aliis decomposito-dichotomis, aliis simpliciusculis: quin immo in his

segmenta fere 3-polycaria vidi indivisa. In frondibus bene dichotomis segmenta supra sinus angustos magis erectinseula vidi quam in aliis et apicibus rotundatis obtusa. In adulterioribus margines jam exiguo augmento observati conspicantur elevati et in his frondes quasi rugis transversalibus in areas quadraticas, sua longitudine latitudinem frondis circiter aequantes, subdivise facilius conspicantur. Sectione transversali frondis facta margines incrassati fere formam clavæ oblongæ referunt in qua series quaternas cellularum interiorum facilis dignoscere licet (cellulis ipsius clavæ extimis paucioribus, quasi non rite-evolutis). In ipsa pagina cellulæ, quæ margini proximæ, paucæ per duas series dispositæ; intimas plurimas indivisas vidi quales in *Dictyota* adparent. Cellulæ corticales ut in aliis monostromatice marginales a paginalibus vix diversæ. A facie frons striata adparet cellulæ corticalibus rectangularibus, suo diametro circiter 3plo longioribus; margines incrassati calli teretiusculi ad instar admodum conspicui. Lineæ anfractuosæ transversales, quibus zone cellularum interiorum designantur, certis distantiis sunt quasi coacervatio et magis irregulariter flexæ, sensimque sunt his locis quasi in plicam transversalem prominulam conjunctæ; et ha plicæ, fere certis distantiis obvenientes, frondem exsiccatam quasi in areas quadraticas subdivisam reddunt. In interstitio inter plicas geminas area totum discum occupans fructifera sit — forsitan diceres analoga dispositione, quam antea in *Dictyota zonata* descripsi. Sunt spora sic dictæ singulæ at hoc loco plurimæ, quas in D. marginato hoc modo obvenientes observavi.

*** *Cellulas interioribus in media fronde per duas series dispositas, marginalibus 4 series et nunc forsitan plures formantibus.*

a) *Fronde dichotoma subfastigiata.*

10. D. FASTIGIATUS (Soud.) *J. Ag. Bidr. Alg. Syst.* p. 107.

Dictyota fastigata Soud. pl. Preiss. Kütz. Tab. phycol. vol. IX tab. 13 *Huc. Page. austr. tab.* LXXXII.

Hab. ad oras Nova Hollandiae tum occidentales, tum australes.

Jam antea monui plantam huic simillimam, si quidem hoc ex habitu judicatur, ad oras Nova Hollandiae australes adesse. Illam autem speciebus, quas *Amipitis* dixi, verum D. fastigiatum *Magnitiss.* adnumerandam esse, hodie statuere licet. Specimen ipsum Sonderianum observanti mihi adparuit cellulas interiores in mediana parte frondis per duas series dispositas esse, margines autem 4-nis seriebus constitutos esse. In iconæ Harveyana cellulæ interiores duabus seriebus dispositæ pinguntur; quas vero esse interioris partis frondis facilis crederes. In iconæ Kätingiana pars marginis depicta adest quadruplici serie cellularum contexta; huic autem proximæ cellulæ ipsius paginae triplici serie dispositæ pinguntur. Revera cum aetate numerum sierum angeri, jam antea de hac specie scribens (l. c.) monui; quod, observata tamen differentia, quam inter margines et ipsum paginam adesse putavi, hodie repetere placet. In plurimis a me observatis numerum vidi qualem supra indicavi: aliquando margini proximas cellulas per 3 series, ipsius marginis autem per 1 dispositas vidi: nunc utriusque partis series auctas observavi. Cæterum duas formas adesse putavi: unum breviorem et latiorem atque densius bifurcatam, hanc nunc in partibus

junioribus fenestratam vidi; in adultioribus dense striatam: alteram magis elongatam, segmentis inter internodia circiter pollicaribus et angustioribus; haec obscurius striatam et cellulis corticalibus brevioribus instructam. Diversitates autem has tantum ab aetate pendere conjeici. In nonnullis margines paulisper inaequales vidi. quod quoque Harvey in descriptione animadvertisit.

11. D. MONILIFORMIS *J. Ag. msgr* fronde dichotoma subfastigiata flagelliformi, inferne anguste linearis complanata, ramis ramulisque omnibus moniliformibus, certis distantias nimirum torsione contractis, inter stricturas articulos ovales formantibus, cellulis interioribus medianae frondis per duas series dispositis, marginalibus 4 series formantibus, corticalibus diametrum ipsarum aequantibus aut duplo longioribus, fructiferis. . .

Hab. ad oras occidentales Novæ Hollandiae (Champion bay; Dr Elliot)
a F. de Mueller mihi missa.

Stricturae, torsione frondis ortæ, quæ sparsim in multis obveniunt, in hac ita regulares ut partes omnes superiores omnino moniliformes adpareant. Quamquam frons angustior quam in plurimis, vix lineam diuidiam superans, tamen frondem usque 7 pollices longam vidi, ima parte plana linearis paulisper incrassata et quasi caulescente, ramis ramulisque omnibus moniliformibus. Articuli inter stricturas ovales, infimi nunc fere bis lineam longi, plurimi lineam longitudine circiter aequaliter. Articuli *simplices* torsionem (eadem servata directione) unifariam perficiunt; *divisi* ita ut margines, qui in inferiore articulo externi fuerunt, supra divisionem fiunt interni. Sectione transversali vidi cellulas medianas frondis per duas series inter paginas dispositas; marginales vero 4 series formantes. A facie frons obscura fenestrata adparet. Lineæ transversales, quibus zona designantur transversales, admodum anfractuosæ et magis irregulares mihi adparuerunt quam in plurimis. Cellulae corticales breves, at tota frons admodum obscura, ita ut aegre discernantur singulæ.

Animadvertere placet existere speciem Dictyotæ externe subsimilem habitu, at structura diversam.

b' *Frondis dichotomæ segmentis lateralibus brevioribus quasi in rachide alterne pinnatifida dispositis; apicibus segmentorum latioribus obtusis.*

12. D. ALTERNANS *J. Ag. Bidr. Alg. Syst. II p. 108* fronde dichotomaæ segmentis lateralibus brevioribus, quasi in rachide alterne pinnatifida dispositis, supra sinus subrotundatos latiusculis linearibus, terminalibus parum attenuatis rotundato-obtusis, cellulis interioribus medianæ frondis indivisis aut plurimis per duas series, ipsum marginem formantibus per 4 series dispositis, corticalibus rectangularibus diametro suo circiter duplo longioribus.

Hab. ad oras Indiae occidentalis.

Hæc species ad Marginatas certius pertinet, licet transitus a margine crassiore in medium partem tenuiorem magis pedetentim quam in plurimis aliis perductus sit. In ipsa mediana parte paucas cellulas interiores vidi indivisas, dein plurimas per duas series dispositas, marginales denique 4 series monstrantes. A facie frons sat conspicue Zonata adparet, zonis in disco sape sursum arcuatis, adultioribus plerumque lineis transversalibus at anfractuosis separatis. Colore et substantia fere *D. dichotomam* refert, ramificationis norma primo intuitu dignoscenda. Minorī augmento observata frons fenestrata adparet; intervallis rectangularibus diametro suo circiter sesquilongioribus. Corticales cellulae in nostris minus conspicue. Ex iis, quæ vidi, specimina nostra adhuc juniora putarem.

13. *D. FOLIOSUS* (*J. Ag. mscr.*) frondis dichotomaæ segmentis majoribus segmenta minora densius decomposita corymboso-flabellata quasi in latus dejecta gerentibus, nunc quoque a disco consimilia generantibus, segmentis singulis junioribus cuneatis apice truncatis sensim subdivaricatobifidis, denique supra sinus rotundatos decompositis, cellulis interioribus medianaæ frondis per duas series, marginem formantibus per 4 series dispositis, corticalibus aliis diametrum aequantibus, aliis duplo longioribus, pustulis sporiferis totum discum occupantibus.

Hab. ad oras Novaë Hollandiae australes, ex vicinia Port Phillip mihi a J. Br. Wilson missa.

Hujus est frons colore et aspectu formam quandam *D. dichotoma* referens, at ramificationis norma jam diversam speciem prodens. Sub studio juniore eam nec ramificatione admodum diversam adparere, facilis suspicarer. Bene vero evoluta, segmenta principalia quasi minora in latus dejecta generat que singula et separata frondem *D. dichotoma* emulantia diceres. Hæc lateralia dense decomposita, segmentis sensim angustioribus, demum flabella fere corymbosa formantia. In aliis speciminiibus ex ipsa pagina rachidum ubique pullulant proliferationes, ab initio obovato-cuneatæ, sensim in corymbos consimiles abementes. Que autem ita a facie cum *D. dichotoma* quandam similitudinem prodere videatur, hæc revera structuram habet Dilophi, qualēm hanc in speciebus marginatis sape comprehendimus, si quoqne inter marginem et medianam partem minus adparentem diversitatem diceres. A facie observata frons membranacea fenestrata adparet, fenestris potius alternantibus quam in zonas magis evidentes conjunctis; cellulae corticales aliae diametro parum longiores aliae fere duplo longiores. In uno specimine vidi pustulas supra totum discum dense dispositas, eximie prominulas, ovales; intra membranam ni fallor sensim obsolescentem sporas circiter 20 rotundato-obovatas foventes. Una sum pustulis fertilibus in eodem segmento vidi maculas paucas, cellulis longitudinaliter et transversaliter seriatis quarum ultra 40 in macula numeri vi) constitutas; quales in *Dictyoteis* magis frequentes obvenire novimus. Sporæ ipse fere globosæ, at stipte brevissimo insidente, particulis minutis fareta mili adparuerunt.

Plantam proliferam, a me primitus observatam, nomine dato indicavi; postea aliam adparenter magis dichotomam habui.

- c) *Frondis dichotomae segmentis lateralibus brevioribus quasi in rachide alterne pinnatifida dispositis, apicibus segmentorum lateralium demum acuminatis.*
14. DIL. TENER (*J. Ag. mscr.*) frondis dichotomae segmentis lateralibus brevioribus, quasi in rachide alterne pinnatifida dispositis, ramis principibus fere fasciculos distinctos eodem modo decompositos formantibus, sinibus patentibus, segmentis sparsim tortis anguste linearibus saepe conspicue acuminatis, cellulis interioribus frondis medianae per duas series, marginalibus per plures series dispositis, cellulis fructiferis per totam medianam partem sparsis.

Hab. ad oras australes Novæ Hollandiae; ad Port St. Phillip mihi a J. Br. Wilson missa.

Quamquam hanc speciem distinctissinam puto, tamen animadvertere placet eam et quoad structuram interiorem et quoad externam formam variam facilius videri posse. In specimine nimirum juviore transverse secto facilius crederes speciem esse Dictyote; in parte vero ejusdem speciminis infima jam conspiciantur cellulæ ejusdem margini vicine per duplilicem seriem dispositæ, interioribus plurimis indivisis. In planta paulo adultiore vero dignoscere liceat medianam partem frondis duplii serie cellularum interiorum, marginalem autem partem 4 placi serie contextam. His vero accedit marginem minus abrupte quam in aliis plurimis, quas ad sectionem marginaturum retuli, esse a mediana parte distinctum; in juviore planta nimirum marginales cellulæ quasi a puncto centrali magis radiantes disponentur, quam verticaliter paginas versus exeunt; in adultiore contra margines et extorris attenuatae et introrsum magis pedententim in medianam partem transeuntes adpareant; hinc cavendum ne in plauta magis incrassata structuram ad typum *Ancipitum* confectam putares; quod eo facilius fieri posse putarem, quam in planta tenuerrima parietes cellularum magis quam in plurimis aliis molles et flexuosi adpareant.

Quod dein attinet formam exteriorem quoque animadvertere placet segmenta exteriora in nonnullis parum attenuata videri et sere obtusa adpareant, sparsim vero quoque in his obveniunt segmenta attenuata, præcipue ea in latus dejecta, que ad ulteriorem evolutionem minus prona dicerem. In plurimis speciminibus, quæ vidi, segmenta hæc lateralia eximie attenuata evidenter in acumen producta. Qua nota hanc speciem ab aliis mili cognitis, quæ ad sectionem marginatarum pertinent, distinctam putarem.

Specimina hujus vidi longitudine usque pedalia, quamquam vix lineam lata, in inferiore parte sat incrassata et quasi consistentia firmiore prædita, superne admodum tenera; plurima admodum decomposita, ramis majoribus quasi fasciculos laterales eodem modo decompositos gerentibus, minoribus sparsim tortis in segmenta sublateraliter pinnatifida excrecentibus; sunt apices horum qui nunc ad evolutionem ulteriorem proni obtusiusculi, nunc vero simpliciusculi in acumen producti obveniunt. Frondes a facie visæ fenestratæ obveniunt; in segmentis ultimis cellulæ interiores in zonas adhuc conspicuas dispositæ; in ramis paulo adultioribus lineæ transversales, at anfractuosæ, zonas separantes in parte marginali nunc conspiciantur; in mediana parte frondis areae fenestratæ alternantes adparent. Cellulæ corticales rectangulares diametro 2plo – triplo longiores. Specimina fructifera

sporis cie dictis singulis sparsis, præcipue in mediana linea at latiore frondis emergentibus instructa observavi.

XVI. Lobospira.

Genus hoc, fere eodem tempore ab Areschoungio et Harveyo creatum, sine dubio Dietyotæ proximum, essentiales characteres hujus servans, at dices modo fere inexpectato hos characteres mutans. Cellulam nimirum terminalem quam versus convergunt series longitudinales cellularum corticaleium, adesse videoas, et bifurcationis hujus cellulae testes permanent segmenta plurima bicuspidata; plantam quoque planam generari, lacinia docent. Ita dicere licet coepisse institui Dietyotam, at sub progrediente evolutione exivisse plantam adspectu admodum diversam. — Segmenta ultima revera permanent plana et bifurca; adultiores vero partes sensim incrassatae et torsione spirali mox mutatae, abeunt in ramos et caules teretinseulos, segmenta probe alternantia et spirali ordine disposita emitentes; hoc modo plantæ tribuentes habitum Thuyoidium, quem nomine specifico indicatum voluit Harvey.

Inter species Dietyotæ supra jam memoravi formas, in quibus segmenta media, quamquam cum lateralibus conformia, tamen fiunt suo modo caulescentia; in Lobospira vero non tantum caules obveniunt sua forma distincti, sed etiam strato proprio axili instructi. Sunt quoque inter Dietyotas nonnullæ, quas radieantes dixerunt, nimirum flagellis teretinseulis descendantibus instructæ; in Lobospira organa ut putarem analoga, at quasi magis evoluta, recognoscere credidi in ramulis teretinseulis recurvato-hamatis, quibus ramo inferiores, ramulos oinnes hoc modo transmutantes, sape instrueti obveniant.

Quamquam igitur Lobospiram habitu suo toto et evolutione partium informas invicem diversas formatione denique costæ propriae a formis quasi normalibus Dietyotearum admodum diversam esse putares, tamen et comparatis characteribus essentialibus, et suadentibus formis quibusdam quasi typum versus novum tendentibus, Genus hoc proxima affinitate cum Dietyota et aliis huic proximis Generibus junctum esse, me judice omnino certum adparuit. Pauca adhuc hoc loco addere placet de partibus singulis, quæ modo paulisper diverso ab Areschoungio et Harveyo describuntur.

Statuit Areschoung frondem esse inferne stupa ferruginea caulem scandente instructam, quam quoque in speciminibus adultioribus evolutam vidi. In multis vero speciminibus — quæ undarum vi a parte infima arrepta pu-

tarem — stupam deficere vidi. Nee de stupa mentionem fecit Harvey, qui contra radieem fibrosam et pinxit et descripsit. Patet vero ea organa, quæ descendens radicis partes judicavit Harvey, revera esse ramos plantæ inferiores, modo omnino proprio transmutatos. Mirum sane adpareat neque Areschougium neque Harveyum de his organis mentionem fecisse, quamquam in longe plurimis speciminibus mihi obviis sat conspicua observavi. Dum in ramis superioribus 3—4 pollicaribus ramuli exeunt pollicares suis segmentis lateralibus lineam circiter longis instructi; rami inferiores, contra, quoque 3—4 pollicares, gerere videntur ramulos 3—4 lineas longos recurvato-hamatos, fere utrinque at præcipue superne attenuatos, legumen paulisper nodulosum mentientes. Partes has hamatas esse ramulos transmutatos, in quibus nulla segmenta adsunt, nisi superficiem paulisper inæqualem ita explicandam eenseas, mihi vix dubium videtur. Organa, ita orta, cum radicibus sic dictis in nonnullis Dictyotearum speciebus observatis analoga putare. Dum vero istis radicibus, quæ cum flagellis in plantis superioribus lubenter compararem, functiones sibi proprias supponere liceat, organa Lobospiræ potius cum cirrhis, in Hypnææ quibusdem speciebus obvenientibus, analoga putarem. Me autem organa hamata Lobospiræ nusquam alias Algas amplectentia vidiisse, dicere fas est.

Caulem ramosque Lobospiræ ab initio esse planos ramulisque distiche exeuntibus instructos, eosdem vero spiraliter tortos sensim fieri teretiuseulos et segmenta spiraliter disposita et alterna generantes, id jam docuit Are-schoug. Quandam quoque tendentiam ad ejusmodi dispositionem deprehendere forsitan liceat in quibusdam speciebus Dictyotæ et Dilophi, in quibus tota frons normaliter, ut videtur, torta obvenit, ipsa forma frondis vero in his plana.

Frons a facie observata fenestrata adparet, modo diceres Dictyotæ eujusdam; dignoseere liceat cellulas corticales alias (præcipue marginales) longiores et angustiores rectangulares (quales venas in Dictyota constituere supra dixi); alias præcipue in medio segmento breviores, suo diametro parum longiores quadratio-rotundatas, intervenia constituentes. Inter has cellulas sporas vidi in soros minutos conjunetas; sporis emissis, excavationem vacuam sat conspicuam observavi, marginatam cellulis corticalibus paulisper prominulis, quasi sub incremento sporæ compressis. Ipsum fundum excavationis nunc cellulis strati interioris quasi denudatis constare, nunc vero obtectum cellulis multo minoribus, longitudinaliter et transversaliter seriatis. Dubitavi annis concludere licet antheridia jam ex his evacuata fuissent. Aliis locis, ubi sporæ

minus maturæ, quoque pustulas vidi, magnitudine unicam sporam parum superantes, cellulis minutis longitudinaliter et transversaliter seriatis obtectas, quales supra in *Dictyota* antheridia obtegentes descripsi.

Si caulis cylindraceus sectione transversali observatur, hunc 3pli strato contextum videas; intimum, costam immersam constituens, constat cellulis ambitu rotundatis, parietibus inflexis et vage curvatis, sparsim interstitia, quasi plieis parietum occupata linquentibus; in interiore nucleus rotundatum fuscescentem dignoscere licet; hinc totum stratum leviter fuscescens. Comparata sectione longitudinali adpareat cellulas hujus strati esse suo diametro 4plo longiores. — *Intermedium* stratum cellulis magis rotundatis et invicem laxioribus contextum; sectione longitudinali vidi has cellulas esse suo diametro circiter duplo longiores. Corticale stratum monostromaticum vidi; cellulae ejusdem extimas cellulas strati intermedii fere aequant magnitudine.

Quod attinet segmenta propria, quæ spirali ordine disposita describuntur, monuit Areschoug diversitatem adesse inter superiora omnia rite bifurca, et infima ramorum ramulorumque, quæ lanceolato-acuminata dixit. Ejusmodi differentiam quoque vidi; at hoc vix aliud significare putavi, quam quod in multis aliis Algis obveniat, nempe lacinias infimas esse minores et minus decompositas quam superiores. Supremum segmentum, in quod rami ramulique excurrunt, nunc 3-cuspidatum observare licet, cuspide nimirum uno indicate initium ipsius caulis sensim excrecentis.

1. L. BICUSPIDATA *Aresch. Phyc. nov. p. 37. Harv. Phyc. austr. tab. 34.*

Snam plantam ex Australia occidentali habuit Harvey; suam ex Port Adelaide Areschoug; ex vicinia Port Phillip numerosa specimen vidi. In Herbario ditissimo R. Gunnii nullum hujus specimen Tasmanicum adfuit.

Siphonearum formæ mihi novæ.

Codium.

Scribenti mihi de hoc Genere (in *Bidr. Aly. System. (V. afd.) VIII. Siphonac p. 35*) omnibus ejusdem speciebus characteristicum videbatur, utriculos habere strati exterioris quoad formam consimiles, nimirum pyriformes; si quoque hæc forma in diversis speciebus ita mutata esset, ut utriculi, saepius obtusissimi, nunc fierent in acumen producti et membrana, qua constituerentur, nunc tenuis maneret et facile collapsa, nunc incrassata et fere tumens per-

sisteret quoque in speciminibus exsiccatis. Postea vero, novis mihi allatis formis Novæ Hollandiæ, didici nonnullas ibidem obvenire species, in quibus utricle admodum elongati et suo diametro multiplo longiores, demum fere omnino cylindracei obveniant, et præterea ita diversi, ut infra apicem exteriorem strictura sat conspiciens separatur extima pars utriculi, capitulum rotundatum mentiens, in utriulo cæterum cylindraceo terminale. Species haec utricularum structura ab aliis diversas proprium Sub-Genus constituere putarem, quod hoc loco paucis adumbrare conabor.

SUB-GENUS 2. *RAPHIOPLEA utriculis strati exterioris demum admodum elongatis, suo diametro multiplo longioribus, cylindraceis, infra apicem strictura membranæ capitulum subglobosum terminale separantibus.*

1. COD. SONGIOSUM HARV. (*Phyc. austr. tab. LV*).

Hab. ad oras Novæ Hollandiæ austro-occidentales; in spiritu vini servatam mihi missit J. Bracebridge Wilson.

Ad ea, quæ de hæc specie dixit Harvey, pancissima addere mihi liceat. Specimen depictum Harveyanum multo minus in lobos lobulosque divisum videtur, quam nostrum. In hoc tantum primariae partes formam referunt, quam pinxit Harvey; hæ enim in lobos lobulosque iterum iterumque excrescant, ita ut ultimi crassissim digitii minoris fere tantum attingant, et fiant ovati, cylindracei aut magis obovati, quoad formam ludentes. In his extimis structuram vidi, quam pinxit Harvey, nimirum ntriculos alios longissime pyriformes, alios cylindraceos, suo diametro multiplo longiores. In utriculis pyriformibus vidi sporangia fusiformia, suo diametro 4—5plo longiora, ita ad utriculos affixa ut infra apices horum inflatos spatium sufficiens lateraliter adpresso sporangio maneant. Utricularum apicibus supra eminentibus obteguntur hoc modo sporangia. Observanti vero mihi lobos plantæ inferioris, quodam modo mutata sese obtulit structura; nimirum utriculos vidi longiores, 8—10ies suorum diametrum superantes, fere omnino cylindraceos, et paulo infra apicem, strictura membranæ circumcirca conspicua, quasi capitulum subglobosum. extrorsum versum, separantes. Dumi utriculi sporangia generantes fere vacui adpareant, sunt contra utriculi capituliferi granulis minutissimis præcipue in ipso capitulo farcti; quin immo in nonnullis apicem capituli paulisper productum observavi, quasi poro terminali aperitura granulis coacervatis formaretur. Granulis his interieribus colorem potius griseum quam virescentem observavi. Fila interiora, quæ intra utriculos axile stratum Codiorum efficiunt, quoque in Cod. spongioso adesse vidi, diametro ntriculis multo tenuiora; utriculi nunc ima basi in ejusmodi filum sensim sensimque attenuantur, nunc lateraliter ab ejusmodi filo utriculum provenientem observavi.

Utrum utriculis, forma diversis, quos supra describere conatus sum, functiones attribuantur diverse, an tantum indicarent aetatis stadia ipsius plantæ diversa, mihi quidem omnino latet. Si dubitari nequit sporidia mobilia in organis sporangia dictis contineri, restat decidere quid sint granula in utriculis aciculeformibus contenta: utrum (suadentibus ob-

servationibus Pringsheimii de Bryopside organa mascula sisterent an comparatis organis in Bryopsidis speciebus aliis observatis assumere licet organa ejusdem generis (sporidia) nunc in sporangiis propriis (*Bryopsis Balbisiana*) nunc in ramulis (*Br. arbuscula*) generari posse. Ilae vero organa in eodem specimine Codii hoc modo obvenirent. Videas porro que de qualitatibus granulorum dixi sub specie sequente.

2. COD. POMOIDES (*J. Ag. mscr.*) fronde dura, ovali-globosa, lata basi sessili, contexta utriculorum strato latissimo compacto, cavitatem internam, filis percursam circumcircum ambiente, utriculis aciculiformibus longissimis cylindraceis, suo diametro decies aut fere usque vicesies longioribus.

Hab. ad oras australes Novæ Hollandiæ; legit J. Br. Wilson.

Frons forma et magnitudine pomi minoris, nunc magis globosa aut paulisper obovata (in fallor junior), nunc magis surgens ovalis, longitudinali diametro circiter bipollicari, transversali sesquipollicari, admodum firma, dura et compacta (saltem qualis in spiritu servata, ita ut vix rumpitur externa vi, et elastica ita ut cultro acuto longitudinaliter secta dimidie partes contrahantur, marginibus paulisper involutis. In dissecta adpareat stratum externum, quod utri culis constat, esse validum, digitis minoris crassitie, dum stratum internum, quod filis elongatis constat, spatium internum angustius implet; filis elasticis hujus interioris strati fieri videtur ut dimidie partes frondis dissectæ non latius dehiscant sed contrahuntur fere clausæ. Utriculi sunt prælongi, suo diametro decies et quod superat (nunc vicesies) longiores, cylindracei, nunc in media parte paulisper inaequales, infra apices quasi strictura membranae circumambiente contracti, capitulo fere globoso terminantur. Utriculos frondis superioris inferioribus breviores vidi, forma vero convenientes; hinc forsan concludere licet frondem apice increscere. Frondes lata basi adnatas, adhaerentes putarem fundo, aliis algis obsito; saltem in fasciculo utriculorum inferiorum fragmenta observavi Ceramii, cuius fila abrupta longis radiculis praedita fuerunt; has radiculas utriculos Codii fasciculatim ambientes, et invicem denum concretas, intra partem infimam spongiosam Codii exuberantes deprehendi (a quoque fere genienlo celluloso Ceramii egredientes, nunc singulas elongatas, nunc mox fasciculatim divisa observavi).

Sporangia hujus Speciei frustra quæsivi. Utriculorum vero capituli densa congerie granulorum erant impletæ; adpositio Chl. Z. Iodio vidi granula capitulorum manere virescentia; granula vero in inferiore parte utriculorum magis sparsa atro-caeruleum colorem assumere. In Codio Spongioso Harv. mox supra descripto, vidi in parte frondis, quam juvenilem et fructiferam observavi, granula interiora tum utriculis contenta, tum in sporangiis coacervata conservare colorem virescentem, adposito Chl. Z. Iodio: in parte contra frondis, quam adultiorem putavi et sterilem, vidi granula interiora omnia, et ea capitulorum et que in inferiore parte utriculorum magis sparsa obvenerunt, atro-caeruleo colore induita. Utrum vero granula qualitatibus diversa quoque functionibus aliis praedita essent, hodie haud liquet.

HALIMEDA RECTANGULARIS *n.v.* *sp.* *J. Ag. mscr.* virescens et parum inermis, tota plana et disticha expansa subtrichotomo-decomposita, articulis

planis linearibus utrinque truncatis et spatio angustissimo invicem separatis, sua longitudine latitudinem articuli circiter triplo superantibus, terminalibus truncato-obtusis nunc subelavatis.

Hab. ad oras Novæ Hollandiae boreali-occidentales; (fragmentum plantæ superioris tantum vidi).

Quantum ex fragmento a me observato judicare licet, frons videtur erectinscula et ramis fere trichotome divisis decomposita, tota fere distiche expansa. Num in plurimis speciebus Generis partes superiores plus minus versatiles viderentur, favente ipsa forma articulorum, articuli in nostra truncatis apicibus superpositi, et spatio angusto sejuncti in idem planum expansi permaneant. Articuli longitudine circiter semipollares et 2—3 lineas lati, adparent elongati et lineares, quoad formam rectangulares, terminales rotundato-truncatae. Structuram ab ea *Halimedæ* vix diversam putarem; vidi fila interiora elongata, extorsum pyriformiter dilatata, ramulosque conformes quoquoversum emitentes, terminalibus pyriformibus subhexagono-angulatis, angulis prominulis subrecurvatis supra vicina incunibutibus. Planta virescens plana, minus incrustata quam plurimæ aliæ.

Quibusnam alis proxima sit, vix certius statuere anderem, quum partem plantæ superioris tantum videre contigerit. Ex iis, que vidi, ad *Halimedum monile Lamour.* et *H. cylindraceum Desne* proximam conjiecerem.

Bracebridgea Gen. nov. Siphonar. J. Ag.

Frons cylindracea vage decomposito-ramosa, ramis extimis conspicue attenuatis, elementis quasi heterogeneis composita; axili nempe regione siphonibus cylindraceis oblongis superpositis, seriem unicam centralem formantibus constituto; intermedio strato axiles siphones circumcircea densissime obtegente, filis confervoideis longius articulatis secus longitudinem excurrentibus, calcarea substantia invicem et cum siphonibus axilibus coalitis, contexto; exteriore denique composito filis magis verticaliter excurrentibus, brevibus articulatis, parce dichotomis, ramis invicem liberis; articulis filorum interioribus cylindraceis, terminalibus obovatis. Tab. II fig. I—3.

Generi novo potissimum characteristicum putarem quod quasi ex una parte Valoniaceum ex altera Confervoideum facilius quis diceret. Suadente exteriore habitu potissimum Codio tomentoso aut Caulerpa papilloso algam vicinam putares; a Codio vero ramis superioribus conspicue attenuatis jam externo habitu dignoseatur. Accuratus examinata Genus sui juris, mihi saltem hucusque ignotum, indicare adpareat, quod Siphonocladus forsitan proximum putarem; si quoque partibus constituentibus quasi magis compositum.

Facto segmento transversali frondis, siphonem centralem validum dignoscere licet, cinctum siphonibus multo tenuioribus, quorum circiter 30 in orbem interiorem, siphonem centralem circumcircata arce inclientem, dispositos numeravi; extra hos alios cum interioribus irregulariter alternantes; hos autem sparsim numerosiores, et aliis in ambitu locis pauciores; horum interiores segmento transversali observatos mutua pressione obovatos ambitu, exteriores saepe alia directione non omnino teretiuseulos. Vacua inter omnes siphones quasi substantia intercellulari impleta observavi, unde interiora omnia adpositione arte cohaerentia adparent, exteriora invicem plus minus disereta at adproximata; adposita guttala acidi muriatici solvitur substantia interposita, bullis aëreis vivide effervescentes. Siphones tum axiles, tum fila exteriora constituentes membrana crassiuscula et firma einguntur, in qua compositionem lamellosam saepius dignoscere licet. Segmento facto longitudinali frondis siphones axiles oblongi adparent invicem diaphragmate sejuneti, quod membrana conformi contextum mihi adparuit. Strati intermedii cellulæ, invicem arctius conjunctæ, quoque cellulas oblongas, at multo temiores et hinc magis elongatas, invicem non e regione positas, sed plus minus alternantes, fere in stratum conjunctas referunt, quod ab interiore per translucentem membranam siphonum axilium sat conspicuum observavi. Intermedii strati fila exteriora omnino confervoidea constant filis elongatis, sine conspicuo ordine excurrentibus, vage ramosis et inter se irregulariter flexis, hinc densius adproximatis, illuc invicem magis separatis et ita vage omnino dispositis, siphones interiores strato spongioso filorum longitudinalium eingunt. Haec deorsum ab origine decurrentia putarem, et longis articulis confervoidea, intra membranam exteriorem saepe tubum interiorem admodum angustum monstrant; quia inter alia nunc densius juxta-posita, nunc invicem magis distantia, eadem inferne nec stricta nec rite cylindracea diccerem; in superiore sua parte eadem fieri magis rite cylindracea et articulis brevioribus constituta, fasciculos strati exterioris subverticaliter exentes sustincentia. Hi fasciculi circumcircata totam plantam investentes, ab apicibus ramosum usque ad partem radicalem fere conicam et uberior spongiosam, constant filis brevibus, paucis dichotomis ramosis, subfastigiatis, rite divisis in articulos breves, inferiores diametro circiter duplo longiores, superioribus paulo brevioribus, supremis subglobosis diametro subæqualibus. Membranae articulorum omnium admodum conspicuae. Endochromata dabitissimo colore virescentia; in articulis terminalibus vix contrahuntur exsiccatæ; adposito Chl. Z. Iod. in inferioribus sparsim coerulecentia.

Axiles siphones apice excurrere in cellulam terminaliem conjicio; non vero hoc observavi, utpote apices extimi plerumque in nostris deficiunt; in parte infra terminali vidi siphonem centralem unica serie exteriorum evidenter tenuiorum cinctum et ex hac serie exteriorum fila dichotoma subverticalia provenientia; ex his (ita formam plantæ tribuentibus) fila exteriora demum spongiosa decurrentia putarem.

Plantam esse Valoniaceis proximam vix dubitarem, quamquam ramelli subverticaliter exeuntes, totam superficiem formantes, sunt articulati modo diceres Confervarum. Sunt vero aliae Siphoneæ, in quibus ejusmodi articulationem (*Struvea*, *Apjohnia*) obvenire putas. Partes vero in his alio modo disponuntur; habitus totius plantæ fit hoc modo omnino diversus, qualem fecerunt Codium tomentosum offerre diceres. — Inter Algas Conservaceas Genus olim deseripti *Anadema* "fronde heterogenea, caule continuo subcorneo, fibris elongatis simplicibus inarticulatis concretis constituta, superne articulata" (*Icon. Alg. C. Ag. sub tab. LX*), in quo frons articulata fit suo modo continua.

Unicam Speciam Generis novi:

1. BRACEBRIDGEA AUSTRALIS *nov. Sp. J. Ag. mscr.*

Hab. ad Port Elliot, Encounter bay, legit D:na Hussey; inter alias Algas mihi a F. de Mueller missa.

ANADYOMENE CIRCUMSEPTA *J. Ag. nov. Sp.* rosulato-caespitosa, frondibus demum reniformiter latissimis, margine integriuscule cinctis, laminæ subecorticatae venis principalibus assurgentibus ternis prælongis cylindraceis, penultimis et antepenultimis subgeminatis fere æquelongis, peripheriam frondis integriusculem quasi duplii circenitu claudentibus, terminalibus invicem subliberis geminatis.

Hab. ad Cap Flattery Novæ Hollandiæ tropicæ; pauca specimina a Johnson lecta mihi misit F. de Mueller.

Magnitudine fere Anad. stellatae et sub forma atque structura aliarum specierum sat cognita, hæc species tamen ab aliis distincta adparuit. In fronde inferiore venas principales vidi pauciores et minus flabellatim divergentes quam in Anad. stellata; saepius ternatas vidi prælongas et cylindraceas; supremas, penultimas et antepenultimas, geminatas et æque longas, quare his frondes quasi duplii serie circumvallatae adpareant; quia venæ penultimæ et antepenultimæ sunt geminatim juxta-positæ et parallelæ, et omnes ejusdem seriei longitudinem eandem attingentes, circuitus frondium integriusculus nascitur, nec ut

in plurimis speciebus aliis in rosulas flabellatim expansas abire tendit. Quia a vertice venae enjusque inferioris, geminae novae generantur, siphones in diversis zonis alterne superpositæ adparent. Inter terminales invicem subliberos nunc dignoscere licet antecedentis seriei apiculum conicum persistentem. Crenulae terminales sensim concrescentes zonam novam formaturæ,

Speciem ecorticatis labenter adnumerarem, quamquam sub majori augmentatione initia strati eajusdam corticalis dignoscere putavi. Dispositio venarum magis cum speciebus corticatis congruere mihi adparuit. In his vero frondes multo crassiores vidi, et margines inæquales, quasi cellulæ flabellatim in rosulas minutæ divergentibus constitutas.

Microdictyon Deesn.

Satis constat plures species hujus Generis ab auctoribus distinctas fuisse; inquirenti autem mihi quibus characteribus dignoscerentur species distinctæ, adparuit hoc respectu nullos revera indicatos fuisse. Auctores vero plurimos, qui de his plantis scripterunt, ex locis natalibus, in quibus specimina inventa fuerunt, species dignoscere periculum fecisse. Nec hoc tamen ita, ut singulis locis suas species tribuere ausi sint.

De fructificatione Generis nullas observationes factas fuisse scio. De modo crescendi vix certius statuere licet. Plurimos plantam ab initio planam considerasse putarem (conf. *Zanardini*, *Hauck* aliosque); sunt vero observationes recentiorum, quibus deducere forsitan liceat plantam juvenilem fuisse globosam, demum vero fieri explanatam, una pagina inferiore, a superiori forsitan quoque in planta adultiore aliquando dignoscenda; analogiam quandam cum *Hydrodictyo* (quod assumisse videtur C. Agardh) ita indicantem. Formas vero ejusmodi globosas species distinctas constituere considerarunt (*Microdictyon Spongiola* *Berth.*; *M. Schmitzii* *Miliarakis*). Has formas mihi ignotas permanere, dixisse placet. Ex altera parte statuit aliquando a centro frondis fere planæ laminas numerosas assurgere — forsitan assumeres modo, quo frondes rosulatae in *Anadyomene* obveniant; quo charactere, a Decaisne indicato, fulitus sectionem propriam creavit Gray speciei maris rubri, quam *M. tenuis* nominavit. Me nusquam ejusmodi lamellas observasse dicere fas est, nisi hoc charactere indicaretur rete laminae aliquando obvenire pluribus ramellis quasi duplicatum. Utriculos retis sapius octogonas statuit Decaisne; me vero judice, ut plurimum cylindraceos esse putarem; latera vero artieulorum, ex quibus novi generantur ramelli, nunc complanata mihi adparuerunt; quod vero an sua observatione indicare voluerit Decaisne, nescio.

Affinitate proxima Genus ad *Anadyomene* accedere omnes ni fallor hodierni assumserunt; quod non tantum externo habitu sed quoque ipso ramificationis typo probatum putarem. Sunt nimirum inter Siphonaceas haud pauca exempla, in quibus ex eodem articulo primum rami gemini oppositi generantur, novis dein *infra* hos ex eodem articulo provenientibus. Ejusmodi ordinem inter Confervaceas me vidiisse, non memini. Hoe vero modo ramificationem laminæ stellatae in *Mierodictyon* oriri, assumere posse credidi.

Ex eo, quod nullis specificis characteribus species diversas distinguere co[n]ati sunt, sequitur, me judice, ut de speciebus aliter alii judicaverint. Dum Zanardini omnes species antea descriptas ad unam eandemque speciem, quam *M. umbilicatum* nominavit, retulerit, contra in ultima, a De-Toni data, enumeratione 6 memorantur species, de quibus singulis vix alii dantur characteres, quam qui (generici) omnibus speciebus, sub diversis stadiis, forsitan pertineant. Nee ex locis natalibus diversis de speciebus rite judicare lieat. Quæ prima vice ad insulas Sandwich detecta fuit *C. umbilicalis*, eandem quoque ad Novam Hollandiam obvenire statuit C. Agardh (*Syst. p. 85*). Specimen autem jam hoc loco distinguitur, ("var. *tenuius*") quod ad Gades lectum et a Cabrera missum in Herb. Agardh adhuc servatur. Huic proximam esse plantam ad oras Teneriffæ lectam facilius ereditisses; at hanc plantam, bene perspecta affinitate cum specie Anadyomenis, nomine novo *Anad. Calodictyon* proposuit Montagne. Decaisne, qui inter Algas maris rubri plantam subsimilem detexit, ejusque affinitatem tum cum specie ex insulis Sandwich descripta, tum cum planta Agardhiana, quam immo identicam supposuisse videtur, tum cum planta Montagnei congenericam assummisit, omnes ad Genus proprium *Mierodictyon* retulit. De specifica vero harum differentia tacuit. Endlicher, Harvey, J. E. Gray, aliique dein species ad Genus *Mierodictyon* allatas vario modo intellectas et denominatas enumerare continuarunt. Lubenter confiteor neque mihi contigisse invenire characteres, quibus species e diversis locis natalibus provenientes probe dignoscerentur. Dum vero detegantur "his utere mecum."

1. **MICROD. VELLEYANUM** *Endl.* robusta, ramis sparsim quasi reticula superposita formantibus, articulis ramorum ramulorumque diametro circa 4plo longioribus, terminalibus utriculos elongatos conformes constituentibus.

Conferra umbilicata Vell. in *Tr. Lin. Soc.* V tab. 7.

Hab. ad insulas Sandwich (Herb. C. Ag.)

Fragmenta speciminis, quae hujus vidi, comparatis plurimis aliis a me observatis, articulis multo robustioribus dignoscantur. In una pagina speciminis adsunt glebae, et fragmenta aliarum Algarum, quibus frons forsan ab initio adfixa fuerit. Supra reticulum unius paginæ nunc quasi novi reticuli laxe superincumbentis partes observare credidi. Articuli tum in ramis principalibus, tum in ramulis fere omnes suo diametro 4plo longiores; terminales, utriculos oblongos obtusinusclos constituentes, parum breviores vidi.

2. MICR. TENUIS C. Ag. *Syst.* p. 85 membranacea, denique paginam planam temuissimam referens, ramis majoribus quasi venas magis conspicuas, frondem varia directione percurrentes formantibns, articulis venarum principalium 2plo, saepius 3plo—4plo longioribus cylindraceis, venularum brevioribus, suo diametro $1\frac{1}{2}$ —2plo longioribus, terminalibus articulis ovatis obtusis.

- a) FORMA ATLANTICA: *Hydrodict. umbilicatum* β *tenuis* C. Ag. *Syst.* I. c. *Anadyomene calodictyon* Mont. *Canar.* p. 180 pl. VIII,
- b) FORMA MEDITERRANEA: *Microdictyon umbilicatum* Lanard. *Icon. tab. XIX.* (excl. synon.)
- c) FORMA ERYTHRÆA: *Microd. Agardhianum* Decaisn. *arab.* p. 115.
- d) FORMA AUSTRALIS: *Microdictyon Agardhianum* Harr. *phys. austr. tab. I.* *Microdictyon Montagnei* Harr. in *Fr. Isl. Alg.* n:o 89.

Plantam ad Teneriffam lectam cum Gaditana identicam esse, suadente loco natali, falso assumeretur: ex icona a Zanardinio data concludere vellem plantam mediterraneam quoque eandem speciem sistere: plantæ maris rubri me nullum specimen vidisse confiteor. Ipse autem Decaisne suam plantam cum Agardhiana identicam, ni fallor, habuit. Specimina Novæ Hollandiæ numerosa vidi, et haec a planta Gaditana vix dignoscere licet. In utraque venæ principales magis conspicuae fiunt et quasi a venulis distinctæ, ob articulos suos, longiores quam in venulis. In planta Gaditana hi articuli sunt diametro 3plo—4plo longiores, et fere eandem longitudinem articulorum in planta Novæ Hollandiæ saepe vidi; nunc hos articulos suo dirmetro tantum $1\frac{1}{2}$ —2plo longiores. Paulò magis diversa videretur planta ex Friendly Islands. In hac vidi articulos ab initio sat elongatos; hos antem ad medium suam partem sepe constrictos vidi, et a strictura novos ramulos emitentes. Hinc articulos sensim subdivisos fieri conjecti; et dissepiimentum novum ad stricturam formari. Inter ramos venarum principalium articuli nunc pauciores 3—4, nunc plures (usque 7) adsunt; inter ramos majores, minores ad quodque geniculum proveniunt. In ramulis articuli fiunt breviores, saepe diametro suo sesquiongiores. Reticulum totius plantæ membranam admodum tenuem refert, venis percursam.

3. M. OBSCURUM (*J. Ag. mscr.*) fronde tenue membranacea atrovirente, venis majoribus a venuulis vix conspicue diversis, articulis venarum suo diametro vix sesquilonioribus, venularum diametrum aequalibus aut vix conspicue superantibus, articulis terminalibus attenuatis obtusis.

Hab ad oras Novæ Caledoniæ; specimen mihi misit J. E. Gray.

Ob venas venulasque densiores tota planta obscura et fere nigrescens dicenda. Ex adparentia membranae frondem constituentis, unam paginam inferiorem alteram superiorem lubenter crederem. Ramuli nimirum in una vix eminent, in altera sursum ab initio porrecti; sensim vero omnes in reticulum plannum tenue coalescentes. A formis antecedentium specierum brevitate articulorum differt; eandemque ob causam reticulum quamquam tenue, obscurum nudo oculo adpareat.

Inter plantas a Gray descriptas nullam vidi, quam ad nostram referre auderem, nec suadente descriptione, nec loco natali. Specimen vero mihi missum nomine *Microd. calodictyon* inscriptum fuit; sub hoc vero nomine Gray atlanticam speciem memoravit. Nostram plantam a *Struvia delicatula* (*Murray & Bodd.*), quam ex eodem loco natali a Viellard lectam enumerant, mihi omnino diversam videri, dixisse placet,

4. M. CRASSUM *J. Ag. nov. Sp.* fronde robusta conspicue cibrosa, venis majoribus a venuulis vix conspicue diversis, omnibus admodum crassis, articulis venarum venularumque diametro vix longioribus, ob genicula contracta submoniliformibus.

Hab. Ex insulis Bahama mihi misit D:na Curtiss.

Ex planta exsiccata aegre quidem dicitur utrum frons reticulata superpositis pluribus seriebus ramulorum anastomosantium revera constitueretur, an oriatur ejusmodi adparentia pluribus superpositis partibus ejusdem laminæ. Lubentius illud crederem, suadentibus fragmentis a me observatis, in quibus quasi planae superpositæ laminæ reticulatae viderentur. Missa vero indicata differentia, differentias speciei ex articulis multo brevioribus quam in aliis speciebus deducere ausus sum. Genienla quoque magis contracta, quare articuli fere moniliformes adpareant. De forma totius plantæ, ex fragmentis a me observatis, judicare non auderem. Fila anastomosantia retis crassiora quam in aliis.

Species Generis excludendæ.

5. MICRODICTYON CLATHRATUM (*Mart. Preuss. Exp. p. 25 tab. 4 fig. 1*) in De-Toni Syll. p. 363 ut species hujus Generis adhuc enumeratur. Quamquam nullum specimen hujus plantæ examinare licuerit, tamen ex icona data judicanti mihi adparuit, illam vix sistere speciem hujus Generis genuinam. Tanta revera ejusdem videtur cum iconæ Anadyomenes Leclancheri Decaisne congruentia, ut species has saltem congenericas, si non ad eandem speciem pertinentes, lubenter conjicerem.

Microdictyon sp. (*Harv. on Alg. Ceylon. exsicc. no 76*) me judice nulla genuina Sp Generis videtur, utpote potius *Confervaceis* pertinens; utrum autem inter has species propria sisteret, an ad *C. compositam* Harv. adproximanda esset, vel potius cum *C. anastomosante* Harv. potissimum compararetur, id mibi nondum liquet.

Cystodictyon Gray.

Genus hoc, quod inter *Anadyomene* et *Mierodictyon* eo modo intermedium conjicerem, ut structura cum *Anadyomene* praecipue conveniat, at spatia vacua, inter venas venulasque pertusa, *nunc* formantur ut in *Microdictyo*: quæ vero suo proprio modo disposita, alia minoria alia majora; *nunc* parenchymate, cellulis minoribus contexto, aliis locis venas venulasque conjugente ut in speciebus *Anadyomenis* genuinis.

Hujus Generis formas, hucusque in collectionibus rarissimas, tribus speciebus diversis pertinentes suspicor:

1. *CYSTODICTYON LECLANCHERI* Gray. in *Journ. of Bot. march 1866 tab. 44 fig. 6. Anadyom. Leclancherii Decaisne in Voy de la Venus Tab. I fig. 3.*

Ex Soohoo Archipelago; in frondibus Sargassorum crescentibus.

Ex icono Decaisnei frondem hujus lineari-lanceolatam dices, longitudine 3—6 pollicarem, utrinque attenuatam: ubi latissimam vix pollicem latitudine aequantem; totam poris majoribus minoribusque, aliis 2-3 lineas, aliis vix lineam diametro attingentibus, plurimis rotundatis aut secus longitudinem paulisper oblongis, invicem separatis parenchymate contiguo marginaque integriusculo. Ex analysi structure, quam dedit parenchymatis, hoc videre licet contextum tum venis majoribus ad normam fere *Anadyomenis* flabellatum radiantibus; spatiis intercedentibus minoribus cellulis occupatis; ipsis poris cellularum margine cinctis, probe limitatis, sine ordine conspicuo inter venas obvenientibus; venæ pinguntur articulatae singulis articulis cylindraceo-oblongis, suo diametro plures longioribus.

Ex fragmento hujus, mihi benevolo a J. E. Gray misso, paukas his addere placet. Formam frondis linearem agnoscere credidi, marginibus integris continua serie tuborum longiorum definitis; hi tubi longissimi, sepe unicam seriem formantes, rite cylindracei adparent; et ejusmodi quoque plures interiorem frondem longitudinaliter perecurrunt. Frondis formam linearem his definitam fieri lubenter assumere; articuli horum longissimi quasi in nodum desinentes, ex que plures articuli plus minus conformes flabellatum excurrent, more venarum in *Anadyomene*; interstitia inter venas ad eandem normam cellulis minoribus nunc implentur, nunc sparsim pertusa, poris sic dictis rite limitatis originem datura. Pori majores inter venas principales (longitudinaliter excurrentes) plus minus seriatim et longitudinaliter dispositi; aliis parenchymatis lacinia angustiore separatis, aliis latiore; la-

ciniae nunc directione transversali, et pluribus venulis flabellatim transversaliter excurrentibus constitutæ.

2? MICRODICTYON CLATHRATUM *Mart. in Preuss. Exp. p. 25. De-Toni Syll. p. 363.*

In mari Indico calidiore, ex pluribus locis ut videtur reportata. Hac mihi nullo specimine cognita, nec ex descriptione data colligere licet, an ab antecedente forma differet. aut quoniam modo dignosceretur. Si ex analysi in icona data quid deducere liceret, venæ omnes magis cylindraceæ viderentur, parenchymatis cellulæ magis angulatatis. Poros irregulariter dispositos esse ex verbis uitatis forsitan concludere liceret.

3. CYSTODICTYON PAVONIUM *J. Ag. msr.* venis primariis supra nodos admodum conspicuos flabellatim radiantibus, interstii ima basi parenchymate occupatis; dein poris plurimis sursum seriatis, infimis minutis, superioribus sensim majoribus transversaliter oblongis frondem fere stellatim pertusam monstrantibus, venis laciniarum limitaneis longe articulatis, articulis cylindraceis, interiorum articulis minus elongatis oblongis.

Hab. ad oras Floridæ: D:na Curtiss.

De ipsa forma totius frondis certius statnere non anderem; laciniæ autem subflabellatas saltem bis pollicem latas vidi. Ex nodo quodam majore principales venas saltem 9 flabellatim et fere stellatim divergentes excurrunt, filis elongatis constitutæ, a quibus dein tota dispositio pendere videretur. In ima parte nimirum venulæ conformes, inter venas singulæ formantur, intenstitiis harum aut parenchymate aut poris seriatis minutis occupatis; dein (venulis nullis) interstitia occupantur serie pororum, sursum sensim majorum, (in ejusmodi serie poros superpositos usque 10 radiantes numeravi infimos vix lineam, supremos 3—4 lineas latitudine. Venæ limitaneæ quasi filo elongato constitutæ, nunc hinc illuc ejusmodi nodum generat, quare ambitus frondis ex specimine exsiccatæ ægre certius statuatur. Comparatis aliis speciebus tum forma frondis, tum dispositio partium in nostra admodum diversa adparuit. Articuli parenchymatis frondem constituentes crassiores et magis oblongi quam in aliis speciebus mili adparuerunt

Pterodictyon *Gray in Journ. Bot. t. c. p. 70.*

Species, quæ huic Generi adnumerantur, Microdictyoneis quodammodo analogæ, si non vera affinitate iisdem proximæ, facilius habeantur. J. E. Gray, qui Genus proposuit, typicam ejusdem speciem *Cladophoram? anastomosantem* *Harv.* expressis verbis nominavit. Constat vero speciem istam Harveyanam ab aliis Algologis alio modo interpretatam fuisse. Dum enim Harvey hanc sine allatis dubiis ad Confervaceas retulerit, et J. E. Gray eum

Mierodictyonis proximam supposuerit affinitatem, recentissimi auctores (*Murray* et *Booth*) plantam Harveyanam inter Struveas, ut meram hujus Generis speciem enumerarunt. Seribenti mihi hodie de *Mierodictyonis* quibusdam adparuit speciem dictam Harveyanam quoque eo potius comparandam esse quum speciem, huic ut putarem proximam, ad *Mierodictyonas* relatam fuisse, videam.

Meminisse placeat inter *Cladophoras* haud paucas esse species, in quibus stipes articulo basali praelongo cylindraceo constituitur; et articuli hunc insequentes una cum superioribus omnibus frondem articulatam, et vario modo in typis diversis *Cladophorae* formatam, efficiunt. Stipitem in his Conservaceis esse stricturis annulatum, qualem in *Valoniaceis* obvenire constat, nondum observatum fuisse, scio. Sunt quoque species *Cladophorae* haud paucæ, ramis oppositis instructæ. Inter ejusmodi formas et *Clad.?* *anastomosantem* Harveyi vix aliae inventæ fuerunt differentiae, quam quæ a Harvey jam indicantur; differentias nimirum hic indicavit in dispositione disticha ramorum, et in ramulis ultimis anastomosantibus. Adeundi mihi specimen ab eo distributa, adparuit stipes elongatus, unico articulo longissimo constitutus, at infra plumulam disticham ramorum, articulo breviore instructus: plumulam ipsam, quam depinxit Harvey, talem in fronde juniore quoque vidi pinnis ultimis subdistiche concrecentibus, nec vero ita conjunctis ut tubos limitaneos, quasi peripheriam totius frondis efficientes, constituent; in planta vero *adultiore*, ramis infimis sensim exercentibus, stipitem vidi ramis oppositis geminis nunc instructum, infra plumulam terminalem; tum hanc, tum plumulas laterales, ab infimis ramis formatas, denum exercentes in globos intricatos quorum rami anastomosantes, in diversas directiones porrecti, quasi comam terminalē efficiant. Globulos hos intricatos denum ipso suo crescendi modo fieri a stipe solutos et per undas circumjectos, non ægre conjicerem; revera plantam, quam ex Ceylona sub n:o 76 sub nomine: *Microdictyon sp.* distribuit Harvey, ejusmodi globum speciei vicina non agre conjicerem. Ramuli in hac specie multo magis decompositi mihi adparuerunt.

Struveas veras a structura indicata admodum diversas esse comparanti facilius patet. Non tantum stipes tubulosus validus, denum plus minus conspicue stricturis annulatis instructus, affinitatem cum *Valoniaceis* indicat evidenter; sed etiam structura plumbulae, ambitu definitæ, et dispositio pinnarum pinnularumque ita perducta, ut coalescentibus pinnis ultimis, tota plumbula quasi intra certos et definitos limites cohibeatur.

Nescio an assumere audere in differentias ita indicatas quoque diversas vivendi rationes indicare. Olim de Confervarum Generibus scribens¹⁾, indicavi certas esse species, quarum comae ab inferiore parte (stipite) soluta, ad superficiem aquarum adscendentes, ibidem in cæspites conjuncta, demum sporidia generant. Ejusmodi species (*Conferva linum* et *affines*) mihi Genus *Lychætes* constituerent — Simplices harum hodie *Chætomorphas* nominarunt. Inter ramosas *Confervam fractam* et affines eodem modo viventem putarem: mediantibus bullis aereis (oxygenii?) ab ipsis evolutis et inter fila approximata initio cohibitis, ad superficiem aquarum adscendere coguntur. Sunt alii Confervarum typi, qui alium vivendi modum indicare videntur²⁾.

Species igitur, quas ad Genus Pterodictyon hodie referendas puto, a plurimis *Conferveis* differre videntur, non tantum characteribus a ramificationis norma et subsequente evolutione comæ deductis, sed subposita quoque vivendi ratione forsan iis propria; a *Siphoneis*, quales has intelligo, Pterodictyon, forsan analogum, at affinitate revera longius remotum putarem.

Cum Clad. anastomosante Harv. ex Nova Hollandia proxime convenire putarem tum specimina ex Ceylona, a Ferguson s. n. 98 distributa, tum atlantica ex Guadeloupe a Duchassaing et a Mazé (s. n. *Struveæ delicatulae* sub pl. numeris divulgata. Characteres, quibus haec specimina ex diversis locis natalibus dignoseerentur, frustra quæsivi. Speciem autem affinem at sui juris in spec. ex Ceylona, quod sub n:o 76 distribuit Harvey, fronde multo magis decomposita diversam, lubenter conjicerem. Comparato specimine a Harvey sub nomine *Conf. compositæ* inter Algas Insulae Mauritii enumerato, hoc vario respectu eum Ceylonensi congruens vidi, at ramulos anastomosantes vix certe dicere auderem.

Quod attinet alias species ad Struveam a Murray et Boodle relatas, nullum judicium de his equidem auderem. Tantum moneam plantam, quam Genus proprium *Phyllodictyon* ereavit J. E. Gray, a veris Struveis mihi ex iconibus datis sat diversam adparuisse, stipitis et costarum indole; ex ione

¹⁾ *J. Ag. in act. Holm.* 1846: *ANADEMA* nov. Gen. Confervar. *C. Agardh Icon. Alg.* in ed. in lection. a *J. G. Agardh* adjectis sub. n:o IX infra (*Lychæte mirabilis*).

²⁾ In citata dissertatione de *Anadema*, proprium Genus (*Acanthonema* assumsi, cui Confervam aculeatam Montagne typum consideravi. Hac planta postea examinata, in ea speciem *Ballia* recognovi, quam a *Ballia scoparia*, a Harvey descripta, vix nisi loco natali (Patagonia) diversam puto. Nominis Clad. aculeatae in *De Toni Syll.* p. 340, eadem obvenit.

Struveæ ramosæ a Piccone data, nec hanc veram Struveæ speciem putarem. Inter Struveas, quales ab auctoribus dictis circumscribuntur, saltem 3 typos diversos conjicerem, (*Pterodictyon*, *Phyllodictyon* et *Struvea Harr.*) Quid sit *Talarodictyon* (*Endl. Gen. plant. Suppl. III. sub. n:o 29*), una cum *Hydrodictyon* & *Mierodictyon* l. c. familiam Hydrodictyearum constituen^s, conjicere vix licet. Ex descriptione data formam ad *Anadyomene Leclancheri* affinem nonnulla suadent, et in Indice Generum Algarum a Harvey dato *Talarodictyon* synonymon *Anadyomenes* supponitur; sin ita revera esset, *Cystodictyon* modo crescendi eum *Mierodictyon*e convenire, assumendum videretur. In *Syll. Alg. De-Tonii* *Talarodictyon* ut Genus maxime obscurum post *Struveam* enumeratur in familia quadam propria, ad quam *Mierodictyon*, *Boodlea* et *Struvea* referuntur; *Cystodictyon* vero una cum *Dietyosphaeria* & *Anadyomene* in familia *Anadyomenearum*. Mihi hodie has omnes comparanti, idem lubenter ferrem judicium, quod jam in *Bidr. Alg. Syst. de Siphoneis* scribens (p. 109) dixi: similitudines, quæ adsint, notandæ videntur ut analogiæ, vix affinitatem veram indicantes. Ejusmodi analogiæ inter algas plurimæ obveniunt; multarum fructificatione cognita, analogias ab affinitatibus in his dignoscere didicimus. Multæ aliæ recognoscendaæ restant.

Xanthosiphonia Nor. Gen. Ectocarppearum J. Ag. mscr.

Frons filiformis ex flavescente virescens, quoquoversum ramosa, articulata, polysiphonea, articulis nempe cylindraceis, in cellulas plures in orbem dispositas aequi longas sensim abeuntibus contexta, ramulis junioribus et supremis monosiphoneis. *Fructus*: siliquæ ex lanceoideo subulatae longissimæ, articulis brevissimis plurimis, diametro siliquæ duplo—4plo brevioribus, in partes longitudinales plurimas in orbem dispositas segmentatis.

Quale Genus Polysiphoniae est Ceramieis propriis, tale Xanthosiphoniam dieeres Ectocarpeis typeis, suadente structura frondis. In Xanthosiphonia vero fructus quoque adsunt iis Ectocarpearum simillimi, si quidem hoc ex structura observata concludere licet. Ipsa frons sterilis et magis virescens *Cladophoræ* speciem graciliorem sistere primo intuitu videretur; fructiferam vero magis flavescentem vidi; et structura comparata facilius patet plantam sistere Genus novum inter Ectocarpeas.

Cujusdam momenti mihi haec forma nova adparuit, utpote in novo Genere novum habemus exemplum, easdem structurae typeas formas in diversis se-

riebus Algarum saepius revenire. Ut habemus Ectocarpeas hucusque cognitas cum Ceramieis, Chordarieas cum Helminthocladeis structura mirum in modum convenientes, ita Xanthosiphoniam Polysiphoneis analogam putavi; nec vero ob ejusmodi similitudines structuræ, affinitatis quædam indicia inter plantas, hoc modo analogas, agnoscere velle.

Novi Generis species duas mihi cognitas habeo, unam australasiæam, alteram americanam:

1. X. WATTSII *J. Ag. mscr.* filis gracillimis ramosissimis quoquoversum vase expansis, primariis inferne laxius contortis, quasi in ramos principales conjunctis, superne subfasciculatim expansis plumas tenuissimas formantibus, ramulis tenuissimis in acumem aetum desinentibus, articulis polysiphoneis suo diametro paulisper longioribus.

Hab. ad oras Novæ Hollandiæ australes; specimen Aug. 1884 a H.

Watts lectum sub nomine *Cladophoræ gracilis* Hary.? mihi missum.

Habitus ita est *Cladophora* enjusdam, ut specimen hujus sub nomine *Cl. Gracilis* diu in Herbario habuerim. Accuratus inspectum Polysiphoniam quandam pulcherrime virentem eoram habere putas. Rami inferiores superioribus parum crassiores fere dichotomi adparcent, erectiusculi at patentes, superiores fere fasciculatim expansi, ramis minoribus cum aliis lateralibus alternantibus, ultimis in acumen sat conspicuum desinentibus. Articuli in filis primariis diametro circiter longiores sat conspicue polysiphonei; quot vero siphones adsint ægre dicitur; ad dichotomias ramorum siphonem centralem adesse, infra ramos dilatum et truncatum, quandoquidem credidi; at hoc minime certum mihi adparuit. In articulis supremis siphones singuli, in penultimis collaterales gemini mihi adparuerunt; in inferioribus articulis sensim siphones plures generari putarem, nunc invicem paralleli, nunc quasi per lineam spiraliter adscendentem dispositi; sectionibus factis siphones esse laxius invicem cohaerentes observare credidi; attamen dicere fas est sectiones transversales bene factas observare mihi non contigisse,

Plantam hanc australasicam sterilem tantum vidi.

2. X. HALLIE (*J. Ag. mscr.*) filis gracilibus ramosissimis quoquoversum expansis, primariis inferne laxius contortis quasi in ramos principales crassiunculos conjunctis, superne subfasciculatim expansis, plumas tenuiores formantibus, ramulis singulis tenuissimis in acumen obtusiunculum desinentibus, articulis polysiphoneis circiter diametrum longitudine aequalibus, fructum siliquis longissimis.

Hab. ad oras Floridae (St. Augustine); a D:na Hall lectam mihi misit
D:na Curtiss.

Species evidenter antecedenti proxima, at paulisper firmior et magis colore Ectocarpi speciem referens. Characteres, quibus diagnoseatur, vix alios vidi, quam ramulos minus acentos et praecipue articulos breviores, minus distinete et regulariter, ut mihi adparuit, siphones separantes. Articulos nimirum steriles plurimos vidi vix diametrum longitudine aequantes, dum in specie australasica articuli plerumque suo diametro evidentius sunt longiores. In specie Floridana siliquæ eximie evolutæ et longissimæ adsunt, lanceoideo-subulatae, maturescentes filo sterili inferne duplo crassiores, superne in apicem subulatum longissime productæ, pedicello sterili brevi suffultæ; articulis siliquæ 1 diametrum ejusdem circiter aequalibus. In siliqua articulos ultra 30 numeravi, et plures sepe adesse convictus sum; articuli maturescentes quasi geminatim superpositi linea geminos articulos separante novam divisionem articulorum ni fallor indicate. Singulae partes transversales ita ortæ, lineis longitudinaliter ductis plurimis subdividuntur. Intra concamerationes, ita divisionibus transversalibus et longitudinalibus ortas, nunc vidi globulos magis rotundatos in quibus sporidia mobilia lubenter agnoscerein,

Plantam admodum gelatinosam, aegrius reviviscentem et quasi fragilem vidi; totam endochromate flavescente coloratam, nec articulos hyalinos a fascia colorata separantem, ut in Ectocarpi speciebus saepius obveniat.

Laminariearum forma mihi nova.

ECKLONIA STENOPHYLLA J. Ag. mscr. stipite . . . in frondem pinnatam expanso, pinnis angustis cuneato-linearibus margine integerrimo subinerasato cinctis, paginibus secus longitudinem sublineatis, lineis canaliculos planatos in alterutera elevatos aut demersos referentibus, soris linearibus secus longitudinem elongatis, interstitia inter lineas ocellantibus.

Hab. ad oras Novæ Hollandiae australes; fragmentum a Molinex lectum, mihi misit F. de Mueller.

Plantæ admodum singularis tantum fragmentum vidi, quod dimidiâ partem superiorem novæ speciei Ecklonie sistere putavi. Stipitem nimirum nullum vidi; ipsius laminæ vero dimidiâ partem coram habui, cuius pinnæ inferiores adfuerunt 4, aliis in persistente apice indicatis, ut videtur abruptis. Pinnæ evolutæ circiter bis pollicem distantes, supra axillas rotundatas patentes, in a basi circiter 3 lineas late, sursum sensim latiores fere 6 lineas (ubi infra apicem latissime) latitudine aequantes, in apicem obtusiusculum exerrentes; per totam longitudinem circiter sesquipedalem integerrimæ, et quasi margine incrassato cinctæ; margine infra apicem vix conspicie undulato. Praeter marginem hunc incrassatum ipsæ paginae striis elongatis, secus longitudinem parallelis, notatæ adparent; striis nimirum constitutis quasi canaliculis in una pagina levissime prominulis, in altera obsolete excavatis; prominula et excavata parte in utraque pagina alternantibus. In fronde transverse secta vidi soros in canaliculis excavatis formatos, lineas fere lineares formantes, sterilibus et fertilibus partibus alternantibus adspectum longitudinaliter striatum frondi adtribuentibus. Praeter has strias neque pagina neque margines protuberantii aut spinalis ornantur, sed frons cartilaginea et firma levissima videatur.

Algas magnitudine frondium insignes saepe parum intellectas obvenire facilis explicatur ipsa earum mole, specimina inter paginas herbariorum recepta fere negante. Accedit quoque, quod in multis habituales notae diversarum specierum minus conspiciantur, ut hoc inter Laminarieas obtinere mihi facilis persuadeam. Quae hoc loco describitur planta, cuius unicum tantum hucusque vidi fragmentum, inter permulta Specimina Algarm ex oris Australie que examinavi, exemplum hujus generis mihi præbet insigne. Si specimen ad oras Africæ lectum fuerit, hoc quidem facilis ut specimen juvenile Ecklonie buccinalis quispiam habuisse; ad novam Hollandiam vero obveniens, et accuratius examinatum, characteres offerre adparuit, quibus ducentibus affinitates proximas quoque dubias quispiam consideraret. Si nimirum in nonnullis Generibus Laminariearum tunc costæ obveniunt frondem longitudinaliter pereurrentes (*Cymathare*, *Costaria*), tum sori fructiferi in nonnullis adsunt ita dispositi, ut cum evolutione costarum formam et evolutionem sori proxime connexam facilius consideretur (*Postelsia*; cuius folia evideutissime costulato sulcata soros longitudinales gerunt secus costulas dispositos); ita quoque pinnum fructiferam nostræ plantæ soris longitudinalibus secus strias dispositis instructam, facilis quis conciperet. Quæ si revera ita essent, speciem ab Eckloniis longe remotam facilius habuisse. utpote soros supra laminarum partes late vaseque effusos, in aliis formis ad Ecklonias relatis, obvenire constat (ita in *Eck. exasperata* video maculas informes, nunc et latitudine et longitudine ultra-pollicares, in utraque pagina fere — eadem expansione oppositas, salvis quoque spinulis supra paginas eminentibus). Inter formas vero simillimas, quibus subgenus Capeæ forsitan jure quodam reservatum velles, alias video, in quibus laminae paginarum quasi rugoso-bullatae aut fenestratae, nimirum quasi in areas oblongas (aut magis quadraticas aut rectangulares) subdivisæ, medeantibus jugis ab una pagina elevatis in altera demersis; et ex his areis soros sensim provenientes inchoari facilius crederes. Eiusmodi formis ducentibus, formam hodie descriptam speciem Eckloniae judicavi, cuius vero areæ paginales ita elongatae obveniant, ut lineæ prominulae longitudinales fere tantum conspiciantur, transversalibus fere obsoletis. In Laminaria flabelliformi Rich. paginas, descripto modo bulloso-rugosas putavi.

Fucacearum forma mihi nova.

Enchophora (Subgenus *Fucodii*?) *J. Ag. mscr.*

ENCHOPHORA RUGULOSA (*J. Ag. mscr.*) fronde dura teretiuscula, infima parte sterili perbrevi decomposito-ramosissima, ramis basalibus crassiusculis conspicue subverrucoso-rugosis, singulis mox desinentibus in receptaculum longissimum, 4—6 pollicare, teretiusculum sublaviforme longitudinaliter rugulosum, canaliculis conspicuis cum rugis subtortis fere articulatim alternantibus.

Hab. ad oras Novæ Hollandiæ ut videtur rarissima; specimen ex South Australia a Molineux lectum mihi missit F. de Mueller; fragmentum ex Tasmania, a Miss Lodder lectum, quoque habui.

Ut in Fucodio gladiato frons sterilis sepe per brevevis et densius ramosa obveniat, receptaculis elongatis et parum ramosis superata, ita in praesente partem froudis sterilis, quamquam dense decompositam, vix pollicem longitudine superantem vidi, ramis ejusdem singulis in receptaculum (?) usque 4 pollicare abeuntibus. Partes frondis sterilis sunt teretiuseulae, crassitatem peniae scriptoriae fere aequantes, at verrucoso-rugosissimae et fere diceres inequaliter collabentes nisi textura durissimae, densissime ramosae, ramis non raro quasi oppositis, ita ad proximatis ut a cæspite sterili vix ultra pollicari receptacula usque 20 excentia numeravi. Receptacula durissima, teretia at quasi rugis elevatis, secus longitudinem subspiraliter excurrentibus instructa, rugis suo dorso rotundatis, invicem se junctis soleis quoque subspiraliter tortis, ita ut a rugis sulcisqne subalterne interruptis ad parentia quedam articulorum oriatur. Quoad formam receptacula teretiuseula, superne paulisper crassiora quam in infima parte, vix conspicue clavata dicenda, simpliciuscula aut ramis paucis patentissimis instructa, sepe curvata, crassitatem peniae columbinæ circiter attingentia. Stratum cellularum intimum contextum vidi cellulis densissime juxtapositis et elongatis, forma cæterum inæqualibus, omnibus densissime concretis; intermedium cellulis brevioribus magis parenchymaticis quoque arete conjunctis; extimus prismata subverticalia formantibus. In rugis elevatis vidi cellulas magis verticaliter radiantes et, ut mihi adparuit, intercedentibus spatiis minoribus vacuis, disruptione parenchymatis forsitan ortis; pluribus ejusmodi spatiis radiantibus rugas elevatas formari et denique scaphidia oriri conjicerem; at in specimine a me examinato nulla rite evoluta videre mihi configit.

Adest quidem, me judice, in structura frondis Fucacearum quædam differentia, qua forsitan insistere opporforet si Genera Fucacearum rite describenda hodie quis susciperet. In nonnullis orientur spatia cellulæ laxioribus anastomosantibus impleta aut deum vaena, in aliis cellulæ densissime juxtapositis frons componitur; quod a modo vivendi quædam modo pendere facilius crederes. Oriuntur vero ejusmodi diversitates suis propriis locis in diversis formis, quod eaute observandum videretur. In Xiphophora Billardieri Mont, quam cum nostra hodie descripta specie forsitan quis comparare vellet, structuram aliam vidi. Magis structura convenire Fuc. capensem putarem: in hoc vidi sporas intra cellulam fertilem triangule quadridivisas, quod Ozothalæ characteristicum putarunt: sporas quadridivisas quoque in Sarcophyco habemus, at sporas hujus in 3 partes zonatim divisas diceres, intermedia vero parte longitudinaliter in duas secedente. Patet, me judice, Genera Fucacearum ulterius esse examinanda, antea quam certum judicium de charactere et limitibus Generum certius judicare licet. Quum igitur hodie mihi omnino incertum adparuit cui Generi formam mihi omnino novam referrem, Subgenus proprium ei constituere malui quam aliud vitiare introducta forma forsitan omnino aliena.

De Florideis

curæ posteriores..

ANTITHAMNION NIGRESCENS J. Ag. *mscr.* erectiuscula subvage ramosa atque dense pinnis oppositis distichis pectinata; pinnis ad imam partem sursum pectinato-pinnulatis, superiore parte nuda elongata recurvata; pinnulis ad

quodque geniculum excurrentibus brevioribus incurvis, infima excepta parum ramosa, omnibus simpliciuseculis, articulis ramorum et pinnarum diametro sesquilonigioribus, pinnularum vix brevioribus.

Hab. ad oras Nova Hollandiae australes; Spec. ad Port Phillip Heads lectum mihi misit J. Br. Wilsson.

Hæc est species ex Tribu Ant. plumulae sat conspicue diversa ramificationis norma sibi propria. Pinnae nempe eximie recurvatae sunt tantum in ima sua parte pinnulis sursum excurrentibus pinuulatæ, superiore parte elongata recurvata pinnulis destituta. Ipsæ pinnae longitudine variant, inferiores articulis 15—20 constitutæ, superiores mediae articulis circiter 10, supremæ sensim breviores. Ex his articulis tantum paucæ infime 3—4 pinnulis instructæ; tota superiore parte pinnarum pinnulis nuda. Pinnule breves, suo ordine incurvatae omnes simplices, infima excepta, que simili modo incurva pinnellam generat externo curvaturæ latere. Pinnae pinnulæque omnes firmæ et obtusæ adparent. Articuli in ramis principalibus admodum conspicui sunt diametro sesquilonigiores, membrana crassa pellucida cincti; in pinnis pinnulisque suo diametro paulo longiores, si non semper sesquilonigiores. Fructus nullos videre contigit. Ob pinnas elongatas simpliciuseculas frons oculo nudo quasi hirsuta adpareat. Frondes breviores circiter sesquipolliares, colore obscuro insignes.

Sunt forsitan qui statuerent opus esse supervacaneum novam speciem describere Generis, cuius formæ jamdudum descriptæ (*Ant. plumula*, *A. Pylaisei*, *A. cruciatum*) et ab omnibus prioris ævi Algologis receptæ, unam eandemque speciem constituerent, suadentibus formis quibusdam in ultimo oceano Boreali obvenientibus¹⁾). De his formis intermediis oceani Borealis nullum iudicium feram; patet vero species, quarum characteres a diversa ramificationis norma deducantur, nullo modo iudicari debere suadentibus formis depauperatis, ex quibus ipsa norma ramificationis vix eluceat; nec species identicas considerari debere quia specimina suspectentia ejusmodi sint, ut ex iis judicari nequeat, utrum ad unam, an ad alteram speciem descriptam referantur. Ubi species allatae rite evolutæ obveniant, ibi huncusque ita diversæ consideratæ fuernt, ut de earum diversitate vix quispiam dubitaverit. Species Antithamnii in ipsa ramificationis norma miram offerunt diversitatem, qua suadente species disponere periculum feci (*Anal. Algol.* p. 20), ad quam hoc loco mihi referre sufficiat. Ad oras Bahusiae, quasi in limite inter Algas Atlanticas et Borealis oceani sitas, formas depauperatas ipse quoque olim legi, quarum alias ad *Ant. cruciatum*, alias ad *A. plumula* referendas conjeci; nec vero ex his patere putarem unam speciem esse alterius formam quandam variantem. *C. Pylaisei*, quale hoc rite evoluntum vidi, a *C. plumula* evidenter diversum judicavi.

SPONGOCLONIUM SCOPARIUM *J. Ag. mscr.* cæspitosa cæspite rotundato quoquaversum expanso, ramis fasciculatum iterum iterumque divisis composita, singulis supra stipitem minus conspicue funiculariter compositum fasciculatum radiantibus, ramis ramulisque quoquaversum egredientibus erecto-

¹⁾ Cfr. de his *Koldrup Rosenringe Groenlands Haf-Alger* p. 787 ubi opera aliorum citantur.

patentibus strictiusculis inaequilongis, articulis ad genicula vix conspicue contractis diametro saepius 3plo—4plo longioribus.

Hab. ad oras australes Novæ Hollandiæ; ad Western Port (sub n:o 27) a J. Bracebridge Wilson lecta; ad Orford Tasmaniae a D:na Meredith in speluncis marinis.

Caspites vidi validos, circiter 4 pollicares expansione, quoquoversum porrectos, ramis ramulisque fasciculatim compositis, singulis majoribus a stipite funiculariter composito at parum distincto provenientibus; partes fructiferas in nostris frustra quaevi.

SPONGOCLONIUM FASCICULATUM *J. Ag. nov. sp.* clata caulescens alterne decomposito-ramosa, ramulis simpliciusculis patenter adscendentibus circumcirea spongiosis, fasciculisque alternantibus brevibus rachidi subadpressis quasi nodosis; ramellis fasciculorum terminalibus conspicue incurvatis crassiusculis, articulis ramellorum diametro 2plo—4plo longioribus, cystocarpiis pluribus intra fasciculos in nodum conspicuum subconfluentibus.

Hab. ad oras australes Novæ Hollandiæ; ex Port Phillip Heads mihi a J. Br. Wilson sub n:o 17 missa.

Inter species Spongocloniorum majores aliae sunt quarum rami patentissimi et uulique reque obtecti plantæ exsiccatæ adspectum tribuunt frondis decomposito-pinnatae (*Sp. plumigerum* et *Sp. dasyurum*); sunt aliae species, quæ eadem fere ramificationis norma gerunt plumas (principue terminales) magis apertas, frondem decomposito-plumosum petius referentes (*Sp. Wollastonianum*, *Sp. Wilsonianum*, *Sp. superbium*); in aliis rami patentes et evidentius quoquoversum porrecti adspectum frondi tribuunt magis decomposito-ramulosum. Inter has *Sp. conspicuum* ramis ramulisque inferne fere spongiosis (ramellis fere nullis extra superficiem liberis) superne in penicillum solutis, dignoscendum; et *Sp. fasciculatum*, cuius rami ramulique inferne spongiosi, superne autem quasi alterne nodosi, nodis penicillo ramorum incurvatorum, constitutis. Intra ramos hos incurvatos et iisdem obtectos vidi nucleos plures cystocarpiorum fere in nodum densum conglomeratos, Singuli nuclei gemmidiis numerosis, rotundatis, sine ordine bene conspicuo conjunctis, constituti. Sectione transversali caulis inferioris vidi tubum centralem majorem cinctum plurimis minutis dense invicem conjunctis, quos a filiis decurrentibus ab initio formati assumsi. Ut in *Sp. conspicuum* frons spongiosa facilis solvit; hinc structuram et ipsam ramificationis normam filorum, quibus rami ramulique obtecti obveniunt, agre discernere liceat; ramificationem earum sat irregulariter observare credidi, et articulos corum breves diametro circiter duplo longiores; in nodis fasciculorum fila elongantur ramis incurvatis constituta; et articuli usque 1plo diametro longiores mihi adparuerunt. Speciem a C. Brouniano bene diversam mihi adparuisse dixisse placet.

Dasythamnion nov. Gen. J. Ag. mscr.

Frons teretiuscula pinnatim subdistiche ramosa, filis funiculariter coalescentibus stupam axilem spongiosam formantibus, ramentisque extra stupam liberis elongatis, tomentum externum constituentibus composita, quasi heterogenea; stupa nimirum a filo primario axili articulato monosiphoneo minoribusque cingentibus composita, ramentis liberis a filis extimis secus stupam excurrentibus generatis. *Favellæ* in ramulis subdistichis provenientes, coma ramentorum incurvatorum obtectæ, et quasi in eodem nido plures juxtapositæ, intra periderma hyalianum gemmidiorum fasciculos numerosos soventes; fasciculi singuli quasi filis dichotomis extrorsum fastigiatis, a centrali regione provenientibus, circumferentia extrorsum radiantibus, constituti, *Sphaerosporæ* . . . Tab. II. fig. 4—7.

Una cum speciminibus, quæ ad Wrangeliam clavigeram typicam pertinenter putavi, plantam habui ita speciei Harveyanae habitu simillimam, ut speciem diversam in ea vix quispiam suspicaretur. Ramulum fructiferum vero examinanti mihi cystocarpia omnino diversa sese obtulerunt. Intra ramulos involuerantes nimirum observavi nucleos plures, tum unum majorem et adul-tiore, tum plures minores et evidenter juniores; utrosque intensiore colore insignes. Nucleo majore dein examinato haud structuram Wrangeliæ, sed Ceramiaceæ plantæ stupens agnovi. Habitum consimilem et compositionem frondis quoque in nonnullis Callithamniorum formis (*Spongocolmis*) adesse, mihi mox in mentem venit; et inter has quoque cystocarpia pluribus nucleis (adultioribus et junioribus) intra eundem adparatum involueralem inclusis constituta, observata fuisse. Dunn vero in plurimis Ceramiaceis nuclei constant gemmidis plurimis, sine conspicuo ordine intra periderma hyalinum nidulantibus, alia mihi adparuit dispositionis ratio in planta a me examinata. Nimirum in hac dispositionem gemmidiorum eandem recognoscere credidi, quam antea videram in planta Capensi, novi Generis Aristothamnii mihi typica. Nimirum observavi fasciculos gemmidiorum numerosos, invicem distinctos, quasi a centrali regione extrorsum et quoquoversum radiantes; fasciculos singulos quasi filis dichotomis sursum aut extrorsum fastigiatis formatos; omnesque membrana hyalina nuclei exhibitos. Ipsum nucleum rotundatum vidi, stipite brevi suffultum. His observatis certum mihi adparuit plantam a me observatam, quam-

quam habitu mirum in modum cum *Wrangelia clavigera*¹⁾ convenientem, tamen revera ad Ceramiaceas referendam esse, et inter has forsan Genus constitutere proprium, quod suadente structura nuclei ad Aristothamnion proxime accedere putarem, si quoque habitu et compositione frondis cum Spongocloniis potissimum convenire videretur. His vero ita positis animadvertere placet, in formatione stupore frondis quoque diversitatem quandam adesse, utpote ramenta in nova planta quasi magis heterogenea adparent quam in Spongocloniis; haec ramenta setas magis simulantia dicerem; sunt simpliciuscula et incurva, et a filis secus stupam excurrentibus extimis, quasi diversis, provenientia. Ignotis adhuc sphaerosporis, vix conjicere licet quo Generi his suadentibus, novum Genus inter Ceramiaceas proximum videretur.

Si characteribus a Harveyo usitatis in speciebus Callithamniorum disponendis hodie quis adhuc insisteret, is speciem a me descriptam ad Dasythamnia Harveyi referre vix dubitasset. Quum vero hodie Spongocloniis jus proprii Generi agnoscerere placeat, nomen Harveyanum Dasythamnii revera vacans, nostro Generi adoptare, licitum putavi.

Quamquam specimina *Wrangelia clavigera*, quae habui plurima, novo examini subjeci, tamen non unicum vidi, quod cum nova specie congrueret. Speciem novam villositate magis rigidiuscula instructam esse, et totam ramificationem magis distiche pinnatam esse, attento forsan videatur. Sub microscopio ramenta magis rigidiuscula adpareant, et a basi ad apicem fere eandem crassitatem servantia. Articuli sunt suo diametro parum longiores; dum in Wr. clavigera articuli medii ramellorum sunt diametro circiter sesquilocongiores, terminalibus conspicue attenuatis. Dico Wr. clavigera exsiccata sape nigrescens obvenit, species nova magis rufescens mihi adparuit.

1. DASYTH. SETOSUM J. Ag. mscr

Hab. ad oras Novæ Hollandie australes: ex Encounter bay a Dna Hussey lectum specimen mihi misit F. de Mueller.

BALLIA HAMULOSA nor. Sp. J. Ag. mscr. frondis vase ramosa ramulisque quoquoversum egredientibus, inferioribus subspongiosis, superioribus conspicue articulatis ramulos oppositos aut subternatos emitentibus, ra-

¹⁾ De structura partium fructificationis Wr. clavigerae, quas minus rite cognitas putarem, refero ad ea, quae infra attuli sub Wrangelia.

mulis simpliciuseulis aut iina basi subgeminatis, patentibus, in apicem acutissimum longissime attenuatis, articulis penultimis et antepenultimis saepius spinulis singulis aut geminis, nunc quoque retroflexis armatis.

Hab. ad Novam Hollandiam australem; specimina paucissima, ad ostia Hopkins River lecta, mihi missit F. de Mueller!

Haec est Ballia sp. distinctissima, ob caules superiores evidentius articulatos ramulisque oppositis instructos quodammodo ad B. callitricham accedens, ramellorum forma et armatura proximam affinitatem cum Ballia scoparia indicans. Ab hac vero specie evidentius distincta, ramulis geminis aut ternis ex eodem articulo excurrentibus, nunc sat conspicue oppositis, nunc, ut mihi adparuit, geminis magis collateralibus, tertio opposito. Ramuli ipsi simpliciuseuli, ab ima basi longissime attenuati in apicem acutissimum exentes, toti articulati, articulis circiter diametro duplo longioribus; juniores, ut mihi adparuit, spinis lateralis destituti, adultiores ex articularis penultimis aculeos saepe geminos, nunc patentissimos nunc quoque retroflexos, emitentes.

Specimina colore rubiginoso insignia vidi; at paucissima habui.

Griffithsia.

Satis inter Algologos constat quasdam esse species australes, habitu fere Griffithsias referentes, quas ad Callithamnia retulit Harvey in sectione peculiaris, nomine *Griffithsioides* collectas; nimurum characteribus fructificationis has magis cum Callithamniis quam cum speciebus Griffithsiae convenientes judicavit. Epierisim Floridearum scribens, has species ad Griffithsias referre periculum feci, quamquam easdem involueris sphaerosporarum fere nullis instructas indieavi. Observationes quasdam postea factas, affinitatem proximam harum specierum illustrantes, me vidisse, non memini. Hodie antheridia in una harum specie (Gr. elongata) me observasse, animadvertere placuit. Sunt haec in ramulo breviore subterminalia, quasi verticillis superpositis pluribus constituta, quoad structuram eximie convenientia cum iis, quae in Gr. setacea nitidissime a Thuret depicta novimus. Dum vero in Griffithiis plurimis typis antheridia ejusmodi plura intra involucrum collecta obveniant; antheridia Gr. elongatae sunt quasi singula, in ramulo breviore proprio terminalia, ramis cingentibus sterilibus vix ab aliis ramis diversis. Antheridia ad hunc typum confecta inter Callithamnia vix adesse putarem; unde affinitatem proximam inter Griffithsias his speciebus vindicatam conjicerem.

De affinitate **Gulsoniæ**. *Tab. II fig. 13.*

Fructus hujus Generis hueusque, quantum scio, ignoti fuerunt; hinc affinitates ejusdem adhuc dubias consideratas fuisse facile patet. Harvey, qui primus Genus instituit, in *Synopsi Phycologiae australi* adjecto, illud ad eal-*cem Cryptonemiacearum*, post *Nemastomam*, et ita Ceramiaceis proximam enumerauit; in *Flora Tasmanica* vero, ubi descriptionem et icones ejusdem dedidit, Genus inter *Dasyphlaem* et *Areschougiam* inseruit; adjecta observatione sibi *Catenellæ* proximum videri. Ipse in *Epicerisi* inter *Crouaniam* et *Dasyphilam* Genus enumeravi, quod suadente structura his potissimum convenire videbatur; fructu adhuc ignoto affinitate mihi dubium dixi. In ultima, quod vidi, *Floridearum* dispositione Schmitz propriam habet *Crouaniearum* familiam, cui Genera quedam Ceramiacearum referuntur, et inter haec *Gulsonia* inter *Crouaniam* et *Gattyam* locum obtinuit. Contigit demum specimen examinare cystocarpiis instructum, quibus ducentibus Genus *Wrangeliae* affinitate proximum putarem.

Speciminis fructiferi nodos observavi hinc magis prominulos, et hos nodos cystocarpia plura foventes. Fila nimirum peripherica, hoc loco prolongata, quasi brachia expandunt, fructum inclusum ima sua basi amplectentia; supra nucleum, peridermate tectum, in spatio sat amplio erectiusculum, iterum con-*niventia*, filis circumcareae prolongatis, fere dieeres carpostomium formantibus. Haec fila nodi lateralia sunt elongata, dichotoma et articulis superpositis pluribus constituta; intra haec fila ipse nucleus sustinetur filo centrali, simplici et breviore, paucis articulis brevioribus constituto, cujusque articulo supremo sursum attenuato quasi pedicello insidet nucleus initio minor et subglobosus, dein magis ovalis et admodum grandescens, gemmidiis obovatis validis, quasi ab axi centrali quoquoversum radiantibus constitutus. Gemmidia non admodum numerosa, superficie quasi granulosa; demum sub lente invicem separata circiter 40 numeravi. Fila involuerantia intima, nucleus proxime amplectentia, nunc breviora et tenuiora observavi; nunc his intimis, ut putarem, sensim dissolutis, spatium vacuum magis amplum oritur, cujus in centro nucleus pedicellatus eminet; extra hoc vero spatium fila involuerantia exteriora, admodum elongata persistunt, adparatum involueralem proprium constituentia; apicibus secedentibus quasi carpostomium nucleo maturo formantibus. Fila haec involuerantia quoad adspectum magis fila *Griffithsiae* aut *Wrangeliae* quam *Crouaniae* referre, animadvertere placet.

Ex adparatu fructifero descripto concludere ausus sum Gulsoniam potissimum ad Wrangelięs accedere. Dum vero nucleus Wrangelię in disco depresso magis dilatatus et sēpe hemisphäriens obvenit, fit in Gulsonia pedicellatus, ambitu globosus aut ovalis, bracteis nullis inter gemmidia obvenientibus.

SPYRIDIA CERAMIOIDES J. Ag. mscr. fronde teretiuseula quoquoversum vage ramosa, ramis ramulisque subconformibus conspicue articulatis, articulis biannulatis, cortice polysiphoneo articulorum et geniculorum zonas fere æquelongas constitente, ramellis plurimis distichis et incurvis, a basi ad apicem fere æque crassis, ipso apice ovato-acuminato, articulis ramorum diametro duplo brevioribus, ramellorum sesquilongioribus.

Hab. ad oras Floridæ; Sp. a Dna Curtiss mihi missa.

Hæc est species mili nova, ut putarem sat distincta, inter plures antea cognitas suo modo intermedia. Quoad structuram ad species biannulatas accedit, cortice nempe polysiphoneo ipsius articuli et geniculum investiente zonas fere æque longas formante; hæc zonæ invicem sat distinctæ quoque in ramis permanent, at singulæ ita breves ut 4 zonæ conjunctæ sua longitudine diametrum rami circiter æquent. Quia zonæ parum crassitie auctæ, quoque rami majores in planta exsiccata sat conspicue articulati adparent; articulos dices Ceramii rubri subsimiles. Ramelli sat firmi et crassiusculi adparent, a basi ad apicem vix conspicue attenuati, et articulo supremo ovato in apicem acutum brevissimum excurrente. Articuli ramellorum sunt suo diametro circiter sesquilongiores; nuda parte articuli zonam corticatam longitudine fere duplo superante. Ramificationem ramellorum fere disticham dicerem; at ubi rami excrescere incipient, hi non idem planum servare mihi adparuerunt, sed juxta margines ramelliferos inchoantes sensim in alias directiones tendunt. Hac tendentia ramificationis nova species ad species fronde compressa et distiche ramosa insignes tendere videtur. Comparata vero structura ad species biannulatas proxime affinem putarem; ramelli vero in his multo tenuiores adparent et longius articulati; articuli nimirum ramellorum in *Sp. biannulata* diametro duplo longiores; in *Sp. breviarticulata* sunt circiter tripli longiores; in *Sp. Ceramoides* ramelli, magis iis *Sp. oppositæ* similes et robustiores, articulos diametro circiter sesquilongiores habent.

De structura et affinitate Erythroclonii. Tab. II fig. 12.

Inter Algologos satis constat esse Algas habitualibus notis invicem similimas, quas vero, structura et characteribus fructus diversas, ad alias regiones systematis referre consuevimus. Sunt aliæ, que eundem structuræ typum offerre adpareant, quæ vero fructibus differre videntur. Hodierna est questio utrum Genera fructuum structura invicem diversa, structura vero et adnuente habitu convenientia, tantum analoga considerare opporeat, an in systemate

naturali postuletur, ut ea tantum Genera affinitate juncta judicentur, quæ et fructibus et structura et habitu convenientia adpareant. Hoc respectu Erythroclonium præbere exemplum consultandum, mihi adparuit.

Epicrisi systematis Floridearum seribenti mihi jam videbatur illam esse inter Areschougiæ et Erythroclonium congruentiam structuræ, ut utrumque Genus in unum conjungure propensus fuisset; ex altera parte quoque monui Erythroclonium in multis Rhabdoniam referre, et nonnullas species horum Generum caute esse dignoscendas: Steriles plantas praesentia aut defectu tubi axilis, fertiles cystoearpiorum structura fere tantum esse distinguendas. Patet Harveyum fere eodem modo Genera dignoscenda voluisse. Nimirum de *Rhabdonia charoide* seribens dixit hanc plantam cum *Erythrocl. angustato* ita convenire, ut eam sistere Erythroclonii speciem haud dubiam ab initio considerasset; se autem facta sectione transversali frondis tubum axilem deficere observasse, et hinc speciem ad Rhabdoniam retulisse. In ultimis fere Phycologiae australis tabulis fere eodem modo de *Rhabdonia verticillata* et *Erythroclonia Muelleri* judicavit; confitetur has species antea a se confusas fuisse, demum vero axilem siphonem in Erythroclonio observasse, et hoc ducente charactere species alio respectu simillimas dignoscere ei lieuisse.

Quod vero ipsum hunc characterem attinet, animadvertere placet quoque in speciebus Rhabdoniae tubum quendam axilem in partibus quam maxime juvenilibus quandoquidem observari; ita ramellos juveniles, a fronde *Rhabdonia Charoides* pullulantes, tilio axili tenuissimo instructos facilius dices; et eodem modo in junioribus partibus *Rhabdonia verticillata* tubum axilem adesse ineauto facilius videretur. In Epicrisi, de Erythroclonio Muelleri seribens, dixi siphonem centralem in vera specie, sub hoc nomine descripta, revera adesse; speciem autem existere externo habitu, simillimam, filis interioribus longitudinalibus in axili regione adproximatis instructam, cuius inter fila axilia alia esse majora diametro, alia minora; si fortuito a crassioribus unum axile adpareat, structuram Erythroclonii Muelleri in hoc specimine adesse facillime quis erederet. Quod ita dixi, numerosis comparatis speciminibus confirmare auderem. Inter plurima specimina, quæ ad Erythroclonium Muelleri referuntur, paucissima vidi, quæ veram structuram Erythroclonii offerunt. Placeat hanc structuram paulo accuratius examinare.

Si longitudinali sectione frondis structura *Erythroclonii angustati* accuratius examinatur, totam frondem a basi ad apicem percurrentem videbis tubo axili articulato valido, cuius intra membranam crassiusculam hyalinum dignoscere

licet articulos ad genicula (ob contentum collabentem) quasi nodosos, et ex his nodis fila articulata tenuissima at colorata fere verticillatim excurrentia et intra membranam ipsius tubi arcuatim ab uno nodo ad alterum transcurrentia; haec fila (ipsius tubi axilis) cum filis extra tubum stratum intermedium formantibus quasi anastomosibus fiunt conjuncta, et hoc modo fila strati intermedii frondis ab axili tubo provenientia dicere. Si transversali sectione frondem Erythroclonii observare placeat, tubum axilem membrana crassiuscula cinetum faciliter dignoscere licet; et intra ipsam hanc membranam fila a geniculis provenientia, at transverse secta quoque plus minus numerosa adpareant. Stratum corticale cellulis magis rotundato-angulatis componitur, nunc pauca series in *Erythr. angustato* formantibus, nunc in aliis speciebus (in fronde senili et densius corticata) quasi in fila longiora probe radiantia et verticalia evolutis, quasi stratum corticale formantibus (in *E. Sonderi*, *E. pyrifero*); et ejusmodi stratum quoque in vera planta *E. Muelleri* obvenire, nonnulla fragmenta mihi suadent. Peculiarem hanc et admodum compositam structuram frondis Erythrocloniorum a nemine indicatam vidi; hanc tamen in affinitate judicanda probe considerandam esse patet.

Si, contra, longitudinali sectione ramum adultiorem *Rhabdonia verticillata* examinare placeat, frondem quoque tribus stratis contextam dices: corticale nimirum stratum contextum cellulis pauci-seriatis rotundato-angulatis; intermedium filis plerumque granuloso contentu faretis et suo modo anastomosantibus, hinc in fila angustiora et longiora productis, illinc quasi in nodum oblongum intumescentibus; in parte exteriore hujus strati nodi sunt numerosiores et cellulas oblongas longitudinaliter dispositas fere referentes; in parte interior strati nodi separantur et in fila longiora excurrent. Infra ipsum stratum intimum frondis paucissimos dignoscere licet nodos; fila autem plurima fiunt cylindracea et secus longitudinem excurrentia, quamquam leviter curvata, nonnulla paulisper ampliora, cincta aliis paulo tenuioribus. Sectione transversali partis adultioris eadem strata quoque dignoscantur: in axili parte nimirum fila longitudinalia transverse secta obveniunt; inter haec accuratius observata, dignoscere licet alia paulo ampliora, cincta angustioribus; intermedium stratum filis paulo laxioribus, sparsim in nodos incrassatis; corticale denique cellulosum paucioribus seriebus ni fallor semper contextum.

Ramulum juniores *Rh. verticillata* sectione transversali observanti segmentum plerumque adpareat collapsum, peripherico strato celluloso, pauca filis cum fasciculo quodam centrali conjuncto. Fasciculus iste centralis evidenter

eingitur filis tenuioribus; nunc quoque observare licet filum fasciculi centrale adesse, exterioribus paulisper amplius. Animadvertere placeat hoc centrale filum membrana tenuissima esse constitutum, et quoad structuram vix ullo respectu recedere ab illis, quibus numerosa fila longitudinalia in fronde adultiore ejusdem speciminis constituuntur. In segmento paulo adultiore fasciculos ejusmodi plures medium partem frondis occupantes, a corticali strato quasi disruptos observare licet. Partem inferiorem speciminis ejusdem denique quasi faretam observavi, et structuram supra descriptam adultioris frondis oferentem.

Ex iis igitur, quae ipse vidi, deducere ausus sum, tubum quendam centralem sub juvenili stadio in speciebus Rhabdoniae quoque obvenire posse; hunc autem non nisi situ axili ab aliis sensim formatis esse distinctum. Ut increvit frons, numerosiores proveniunt tubi interiores, simili modo cincti minoribus, et omnes conformes, conjunctim stratum centrale Rhabdoniae formantes. Sub unoquoque vero evolutionis stadio tubi isti interiores et structura et functionibus a tubo axili Erythroclonii — totam frondem semper permeante et totam dispositionem partium exteriorum fulciente — evidentius diversi adpareant.

Quod attinet cystocarpia Erythroclonii et Rhabdoniae invicem comparata, quoque in his differentias adesse observavi, quibus me judice patet haec Genera nullo modo affinitate proxima consideranda esse. Exterioribus quibusdam notis sat bene quidem convenire videntur. Ita cystocarpia utriusque Generis intra membranam frondis sensim admodum expansam formantur majora, quasi filis ambientibus obtecta; et inter haec fila nucleus sustinentia formantur cellulae peculiaris indolis rotundato-angulatae, singulis contentum coloratum saepe in 4 partes subdivisum foventibus. Stratum peculiare his cellulis formatum, quod *stratum circumnucleare* dixi, et in diversis Algis obvenire, et in iisdem nunc adesse, nunc deficere docui (*Anal. Algol.* p. 111—112) et ita quoad naturam magis transitorium mihi adparuisse, tum in Erythrocloniis tum in Rhabdoniis obvenire constat. In *Erythroclonio angustato*, ejus cystocarpia hueusque ignota videntur, stratum hoc circumnucleare admodum evolutum observavi; contentum autem harum cellularum in partes multo numerosiores subdivisum. Quo vero major sit in partibus quasi exterioribus fructus congruentia, eo magis mirum mihi videtur ipsum nucleus Erythroclonii & Rhabdoniae invicem differre. In ipso *Erythroclonio angustato* observavi placentam firmam et validam — transformatione ni fallor tubi axilis formatam — et ab hac quoquoversum

exeuntia fila gemmifera plurima clavæformia, simplicia nisi infima basi subdivisa, evidentius articulata, articulis infimis tenuioribus nempe minus maturis, supremis multo crassioribus, gemmidia, ni fallor, singula rotundata formantibus. Structuram nuclei in Er. Sonderi proxime congruentem vidi.

In *Rhabdonia verticillata*, ejus cystocarpia nec antea descripta vidi, nucleum validum, ad placentarem adparatum minus conspicuum, a nodo strati interioris ni fallor formatum, adfixum observavi; gemmidia ejusdem magna et subpyriformia, ni fallor indivisa, pedicellis tenuioribus adfixa vidi, alia matrescentia majora, alia juniora multo minora, quoquoversum radiantia.

Suadentibus igitur characteribus ipsius nuclei *Erythroclonium Areschougiae* proximum dicerem; nucleus autem *Rhabdoniæ verticillatæ* structuram offerre quam aliis speciebus *Rhabdoniæ* characteristicam putavi. Hinc *Erythroclonium* et *Rhabdoniam* Genera potius analoga censeo, quam vere affinia.

Quod denique attinet distinctionem specierum, quæ nomine *Erythr. Muel-leri* et *Rhabdoniæ verticillatæ* in Herbariis servantur, addere placet speciem veram *Erythroclonii* me observasse, hanc vero rarissimam mihi obvenisse. Speciem sub hoc nomine primitus descriptam esse veram speciem *Erythroclonii* ex iconе a Kützing data concludere liceat. Magis forsitan dubitandum videatur speciem sub hoc nomine a Harvey descriptam (tab. 298) quoque identicam esse, quod tamen denegare non auderem. Restat denique decidere anne sub nomine *Rabd. verticillatæ* duæ formæ, habitu paulisper diversæ, saepius occurrerent.

Areschougia.

Inter Species, quibus hoc Genus instituit Harvey, duo saltem Genera diversa dignoscere putavi, quorum unum *Erythroclonium* propinquum, alterum *Heringiæ* et *Sphaerococco* proximum disposui. Quænam species singulis his pertinerent jam antea me indicasse puto; tamen de una specie pauca hodie moneam.

Inter species proprias *Areschongiæ* *A. dumosam* (Harv. *Phyc. austr.* tab. 282) in Epierisi enumeravi. De hac specie constat illam ab initio sterilem tantum delineatam fuisse; Harveyum vero postea (*Syn. Phyc. austr.* p. XLII) indicasse, se quoque fructiferam observasse. Mihi species Generis postea enumeranti, nullum specimen authentium Harveyanae plantæ adfuit; specimina autem nonnulla sterilia coram habui, quæ cum Harveyana icona ita conve-

nientia putavi, ut veram plantam me coram habere non dubitaverim. Quum postea specimen fructiferum mibi misit J. Br. Wilson plantæ, tum habitu paulisper diversæ, tum fructibus instructæ, quibus hanc ad longe aliam regionem systematis relegatam finxi, hanc sine haesitatione ut novam speciem *Stenocladia* (*St. ramulosa*) in *Analect. Algol.* p. 101 descripsi. Postea specimen ex pluribus locis Australiæ comparare mihi licuit, quibus patere putarem specimen, quæ sterilia Aresch. dumosam Harveyi sistere credidi, tantum esse juniora, et ad eandem speciem pertinere, quam fructiferam nomine *Stenocladia ramulosa* in *Anal. Algol.* 101 descripsi. Restat vero decidere si specimen Harveyana Aresch. *dumosa* cum nostra omnino convenient. Structuram interiorem frondis multo magis densam pinxit Harvey; in nostra structuram vidi fere qualē Erythrocōlonii descripsi.

In *Synopsi Phycologiae australis* Harvey novam speciem adjecit iis, quas antea iconibus et descriptionibus eximie illustraverat. Novam hanc speciem, nomine Aresch. *Gracilaroides* inscriptam, nec inter species Australiæ distribuit, nec specimen authenticum, alio modo distributum comparare mihi licuit. Nam plantam ex Australia occidentali a Clifton lectam tantum memoravit. Attamen plantam Harveyanam recognoscere eredidi in speciminibus quibusdam, a diversis locis Nova Hollandiæ australis provenientibus, quæ sine dubio speciem Areschongiae constituant propriam, quamquam hodie characteribus ægre circumscribendam. Hujus pauca tantum vidi specimen et plurima plus minus dissoluta, sine dubio a profundiori mari rejecta. Haec colore corallino-rubro plerumque dignoscenda, et substantia magis gelatinoso-cartilaginea instructa, plantam indieare videntur multo robustiorem quam *Ar. Laurenciam*; revera partem inferiorem nunc vidi crassitie pennam anserinam aequantem aut immo superantem; et hanc exsiccatione eximie cartilagineam et corallino colore suffusam facile Eucheumatis speciem prodere putares. Structura vero frondis velut cystocarpia speciem Areschongiae indicant. Partes plantæ superiores saepè decorticatas vidi, et probe cavendum ne ex his de structura frondis opinio erronea concipiatur. Ex specimine bene conservata judicans dicerem speciem esse Aresch. *Laurenciae* proximam, at multo (saltem duplo) robustiorem præcipue in partibus inferioribus; frondes esse teretiusculas et quoquaversum ramosas, ramis magis patentibus, nunc immo subdivaricatis; Cystocarpia in ramlis crassiusculis intumescentia, et sterili parte ramuli saepè superata, nunc siliquam referunt crassiorem utrinque attenuatam, nunc apice obsoleto fere obovatam. Nucleum vidi Areschongiae sat evidenter, ad fila

strati medii suspensum, et strato circumnucleari (quale hoc in *Ar. ligulata* descripsi) cinctum, gemidiis majuseulis, ab interiore extrorsum quasi radian-tibus conglobatis constitutum.

Inter species fronde complanata et subdistiche a margine ramosa insignes, sequentem speciem novam hodie inserendam putavi:

ARESCHOUYGIA INTERMEDIA J. Ag. nov. sp. fronde a caule ima basi teretiusculo complanata linearis, exsiccata adparenter costata, a margine subpinnatum distiche ramosa, atque distanter et minutissime subserrata, pinnis pinnulisque linearibus basi eximie constrictis, apicibus acuminatis, pinnulis cystocarpia a pagina plana mamillae-formiter prominula plerumque sin-gula gerentibus.

Hab. ad oras australes Novæ Hollandiæ. — Ad ostia Hopkins River legit Desmond 1893; mis. F. de Mueller.

Jam in Epierisi de *Ar. ligulata* scribens adnotavi alias formas esse latiores, alias angustiores. Has formas angustiores, plurimis speciminibus observatis, speciem propriam si-stere hodie convictus fui, quam inter *Ar. Stuartii* et *Ar. ligulata* omnino intermedium dicere. Madefacta frons anceps seu ex tereti compressa, exsiccata fere plana et costata; sectione facta transversali frons compressa supra costam paulisper prominula, marginibus rotundatis. Tota distiche decomposita, pinnis pinnulisque a margine excentribus subflabel-latim expansa; singulis partibus fere duplo angustioribus quam in *Ar. ligulata*; dum in hac pinnulae apice obtuse, sunt in *Ar. intermedia* eximie attenuatae, lanceolato-lineares dicendæ. In planta fructifera cystocarpia paulo infra apicem tument et saepe singula, supereminente apice sterili breviore; in *Ar. Laurencia* cystocarpia in inferiore parte generantur, unde pinnulae fertiles quasi in rostrum elongatum attenuantur. Hoc respectu *Ar. Stuartii* magis cum nostra convenit; ipsa vero planta hujus multo tenerior, angustior et colore magis roseo instructa mihi adparuit. Sunt quoque, ni fallor, formæ hujus magis teretiusculæ, quæ ad *Ar. Laurenciam* magis tendere diceris; dum *Ar. intermedia* ad *Ar. ligulata* evidentius approximatur. Qualem structuram nuclei in *Ar. ligulata*, talcm quoque in *Ar. intermedia* me vidisse, addere placet. Stratum circumnucleare contextum cellulis angulatis, nucleolos plures coloratos foventibus, aliis et plurimis evacuatis, quoque observavi, (cfr. de his *J. Ag. Florid. morphl. tab. XVIII cum. expl.*)

Species hodie mihi videtur sat bene distineta.

BINDERA (?) RAMOSA (nov. sp.) fronde ex tereti compressa sublineari a mar-ginibus paulisper attenuatis ramos conformes, strictura propria haud
Lunds Univ. Årsskr. Tom. XXIX.

separatos, nunc suboppositos nunc per spatia subsecundatos emittente, ramorum junioribus subincurvatis, adultioribus patentibus in novos ramulos sensim abeuntibus.

Hab. ad oras australes Nova Hollandiae; ex Western Port specimina misit J. Bracebridge Wilson!

Ignotis migi cytocarpis de Genere paulisper dubitavi, utpote quoque ramificatione paulisper diversa nova species distat. Dumi nimirum in speciebus typicis Binderæ rami proliferationes referunt, petiolo angustissimo brevi instructas, rami in nova specie adsunt quasi proprii, a submarginie frondis compressæ exeuntes. Juniores ramuli subclavati et petiolo evidenter tenuiore suffulti, at mox in ramos abeunt frondi conformes, et basi vix conspicue tenuiore instructos. Rami ramulique obtusi, majores apice attenuati obtusi. Latitudine frondes vix 4 lineas sequant; ramis ramulisque circiter 2:as lineas in exsiccata latis. Sectione facta transversali vidi margines frondis tenuiores, disco ob stratum corticale magis evolutum evidentius incrassato — in planta sphærosporifera.

De proxima affinitate speciei forsan adhuc dubitare oportet, utpote cystocarpia nondum observare licuit; structuram vero frondis cum ea Binderæ omnino congruentem finxi. Sectione facta transversali vidi stratum intimum constare filis tenuioribus paucis anastomosantibus; articulis horum extimis mox valde dilatatis oritur stratum intermedium cellulæ adparenter vacuis rotundato-angulatis, parietibus tenuioribus gelatinosis instructis; stratum corticale adparenter filis moniliformibus contextum; basalia horum reticulatim conjuncta, quasi interstitia cellularium interiorum sequentia, emittunt ramos conformes magis verticatiter exeuntes, extra cuticulam hyalinam in segmento faciliter emergunt. Dum in *Bind. Splanchnoide* sphærosporæ in soris minutis supra superficiem sterilem eminentes viderim, sphærosporas B. ramosæ supra totam paginam provenientes observavi, marginibus attenuatis exceptis, quos steriles vidi. Sphærosporæ inter inferiores cellulas strati corticalis evolutæ sat magnæ, rotundato-oblongæ, cruciatim divisæ mihi adparnerunt: at saepe magis rotundatae triangule divisæ faciliter dicerentur. Chartæ arctissime adhæret exsiccata; colore obscurius rubescente ab aliis speciebus quoque diversa.

Ex iis, quæ attuli, patet speciem ab aliis Binderæ speciebus in nonnullis differre. Ignotis autem cystocarpiis nescio cui Generi melius referreretur.

CHRYSYMENIA HUSSEYANA J. Ag. nov. sp. fronde membranacea plana erasimacula decomposito-pinnata, pinnis a rachide media latiore distiche egredientibus, sine ordine evidentiore densius dispositis 2—3 pollicaribus, eodem modo at sparsius pinnulatis, pinnis pinnulisque sublinearibus, terminalibus longe acuminatis, cystocarpiis supra paginam emersis globosis, limbo dilutiore centralem nucleum eingente conspicuus, sphærosporis magis globosis per pinnulas densius sparsis.

Hab. ex Encounter Bay Nova Hollandiae australis a D:na Hussey lectam, mis. F. de Mueller.

Hæc est species Chrysymenæ distinctissima, sectionem Generis fere sui juris constitutus, habitu Gratioupiam aut Gigartinam pinnatim decompositam referens, structura omnino ab his diversa, velut cystocarpiis emersis subglobosis, quæ, velut in Chrysymenii sœpe norma est, nucleus coloratum minorem intra membranam cingentem subpellucidam continent, facilius dignoscatur. Specimina pauca vidi at ultra pedalia, crassiuscula at plana, colore corallino rubro et livido-hyalino variegata, substantia gelatinosa insignia, et exsiccata chartæ sat bene adhaerentia. Rachides frondem percurrentes simpliciusculæ, 3—6 lineas late et planæ, utrinque a marginibus pinnas plurimas subconformes at breviores et paulo laxius decompositas emitentes. Pinnæ distantia 1—2 linearum superpositæ, a margine utroque æque egredientes, semper ita singulæ ut non geminae in eodem latere rachidis proveniant, sed nunc oppositæ, nunc alternantes videantur, omnesque distiche expansæ; majores 3—4 pollicares longitudine, minores paulo breviores, eadem ramificationis norma decompositæ, at pinnulis brevioribus et paulo laxioribus instruetæ, pinnis pinnulisque 1—2 lineas latis, terminalibus longe acuminatis fere ensiformibus. Cystocarpia supra paginam pinnarum pinnularumque emergentia subglobosa, lente parum augente inspecta, quasi nucleo interiore minore colorato et membrana latiore cingente constituta adparent. Sub microscopio structura tum frondis tum fructuum Chrysymeniam sat evidenter indicant; segmento transversali pinnulae facto, frons contexta videtur cellulis interioribus majoribus, intimis per duas series fere dispositis, et exterioribus strati interioris paulo minoribus in stratum corticale, filis verticalibus contextum, abeuntibus. Inter geminas series interiores, quæ directione margines versus paulo longiores adparent, dignoscere licet vacuum interius at parum conspicuum, rimam angustam mentiens. Cellulæ interiores cotentum laxius fovent. In Cystocarpio maturocente dignoscere licet tum nucleus maturum, paucis gemmidiis magis rotundatis, invicem facilius disjunctis; tum a placenta basali, cellulis minutis densioribus contexta, lobos plures minores a placenta basali surgentes; hi lobi quasi supra pedicellum simpliciusculum gemmidia plurima rotundata minuta, sine ordine bene conspicuo congregata fovent. In specimine sphærosporifero observavi eandem frondis structuram, at vacuum internum vix conspicuum. Sphærosporæ admodum magnæ obovato-globosæ, in cellulis intimis strati corticalis, ut mihi adparuit, evolutæ, singulæ et licet in segmento sparsæ, jam fere lente parum augente dignoscenda.

Ex habitu plantæ exsiccatæ hanc potius Gigartinam quam Chrysymeniam facile putares. Accuratus examinatam Chrysymenæ speciem insignem vidi.

Plocamium.

Inter Algologos satis constat species plures Plocamii, quas ad sub-genus proprium Thaumnophoræ retuli, nunc formas proferre admodum diversas, quæ ab Algologis aut species sui juris, aut formæ unius ejusdemque speciei consideratae fuerunt. Harvey, qui primam harum mentionem fecit, ad speciem propriam, *Plocamii nudifici* nomine insignitam, formas istas abludentes initio retulit. Extremas vero formas intermediis coniunctas esse cum aliis observanti, demum ei placuit unam eandemque speciem at admodum variantem in

omnibus agnoscere, quam in *Phycologia australi* sub nomine *Pl. proceri* eximia icona illustravit. Haec non tantum *Pl. Mertensii* Grev. et *Pl. procerum* J. Ag. sed etiam formas complecteatur, quas ipse sub nomine *Pl. nidifici* et *Pl. proliferi* inter spec. Australasiae distribuerat. Mihi novam ejusmodi formam hodie descripturo adparuit certum de his formis judicium fere non licere, nisi certius statueretur eujusnam naturae essent diversitates, quae inter formas diversas intereederent.

Nidos istos, in typico *Plocamio nidifico* ita conspicuos, offerre ramificationis normam, omnino alienam ab illa in omnibus aliis Plocamiis normalem, omnibus notissimum puto; ejusdem quoque jamdudum iconem dedit Kützing (*Tab. phyc. vol. XVI tab. 55* sub nomine *Pl. Mertensii*). Dum nimur pinnae pinnulaeque in omnibus Plocamiorum speciebus proveniunt aut geminae, aut termæ (nunc immo quaternatae) in alterutero margine alternantes, nidi isti constituuntur ramellis repetita bifurcatione dichotomo-corymbosis, et fiunt in pinna sua terminales. Ejusmodi differentiam ramificationis in partibus diversis ejusdem speciei obvenire normalem, inter Algas rarissimam putarem, nisi diversis quibusdem partibus aliam ramificationis normam assumere liceret. Ut igitur certius quoddam judicium de formis istis abludentibus ferre liceret, mihi quidem inquirendum videtur, eujusnam nature sint partes, quæ ramificatione sua propria tam insignem offerunt diversitatem ab ea, quam Plocamiis normalem assumere consuevimus.

Comparanti mihi specimina his nidis eximie evolutis instructa adparuit nunc tantum infimam pinnam, nunc utramque geminarum collateralium in nidos terminales subcorymbosos esse transmutatam; nunc tantum inferiores pinnas ramorum hoc modo corymbosas obvenire, nunc (quod rarius) totam frondem (sterilem) modo dicto corymbis istis exuberantem. Nunc observavi alias ramos ejusdem individui corymbosos (et ita steriles), alias rite fructiferos et in his dispositionem partium fructificationis, qualem Plocamiis normalem novimus. In frondibus fructiferis nidos vidi tum in iis, quarum pinnae pinnulaeque aliæ sporophyllis fuerunt ornatae, tum in aliis individuis quorum in axillis cystocarpia bene evoluta obvenerunt. Addere placet obvenire individua, in quibus maxima pars frondis nidis dictis instructa obvenit, que demum ita transmutata adpareat ut Plocamii speciem in illa agnoscere sane dubitaveris: tota frons in his quam maxime gelatinosa videtur; et ex ejusmodi formis facilis suspicaretur antheridia in his adesse. Mihi vero corymbos horum individuorum examinanti, nulla adparuerunt organa quibus naturam antheri-

diorum adscribere auderem. Ramos corymborum vidi principales cellulosos, extremos articulatos, omnes sua membrana bene definita cinctos; in cellulis granula coaeervata, at vix alio modo distineta, vidi.

Quamquam igitur antheridia Plocamii mihi adhuc ignota manent, tamen nidos esse antheridiorum initia assumere non auderem. Contra ejusmodi subpositionem id praeципue afferendum putarem, quod nidos observaverim in iisdem individuis, in quibus aut cystocarpia aut sporophylla adesse mihi adparuerunt.

Perpendenti haec omnia mihi verisimile adparuit nidos sistere evolutionis quandam formam, certam quandam ob causam, magis fortuito ortam, nec evolutionis quoddam stadium praebere Plocamiis normale. Qualiter *Rhus cotinus*, ut exemplum afferam sat cogitum, abortientibus plurimis floribus, coma sua peculiari fructifera ornatur, ita forsitan suspicari licet partes fructificationis in Plocamis quibusdam modo proprio transformatas fieri, aut nimia ubertate speciminis, aut forsitan deficientibus quibusdam elementis quae ipsis sporis aut gemmisiis essent propria. Ex altera vero parte quoque monendum videtur ramos nidorum extimos esse eximie divaricatos, quasi illorum ope facilius adfixæ aliis Algis adhærerent partes Plocamiorum rejectæ; et quum in multis aliis Algis vario modo partes transmutantur, ut earum ope partes affixæ in nova individua exerescere valeant, forsitan conjecturæ locus videretur Plocamia simili modo forsitan multiplicari.

Utrum nidi, sic dieti, in unica et eadem specie tantum adsint, an in pluribus speciebus vicinis obvenirent, his neutiquam dictum volui. Comparanti mihi accuratius formas vicinas videretur specimina eximie nidificæ ad formas *Pl. Mertensii* potissimum accedere. Suadente vero alia specie, mox infra describenda, quam certe speciem distinctam puto, consimiles formas quoque in aliis obvenire, concludere ausus sum. Quæ si ita sint, ulterius confirmatum putarem nidificas formas potius stadium peculiare, at quasi abnorme indicare, quam characterem sistere speciei ejusdam propriæ.

Consimilem transmutationem partium in aliis Algis obvenire, vix mihi cognitam habeo, nisi organa ista peculiaria, quæ Generi *Scirosporæ* characteristicæ putarunt, simili quodam modo explicanda viderentur.

21 a. PLOCAM. PATAGIATUM *J. Ag. mscr.* fronde latiuseula linearis subecostata pectinato-pinnata, pinnis alterne geminis, inferiore simplici laciniiisque superioris a basi latiore acuminatis subulatis integerrimis, sporophyllis in

glomerulum densum hemisphaericum axillarem paginibus latis quasi impressum fasciculatis, ramis fasciculi simpliciculis clavato-oblongis subspathulatis, pedicello sterili duplo crassioribus, dupli serie sphærosporas monstrantibus.

Hab. ad oras australes Novaë Hollandia: Encounter bay: Miss Hussey;
ad ostia Hopkins River. Specimina misit F. de Mueller.

Hæc est species Plocamii forsitan nobilissima, inter *Pl. procerum* et *Pl. corallorrhiza* suo modo intermedia, latitudine frondis hanc tamen non æquans, forma et dispositione partium ad *Pl. procerum* potissimum accedens. Dum in *Pl. Mertensii* et *Pl. procero* frondes sape obveniunt sat elongatæ, nunc ultra pedales, et licet teneræ tamen tenaces, sunt in nova nostra specie frondes plerumque breviores, vix pedales longitudine, et quamquam frondium partes sunt latiores, tamen sub præparatione speciminis partes solvantur faciliter, aquam ut putarem nimium avide bibentes. Rachides pinnarum superiorum et vigentium sunt sape bis lineam latæ, et pinnis in planta juvenili sape ita densis instructæ, ut internodia longitudine sua latitudinem rachidis vix superant; in inferiore rachides denudatae angustiores adparent et internodia sunt longiora in planta magis adulta et excrescente; pinnarum forma est linearis elongata; ob pinnulas densas apices (pinnae) obtusiceuli sape adparent. Quoad ramificationis normam (pinnis geminis unius marginis cum totidem alterius rite alternantibus) cum speciebus quas proximas dixi convenit. Ut in *Pl. procero* pinna infima geminorum simplex manet et a basi latiore in acumen producta: nec compositionis, nec mutatae formæ indicia vidi — qualia in *Pl. Mertensii* siccis obveniant. Pinna superior, contra, laciinis consimilibus ita densis et subulatis prædicta, ut horridam facile diceres, si non molliores viderentur apiculi; et pinnulae revera eandem dispositionem, si quoque minus conspicuam offerrent, quam pinnae magis evolutæ. Quamquam vero specimina allatis notis a proximis dignoscere hæcet, speciem ab aliis distinctam proponere non ausus fuisse, nisi sporophylla ad diversum typum perfecta observaverim. Dum nimurum in *Pl. Mertensii* et *Pl. procero* fasciculi fructiferi sporophylla gerunt magis elongata et incurvata, que formam legumininæ Loti edulis referentia dixi, fasciculum fructiferum vidi in *Pl. patagiato* constare sporophyllis clavato-oblongis, supra pedicellum tenuiore subspathulatum expansis, lamina spathulæ adparenter complanata duplice seriem sphærosporarum offerente; pedicellis ipsis simplicibus quasi a pedunculo communi (si quoque minutissimo) exenitibus. Qua nota sporophyllorum hæc species cum aliis nonnullis Plocamii speciebus convenire diceres. Dum in speciebus vicinis fruticuli sporophyllorum laxiores adpareant, sunt in *Pl. patagiato* minuti et magis compacti, nudo oculo caput aciculæ fere referentes, et juxta axillas quasi supra paginam incumbentes — ita situ cum fruticulis sporophyllorum *Pl. corallorrhizæ* magis convenientes, quamquam his videntur multo minores.

In *Pl. patagiato*, præcipue in speciminibus, quæ ipso suo habitu plantam juniores prodere videntur, et iisdem fere locis, in quibus sporophylla bene evoluta in planta adultiore obveniant, observavi fruticulos quasi foliaceos et admodum conspicuos, qui sub microscopio constare videbantur laciinis plurimis furcato-depositis, in infima sua parte paulo latioribus, sursum vero angustatis, singulis ramis formam fere lanceolatam monstrantibus furcis terminalibus patentibus. Pluribus ejusmodi fasciculis in vicinia ejusdem axillæ proveni-

entibus, fruticuli ita juxta-positi admodum conspieni fiunt, at nudo oculo fere foliacei adpareant.

Hos fasciculos constituere organa proprii ejusdam generis, patet. Quum eodem loco obveniant, in quo fruticuli fructiferi in aliis speciminiibus, facilius forsan conjicere licet ant degenerationem quandam abnormem partium, in quibus organa fructificationis normaliter generantur, aut organa propria (Antheridia?) in his latere. Ut jam supra monui, antheridia in *Plocamio* hucusque ignota manent; organa a me observata in speciminiibus, que juniora videntur, obvenire, euidam forsan suadere videretur haec organa revera sistere antheridia *Plocamii*; in iisdem vero, quoque sub majori augmento observatis, nihil vidi quod ejusmodi conjecturam probare adparuit. Lacinias fascicularum in inferiore sua parte incrassatas equidem vidi, tumescente parte a superiore evidentius distincta; ipsam autem structuram cellularum vix nisi compositione distinctam. Hinc degenerationem quandam in organis a me observatis, ut supra jam dixi, lubentius assumerem.

Animadvertere placet organa dicta alium situm habere in *Pl. patagiato*, quam in speciebus vicinis; dum nimirum in *Pl. nidifico* nidi sic dicti transformatione ipsarum pinnarum formantur, ipse pinnae in *Pl. patagiato* intactae maneunt, et fasciculi ex ipsa pagina emergunt — tamen in vicinia axillarum. Hinc forsan magis proliferationes referunt. In sua distinctione diversarum formarum Harvey quoque formam quandam *proliferam* memorat, at specimen hoc nomine inscriptum a *Pl. nidifico* vix diversum putarem.

Pl. patagiatum sistere speciem sui juris, nullis dubiis vacare putarem. Eandem, ad oras N. Hollandiae haud infrequentem obvenire lubenter assumerem; specimina vero sub nomine *Pl. proceri* insignita suspicor. Cum hac quoque convenit pinna infima geminarum simplici et subulata; dum in *Pl. Mertensii* haec pinna sepe sit magis elongata et uno aut altero ramello instructa atque denique sepe in nidos dictos abeat. Nidis analogos fasciculos in *Pl. patagiato* ex ipsa pagina emergentes esse, diversitatem indicari specierum, mihi adparuit sat conspicue probatam.

Si allatis argumentis jure concludere licet Species allatas *Plocamii*, quamquam invicem ita similes ut ad unam eandemque speciem a plurimis facilius referrentur — tamen sistere species diversas, patet quam difficile sit dijudicare, quenam species sint distinctae, quenam tantum forme diversae ejusdem speciei. Facilis est labor eas conjungere formas, quas non nisi accuratiore examine dignoscere licet; longum vero est iter comparatione accuratiore formarum decidere, quenam sint species propriis characteribus distinctae. Si jure statuit Fossilium investigator peritissimus, spadices fuisse Palmaram, quas antea ad Genus quodam Dicotyledoneum retulerant, patet quousque perveniant doctrinæ, neglecta accuratiore formarum distinctione.

CURDLÆA? IRVINEÆ *J. Ag. nor. sp.* fronde plana carnosa exsiccatione cartilaginea, subdichotome laciniata, axillis subpatentibus, segmentis angustis linearibus elongatis demum subfastigiatis, apicibus obtusis, cystocarpis a pagina plana juxta marginem emergentibus hemisphaericis apiculatis, spherosporis. . . .

Hab. ex Geographe bay Nova Hollandiae austro-occidentalis a M:rs
Irvine lectam mihi misit F. de Mueller.

Frondes numerosae ima basi callosa approximatæ, gregarie assurgunt, cæspites circiter pedales formantes, ab ima basi complanata, inferne lineam vix latitudine superantes, dein 2—3 lineas sensim latæ, fere magis planæ quam ancipes, inferne simpliciuseculæ, dein circiter 3 pollices supra radicem fere decomposite-dichotomæ et fere demum fastigiatæ, ramificatione tamen haud nimium regulari, laciniis nempe nunc minoribus quasi magis lateralibus ab alia quasi principali egredientibus, initio quasi distichis supra axillam acutiores, dein magis quoquoversum porrectis, junioribus et superioribus sensim latitudine lineam vix superantibus. Secus margines superiorum segmentorum cystocarpia proveniunt, nunc sparsa singula, nunc plura adproximata, ab utraque pagina plana emergentia, valida hemisphærica et apiculata, plus quam dimidiam latitudinem segmenti fertilis attingentia.

Sectione facta frondis hanc contextam vidi cellulæ angulato-rotundatis pluriseriatis, stratum interius durum formantibus; et strato corticale cellulæ minoribus superficiem versus subradianibus, in fila propria vix conjunctis. Pericarpium validum cellulæ fere conformibus contextum; infimis basalibus fere horizontaliter dilatatis, quasi plura strata decumbentia infra placentam validam formantia; dein cellulæ latera pericerpii formantes fiunt oblique sursum excurrentes, et supremæ demum, tectum pericerpii formantes, iterum magis lateraliter dilatatae et plures series cellularum horizontalium formantes, hæ quasi tectum, nucleus obtegens efficiunt. Initio hoc tamen in mammillam surgit, quam demum ruptam in adultioribus deficientem putavi. Ipsa placenta quoque valida, rotundata hemisphærica, cellulæ conformibus at minoribus contexta; inferioribus cellulæ magis irregulariter conjunctis, superioribus sensim magis extrosum radiantibus, in fila demum elongata conjunctis et sensim fila sub-mouiliformiter articulata formantibus. Ilorum cellulæ plurimis superpositis, totidem gemmidia rotundata et fere eodem tempore maturescens formantibus; nucleus matus demum constitutus quasi in rima angusta inter placentam et pericarpium nidulatur. Substantia plantæ exsiccate eximie cartilaginea et fere cornea fit.

Species ut mihi videtur distinctissima, charactere præcipuo e situ cystocarpiorum deducendo. Sunt nimirum hæc non margini immersa ut in *C. laciniata*, sed margini vicina a pagina utraque plana emergunt subhemisphærica. Frondes gregarie crescentes cæspites densos subpedales efficiunt. Curdieæ laciniatæ formas vidi nunc admodum angustas, segmentis fere linearibus instructas, at substantia frondium alia facilis hæc dignoscantur.

In *Bidr. Alg. Syst.* p. 58 de *Sarcocladia* scribens, descriptionem dedi structuræ cystocarpii, ex qua deducere ausus sum hoc Genus ad Melanthieas esse referendum et in serie Generum ante Curdiæam inserendum illud enumeravi. Inter Curdiæam et Sarcocladiam differentiam Genericam vix aliam hodie putas, quam quæ ex crescendi modo frondium deduceretur, quam quoque Sacrocladiam ut Genus novum instituens indica verat Harvey. Utrum dignoscerentur sphærosporis hodie non liquet. Quum in nova specie supra descripta sphærosporas frustra quæsivi, forsitan dubitandum videretur, utrum Curdieæ an Sarcocladiæ, potius admunerationetur. Exstant nimirum formæ Sarcocladiæ, quæ magis erectiuseculæ exerescere videntur, in quibus differentiæ structuræ inter Genera vix adsint.

HERINGIA? FILIFORMIS *Harv. Acc. of Mar. Bot. of West austral. p. 549.*

Inter plantas sub itinere colectas, de quibus l. c. breviter mentionem fecit Harvey, adest quædam *Heringia? filiformis*, brevi diagnosi descripta ad quam illustrandam nec ipse posteas, nec alii, si quid scio, ulterius contulerunt. *Heringiae* mirabili structura similem dixit, at fructu ignoto, speciem Generis dubiam consideravit. Ex unico loco, Garden-Island, suam habuit, eamque speciatim raram dixit. Specimina parum completa, que inter Algas Australie distribuit, ad speciem ulterius cognoscendam parum contulerunt. Inter specimina plurima Algarum Novæ Hollandie, quæ ipse vidi, unicum demum specimen hujus Algae recognoscere contigit, et hoc quin immo fructiferum, quod hoc loco paucis describere placuit.

Frons nostræ est circiter longitudine 4-pollicaris, formam *Gelidii australis*, ramulis lateralibus destitutam potissimum referens, at quoad consistentiam firmior, subcartilaginea, lateraliter ramis sparsis conformibus instructa, nunc vero caespitulos minores ramulorum quasi a nodo rami primarii egredientes emittens, apicibus terminalibus longius acuminatis. Ad ramos ramulorumque inferiore partem cystocarpia proveniunt, ramo fere sesqui-crassiora, hemisphærica, lata basi sessilia, carpostomio nunc subprominulo. Cystocarpia nunc in superiore ramulo (quasi geniculato) singula, sepius in inferiore parte plura paulo magis adproximata. Nucleus intra pericarpium, filis radiantibus constitutum, lateraliter adscendens, filis gemmiferas a placenta elongata centrali circumcirea sursum radiantibus, in inferiore sua parte tenuioribus, articulis magis angustis, in supremo articulo gemmidium subpyriforme foventibus.

In ramo transverse secto tubum centralem validum vidi, immediate cinctum cellulis strati intermedii, octonis circiter in orbem tubo centrali proximum dispositis. Stratum corticale validum filis verticalibus circumcirea radiantibus contextum.

Speciem Harveyanam igitur et jure distinctam, et characteribus habitualibus sueto oculo quoque dignoscendam, putarem; sua structura propria instructam ad Genus *Heringiae* jure relatam fuisse quoque assumsi.

Specimen, quod vidi, ex Encounter bay a D:na Hussey lectum mihi misit F. de Mueller.

Wrangelia Tab. II fig. 8—11.

Species numerosas, quæ ad hoc Genus relatæ fuerunt, invicem differre puto non tantum habitu sœpe admodum diverso, sed etiam fructificationis diversitatibus plus minus conspicuis. Jam *Epicrisin* scribens monni in cystocarpiis nonnullarum adesse paranemata, quæ in aliis aut omnino deficerent, aut tantum sparsiora intermixta, aut fere tantum nucleum braeteantia obvenirent. Quod attinet sphærosporas, has in omnibus triangule quadridivisas suspicor; dispositionis tamen norma has in diversis speciebus quoque invicem diversas obvenire, mihi cognitum habeo. Eiusmodi differentiis saltem subgenera indicari, iubentius assumerem; sed de limitibus horum nec hodie certius statuere

licet, fructibus multarum specierum nondum cognitis. Pauca tamen de his jam hodie praemonenda videntur.

Ejusmodi typum proprium (*Ornithopodium*) in *Wr. Wattsii* habenter assumerem. Dum enim in multis speciebus sphaerosporæ, plus minus sparsæ, ad ramulos vix transmutatos interiore latere proveniunt, sessiles et globosæ; easdem contra in ramulis propriis et proprio ordine evolutis, involuera peculiaria ramellis tenuioribus eximie incurvatis constituta formantibus, in *Wr. Wattsii* generatas observavi. Haec involuera a ramellis lateralibus transmutata, saepius rite opposita et disticha a ramulis elongatis exeuntia; ipsa constituta ramellis pluribus, nempe infimo incurvato et a latere pinnis pluribus oppositis suo ordine incurvatis instructo, nunc quoque superiore, quem inferiore oppositum diceres, aucto. In his involueri ramis, qui sunt ramulis sterilibus conspicue tenuiores, at cæterum articulati et subconformes, sphaerosporæ globosæ et triangulae divisæ ad genicula proveniunt, sessiles, magnæ et conspicuae, triangule divisæ. In *Wr. crassa*, quam alio respectu Wr. Wattsii proximam suspicarer, sphaerosporas observare nondum mihi contigit.

Alterum ejusmodi typum proprium, quod fere Genus sui juris (*Kalidophora*) constituere putarem, mihi præbet illa *Wrang. clavigera*, jam habitu proprio ab aliis Wrangeliis sat diversa, colore, consistentia, et fronde ubique obiecta. Dum in aliis multis cystocarpia Wrangeliæ constant gemmidiis minutis quasi laxius conjunctis et invicem distantibus, intra nucleum quasi gelatinosum adparenter periphericis, at revera singulis suffultis pedicello elongato, a centrali placenta radiante, superne in saeculum gelatinosum amplum expanso, saeculis diversorum aut invicem vicinis, aut paranematibus sparsis gelatinosis interstinctis, consimilibus paranematibus involuerum temue formantibus; structura nuclei in *Wr. clavigera* admodum diversa mihi adparuit, nee in iconе Harveyana feliciter redditæ. Intra ramulos involuerales (supremos ramuli fertilis) magis elongatos et incurvatos, nucleus omnino globosus in ramulo terminalis adest, filis densissimis a centro quoquoversum radiantibus constitutus; maxima pars hujus nuclei componitur paranematibus densissimis, inferioribus sursum plus minus conspicue incurvatis et ramosis, interspersis gemmidiis pyriformibus sat conspicuis, quasi pressione paranematum sensim circumcarea prorumpentibus; gemmidia erupta nuda, brevi pedicello nunc adfixa. Sphaerosporas intra involuerales ramellos incurvatos et saepè conspicue prolongatios in apice ramulorum lateralium evolutas observav; in axilla nimirum ramellorum involuerantium proveniunt cæspituli subfasciculati,

ipso ramellis quodam modo transformatis, racemos minutos formantibus, compositi; in his racemis articuli terminales in sphaerosporas obovatas, intra limbum pellucidum sporas 4 triangule divisas foventes tument. Ipsa haec sphaerosporarum formatione et dispositione *Wrangelia clavigera* ab aliis Wrangeliaceis diversa adparuit. *Antheridia* ejusdem in ramulis consimilibus et fere eodem modo dispositis obvenientia, intra articulos singulos generata et eorum membrana ab initio cineta, subglobosa observavi, cellulis minutissimis et densissime dispositis, quasi a centro extrorsum radiantibus constituta. In iis, quae adultiora finxi, observavi partes minutae subpyriformes extra superficiem emeras, quasi mutua pressione expulsas. In cellulis antheridia formantibus vidi contentum quasi in 4 partes secedentem; singulis his partibus quasi filis laxioribus minutissimis a centro radiantibus subfastigiatis constantibus.

Partes fructiferas Wrangeliæ clavigerae in ramulis propriis, brevibus et lateralibus, sub-distiche ab adultioribus ramis provenientibus, semper evolutas putarem. In ejusmodi ramulis, quorum ramelli terminales elongati et incurvati apices obtengunt, ipsæ partes fructiferae quasi intra uidos collectæ obveniunt — quod nomine generico dato indicatum volui.

De antheridiis Coeloclonii.

Ut in speciminibus fructiferis cystocarpia hujus Generis in ramulis ultimis proveniunt externa, ita quoque in aliis speciminibus generantur corpuseula sat conspicua externa, subglobosa aut magis ovalia vel immo oblonga, circum circa globulis minutissimis obiecta, quæ antheridia plantæ sistere lubenter crederem. Comparatis cellulis exterioribus plantæ globuli, quibus componuntur antheridia, cellulis multo minores adparent; sunt sine ordine, mihi conspicuo, densissime glomerati et ita densissimi, ut quomodo inserti sint, haud conspiaciatur. Leviter compressis antheridiis observavi globulos sphaericos innumeros subtranslucentes, colore autem roseo tenuissimo tintos separari, in quibus majori adhibito augmento quasi membranam exteriorem dignoscere lieuit, a contentu forsam fluido dignoseendam. Quo modo adfixi sint globuli, aut quomodo contineantur in massulas exteriores, distinguere non valui; axem interiorem, quam in Antheridiis multorum dignoscere licet, nec observare contigit; sed quasi sustentaculo adhaerent plurimi

quod globulis pressione solutis persistere videtur informe, punctis vel lineolis minutissimis constitutum.

Neque igitur hæc antheridia cum illis Laurenciæ (L. pinnatifidæ), neque cum iis Bonnemaisonæ congruentia videntur. Potius convenire videntur antheridia Chondriopsidis, hodie sat cognita, qualia pinxit Thuret (*Auther. crypt. pl. VII*), missa vero tum ipsa forma totius antheridii, tum margine celluloso, tum forma corpusculorum.



Explicatio Iconum.

Tabula I.

Fig. 1—2. *GYMNOSORUS VARIEGATUS*.

Fig. 1. Pars frondis fertilis transversaliter secta, monstrans cellulas interiores e regione positas, extimis geminas corticales sustinentibus. Ex singulis paribus harum cellulae fertiles obovatae singulae exent, nudae et nullis paraphysibus cinctae.

Fig. 2. Cellulae fertiles intra perisporium hyalinum globulos (sporas) suboctonas foventes.

Fig. 3—5. *CHLANIDOPHORA MICROPHYLLA*.

Fig. 3. Segmentum transversale rami, stupa obtegente derasa, monstrans frondem distromaticam, cellulam utriusque paginae e regione positis.

Fig. 4. Fragmentum laciniae fertilis in qua antheridia (?) soros oblongos, supra cellulas paginales prominulos, secus longitudinem segmenti radiantes formantia, nunc sparsa, adsunt. In eadem lacinia sporas paucas obovato-globosas, sparsas, me observasse, animadvertere placet.

Fig. 5. antheridium, quale hoc evidenter septatum vidi.

Fig. 6. *MICROZONIA VELUTINA*.

Fig. 6. Pars frondis superioris fertilis transversaliter secta, monstrans frondem pleiostromaticam, contextam cellulam corticalibus et interioribus magnitudine et forma subsimilibus; seriebus verticalibus quasi per paria conjunctis, omnibus e regione positis. Supra paginam repentina adsunt fila articulata et ramosa, cæspitulos minutos formantia, cellulas fertiles obovato-globosas et intra perisporium hyalinum contentum granulosum foventes, gerentia. Paranemata alia simpliciuscula sparsiora vidi; haec cellula fertili terminata.

Fig. 7—8. *LOBOPHORA NIGRESCENS*.

Fig. 7 a. Segmentum transversale frondis, monstrans frondem pleiostromaticam contextam cellulam, series verticales inter paginas formantibus; intimis directione inter paginas circiter duplo latioribus, corticalibus geminis demum singulis interiorum antepositis.

Fig. 7 b. Segmentum longitudinale, ex quo sequi videretur cellulas intimas sensim subdivisas fieri, cellulas intermedias, initio aequa longas et e regione positas, sensim subdivisas obvenire, extimis brevioribus

Fig. 8. Pars frondis a superficie observata, longitudinaliter striata, at linea innovationis obscurius notata. In vicinia hujus linea sori adsunt transversaliter oblongi, emersi et quasi elevato margine cincti, invicem disjuncti, quasi zonam disruptam formantes. Sori a facie observati quasi corpusculis rotundatis (*Fig. 8 a*) limbo cinctis, dense stipatis constare viderentur. Partibus vero aeu derasis soros constitutos vidi organis clavato-siliquaformibus (*ad 8 b*) transverse zonatis. Interiora horum, discum sori occupantia et magis verticaliter egreditentia, simpliciuscula vidi; marginibus vicina (*ad 8 c*) quasi a cellulis corticibus decumbentibus adscendentia, apice siliquas conformes at forsitan paulo adulatories gerentia.

Fig. 9—10. TAONIA ATOMARIA (forma ciliata).

Fig. 9 a. Antheridium (?) juvenile, a facie frondis observatum; ambitu subrotundatum, quasi cellularis juvenilibus rotundatis, et certo quodam ordine dispositis constitutum.

Fig. 9 b. cellulæ ejusdem a latere observatæ, transverse zonatae.

Fig. 9 c. Ejusmodi cellula in filum angustum superne prolongata.

Fig. 10 a. Sunt cellulæ frondis corticales aeu arreptæ et a vicinis sejunctæ, filum articulatum mentientes; ex his vero excent fila articulata invicem libera plus minus ramosa. Alia ejusmodi fila (*fig. 10 b et c*) excent simplicia aut fere simplicia, infimo articulo paulisper dilatato affixa, saepe verticalia. In his filis nunc terminalia, nunc lateralia et brevi pedicelle adfixa, obveniunt organa siliquaformia, que cum organis Cutleriae et Zanardiniae potissimum comparanda putarem.

Fig. 11. PADINA PAVONIA.

Fig. 11. Organa a me olim nomine antheridii memorata in fronde, soris concentricis cellularum fertilium instruta; in pagina frondis aversa obvenientia, sparsius disposita et paulisper invicem distantia, lineam concentricam tamen formantia; siliquas obovato-clavatas transverse zonatas et areolatas referunt.

Fig. 12—13. DICTYOTA CRENULATA.

Fig. 12. Cellula fructifera admodum juvenilis, cuius in interiore contentum in plures partes subdivisum observare credidi; his demum membranam cellulæ fertilis perrumpentibus, et iteratis divisionibus soros prominulos hujus speciei formari putarem.

Fig. 13. ejusmodi sorum sistit maturascentem. Una cellula contentum monstrat in numerosas partes subdivisum. Ejusmodi soros cum illis *D. dichotomae* vix rite analogos putarem.

Fig. 14—16. DICTYOTA FURCELLATA C. Ag. (non Harvey.)

Fig. 14. pustula juvenilis, qualis plerumque in fronde Dictyotarum obvenit.

Fig. 15. Spora initio vix diversa ab iis, quas sporas singulas in Dictyoteis denominaverunt. Haec autem monstrat contentum in partes sat evideoter seriatos sub-

divisum. *Fig. 16* est ejusmodi spora adhuc magis evoluta, in qua contentum in numerosas partes, limbo cinetas, subdivisum observavi. Quin immo plures ejusmodi cellulas, magis adproximatas et fere confluentes, intra linabum subgela-tinose inflatum, quandoquidem vidi.

Tabula II.

Fig. 1—3. BRACEBRIDGEA AUSTRALIS.

- Fig. 1. Filum longitudinale exterius frondis superioris, fila lateralia, quasi Confervoidea, stratum exterius frondis constituentia emitens.
- Fig. 2. segmentum transversale frondis interioris, filum validum axile et fila intermedia (uno latere in segmento præsentia) multo tenuiora transverse secta monstrans.
- Fig. 3. Segmentum longitudinale frondis paulo inferioris, tum cellulas tubi axilis va-lidas, tum multo tenuiores et elongatas strati intermedii invicem coalitas, tum fila confervoidea ex his provenientia invicem libera monstrans.

Fig. 4—7. DASYTHAMNION SETOSUM.

- Fig. 4. Filum axile validum monosiphoneum, sectione longitudinali denudatum, una cum filis multo tenuioribus longitudinalibus secus primarium decurrentibus, exhibens.
- Fig. 5. segmentum transversale ejusdem, in quo tum filum primarium ipsius caulis, tum geminorum ramulorum (fere distiche excurrentium) transverse secta conspiciantur; tum fila multo tenuiora frondem obtegentia, alia secus longitudinem excurrentia transverse secta, alia ex his lateraliter provenientia dignoscere liceat.
- Fig. 6. Pars suprema ramuli fertilis, cuius fila involveralia nonnulla, plurimis resectis, conspiciantur tum nucleum cystoearpii unum maturescens, et plures inchoantes circumambientia.
- Fig. 7. Nucleus maturescens gemmidiis plurimis, in fila extrorsum radiantia seriatis, constitutus.

Fig. 8—11. WRANGELIA CLAVIGERA *Harv.*

- Fig. 8. Pars superior ramuli sphærosporas in ramellis fertilibus terminales exhibens.
- Fig. 9. pars superior ramuli, nucleus cystoearpii gemmidiis clavaformibus plurimis cir-cum circa radiantibus inter fila sterilia bracteantia farctum exhibens; filis involu-erantibus extertoribus plurimis resectis.
- Fig. 10. Antheridium quale sphærosporarum modo intra ramulos terminales formatum observavi, adhuc junius et membrana cinctum, filis minutis radiantibus con-textum.
- Fig. 11. Idem magis maturum et filis multo densioribus constitutum; a superficie partes minutas, quasi pressione mutua expulsas, numerosas vidi.

Fig. 12. ERYTHROCLONIUM ANGUSTATUM.

Fig. 12. exhibet strueturam fili axilis, qualem hanc observavi in fronde longitudinaliter secta: a nodis geniculorum exeunt fila tenuissima arcuata submoniliformia, alia nodos invicem conjungentia, alia ex filo axili in stratum intermedium abeuntia. Eandem strueturam fili axilis paucis mutatis in Areschougia vidi.

Fig. 13. GULSONNIA ANULATA.

Pars segmenti transversalis ramuli fructiferi; conspiciatur tubus axilis validus, cinctus filis decurrentibus minoribus, et fila peripherica cystocarpium involucrantia: nucleus in filo transmutato terminalis, gemmidiis densis radiantibus pyriformibus constitutus.




Fig. 1-2 *Gymnosorus variegatus*; Fig. 3-5 *Chlanidophora microphylla*; Fig. 6 *Microzonia velutina*

Fig. 7-8 *Lobophora nigrescens*; Fig. 9-10 *Taonia atomaria*;

Fig. 11 *Padina pavonia*; Fig. 12-13 *Dictyota crenulata*; Fig. 14-16 *Dictyota furcellata*;




Fig. 1-3 *Bracebridgea australis*, Fig. 4-7 *Dasythamnion setosum*, Fig. 8-11 *Wrangelia clavigera*,
Fig. 12 *Erythroclonium angustatum*, Fig. 13 *Gulsonia annulata*.